

SC.10.PL.6.



MAG3131







B E D Æ

E T

CLAUDII TAURINENSIS

ITEMQUE ALIORUM

VETERUM PATRUM

OPUSCULA

A CANONICIS REGULARIBUS SANCTI SALVATORIS

B O N O N I Æ

*Majori ex parte nunc primum edita.*



B O N O N I Æ, MDCCLV.

---

Apud Hieronymum Corciolani, & H. H. Colli ex Typographia  
S. Thomæ Aquinatis. *Superiorum permissu.*



# QUÆ HOC IN LIBRO EDIMUS,

*Hæc sunt.*

I.	Bedæ præfatio in Epistolas Canonicas :	pag. 1.
II.	Claudii Taurinensis priora in Libros Regum commentaria, multis in locis emendata, & collata cum ijs Veterum locis, quos ipse exscripsit.	4.
III.	Claudii Taurinensis posteriora in Libros Regum commentaria,	164.
IV.	Prudentij Tricassini Episcopi Florilegium ex Sacra Scriptura,	185.
V.	Goffridi Vindocinensis Epistolæ duæ,	201.
VI.	G. Mediolanensis Archiepiscopi Epistola :	203.
VII.	Huguccionis Ferrariensis Episcopi <i>de Symbolo</i> (seu in <i>Symbolum</i> ) <i>Apostolorum</i> .	205.
VIII.	Vetusti Canonici Regularis opusculum <i>de cognitione vera vitæ, de Deo, &amp; vitæ æternæ</i> .	224.
IX.	Innocentij III. <i>de Quadripartita specie Nuptiarum</i> .	243.
X.	Antiquus Episcoporum Ecclesiæ Bononiensis Catalogus.	286.

# NOS DOMNUS JOANNES QUATRINI VENETUS

Canonicorum Regularium Congregationis Rhenanæ S. Salvatoris  
Ordinis S. Augustini, Abbas Generalis.

**Q**UUM librum, qui inscribitur: *Bede, & Claudii Taurinensis isemque aliorum  
Veterum Patrum Opuscula a Canonicis Regularibus S. Salvatoris Bononiæ majori  
ex parte nunc primum edita*, duo nostræ Congregationis Theologi jussu nostro at-  
tente legerint, & approbarint, facultatem facimus, quantum in nobis est, ut ty-  
pis mandetur. In nomine Patris, & Filij, & Spiritus Sancti. Amen.

In quorum Fidem has dedimus in nostra Canonica S. Salvatoris, Venetia-  
rum. Kalendis Januarij MDCCCLV.

D. JOANNES QUATRINI Abbas Generalis, &c.

*Reg. fol. 69.*

Loco ✱ Sigilli.

*D. Antonius Testa Cancellarius.*

---

Vidit D. Aurelius Castanea Cleric. Regul. S. Pauli, & in Ecclesia Metropo-  
litana Bononiæ Penitentiarius, pro Eminentissimo, & Reverendissimo Domino  
D. Vincenzio Card. Malvello Archiepiscopo Bononiæ, & S. R. I. Principe.

Die 2. Augusti 1755.

Excellentissimus D. Hercules Maria Zanotti Doctor Collegiatus, & Canoni-  
cus Perinignis Collegiatz S. Petronij videat pro S. Officio, & referat.

Fr. Thomas Maria de Angelis S. Officii Bononiæ Generalis Inquisitor.

Die 16. Augusti 1755.

Ut munerè, quod mihi mandatum fuit a Reverendissimo Patre Inquisitore  
satisfacerem, librum hunc, cui titulus: *Bede, & Claudii Taurinensis isemque alio-  
rum Veterum Patrum Opuscula a Canonicis Regul. &c.* perlegi, & in ejus appro-  
bationem traductus sum: propterea eum in lucem edi, & typis mandari posse as-  
sentior, si videbitur ita, ad quos pertinet.

Ego Hercules Maria Zanotti Doctor Theologus Collegiatus, & Perinignis  
Basilicæ S. Petronij Canonicus.

Die 3. Septembris 1755.

Attenta supraposita attestatione

IMPRIMATUR.

Fr. Thomas Maria de Angelis S. Officii Bononiæ Generalis Inquisitor.



## LECTORI BENEVOLO

D. JOANNES CHRYSOSTOMUS TROMBELLI.



*P*raefationem in Commentarium ad Septem Epistolas Canonicas adscriptam Bedae, quam nunc edo, ab humanissimo, itemque doctissimo D. Petro Aloysio Galletti Theologiae Lectore, & Florentinae Abbatiae ab Archivio, & Bibliotheca, dono habui, exscriptam ex Codice, quem Optimi illi Monachi cum aliis plurimis in ornatissima Bibliotheca servant. Illam, versiculosque eidem adjunctos is Beda facile tribuet, qui probe animadverterit, praestantissimi hujusce Scriptoris locutionem, ac phrasim hic se palam prodere, nec alienum ab elucubrandis carminibus fuisse Bedam. Vale.

## B E D Æ

## PRÆFATIO IN EPISTOLAS CANONICAS.

**I**ncipit Præfatio Beati Bedæ Presbyteri super Septem Epistolis Canonicis, qua loculenti filii promulgavit mucrone.

*Jacobus, Cephas, Johannes, Thaddæus una  
Spiritus excelsi flagrant lumen septem  
Conscriptere sacris caelestia dona libellis,  
Qua maneant sine fine pios; sed & ira per ævum  
Quanta addat cæco barathro sub carcere fomes,  
Oris Apostolici concordæ voce profantur,  
Mystica nos quorum lecturi dicta precamur,  
Spiritus alme veni, nostrumque juvato laborem.  
Cui facile est donare tui sublimia, ut alto  
Sufficiant humiles penetrare oracula sensu.*

Jacobus, Petrus, Johannes, Judas septem Epistolas ediderunt, quas Ecclesiastica consuetudo *catholicas*, idest *universales* cognominat. In quibus ideo prima Epistola Jacobi ponitur, quamvis in Catalogo Apostolorum priores soleant dinumerari Petrus, & Johannes, quia ipse Hierosolymorum regendam Ecclesiam suscepit, unde fons, & origo Evangelicæ prædicationis incipiens per Orbem diffusa est universum, Cujus Cathedræ dignitatem etiam Paulus Apostolus in eo nominando venerans ait: *Jacobus, Cephas, & Johannes, qui videbantur columnæ esse* (a). Vel certe quia Jacobus ipse duodecim Tribubus Israel, quæ primæ crediderunt, suam epistolam misit, merito hæc prima poni debuit. Merito Petri secundæ, quia ipse *electis advenis*, qui græce dicuntur *profelyti*, hoc est *adventitii*, seu *assumpti*, eis scripsit, qui de gentilitate ad judaismum, de judaismo ad electionis evangelicæ gratiam conversi sunt. Merito Johannis epistolæ tertio loco sunt positæ, quia ipse iis scripsit, qui de gentibus crediderunt, cum nec natura, nec professione Judæi extitissent. Merito Judæ ultima est posita, quia quamvis & ipse magnus, tribus tamen præcedentibus Apostolis minor est. Vel quia Jacobi pri-

ma

(a) Galat. 2. 9.

ma scripta est epistola, deinde Petri, postea Johannis, ideo nunc usque, ordinem, quo scriptæ sunt, retinent; constat enim, quia beatus Jacobus trigésimo post passionem Domini anno suum consummavit martyrium, Petrus tricesimo octavo, hoc est ultimo anno Neronis passus est. Et ipse in secunda sua scripsit epistola: (a) *certus sum quod velox sit depositio Tabernaculi mei, secundum quod & Dominus noster Jesus Christus significavit mihi per revelationem*. Unde patet, quia imminente passione hanc scripsit epistolam: cum multo ante Jacobus migraverit ad Dominum: neque enim epistolas ejus conveniebat ab invicem separari, quas iisdem scripsit Ecclesiis. Porro Johannes multo post tempore suas epistolas, simul & Evangelium scripsit quando post occisionem Domitiani reversus de exilio turbatam se absente per hæreticos reperit Ecclesiam, quos in suis epistolis percutiens, sæpe cognominat *Antichristos*.

## EXPLICIT PROLOGUS.



## HUMANISSIMO LECTORI

D. Joannes Chrysostomus Trombelli.

**Q**uanti sis pretii liber ille, quem tibi, humanissime Lector, exhibeo, baud obscure significat Clarissimus Franciscus Antonius Zacharias, dum eum, (a) tum ad historiam Ecclesiasticorum Scriptorum, tum ad rerum in causa Claudii Taurinensis Iconoclastæ gestarum seriem, originemque dignoscendas maxime utilem esse docet: eamque ob causam se eundem librum, edisurum fuisse ait, si diutius Pistorii degere ipsi licuisset: habuisse tamen in votis præstantissimum Joannem Dominicum Mansum, ut eum ederet (b). Revera exscripsi illum jussu Clariss. Mansi; sed ubi novis, inedita Veterum Ecclesiasticorum Auctorum Scripta a nobis evulgari, quidquid exscriptum fuerat, ad me misit, ut typis proderem. Quam etiam ob rem Viro præclarissimo, & de bonis literis optime merito, me plurimum debere profiteor.

Sed, ut aliqua de Claudio Taurinensi eloquar, fuit ille quidem, ut ea ferebat asas (vixit aulem, quod quisque novit, Carolo Magno, & Ludovico Pio imperantibus) disertus, ac doctus, sed ex eorum literatorum genere, quos scientia inflat, & ab Ecclesiæ sinu reicit; qui sua sectari cupiunt, non qua Jesu Christi, præcipientis scilicet, ut credenda dogmata non ex ingenio, atque arbitrarij nostro dimetiatur, sed ex vetere traditione, & Ecclesiæ consensione, atque approbatione. Id no temere loquor existimer, eos Scriptores consule, quos, ne multo sermone Lectori molestus sim, in margine allego (c). Ceterum eam jam dudum obtinuit Claudius apud viros eruditos estimationem, ut quicunque repersi sunt ab eo elucubrati libri, a Catholicis etiam viris editi, atque adeo in Magnam (quam vocant) Veterum Patrum Bibliothecam illati sint (d). Atque horum qui-

(a) Bibliotheca Pistoriens. pag. 13 n. 11.

(b) Ibi pag. 62 annotat. 12 Hi sunt Bibliorum loci, de quibus XXX. quæstiones instituit Theodemiur. Eas fusc in ipso hoc codice idem persequitur, & quid in illis explanandum cupiat, ostendit. Quam ob rem non contemnendum Theodemiur opus hoc est, quod in nostro codice exscriptum habemus. Integrum edere in animo habuit Clariss. P. Johannes Dominicus Mansi: utrum illi reapse præstiturus sit, ignoro. Si duntaxat Pistorii licuisset immorari, pridem totum ipse evulgasset cum aliis liturgicis libris &c.

(c) Jonas Aurelianensis in libris de cultu imaginum pag. 533 & subseq. tom. IV. part. I. Bibliothecæ Patrum editio: Paris. in cuius præfatione laudatur Theodemiur Claudio erranti factus ex amico adversarius. Dungalus pag. 146 part. II. tom. IV. Bellarminus de Scriptori. Ecclesiast. ad an. 820. Labbeus de Scriptoris Ecclesiasticis. Cave ad eundem annum; idest 820. Oudin pariter ad eundem annum, Ughellius de Episcop. Taurin. Mabillon pag. 92 analecto: editio Paris. an. 1723. Trombelli de Cultu Sancto, differt. II. VL 6 & 7, aliique multi tum veteres, tum nobis proximi Scriptores, si Trombellium exceperis, allegati ab Oudino.

(d) Petrus Pesselierus S. Germani Altitodorensis Cenobita Claudii Commentaria in Epistolam ad Galatas edidit; atque hæc quidem in partem secundam tomi I. Bibliothecæ Veterum Patrum illata sunt pag. 795 editionis Parisiensis. Evulgavit porro Mabillon præfationem in libros informationum littera, & spiritus super Leviticum: præfationem quoque excofionis in Epistolam ad Ephesios pagg. 90, 91, & 92 analecto. editio Paris. an. 1723. Tanti vero fecit Pesselierus commentaria Claudii in Epistolam ad Galatas, ut hæc de iis tradiderit. Ego quidem cum superioribus diebus il-



quidem praestantissimorum virorum exemplo permotus sum, ut nondum editas Claudii in Regum libros quaestiones, ac responsiones in lucem emitterem. Has continet codex, quos cum aliis plurimis a Clariss. Zacharia enumeratis, descriptisque, possidet Pistoriensis Ecclesia; sed ob amanuensis sive inscitiam, sive negligentiam, tam frequentibus, tam turpibus scatens erroribus, ut initio putarim fieri omnino non posse, ut commentaria hac emendarentur, eamque ob causam parum absuit, ne susceptum de iis edendis consilium prorsus abiecerim: quis enim ea edat, quae corruptissima esse novit? Sed cum ex stylo, quem facile quisque dignosceret, quadam ex Augustino, quadam vero ex Gregorio Magno deprompta, & in Claudii solutiones inducta esse comperissem, in horum Doctorum Operibus ea perquiri, eaque inventa cum codice nostro contuli; atque, ex hac quidem collatione, plura emendavi. Sulpicius autem, quod is, qui tam multa ex Augustino, & Gregorio in rem suam deduxerat, alios quoque facile consuluisse, ex quorum studiis commentaria sua accrescerent, alios Claudii aetate superiores adii, & manifesto comperi (ut ea interea pateream, quae de Eucherio deinceps dicam), ex Beda, atque Isidoro, atque adeo ex Rabano ipsius Claudii aequali plurima cum depromissem, sic ut ex hisce Doctoribus coagmentata sint haec, quae edimus commentaria. Quamquam, quod ad Rabanum attinet, haud temere suspicamur ea quae ex Rabano allegamus, ex ve-

tustiore auctore, tam a Rabano, quam a Claudio fuisse desumpta. Porro ea, quae nunc evulgamus Claudii commentaria, non ejusdem generis sunt: sed alia quadam copiosiora, ac fusiora (atque haec primum occurrunt) breviora, alia, quae postremo loco sunt posita; ac priora illa quidem alienis laboribus disuerunt magis: at quamvis in posterioribus, ideoque in brevioribus multo parcius aliena verba in rem suam deducat, non remittit tamen interdum eos ipsos excicare, quos in prioribus commentariis allegarat. Quod non dissimulat Claudius ipse; quippe qui scietur (a) propositis a Theodoro quaestionibus non ex suo ingenio, sed ex illustrium Doctorum judicio, neque ex propria temeritate, sed ex aliorum auctoritate satisfecisse: profertur quoque (b) nonnullas remanere indiscutias, quia nec in antiquis translationibus aliquid exinde translatum repererat, nec in Majorum nostrorum opusculis aliquid expositum legerat: sum haec subiicit; Et haec me ignorare fateor, quia nec aliquid exinde legisse, reminiscor. Et ideo de imperitiis non erubesco quia lectione non doceor, nec de periculo formido, quia quae non intelligo, docere non praesumo. Quam quidem consuetudinem cum aliis multis iis temporibus servaverint, sum maxime servavis Claudius: nec in his tantum, quae nunc evulgamus, commentariis, verum etiam in iis, quae in epistolae Pauli conscripserat, ediditque. (c)

Hoc

lic esset, variasque scientiarum gemmas evolverem, quae sane non parva in Bibliotheca vetustissima diligenter asservantur, forte occurrerunt huius Claudii in omnes ferme Pauli Epistolae commentaria; quae quam excussisti, ut fieri solet, pulcherrimis vaptim percussissem, miratus illico superiorum aetatum incuriam, indignissimum putavi, nam pretiosam thesaurum, tamque exquisitum facere, ac magna cum Republica Christiana iactura tamdiu delitescere. Quamvis studiosissimo cuoque sacrarum litterarum accessionem sic allaturus, dici profecto non potest; praetertim cum splendore suo eam lucem Paulina lectioni afferat, ut ad ipsius arcana sensu, & abstractos locos explicandos aditum facilem praebere videatur.

(a) In praefatione in prima commentaria.

(b) In praefatione in secunda commentaria.

(c) In praefatione in Epistolam ad Ephesios a Mabillonio edita tradit haec. Circa formidans

Hoc itaque commodum ex ea comparatione retulimus, ut, si pauca excipias, quæ cum in editis superiorum Scriptorum libris non invenerimus, cum exemplari nostro conferre non posuimus, Claudii scripta non inemendata prodirent. Quamquam etiam hæc ipsa comparatio aliud emolumentum attulit: in hoc enim ipso, quod plerumque vitiosum exemplar dixi, aliquid præstantis interdum extat, quo perfici possint jam edita Isidori, & Bedæ loca, quæ Claudius allegat. Suspicio equidem non defuturos, qui laborem hunc meum condemnabunt, quandoquidem ea, quæ copiosiora dixi, atque effusiora Claudii commentaria, ea ipsa dicent, quæ præ-

posito Eucherii nomine pridem divulgata sunt. Sed neque ipsissima omni ex parte sunt (discrimina enim nonnulla sæpe occurrunt): & etiam si ipsissima esse velis, ex labore nostro emolumentum non leve assequeris; quandoquidem manifesto ex ea re comperies Claudii esse, quæ Eucherio tributa jam sunt, & fortasse ab alio longè posteriore, qui Claudii labores sibi proprios fecerit, fuisse deinceps proprio nomine divulgata. Quid quod cujuscunque tandem ea sint commentaria, cum emendatissima, & præfationibus Claudii, adnotationibus quoque non paucis ornata proferam, an id humano Lectori gratum non erit, acceptumque? Vale.

## QUE.

diam sensus mei, epistolæ Beati jam dicti Apostoli Pauli ad Ephesios, atque ad Philippenfes, non tam ex majorum tractatibus, quam ex diversorum tractatum sententiis, vulsi mendicis non habens propriam segetem, sed post terga metentium ex aliorum segete congregat sibi vicium, ne hyemis tempore fame periclitetur, ita & ego ex aliorum dictis, hæc brevi stylo comprehendendi epistolæ. Et questione X. secundi generis Commentariorum: Quid tamen ista significant, in libro primo Operis hujus ex dictis Maiorum nostrorum, ut Dominus dedit, & invenire potuimus, jam expostum est. Non omnia tamen, quæ suis inserit Commentariis, ex aliis deprompsisse, sed nonnulla de suo quandoque addidisse, hæc ipsius Claudii in Commentariis in epistolam Apostoli Pauli ad Galatas, verba declarant: largiente Deo in isto quadragesima tempore epistolam beati jam dicti Apostoli Pauli ad Galatas ex tractatibus beatorum Augustini, & Hieronymi Patrum permixtis procuravi ordinare sententiis. In quibus tractatibus cum ad congruentem expositionem multa deesse cernerem, verti me ad alios libros præfati jam patris Augustini, & exinde eam, quæ in illis deerat, tractatibus explere studui expositionem; nonnulla etiam, ut mihi visum est, intra illorum locutionem, mea studii conjungere verba, quæ utramque expositionem absque scissione conjungerent, & legentis exerceant sensum, & fastidium facerent evitare,

# XXX QUÆSTIONES<sup>7</sup> SUPER LIBROS REGUM.



## AMABILI MAGISTRO DOMINO CLAUDIO

Sedis Taurinensis Episcopo

*THEUTMIRUS (a) Filius vester, omniumque Abbatum minimus Abba (b)  
in Domino æternam salutem.*



**M**I Pater & Magister, librum  
Exodi quem misisti, relegi,  
quo gaudio immenso gavissu-  
sum. Sicut (c) de epistolis  
Magistri Gentium Pauli in alia episto-

la quam misi ipse (d), cognoscetis.  
Nam & Venerabilis Pater Leidrath (e)  
quondam Episcopus Laudensis, cum hoc  
audisset, gavissus est & ipse, roga-  
vitque cum mihi multum ad scribendum

(a) *De Teutmiro, seu Theodomiro, vel Teuthmyro isto hæc tradit Mabillon: [pag. 92. analept. editionis Paris. 1723 in annot. ad præfationes Claudii] Theodomirus, cui prior inscripta est præfatio, Gallus Abbas fuit, præeratque centum quadraginta Monachis sub regula S. Benedicti, ut ipse testatur in Epistola contra Claudium scripta, cuius fragmenta refert Jonas in lib. III. Operis præcitati. Abbatem in Gallia fuisse, non vero in Hispania uti aliquando suspicatus sum, colligo ex Jonæ lib. I. de eodem Claudio hunc in modum loquentis: fertur in suffragatione ejusdem Abbatis, totiusque Gallicana Ecclesiæ tantæ prolixitatis vomisse libellum &c. At cuius loci Abbas fuerit, mihi hæctenus incomper-  
tum. Revera a Teuthmyro accusatum fuisse Claudium, ostendit manifestè ea ipsa Claudii præfatio, quam secundis Commentariis in libros Regum præponit; quam quidem præfationem deinceps dabimus. Scripsisse autem adversus Claudium, declarant ea, quæ ex Claudio adver-  
sus Teuthmyrum scribente allegat Dungalus.*

(b) *Abba absque s. passim reperitur, inquit eruditissimus Duncange [in Glossario ad vocem Abbas,] & hæc exempla allegat. Abba Felix apud Facundum Hermianensem libro contra Moctianum. Idem tamen postea: Lampridius Trahyter, & Abbas Hierosolymitani Monasterii. Abbo de obfusione Parisiensi libro 2.*

*Tempestate sub hac Hugo princeps obit Abba.*

*Ebolus fortissimus Abba*

Odo in vita S. Maioli: *Et ab omnibus dominis, & Abba honoratur.* Bernardus Morlanensis de contemptu Mundi

*Qui bene disputat, & cito computat arte Scholari*

*Non petit allibus, at petis artibus Abba creari*

*Alia deinde exempla subicit, quæ si vis consule: neque enim opus est in re exploratissima copiosior esse.*

(c) *In codice legitur sive, errore utique manifestò, quem ante me notavit Clariss. Zacharias.*

(d) *Vox ipse tam referri potest ad Teutmimum mittentem, quam ad Claudium recipientem litteras. Solebant enim ea ætate, dum præstantem aliquem virum alloquebantur, plurali verbo cum alioque, retento quandoque singulari nomine illius, quem alloquebantur. In hac ipso periodi: mi pater, & magister librum quem misisti.... cognoscetis: & deinceps: miratus fuit & ipse, cur vestram epistolam ei non misistis. Mittite &c. Et rursus expressius: uno adunentur in corpore, & ut ipse nostis &c.... oratio multum valet, ut ipse nostis. In epistola etiam Ludovico Pio missa, quaque præfatio quædam est expositionis in epistolam ad Ephesios: Obsecro clementiam vestram, ut non mihi sitis molestus exactor &c.*

(e) *Teldrathus legitur Clariss. Zacharias. Sed levissima est hæc varietas. Ceterum nomina infæ ex Germanicis linguis desumpta non raro in vernis epistolis, & diplomatibus expressissime occurrunt. De hoc Leidrath, seu, si vis Teldrath eo consule, quæ traduntur in Gallia Christiana [de Archiepiscopis Lugdunensibus].*

dum (a), & miratus fuit, cur epistolam illi non misistis ex tanto tempore. Et promisit, quod ipse suam epistolam vobis missurus sit: valde enim desiderat visionem vestram, si fieri potuisset. Et si non visionem corpoream, vel epistolam (b). De Domino Nimbridio patre nostro Archiepiscopo Narbonense (c) quid dicam? Quam immenso fuit repletus gaudio; quoniam de expositione præfati libri ei dixi! Quam humiliter eum mihi petiti ad legendum vel scribendum. Et miratus fuit & ipse cur vestram epistolam ei non misistis: Mittite quelo crebras epistolas in his partibus Episcopis, Abbatibus ac Monachis, maxime si vobis placet, mihi filio vestro. Qui semper hoc æstuo & desidero. Inter cetera rogo illas quæstiones de Regum (d), quas vobis in brevi scheda misit (e), ut mihi elucidatas mittatis, non solum secundum historiam, sed etiam secundum allegoriam, vel tropologiam. Primum quantum ad

historiam stare potest: Secundum si allegoria recipit: Tertium vero per omnia moralitate. Nam & de illis quæstionibus triginta quas, Nothelino (f) petente, Beda presbyter exposuit de præfato libro Regum, ideo non petivi exponendas vobis, quia uno in corpore, cum exposito de templo Salomonis sicut a præfato presbytero Beda expositum est, apud nos habentur. Inter hæc omnia ut & ipsas quæstiones quas misi (g), corrigatis, & per ordinem exponatis: & quicquid imperito sermone locutus fuerim (h), ut magister, ita discipulum emendate. Ego enim non per ordinem misi propter quandam agilitatem & negligentiam scriptoris: vos vero, ut historia se habet, ordinate.

1 Et suscitabo tibi Sacerdotem fidelem. I. Reg. 2. 35.

2 Et non cecidis ex omnibus verbis ejus in terram. I. 3. 19.

3 Et

- (a) Implexa, mea quidem sententia, syntaxis hæc est: ex ea tamen facile erimus rogatum fuisse a Leidratbo Theutmirum, ut ad Claudium scriberet.
- (b) In exemplari ad me misso ad hunc modum legitur: Et si non visionem corpoream vel epistola. Dudum vero nos docuerunt Baluzius, aliique viri eruditi in eodum lectione detriti, lineolam, qua cum superposita alienius vocis extrema littera est, m. indicat, quæ vox ea clauditur, vel amantissimum negligentia sæpe deesse, vel codicis ipsius antiquitate, & situ oblitteratam esse: quam propterea Lector substituat, necesse est.
- (c) De voce Domnus consule qua tradit Dneange in Lexico. Quod ad Nimbridium hunc attinet, reliqui Veteres de eo silent.
- (d) Supple libro.
- (e) Leidratb, aut si vis, Nimbridius, de quibus paulo ante dixerat.
- (f) In exemplari ad me misso legitur Nothelino ac Notelmo legit Zæbarias, qui Codicem ipsum inspexit. Utramque lectionem admittunt veteres codices, iis scilicet temporibus scripti, quibus littera i nulla super imponebatur lineola, punctum nullum. Arbitratur autem idem Clariss. Zæbarias cum Nothelmum hic indicari, qui Londinensis presbyter primum fuit, tum Cantuariensis Archiepiscopus.
- (g) In exemplari ad me misso legitur mihi. Legendum tamen arbitror misi: quod deinceps repetit: ego enim non per ordinem misi.
- (h) Accipis hæc non legendum sit, fuerit, an fuerim. Postremum hoc Clariss. Zæbaria placet. Et revera subrustice de Episcopo loquitur Theutmirus, si de propositis a Leidratbo, aut Nimbridio quæstionibus hæc pronunciet: ne magister, ita discipulum emendate. At ab eorum altero fuisse propositas has triginta quæstiones, quarum solutionem Theutmirus efflagitat, indicare videtur ipsemet Theutmirus, cum hæc subiicit: has quæstiones XXX. atque apertiones illarum, si prudentie vestre placet, cum illis quæstionibus de prædicto libro Regum, quas mihi sanctitati vestre explanandas, cum a vobis explanatæ fuerint, ordine suo, quo adveniant in corpore. Efflagitare vero se, ut & harum, & earum etiam, quas ipse ad Claudium solvendas misit, & explicandas, Claudius uno corpore complectatur, & explicatas, illustratasque Theutmuro remittat. Ceterum, siue is, siue alter proposuerit, tam illa, quam alia, quas deinceps recenset, dissolvenda erant, atque illustranda, ejus rogatu, a Claudio.

3 *Es percussit de populo septuaginta viros, & quinquaginta plebis.* I. 6. 19. (Vulgatus tamen interpret habet: quinquaginta millia plebis.)

4 *Ex qua die mansit arca (vulgatus addit: Domini) in Cariathiarim, multiplicati sunt dies ejus &c.* I. 7. 2.

5 *Quod ait Jonathan ad David: Si vixero, facies mihi misericordiam &c.* I. 20. 14.

6 (a) *Fecit Salomon festivitatem celebrem, & omnis Israel cum eo.* III. 8. 65.

7 *In diebus ejus edificavit de Achiel de Berbel bierico.* III. 16. 34. (At vulgatus habet: Hiel de Berbel.)

8 *Hac faciant mihi dii, & hac addant, si succerit pulvis Samaria pugillo uniuersis populi, qui sequitur me.* III. 20. 10. (Sed vulgatus habet pugilis.)

9 *Tertia pars vestrum introeat Sabbato, & observet excubium domus regis.* IV. 11. 6. (At in nostra versione legitur excubias.)

10 *Quod ait Abigail ad David: Si enim surrexeris homo aliquando persequens te &c.* I. 25. 29.

11 *Et praecepit, ut docerent filios Juda arcum.* II. 1. 18.

12 *Et percussit Moab, & mensus est eos funiculo.* II. 8. 2.

13 *Ipse esset quasi tenerimus ligni vermiculus.* II. 23. 8. (Vulgatus habet est.)

14 *Ipse descendit, & percussit Leonem in media cisterna.* II. 23. 20.

15 *De templo, quod habebat triginta cubitos in altitudinem. Et in libro Paralipomenon habebat centum viginti.* Reg. III. 6. 2. II. Paralip. 3. 4.

16 *Osium medii lateris in par-*

*te erat domus dexteræ.* III. Reg. 6. 8.

17 *Texitque domum laqueariis cedrinis.* III. 6. 9. (At in vulgata habetur: texit quoque.)

18 *Cumque imminerent vestes, & apparerent summitates eorum foris sanctuarium &c.* III. 8. 8. (At legendum emincerent, uti habet communis lectio.)

19 *Produxitque filium regis, & posuit super eum diadema, & testimonium.* IV. 11. 12.

20 *Et non fiebat ratio iis hominibus, qui accipiebant pecuniam.* IV. 12. 15.

21 *Ipse percussit Edom in valle salinarum.* IV. 14. 7.

22 *Ipse restituit terminos Israel ab introitu Emath.* IV. 14. 25.

23 *Et unaqueque gens fabricata est deum suum.* IV. 17. 29. (Lectiorem hanc proponit rectissime vulgata, & sequitur Clariss. Zacharias: at in exemplari ad me misso legitur domum suam.)

24 *Ubi est deus Emath, & Arphath? Ubi &c.* IV. 18. 34. (Vulgata Arphad.)

25 *Ascendit umbra decem lineis.* IV. 20. 9. (At legendum est cum Vulgata: Vis, ut ascendat &c. nisi vis indicari versic. 11. jam descenderat &c.)

26 *Qua habitabat Jerusalem in secunda.* IV. 22. 14.

27 *Contaminavit quoque Tophet, quod est in valle filii Ennon.* IV. 23. 10.

28 *Abstulit quoque equos, quos deerant reges Juda soli.* IV. 23. 11.

29 *Excelsa quoque, quae erant in Jerusalem, ad dexteram partem montis offensionis &c.* Ibi. v. 13.

30 *Et transfudit omnem Jerusalem, & uniuersos principes &c.* IV. 24. 14.

B

Has

(a) Sequor prorsus exemplar ad me missum: nam editum a P. Zaccaria quaestione hanc, & tres subsequentes collocat post eam, quae ad hunc modum incipit: cumque imminerent vestes, & ordine XIX est. Tum vero chronologiam sequimur, & Ecclesiastica Historia seriem: Quam tamen in his quaestionibus proponendis minime a Thubitmiro fuisse servatam affirmat isemer. Recole nuper dicta: per ordinem exponatis..... Ego enim non per ordinem misi &c.

Has quæstiones triginta, atque aperitiones illarum, si prudentiæ vestræ placeat, cum illis quæstionibus de prædicto Libro Regum, quas misi sanctitati vestræ explanandas, cum a vobis explanata fuerint, ordine suo, uno aduentur in corpore, & ut ipse nollis, & vestram præstationem, & meam petitionem, quasi prælatiunculas in capite explanationum, de præfatis quæstionibus adnotate, & in omnibus scripturis, quas istis in partibus mittitis, mei non obliviscamini; sed semper amonere dignemini quid agere debeam. Maxime in orationibus obsecro, ut ipse rogetis Dominum pro me, & per studium vestrum alii etiam rogent. Si enim unius iusti oratio multum valet (Jaco. 5. 16.) ut ipse nollis, quanto magis multorum assidua? Vale mi pater, & in spirituum filiorum prosperis semper polle.

1 (a) Fuit vir unus de Ramatha in Sophin de monte Ephraim, & nomen ejus Helcana. Et post pauca. Habuit uxores duas: nomen uni Anna, & nomen secunda Fennena. 1. Reg. 1. 1. & 2. Quid significet vir iste: vel duæ uxores ejus, una secunda, alia infecunda. Et cur de Anna scribitur: quod affligebat quoque eam amula ejus, & vehementer angebat. Et reliqua. vers. 6.

2 Cum redeunte tempore ascenderent templum Domini, & sic provocabat eam. Porro illa fiebat, & non capiebat cibum, usque dum dicit: Vultusque ejus non sunt amplius in diversa mutati. Et reliqua. v. 7. &c.

3 Exultavit cor meum in Domino, usque dum dicit: Dominus judicabit

finem terræ, & dabis imperium regi suo, & sublimabis cornu Christi sui. Cap. 2. 1. usque ad 11.

4 Samuel autem ministrabat ante faciem Domini puer accinctus epbot (b). Quod erat epbot, usque dum dicit: abieciunt in locum suum. 2. 18., 19., 20.

5 Visitavit ergo Dominus Annam, & concepit & peperit tres filios, & duas filias: (Ibidem v. 21.) Et ipsa supra prophetans dicit: Sterilis peperit plurimos. (v. 5.) Alibi peperit septem (c). Quid sibi vult hoc?

6 Cur dicitur per virum Dei ad Heli: Quare abieciisti munera mea, & victimam meam, quam præcepi, ut offerretis in templo, usque dum dicit: Qui contemnunt me erunt ignobiles. Ibidem v. 29., & 30. (Sed cum aliquo discrimine Vulgata sic vertit: Quare calce abieciisti victimam meam, & munera mea, quæ præcepi, ut offerrentur &c.)

7 Ecce dies veniunt, & præcidam brachium suum, & brachium domus patris tui, ut non sit senex in domo tua. Et videbis Christum æmulum tuum in universis prosperis Israel, usque dum dicit: comedam bucellam panis. Ibid. v. 41. usque ad finem capituli. (Sed vulgata non nihil distat: habet enim: Et videbis æmulum tuum in templo &c.)

8 Puer autem Samuel ministrabat Domino coram Heli, usque dum dicit: Nec poterat videre lucernam Dei, priusquam exstingueretur, & Samuel dormiebat in templo Domini, ubi erat arca &c. Cap. 3. v. 1. usque ad tertium. (hoc quoque comprehenso, sed cum discrimine, quod in vulgata hæc habentur:

ncc

(a) Recole annotationem 11.

(b) Epbot, & similes voces paulo aliter conscriptas ac vulgata habeat, & hebraica lingua exposcat, refer in consuetudinem earum regionum, quas incolebat Terculianus: aut, si vis, in amanuenses: solent enim [quod dudum Critici animadvertunt] imperiti amanuenses, id præsertim, qui ex distantis voce conscribunt, ad eum modum vocis veri to exprimere, quo ipsi pronuntiant: multi autem litteras t, & d promiscue usurant, & alteram alterius loco alibiunt.

(c) Vide quæ annotatione nona ad Sermonem S. Antipatri tradidi.

*nec poterat videre: lucerna Dei, antequam extinguetur, Samuel &c.)*

9 Quid significat, quod arch Dei translata a Philistis, & in templo Dagon posita, altera die ante arcam Dei invenitur Dagon. Tertia die caput, & palma ejus dua abscisse erant super li-  
men, & ipse truncus remanserat. Et reliqua. Cap. 5. v. 1. 2. 3. 4., & 5. (Si clarius id vis expressum, sic corrige: ante arcam Dei jacens invenitur Dagon: & postea tertia die.)

10 Viri quoque, qui mortui non fuerant, percutiebantur in secretiori parte natum, usque dum dicit: Sed & satrapa philistinorum sequebantur arcam Domini, usque ad terminos bethsamæ. Ibidem ver. postremo, seu 12. usque ad finem versiculi 12. capitis subsequentis, idest 6.

11 Porro Bethsamitæ mesebant triticum, usque dum dicit: At urbe murata usque ad villam, quæ erat absque muro, & usque ad Abel magnum, super quem posuerunt arcam Domini. Propter quod dicitur Abel magnum? Et reliqua. Inducantur hic versiculi 13. & subsequentes usque ad 18. (eo comprehenso, capitis 6.)

12 Quare de Samuel scribitur, quod judicaverit Israel cunctis diebus vite suæ, cum in vita sua amiserit principatum? (Consule ver. 15. & subsequentes capitis 7.)

13 Cum unxisset Samuel Saulem in regem, ait eum: Cum abieris hodie a me invenies duos viros juxta sepulcrum Rachel, in finibus Benjamin in meridie salientes magnas foveas. Es liberabis populum ejus de manu inimicorum ejus. cap. 10. 2. (Sed multum distat Codicis hujus interpretatio a vulgata, quam consulas volo.) Cur Saul bis ungitur? Et David tertio? Et reliqua.

14 Quare de Saul scribitur: filius unius anni erat Saul cum regnare cepisset, & duobus annis regnavit super Israel. cap. 13. 1. cum supra legatur

quod ab humero, & sursum emineret omni populo. cap. 9. 2.

15 Cur in eodem libro scribitur: Quod faber ferrarius non inveniebatur in tota terra Israel; & quod retinse erant acies vomerum & ligonum, & tridentium & securum, usque ad stimulum corripendum. Et reliqua. 13. 20., 21. Unde hæc sine fabro?

16 Quare de Jonathan scribitur: quod extenderis manum, & intinxeris in favum mellis, quem cum comedisset, illuminati sunt oculi ejus. 14. 27. Quomodo intinxit, si non vidit. Si videbat, quomodo illuminatus est? Et reliqua.

17 Cum Dominus misisset Saul percutere peccatores Amelech, cur pepercit Chineo, dicens post pauca? Tu enim fecisti misericordiam cum omnibus filiis Israel, cum ascenderent de agrop. Et reliqua. 15. 1., 6. Quis est hic Chineus? & ubi legitur hanc misericordiam fecisse?

18 Cur Samuel dixit Agag regi? Siccine separat amara mors? Usque dum dicit in frustra concidit Samuel Agag coram Domino. 15. 32. & subseq.

19 Cur de David scribitur, quod eo tempore, quo viderat Saul David egredientem contra Philistæos, ait ad Abner principem militiæ: De qua stirpe descendit hic adolescens, Abner? Et reliqua. 17. 55. Cum supra legatur quod armiger Saul fuisset David antea, & citharam in conspectu ejus percutiebat. Et reliqua. 16. 21., 23. Et cur Goliath spurius dicebatur? 17. 4. 23. Et addidit Jonathan dejuvare David. 20. 17.

20 Cur David contra Philistæum pergens ad præliandum, arma Saul portare noluit, sed quinque lapides de torrente in pera sumpsit, tamen unum solum proiecit, & Philistæum percussit? Et reliqua. 17. 39. 40. & 49.

21 Quare Saul iratus dixit ad Jonathan filium suum. Fili mulieris virum ultro rapientis? 20. 30.

22 Cum David fugeret ante Saul, B 2 venit

venit ad Abimelech in Nobe. Et reliqua usque dum dicit: *porro via hac polluta est.* 21. 1. 5. Unde erat polluta? Et additur: *hodie sanctificabitur in vasis meis.* v. 5.

23 De Ceila civitate, quam oppugnavit David si aliud nomen habuisset, an non. Cum minime recole quod de hac civitate mentionem faciat Scriptura, nisi in propheta, ubi legitur: *ut Ceila, Ceila civitas, quam oppugnavit David.*

24 Quomodo intelligendum est de Saul, quod in extremis consuluerit phitonissam? Et legitur, quod suscitaverit ei Samuel, & dixerit ei Samuel. *Cras tu & filii tui mecum eris:* Si juxta litteram stare potest, ut Samuel suscitaret phitonissa. 28. 7. & seqq.

25 Cur Gelboe montes a David maledicantur in morte Saul, & filiorum ejus? II. Reg. 1. 21. Si juxta litteram stare possit.

26 Quomodo intelligendum est hoc quod David plangens Abner, maledicensque Joab, dixit: *non deficiat de domo Joab fluxum seminis sustinens, & leprosus: tenens fuscum, & cadens gladio, indigens pane.* II. 3. 29. Et reliqua.

27 Quid significat quod filii Remmon Berothita, Rechab & Baanna ingressi sunt servente die domum Isobers, qui dormiebat super stratum suum meridie, usque dum dicit: *praecepit David pueris suis interficere eos: caput autem Isobers tulerunt, & sepelierunt in sepulchro Abner in Ebron.* II. 4. 5. Et reliqua.

28 Et abiit David, & omnes viri, qui erant cum eo in Jerusalem ad Hiebusaem habitatorem terrae: dictum est David ab eis non ingredieris hic, nisi abstuleris oculos: & claudos dicentes: non ingredietur David hic. Et reliqua. II. 5. 6. &c.

29 Caput autem David arcem Sion: hac est civitas David. Quid est arcem?

30 Proposuerunt enim in die illa

premium, qui percussisset Hiebusaem; & tetigisset domatum fuscularum. (legendum ut arbitror est cum vulgata *filulas*, & abstulisset claudos, & caecos odientes animam David, usque dum dicit: Dominus exercituum eras cum eo. Ibi. v. 7. & seqq.)

31 Cum quadam vice venissent Philistinim contra David in valle Raphaim, & ipse consuluit Dominum. Cui respondit Dominus. Gira post tergum prorum, & cum audieris sonitum gradientis in cacumine prorum, tunc inibis praelium, usque dum dicit; & percussit Philistinim de Gabaa usque dum venias Iazer. Et reliqua. v. 32. &c.

32 Quare percutitur Oza, qui manu tenuit arcam Domini, ne laberetur & plaustro in terram. Er quid significet temeritas ejus, vel recalcitratio bobum, qui trahebant eam. Et reliqua. 6. 6., 7. &c.

33 Cumque intrasset Arca Domini in civitate David, Michol filia Saul prospiciens per fenestram vidit David regem subsilentem, atque saltantem coram Domino, & desponsus cum in corde suo, usque dum dicit: Ero humilis in oculis meis. Et reliqua. 6. 16. usque ad 22. vericulum (eo comprehenso.)

34 Cur Nathan dixit ad David, ut edificaret domum Domini, & postea prohibuit eum. Et reliqua, usque dum dicit: secundum omnia verba hac. Et post pauca. Sic locutus est Nathan ad David. Et reliqua. 7. 3. &c.

35 Post hac percussit David Philistinim, & humiliavit eos, & tulit frenum tribusi de manu Philistinim, & percussit Moab & mensus est eos funiculo coequans terrae, & reliqua. 8. 1., 2. &c.

36 Joab autem filius Sarviae erat super exercitum: porro Josaphat filius Abihud a commentariis. Et Sadoch filius Achisob, & Achimelech filius Abiathar Sacerdotes, & Sarajas, scriba. Banajas filius Josada super Ceretbi, & Phelesbi: filii autem David Sacerdotes erant. 8. 16., 17., 18. Qui erant Cele-



Celethi, & Phlethi? Vel filii David quomodo erant Sacerdotes, cum non essent de tribu Levi? Et reliqua.

37 Cur de Abfalon scribitur, quod *exeraret sibi titulum, dicens non habeo filium.* 18. 18. cum in eodem libro supra scriptum sit, quod *habueris tres filios, & unam filiam nomine Thamar elegantis forme?* Et reliqua. 14. 27.

38 Quare autem inter numerum fortium David scribatur de uno quolibet eorum, hæc, vel alia fecit, sed *usque ad tres non pervenit.* Qui fuerint hi tres? aut cur hoc scribitur? 23. 19. &c.

39 Quare culpatur David per numerationem populi. II. Reg. 24. 1. Cum Josaphat, ceterique reges populum numeraverint, & inculpabiles, & sine vindicta permanferint? & cetera usque in finem. IV. Reg. 3. 6. (At quod hic de Josaphat dicitur, de Joram, cum quo fædus inierat Josaphat, dicendum est. Hæc habet scriptura: *Egressus est igitur Rex Joram in die illa de Samaria, & recensuit universum Israel, misitque ad Josaphat &c.* Ab Amasia tamen rege Judæ minime malo, recensitos fuisse subditos, discimus ex II. Paral. 21. 5.

40 Cur de David scriptum est, quod *senuerat*, cum septuaginta non supergressus sit annos, & *opertus vestibus non calefiebat?* Et quod *inventæ adulescentula speciosa Abisac Sumamite, dormiebat cum rege, & ministrabat ei: rex vero non cognovit eam?* III. Reg. 1. 3. cum in fortiore ætate legamus, & videamus cum feminis coire viros. Et reliqua.

41 Quid sibi vult quod David ultimo vitæ suæ tempore, Salomoni filio suo præcepit de Joab, & Semei, quibus ante pepercerat, ne inultos eos dimitteret, sed *deduceret canos eorum cum sanguine in inferno?* Ibi 2. 5., 8.

42 Quid est quod dixit de Joab? *po, ut evolverem prelis in baltheo suo, qui erat circa lumbos ejus, & in calceamento suo, quod erat in pedibus ejus.* Ibi v. 5.

43 Quid significet Adonias, qui Abisac petivit in conjugio, pro qua re a Salomone præcipitur occidi. Ibi v. 20. &c. Et quid est, quod frequenter scribitur in hoc libro? *Hæc facias mihi Deus, & hæc addat.* Ibi v. 23. &c. Erat hoc sacramentum, an non?

44 *Dilexit autem Salomon Dominum ambulans in præceptis David patris sui, excepto quod in excelsis ambulabat, & accendebat thimiama.* 3. 3. Quid erat *excelsa*, quod frequenter in hoc libro legitur? Et cur Samuel non culpatur, qui in excelsis legitur immolasse? (I. Reg. 9. 12. 14.) III. Reg. 3. 2.

45 Quid significant illæ duæ mulieres meretrices, quæ venerunt ante Regem Salomonem? III. 3. 16.

46 Porro *Giblis præparaverunt ligna, & lapides ad ædificandum domum.* III. 5. 18.

47 Cum legatur expressius in libro Regum. III. 8. 9. absque Paralipomenon II. 5. 10. quod in arca non esset aliud, nisi duæ tabulæ lapideæ, quas posuerat in ea Moyses. Et reliqua: cum Apostolus scribat ad Hebræos 9. 4. quod in arca sunt *tabulæ, Virga Aaron, & Manna.* Si non erant, cur Apostolus dixit? Et si erant, quis ea misit ibi? Et si fuerit ista virga Aaron, unde in Ægypto fuere signa facta, & in mari, atque in heremo, an alia? & quid de ipsa Arca factum est? vel si sit unquam (*videnda ut puto*) visura ab omnibus.

48 *Cum nebula impleffet domum Domini, ait Salomon: Dominus dixit, ut habitant in nebula.* 8. 10. 11. 12. Ubi legitur quod Dominus dixisset?

49 Si in Templo, ubi erat Altare incensæ, & candelabrum, & lucernæ, missæ sint propositionis panes? Si introibant ibi alij, nisi ordo Sacerdotum & Levitarum? Et si ibi erat conventus plebium? Aut si soli Sacerdotes, sive Levitæ (Supple. *degebant*, seu *illuc ingrediebantur?*)

50 Dedit Salomon Hiram viginti oppida in terra Galilee, quæ cum non placuissent ei, appellavit ea, terram Cabul usque in diem hanc. Quid est hoc? Scire volo. 9. 11. 12. 13.

51. Quid sibi vult, quod Moyses in heremo ad constructionem tabernaculi, non ex alienis, sed, ex Hebreis habuit constructores? Exo. 35. 30, & subsequens. (Deesse videtur pars altera questionis: cur scilicet Salomon virum. Syrum adduxit ad templi, & suppellestilis sacræ constructionem? Nisi quoque Rex Salomon, & tulit Hiram de Tyro. III. Reg. 7. 14.

52. Fecitque Salomon de lignis thinis fulchra domus Domini, & domus Regis. Cujus generis erant ligna thina? Et post pauca dicit: non sunt allata hujuscemodi thina, neque visa usque in præsentem diem. 10. 11, & 12. Et quid Ophir, & ubi, unde fuerunt allata? 5. 11.

53 Cur Altare holocaustorum in tabernaculo, & in templo ex ligno quidem factum, ære autem coopertum. Exo. 38. 1. ab igne non consumebatur, cum jugiter ignis arderet in eodem altari?

54 Fecit Salomon ducenta futa de auro puro. 10. 16. Et post pauca. Posuitque ea Rex in domo Silve libani. 17. Si Silva libani Salomonis erat, cur ligna cedrina non præcebat ex libano?

55 Fecit quoque, ut tanta esset abundantia argenti in Hierusalem, quanta & lapidum: & cedrorum præbuit multitudine quasi sycamoros, qui nascuntur in campestribus. Et reliqua. 10. 27.

56 Reliquum autem verborum Salomonis, & omnia quæ fecit, & sapientia ejus, ecce universa scripta sunt in libro verborum dierum Salomonis. 11. 41. Qualis est liber, scire volo.

57 Cum Helias ante Jezabel fugeret, & venisset ad montem Dei Oreph, & mansisset in spelunca, & factus fuisset ad eum sermo Domini, post pau-

ca refert scriptura. 19. 2. 8. Ecce Dominus transiit, & spiritus grandis & fortis subvertens montes, & conterens petras, usque dum dicit, & derelictus sum ego solus, & quærunt animam, us auferant eam. 19. 11. 14. &c.

58 Cum Helias dixerit de Achab? Si mortuus fuerit in civitate, comedent eum canes. Si autem in agro, comedent eum volucres cæli. 21. 24. quomodo verum est, cum ipse perlatu fuisset legatur, in Samariam, & sepultus in sepulchro suo? 22. 37. nisi tantum quod canes lambuerint babenas. Ibi 38. Et non comederint.

59 Cur Eliseus mittens puerum suum ad suscitationem filii Sunamitis, præcepit ei dicens: Si occueris tibi homo, non salutes eum, & si saluaveris te, quispiam, non respondeas ei. IV. Reg. 4. 29.

60 Naaman princeps militia Regis Siria. Et post pauca: Per illum enim dedit Dominus salutem Siria. 5. 1. Quæ fuit illa salus?

61 Facta est famēs magna in Samaria, & tamdiu obsessa est, donec venundaretur capus asini octoginta argenteis, & quarta pars capri stercoris columbarum quinque argenteis. 6. 21. Quid est capi stercoris? (Sed vulgate recte habet pars capi stercoris: quam ob rem dicendum est: quid est quarta pars capi stercoris?)

62 Quid est quod Benadab Rex Syriæ misit Asahel ad Heliseum consulens, utrum sanari possit ab infirmitate sua, an non? Cumque ab eo responsum acciperet, & redisset ad Dominum suum, refert Scriptura: Tulit stragulum, & infudit aquam, & expandit super faciem. 8. 7. 15. &c.

63 Cur Johas Rex Israel ad Amasiam Regem Juda, remisit dicens: Cardus libani misit ad cedrum, quæ est in libano dicens: da filiam tuam filio meo uxorem, transieruntque bestia salus, quæ sunt in libano, & concubaverunt cardum? IV. Reg. 14. 9.

64 Quare de Jeroboam filio Joas  
1411-

scribitur: ipse restituit terminos Israel ab introitu Emath usque ad mare solitudinis, juxta sermonem Domini, quem locutus est per servum suum Jonam filium Amathi Prophetam. Jon. 1. 1. Ubi Jonas hæc locutus fuit? 14. 25.

65 Cur de Joathan Rege Juda scribitur? ipse edificavit portam domus Domini sublimissimam. 15. 35. Nunquid a Salomone antea ædificata non fuerat? an novam construxit?

66 Cur de Ezechia scribitur: postquam dissipavit excelsa, & contrivit statuas? Et succidit lucos, confregitque serpentem æneum, quem fecit Moyses; vocavitque eum Naathan. (Nohestan. vulgata). 18. 4. Et reliqua. Quid est hoc?

67 Cur per Efsaiam ad Ezechiam Regem dicitur? Ecce dies veniunt, & auferent (vulgata transferentur) omnia, quæ sunt in domo tua, & quæ condiderunt patres tui in Babilonem: non remanebit quidquam, ait Dominus, sed de filiis quos generabis, erunt eunuchi in palatio Regis Babilonis. 20. 17. 18. Qui fuerunt isti eunuchi?

68 Quid sibi vult quod post plurima de Josia scribitur: & effert fecit lucum de domo Domini, foras Hie-

rusalem in convulle cedron, & combussit cum ibi, & redegit in pulverem, & projecit super sepulchra vulgi? Quid est iste lucus? aut quæ sepulchra vulgi? 23. 6.

69 Destruxit quoque & idola (vulgata adiculas) effeminatorum, quæ erant in domo Domini, pro quibus mulieres azebant quasi domunculas luci. v. 7.

70 Et destruxit aras portarum in introitu hostii Josia principis civitatis, usque dum dicit de Sacerdotibus excelsorum comedebant azima in medio fratrum suorum. 5. 8. & 9.

71 Tulit quoque principes militiae Saraiam sacerdotem primum, & Sopboniam sacerdotem secundum, & tres ianitores: & de civitate eunuchum unum. Et post pauca. Et Sopher principem exercitus, qui probabat tirones de populo terra. Propter quod dicit Sacerdotem primum, & secundum? vel eunuchum unum, & tres ianitores? vel qui sunt tirones? 25. 18, & 19.

72 Sublevavit Eulmerodach Rex Babylonis anno, quo regnare caperat, caput Joachim Regis Juda de carcere: & locutus est ei benigne, usque dum dicit. Omnibus diebus vite suæ. Ibi. v. 27. &c.

*Haftenus Theutmirus: ad hunc porro modum respondet Claudius.*

**C**ompellit, & constringit me, frater Christianissime, Theutmire, tua (a) opportuna multimoda inquisitio, non necessitate, sed quod est vehementius, caritate, ad multorum exire publicum, formidandumque judicium: illorum videlicet dico, qui secundum faciem, & non iustum noverrunt judicare judicium; ob hoc vide-

licet quod in opusculis nostris, in expositione Pentatheuci, atque libri Regum, & tuam petitionem, & meam præfationem in capite ponere jubes; quod multis nostro tempore præsumptuosum esse videtur, atque ridiculum. Qui si verum nomen (b) præfationis nossent, non puto ista dicere potuissent: quia præfatio primi operis locutio

(a) A bitior legendum inopportuna.

(b) Et eundem manifestum amanuensis errorem: transcripsit enim librarius noster veri nominis præfationis. Si quis legi malit veritatem [idest veram etymologiam] nominis præfationis &c., ego minime obstitam.

tio est, & (a) prælocutio librorum, quæ ante causas narrationum ad instruendas audientium aures coaptatur. Dicta autem præfatio, quasi prælocutio, idest prima locutio, & alio nomine prologus, idest sequentis operis præfatio, est, & initium locutionis, & caput compositionis, quod & alio nomine dicitur proemium: proemium enim est initium docendi, & principia librorum, quæ ante causæ narrationem ad instruendas audientium aures coaptantur. Cujus nomen plerique latini periti ita posuerunt. Sciat quisque ille est, nostro temporis scientiam, non nostræ scientiæ scribendi tempus deesse: scilicet tempus per omnes Scripturas differendi esse, si Spiritus Sancti gratia cuiquam dignatur adesse: nec perjudicandum quo quisque tempore scribat; sed hoc solummodo discernendum, utrumnam vera, & catholica, an falsa, & hæretica sint, quæ scribit. Et quia tu sæpe æ me requiris multarum rerum absolutionem, maximeque in Pentatheuco, atque Libro regum, qui & antiquiores, & obscuriores cereris libris divinæ Legis sunt, & magno interprete indigent, atque in eis, non ex meo ingenio, sed ex illustrium Doctorum judicio, neque ex propria temeritate, sed ex aliorum auctoritate interrogationibus tuis, non quantum debui, sed quantum potui, satisfeci, conservans non tam (b) eloquii exultantis ambitum, quam necessariæ brevitatis modum: sic enim & innumeris satisfecisti inquisitionibus tuis poterit, & mihi insuper liberum erit aliqua extrinsecus, quæ cognitioni tuæ utilia arbitror, in aliis libris inferere, si ista tibi accepta judicaveris. Scire autem volo te, frater, quod hæc locutio vias quidem aperiat intelligentiæ: non tamen singillatim cuncta quæ scripta sunt, disserat atque absolvat. Si-

cut potui, respondi inquisitionibus tuis. Si quid de his rebus, unde me interrogasti, invenisti melius, sive invenire potueris, gratissimum habebimus, si nos feceris nosse. Pro qua re te deprecor per gratiam Dei, quæ in te, ut credo, exuberat, ut non repulsus deprecantem, sed libenter doceas, si quid potes, quod me fateor ignorare. Et si quid hinc absolutum, ac diffinitum disputatione rationabili, atque perfecta vel legisti, vel audisti, vel etiam ipse adhuc audire, aut legere, aut excogitare potueris, peto, ut mihi mittere non graveris. Quia, quod confitendum est caritati tuæ, plus mihi expedit discere, quam docere. Nam hoc admoneamus, dicente Apostolo Jacobo: (1. 19.) *Sis autem omnis homo velox ad audiendum, tardus autem ad loquendum*. Et sicut ait doctissimus Pater Augustinus. *Ut discamus, invitare nos debet suavis veritatis: Ut autem doceamus, cogere necessitas caritatis*. Ubi potius orandum est, ut transeat ista necessitas, qua hominem docet aliquis homo: *Et simus omnes docibiles Dei*: (Joan. 6. 45. Ista. 54. 13.) quamvis hoc simus, cum ea, quæ ad veram pietatem pertinent, dicimus, etiam quando illa docere videtur homo. Quia (1. Corin. 3. 7.) *neque qui plantat est aliquid, neque qui rigat, sed qui incrementum dat Deus*. Cum itaque, si Deus incrementum non daret, nihil essent Apostoli plantatores, & rigatores: quanto magis ego, vel tu, vel quilibet hujus temporis homines, qui in hoc novissimo tempore videmur esse Doctores? Addidi etiam in hoc opere brevem expositionem allegoricam in libro Ruth, quod tu non postulasti, quæ magis ad librum Judicum, quam ad Regum pertinere videtur. Pro qua re obsecro, ut me, et si corpore longe positum, tamen mente propinquum

(a) Prolocutio legitur in exemplari ad me missa: Substitui prælocutio, ut conveniret cum voce præfatio. Ceterum, si quis vocem prolocutio retinere velit, retineat per me quidem licet; novi enim prologum dici, non prælogum.

(b) In exemplari habetur tanquam: sed legendum omnino est tam, ut respondeat particula [quam necessariæ brevitatis]. Id jam prænotavit T. Zacharias.

quum orationibus tuis Creatori omnium commendare non celfes; ut per virtutum fletuum tuorum, & merita orationum, & si juxta fluvium Chobar, idest secus gravedinem (a) hujus seculi destineor, tamen Dominum nostrum in majestate gloriæ suæ videre desidero: atque ab ipso audire quod in medio scorpionum habitatio nostra consistis. Ezech. 2. 6.

De Alchana, Elcana, & duabus uxorbusejus, & nativitate Samuelis. Cap. 1.

De Cantico Annæ.

(b) De Propheta ad Heli destinato, & malo filiorum ejus, atque morte ipsorum.

De Sacerdote fideli, quem spondet Deus, quod juxta cor suum sit.

De caligine oculorum Leli, Heli, & augmento Samuelis; & verbis Domini, quæ non ceciderant in terram.

De Arcæ captivitate, & idolo Dagon, necnon & morte Heli, atque nuru suæ.

De spiritu maligno, qui irruerat in Saul.

De David, & unctione ejus.

De certamine David, & Goliz.

De eo quod Saul pro centum præputiis Philistinorum, David filiam promittit dare uxorem.

De fuga David & salute ejus, & simulachro, quod in lecto ejus inventum est.

De adventu David ad Samuelem, & nuntiis Saul, qui missi sunt, ut ap-

prehenderent David, qui accepto spiritu Dei prophetaverunt.

De reversione Arcæ Domini ad terram Israelitarum, & percussione Beth-famitarum.

De eo quod scriptum est: *Ex qua die mansit Arca Domini in Cariathiarim, multiplicati sunt dies.*

De eo quod scriptum est: *Congregato omni populo Israel, oravit Samuel Dominum, & exaudivit eum.*

De filiis Samuel, qui declinarunt post avaritiam, & acceperunt munera.

De unctione Saul Regis, & adventu Samuelis in Galgala.

De jejuniis indicto a Saule.

De prælio Saul contra Amalech, & Agag Regem; & de eo quod scriptum est: *panisere Dominum, quod constituit Saul Regem.*

De objurcatione Samuelis in Saul, eum non audisset vocem Domini, & scissione pallii Samuelis, nec non & morte Agag Regis.

De adjuratione David, & Jonathan.

Ubi David ad Abimelech Sacerdotem venit, & gladium Goliz sustulit, seu (c) panes propositionis accepit.

Ubi David ad Regem Achis fugit, & mutavit os suum.

Ubi in spelunca David, Saulis clamidem abscidit.

De descensione David in solitudine Machon, ubi habitabat Nabal, ubi

(a) S. Hieronymus in libro, quem inscripsit de nominibus Hebraicis [columna 84 tom. III editionis Veronensis] Chobar vertit gravitudo. Etiam in Aggeum [ad versiculum I capituli 2 pag. 747 ejusdem editionis] gravissimum appellat eundem fluvium, respiciens scilicet ad eam, quam dicimus significationem. Rursus in interpretatione bonilia prima Origenis in Exegibelem pag. 887. Et ego eram juxta fluvium Chobar, quod interpretatur gravitudo. Et deinceps: locus flumen istud gravissimum seculi. Hæc tamen interpretatio Boebartæ, aliisque viris Criticis displicet.

(b) In exemplari habetur de Propheta ad Heli destinato, & malo filiorum ejus, atque mortem ipsorum. Hunc, & alios hujus similes [si quando occurrunt] manifestos amanuensis errores emendavi, & emendabo, lectore minime admonito, cur enim de nugis istis eum moneri opus est? reliquos, qui vel ferri aliquatenus possunt, vel Claudio ipsi tribui, reliquos & relinquam, lectore plerumque admonito.

(c) Particulas seu, vel, & affines alias sæpe vim conjunctionis in Ecclesiasticis Scripturibus habere quis nesciat? Id multi adnotarunt, & ne multos enumerem, Sanctissimus D. N. Benedictus XIV in annotationibus in Missam ad ea verba: vel qui tibi offerunt.

ubi David, dormiente Saul, & exercitu ejus, hastam, sciphumque abstulit.

De praelio David in Amalech.

De phitonissa, quam consuluit Saul, & sulcitate Samuelis.

De praelio Philistinorum, & plaga in Israel, morteque Saul, & Jonathæ filii ejus.

De luctu David pro morte Saul, & Jonathæ, & interemptione Israel, maledictioneque montium Gelboe.

(a) Regum tempora post judices, quando David, Saule reprobato, cepit regnare, incipiunt. Unde & liber, ubi res gestæ continentur, quem nunc aggredimur, *Malachim*, idest *Regum* vocitatur, qui in tertio & quarto volumine continetur: meliusque multo est *Malachim*, idest *Regum*, quam *Malachos*, idest *Regnorum* dicere. Non enim multarum gentium regna describit, sed unius Israelitici populi, qui Tribubus duodecim continetur: plus tamen in terrena Hierusalem tribus Juda, una ex duodecim, diuturna successione regnavit. In qua civitate (reprobato Saule), prior David regnavit. In quibus temporibus (b) multa, & varia Sacramenta Christi, & Ecclesie (c) figurantur. Nam (d) in ipso initio Regum, commutatum Sacerdotium in Samuel, reprobato Heli: & commutatum Regnum in David, reprobato Saule, exclamat, prænuntiari novum Sacerdotium, novumque Regnum (reprobato vetere, quod umbra erat futuri) in domino Jesu Christo venturum (e). Nonne ipse

David, cum panes propositionis manducavit, quos non licebat manducare nisi solis Sacerdotibus, in una, eademque persona utrumque futurum, idest in uno domino Jesu Christo Regnum, & Sacerdotium figurabas? Et aspice *Regum* tempora, quia primo *Judicum*, postea *Regum*: sic erit *Judicum*, postea *Regnum*.

Fuit vir unus de Ramatha in Saphim de monte Ephraim, & nomen ejus Helcana, filius Hieroboam, filii Helii, filii Tau, filii Suph, Ephraeus. Helcana non de Aran (idest Amram) ortus, sed de Isaar, qui & ipse filius fuit Caath, & Caath filius Levi (f).

Hic Isaar pater fuit Chore (g), quo pereunte filii ejus remanserunt. (h) De cujus stirpe (i) fuit Samuel, quorum posteritas postea temporibus Davidis & Salomon, cantatores, & prophetae in populo, & in templo Dei fuerunt (k). Hujus Caath familiae acceperunt urbes, & suburbana ad inhabitandum (ut liber Jesu Nave testatur) in monte Ephraim (l), ubi fuerunt civitates Sichem, & Gazer, & Cethsaim, & Betheron.

Fuit Helcana filius Hieroboam, filii Helii, filii Tau, filii Suph, filii Helcana, filii Jabel, filii Azariz, filii Sophoniz, filii Taath, filii Asir, filii Abialaph, filii Chore, filii Isaar, filii Caath, filii Levi, filii Israel, ut Verba dierum, narrant.

(m) Et habuit uxores duas, nomen uni Anna, & nomen secunda Phenenna. Fueruntque Phenenna filii, Anna autem non erant liberi: & cetera.

(a) Isidorus ante Clandium hac ipsissima docuit, sed verbis aliquando diversis, & ordine nonnihil immutato.

(b) Multis, & variis modis. Ibid. (c) Revelantur. (d) Ab ipso e cordio.

(e) Christus saepe praedicatur auctor futuri saeculi: idest auctor novi Regni, quod hic merito venturum dicitur, comparate scilicet ad Judeos, quorum Regnum jam dudum desolatum est & prohibitum. Eucher. venturi (Christi) scilicet.

(f) Exod. 6. 18. 19. &c. (g) Filii quoque Isaar, Core & Nepheg, & Zechri. Exo. 6. 21. (h) Num. 26. 10. 11. &c. (i) Cujus, aut si vis illius, idest Helcana vel Isaar.

(k) 1. Paral. 6. 28. 32. 33. &c. (l) Jos. 20. 7. & 21. 21. 22. &c. (m) Paral. 1. 6. Sed cum aliquo in nominibus extrahendis discrimine.

tera. Iste ergo laudabilis vir habuit  
 duas uxores, nomen uni *Anna*, &  
 nomen secundæ *Phennena*. Habebat  
 autem filios de secunda (*Phennena*);  
 sterilis vero erat prior illa, quæ &  
 nobilior erat. Similia invenies etiam  
 in Genesi: cognata sibi est quippe  
 scriptura divina. Invenies ibi primam  
 uxorem Abraham Saram nobiliorem;  
 Secundam verò ægyptiam Agar igno-  
 bilem fuisse: & ante patrem effectum  
 Abraham de ignobili, quam de nobi-  
 li (a). Fuit tamen postmodum et-  
 tiam de nobili conjuge pater. Ita  
 ergo etiam nunc Helcana hic, qui est  
 possessio Dei, prius de secunda uxo-  
 re efficitur pater, quam de prima,  
 quoniam concluderat Deus vulvam  
 Annæ, sicut & prius concluderat vul-  
 vam Saræ. Post plurimos verò par-  
 tus Phennenz, etiam Annæ vulva  
 orationibus, & precibus aperitur, &  
 efficitur etiam ipsa mater filii ejus,  
 quem obtulit Deo. (b) Quid ergo  
 hæc in se sacramenti contineant vide-  
 amus. Phennena interpretatur *con-*  
*versio*: Anna autem interpretatur *gra-*  
*tia*. Unde quisque (c) nostram, qui  
 vult effici possessio Dei, istas sibi  
 duas jungat uxores: sed cum ipsis  
 sibi nuptias celebrat, primum sibi  
 jungat quæ nobilior est, & genero-  
 sior *gratiam*. Hæc enim nobis per  
 fidem prima conjungitur, sicut &  
 Apostolus dicit: (d) *Gratia salvi*  
*facti estis per fidem*. Secundæ vero  
 conjungimur (*Phennenz*) idest *con-*  
*versioni*, quia per gratiam credulita-  
 tis emendatio fit morum, & vitæ  
 conversio. Sed cum iste fit ordo nu-  
 ptiarum, alius ordo procreationis ef-  
 ficitur. Prima namque nobis filios

parit Phennena, quia primos fructus  
 de conversione proferimus, & prima  
 justitiæ germina de actibus, & ope-  
 ribus procreamus: primum namque  
 justitiæ opus est, converti a peccatis:  
 quia nisi ante convertamur, &  
 declinemus a malo, non poterimus  
 de Anna effici patres, nec de gratia  
 filios generare.

Videamus ergo uniuscujusque dif-  
 ferentias. Phennena filios habet, sed qui  
 non assunt Deo: neque enim tales  
 filii possunt esse conversionis, ut ad-  
 sistant, & adhæreant Deo, nec ta-  
 men inanes & penitus alieni sunt a  
 rebus Dei. Accipiant namque partes  
 de sacrificiis divinis, & edunt de ho-  
 stis Dei. Unusquisque ergo nostrum  
 primo convertitur a peccato, ut ex  
 conversione generet opera justitiæ,  
 postea verò excitata in verbis Anna  
 per zelum, & emulationem boni,  
 precem fundit ad Deum, ut & ipsa  
 filios generet. Quales ergo Anna quæ  
 est gratia, filios generat? Qui assi-  
 deant Deo. Gratia enim, & veritas  
 per Jesum Christum facta est, hic er-  
 go filius est gratiæ, qui Deo vacat,  
 & verbo Dei. Post hæc oravit An-  
 na, & ait (e): *Confirmatum est cor*  
*meum in Domino, & exaltatum est*  
*cornu meum in Deo salutaris meo.*  
*Dilatatum est os meum super inimicos*  
*meos. Latata sum in salutare tuo,*  
*Ecce.* (f) Ita ne vero verba hæc u-  
 nius mulierculæ putabuntur esse de-  
 nato sibi filio gratulantis? tantumne  
 mens hominum a luce veritatis aver-  
 sa est, ut non sentiant supergredi mo-  
 dum semine hujus dicta, quæ fudit?

Porro qui rebus ipsis, quæ jam  
 cæperant etiam in hac peregrinatione  
 com-

C 2

(a) Gen. 16. 1., 17. 19., 18. 10., 21. 1. &c. (b) I. Reg. 1. 21. 24. &c.

(c) In exemplari unde quisque ergo aut unde, aut ergo redundat. Altemi ergo: tu si vis  
 demere vocem unde pariter redundantem. Eucherius legit ergo.

(d) Rom. 7. 1. Gal. 2. 16. Et expressius Eph. 2. 8. (e) Cap. 2. v. 1. Sed cum multis  
 discrimine hæc interpretationem, & vulgatam nostram, immo inter vulgatam, & eam, quam  
 exhibet Augustinus deinceps allegandus; idest ex capite 4. libri 17. De Civitate.

(f) Hæc quæ sequuntur omnia exscripta sunt ex capite 17. libri XVII de Civitate: quod  
 non dissimulat Claudius deinceps.

compleri, convenienter movetur, nonne intendit, & aspicit, & cognoscit per hanc mulierem, cujus etiam nomen (idest *Anna*) gratia ejus interpretatur, ipsam religionem christianam, ipsam civitatem Dei, cujus Rex est, & conditor Christus, ipsam postremo Dei gratiam, cujus prophetico spiritu sic locuta est? a qua superbi alienantur, ut cadant; qua humiles implentur, ut surgant, quod maxime hymnus iste personat. Nisi quisquam forte dicturus sit, nihil istam prophetas mulierem, sed Deum tantummodo propter filium, quem precata impetravit, exultanti prædicatione laudasse. Quid ergo sibi vult quod ait? *Accum potentium fecis infirmum, & infirmi praevenisti suam virtute. Pleni panibus minorati sunt, & esurientes transierunt terram, quia sterilis peperit septem, & multa in filiis infirmata sunt.* Numquid *septem* ipsa pepererat, quamvis sterilis fuerit? Unicum habebat, quum illa dicebat: sed nec postea *septem* peperit, sive sex, ex quibus septimus esset ipso Samuel, sed tres mares, & duas feminas. Demum illa in populo, cum adhuc nemo regnaret, quod in extremo posuit (a), dat *virtutem Regibus nostris, & exaltavit cornu Christi sui.* Unde dicebat, si non prophetabat? Dicat ergo Ecclesia Christi, Civitas Regis magni, gratia plena, prole secunda. Dicat quod tanto ante de se prophetatum per os hujus piae matris agnoscit. *Confirmatum est cor meum in Domino, & exaltatum est cornu meum in Deo meo.* Vere confirmatum est cor, & cornu exaltatum, quia non in se, sed in Domino Deo suo. Di-

*latatum est super inimicos meos os meum:* quia & in angustiis pressuratum sermo Dei non est alligatus. (b) *Latata sum* inquit, (c) *in salutari tuo.* Christus est iste Jesus, quem Simeon ille, sicut in Evangelio legitur, (d) senex amplectens parvum, agnoscens magnum: *nunc dimittis inquit servum tuum in pace, quoniam viderunt oculi mei salvatorem tuum.* Dicat itaque Ecclesia. *Latata sum in salutari tuo.*

(e) *Quoniam non est sanctus sicut Dominus, & non est justus sicut Deus noster.* Tanquam sanctus, & sanctificans: justus, & justificans. Non est sanctus præter te, quia nemo fit, nisi abs te. Denique sequitur. (f) *Nolite gloriari superbi, & nolite loqui excelsa, neque exeat magniloquium de ore vestro, quoniam Deus scientiarum Dominus.* Ipse vos scit, & ubi nemo scit, quoniam qui potat se aliquid esse, cum nihil sit, se ipse seducit. Hæc dicuntur adversariis civitatis Dei ad Babyloniam pertinentibus, de sua virtute præsumptibus, in se, non in Domino gloriantibus, ex quibus sunt etiam carnales Israelitæ, terræ Hierusalem cives terrigenæ, qui, ut dicit Apostolus (g), *ignorantes Dei justitiam, (idest quam dat Deus homini, qui solus est justus, atque justificans,) & suam volentes constituere, idest velut a se sibi præparatam, non ab illo impertitam, injuria Dei non sunt subiecti.* Utique, quia superbi de suo putantes, non de Dei, posse placere se Deo, qui est Deus scientiarum, atque ideo, & arbitri conscientiarum. Ibi videns cogitationes hominum quia

non vane

(a) Ut sedeat cum principibus, & solum gloriæ veniat. v. 8. (b) II. Tim. 2. 9. in Augustino edito a PP. S. Mauri additur: nec in præconibus alligatus.

(c) In Codice inquit, & hic, & paulo post. *Alibi adveni litteras t, & d in antiquis codicibus saepe permixti, adeo ut legatur inquit, capud, ed: & contra set, Davit, &c. Vide annotationem nonam in S. Antipatri sermonem.*

(d) Luc. 2. 25. &c.

(e) I. Reg. 2. 2. Sed cum aliquo discrimine, quod sit etiam deian-

ceps. (f) v. 3. (g) Rom. 10. 3.



vane sunt (a). Si hominum sunt, & ab illo non sunt (b). Es praparam, inquit, adinventiones suas. Quas adinventiones putamus, nisi ut superbi cadant, & humiles surgant? Has quippe adinventiones exequitur, dicens. Arcus potentium infirmatus est, & infirmi praeclisi sunt virtute. Infirmatus est arcus, idest intentio eorum, qui tam potentes sibi videntur, ut sine Dei dono, atque adiutorio, humana sufficientia, divina possint implere mandata. Es praeclisus virtute, quorum interna vox est (c). Misere mei Domine: quoniam infirmus sum.

Pleni panibus, inquit, minorati sunt, & esurientes transierunt terram. Qui sunt intelligendi pleni panibus, nisi iidem ipsi quasi potentes: idest Israelitae, quibus credita sunt eloquia Dei (d)? Sed in eo populo, ancillae filii minorati sunt, quod verbo minus latino, bene tamen expressum est: quod ex maioribus minores facti sunt, quia & ipsis panibus (idest divinis verbis, quae Israelitae soli tunc ex omnibus gentibus acceperunt) terrena sapient. Gentes autem, quibus lex illa non erat data, posteaquam per novum testamentum ad eloquia illa venerunt, multum esuriendo, terram transierunt, quia in eis non terrena, sed celestia sapuerunt. Et haec velut quzeretur causa, cur factum sit.

Quia sterilis peperit septem, & multa in filiis infirmata est. Hic tum, quod prophetabatur, eluxit agnoscitibus numerum septenarium, quo est universae Ecclesiae significata perfectio. Propter quod, & Joannes Apostolus ad septem scribit Ecclesias, (e) eo modo se ostendens ad unius plenitudinem scribere. Et in proverbii Salomonis hoc antea praefigurant Sapientia (f) adiferens sibi do-

mum, & suffulsi sibi columnas septem. Sterilis enim erat in omnibus gentibus Dei civitas, antequam iste fetus, quem cernimus, oriretur. Cernimus etiam, quae multa in filiis erant, nunc infirmatam Hierusalem terrenam, quoniam quicumque filii liberae in ea erant; virtus ejus erat. Nunc vero ibi quoniam littera est, & spiritus non est, amissa virtute infirmata est.

(g) Dominus mortificat, & vivificat, deducit ad inferos, & reducit. Mortificavit illam, quae multa erat in filiis, & vivificavit hanc sterilem, quae peperit septem: quamvis commodius possit intelligi, eosdem vivificare, quos mortificaverat: id enim velut addendo repetivit: Deducit ad inferos, & reducit. Quibus enim dicit Apostolus (h): si mortui estis cum Christo, quae sursum sunt quaerite, ubi Christus est in dextera Dei sedens; salubriter utique mortificantur a Domino. Quibus adjungit (i): quae sursum sunt sapite, non quae super terram: ut ipsi sint illi, qui esurientes transierunt terram (k). Mortui animi essis, inquit. Ecce quomodo salubriter mortificat Deus. Deinde sequitur. (l) Es visa vestra abscondita est cum Christo in Deo. Ecce quomodo eosdem ipsos vivificat Deus. Sed quomodo eosdem ipsos deduxit ad inferos, & reduxit? Hoc utrumque sine controversia fidelium, in illo potius videmus impletum, capite scilicet nostro: cum quo visam nostram in Deo, Apostolus dixit absconditam. Nam qui (m) proprio filio non peperit, sed pro nobis omnibus tradidit illum, isto modo utique mortificavit eum: & quia resuscitavit eum a mortuis, eundem sursum vivificavit. Et quia in prophetia vox ejus agnoscitur (n): non declinantes animam meam in inferno, eundem

de-

(a) Psal. 93. 11. 35.

(b) 2. Reg. 2. 3.

(c) Psal. 6. 3.

(d) Rom. 3. 2.

(e) A.

post. 2. 4.

(f) Prov. 9. 1.

(g) Coloss. 3. 1.

(h) 1. Th. 2. 2.

(i) 1. Th. 2. 2.

(k) 1. Th. 2. 2.

(l) 1. Th. 2. 2.

(m) Rom. 8. 32.

(n) Psal. 15. 10. Act. 2. 27.



deducit ad inferos, & reducit. Hac  
ejus paupertate ditati sumus: *Domi-*  
*nus enim pauperes facit, & dicit:*  
nam quid hoc sit, ut sciamus, quod  
sequitur, audiamus, *humiliat, & ex-*  
*altat:* utique superbos humiliat, &  
humiles exaltat; Quod enim alibi le-  
gitur (a): *Deus superbis resistit,*  
*humilibus autem dat gratiam,* hzc  
totus habet sermo hujus Annæ; quæ  
interpretatur *gratia ejus*. Jam verò  
quod adjungitur: *fuscitavit a terra*  
*pauperem:* de nullo melius, quam de  
illo intelligi, qui propter nos pau-  
per factus est, cum dives esset, ut ejus  
paupertate, sicut paulo ante dictum  
est, ditaremur. Ipsum enim de terra  
fuscitavit tam cito, ut caro ejus  
non videret corruptionem: nec illud  
ab illo alienabo, quod additum est:  
*Ex de stercore origo inopem.* Inops  
quippe id est, ac pauper: sterco vero,  
unde erectus est, rectissime intel-  
liguntur persecutores judæi, in quorum  
numero cum se dixisset Apostolus:  
(*Ecclesiam persecutus sum*) (b): *quæ*  
*mibi fuerunt,* inquit, *lucra* (c), *hæc*  
*propter Christum damna esse duxi:* nec  
solum *detrimenta*, verum etiam *stercora*  
existimavi esse, ut *Christum lu-*  
*crificarem.* De terra fuscitatus est il-  
le supra omnes divites pauper, & de  
illo stercore erectus est supra omnes  
opulentos ille inops, ut sedeat cum  
potentibus populi, quibus ait (d):  
*sedebebis super duodecim sedes:* sed  
sedem gloriæ hereditatem dans eis.  
Dixerant enim potentes illi (e): *Ec-*  
*ce nos reliquimus omnia, & secuti su-*

*mus te.* Hoc votum potentissimi vo-  
verant; sed vade hoc, eis nisi ab illo,  
de quo hic continuo dictum est (f)?  
*Dans votum votendi:* alioquin ex  
illis essent potentibus, quorum *infirmus*  
*est arcus.* Dans inquit *votum*  
*votendi;* non enim Domino quic-  
quam quicquam rectum voveret, ni-  
si qui ab illo acciperet quod vove-  
ret (g). Sequitur: (h) *Es benedi-*  
*xit annos justis.* Ut cum illo scilicet  
sine fine vivat, cui dictum est (i):  
*Es anni tui non deficient:* ibi enim  
stant anni, hic autem transeunt,  
immo pereunt, ante enim quam  
veniant non sunt: cum autem ve-  
nerint, non erunt, quia cum suo  
fine veniunt. Horum autem duo-  
rum, idest *dans votum votendi,*  
*& benedixit annos justis,* unum est  
quod facimus, alterum quod sumi-  
mus, sed hoc alterum Deo largitore  
non sumitur, nisi cum ipso adjutore  
primum illud efficitur: quia (k) *non*  
*in virtute sua potens est vir* (l).  
*Dominus infirmum facit adversarium*  
*suum,* illum scilicet, qui homini vo-  
venti invidet, & resistit, ne valeat  
implere quod vovit. Potest ex ambi-  
guo græco intelligi: *& adversarium*  
*suum:* cum enim Dominus possidere  
nos cepit, profecto adversarius, qui  
noster fuerat, ipsius fit, & vincetur a  
nobis, sed non viribus nostris, quia *non*  
*in virtute sua potens est vir.* Dominus  
ergo *infirmum facies adversarium suum.*  
(m) *Dominus sanctus,* ut vin-  
catur a sanctis, quos Dominus fan-  
ctorum efficit sanctos.

,, Ac

(a) Jacob. 4. 6. Prov. 3. 34. (b) I. Cor. 15. 9. Phil. 3. 6. (c) Ibi. v. 8. (d) Matth. 19. 28. (e) Matth. 19. 27. (f) Augustinus dicitur: votenti: sed locum Scripture, in quo hæc dicuntur, PP. S. Mauri retinere. (g) v. 8. (h) Sequitur hic Claudius cum Augusti Septuaginta interpretes, qui legunt: διδοὺς ἐν ἑνὶ τῷ εὐχαρίστησιν, καὶ ἐν ἑνὶ τῷ εὐχαρίστησιν, dans votum orandi, & benedixit anni justis. Cui tam ab hebraico [saltem bodierno] & vulgata dissentiant iidem Septuaginta, querunt interpretes, ad quos Lellorem allego: neque enim presentis operis ea cura est.  
(i) Psal. 101. 28. (k) v. 9. (l) v. 10. (m) In interpretatione hujus versiculi plane sequitur Claudius cum Augustino versionem Septuaginta: Κύριος ἀσθενὴς ποιεῖ τὸν ἀντιδικῶν αὐτοῦ: Κύριος ἀσθενὴς idest Dominus debilem [ seu infirmum ] facit adversarium suum; Dominus sanctus.

„ Ac per (a) hæc (b): negli-  
 „ getur prudens in prudentia sua: & ne-  
 „ gligeretur potens in potentia sua: &  
 „ negligetur dives in divitiis suis: sed  
 „ in hoc gloriatur qui gloriatur: intelli-  
 „ gere, & scire Dominum, & facere  
 „ iudicium, & iustitiam in medio ter-  
 „ ra. Non parva ex parte intelligit, &  
 „ scit Dominum, qui intelligit, & scit  
 „ etiam hæc a Domino sibi dari, ut in-  
 „ telligat, & sciat Dominum. Quid e-  
 „ nim habes, ait Apostolus (c), quod  
 „ non accepisti? Si autem accepisti, quid  
 „ gloriaris, quasi non acceperis? id est:  
 „ quasi a te ipso tibi sit, unde gloria-  
 „ ris. Facit autem iudiciam, & iusti-  
 „ tiam qui recte vivit. Recte autem vi-  
 „ vit; qui obtemperat precipienti Deo;  
 „ & finis præcepti (d), (id est ad quod  
 „ refertur præceptum) caritas est de  
 „ corde puro, & conscientia bona, &  
 „ fide non ficta. Porro ista caritas (e)  
 „ (sicut Joannes Apostolus testatur) ex  
 „ Deo est. Facere ergo iudicium, &  
 „ iustitiam, ex Deo est. Sed quid est in  
 „ medio terræ? Neque enim non de-  
 „ bent facere iudicium, & iustitiam,

qui habitant in extremis terræ? Quis  
 hæc dixerit? Cur ergo additum est  
 in medio terræ? Quod si non adde-  
 retur, & tantummodo diceretur fa-  
 cere iudicium, & iustitiam, magnum  
 hoc præceptum ad utroque homines  
 pertineret, & mediterraneos, & ma-  
 ritimos. Sed ne quiquam putaret post  
 finem vitæ, quæ in hoc agitur cor-  
 pore, superesse tempus iudicium, iusti-  
 tiamque faciendi, quam dum esset in  
 carne non fecit, & sic divinum eva-  
 di posse iudicium, in medio terræ  
 mihi videtur dictum, cum quisque  
 in corpore vivit. In hac quippe vita  
 suam terram quisque circumfert, quam  
 moriente homine recipit terra (f),  
 consurgenti utique redditura. Proinde  
 in medio terræ, id est cum anima  
 nostra illo terreno clauditur corpore,  
 faciendum est iudicium, atque iustitia,  
 quod nobis profit in posterum: quan-  
 do (g) recipies quisque secundum  
 ea, quæ per corpus gessit, sive bonum,  
 sive malum. Per corpus quippe ibi  
 dixit Apostolus, per tempus, quo vi-  
 xit in corpore: neque enim si quis  
 ma-

(a) Euch. hoc: Augustinus editus a T. P. S. Mauri non gloriatur hic, & deinceps. Alia quoque  
 hoc in loco extant discrimina inter Codicem nostrum, & editum Augustinum, & Eucher.

(b) Hæc quæ Claudius, immo potius Augustinus, ex quo hæc scripsit Claudius, velint ex Anna  
 cantico desumpta verba subiecit, neque in Hebræo, neque in plevisque Græcis codicibus habentur:  
 tamen in Bibliis Græcis ab Aldo editis extant: ad hunc modum: Μη̃ ναυχᾶσθω ὁ ψι-  
 νηος ἐν τῇ φρονήσει αὐτοῦ. Καὶ μὴ ναυχᾶσθω ὁ δυνατὸς ἐν τῇ δυνάμει αὐτοῦ.

Kaì μὴ ναυχᾶσθω ὁ πλούσιος ἐν τῇ πλούτῳ αὐτοῦ. ἀλλ' ἐν τοῦτοις ναυχᾶσθω  
 ὁ ναυχόμενος ἐν τῇ συνίῃ καὶ γνώσει τὸν Κύριον καὶ ποιῆν κρίμα καὶ δι-  
 κασιῶν ἐν μέσῳ τῆς γῆς; quæ sic vertit Mingarellius noster [in interpretatione Can-  
 tici Anna]: Non gloriatur sapiens in sapientia sua, & non gloriatur potens in po-  
 tentia sua, & non gloriatur dives in divitiis suis; sed in hoc gloriatur, si intelligit,  
 & cognoscit Dominum; & si facit iudicium, & iustitiam in medio terræ. Quibus re-  
 citatis hæc subiicit idem ille Mingarellius, quem allegavi: quæ verba neque hic Hebræum  
 exemplar habet, & videntur ex Jeremæ nono capite huc translata: Et revera ver-  
 siculo 23, & 24. capituli noni Jeremæ hæc essent: Hæc dicit Dominus: non gloriatur  
 sapiens in sapientia sua, & non gloriatur fortis in fortitudine sua, & non gloriatur  
 dives in divitiis suis: sed in hoc gloriatur, qui gloriatur: scire, & nosse me, quia  
 ego sum Dominus, qui facio misericordiam, & iudicium, & iustitiam in medio ter-  
 ræ. Porro ex hoc Augustini, ideoque Eucherii, & Claudii loco manifesto liquet, jam du-  
 dum versiculos quos dixi, in Anna Cantico legi, & Ecclesiæ recitare consuevisse. An ad  
 hæc Paulus respicit; dum ait? Qui gloriatur in Domino gloriatur, [II. Corin. 10. 17.]  
 Judicaverit Lector.

(c) I. Corin. 4. 7. . . (d) I. Timo. 1. 5. . . (e) I. Joa. 4. 7. . . (f) Additur in Au-  
 gustino editio communis: deest in Eucherio. . . (g) II. Corin. 5. 10.

„ maligna mente, atque impia cogita-  
 „ tione blasphemet, neque id ullis mem-  
 „bris corporis aperetur, ideo non erit  
 „ reus, quia id non mota corporis ges-  
 „ sit, cum hoc per illud tempus gelle-  
 „ rit, quo gessit & corpus? Iſto modo  
 „ congruenter intelligi poteſt etiam il-  
 „ lud, quod in Psalmo legitur (a):  
 „ Deus autem rex noſter ante ſecula,  
 „ operatus eſt ſaluſem in medio terra.  
 „ Ut Dominus Jeſus accipiat Deus  
 „ noſter, qui eſt ante ſecula (b), quia  
 „ per ipſum facta ſunt ſecula, opera-  
 „ ratus eſt ſaluſem in medio terra,  
 „ cum (c) Verbum caro factum eſt,  
 „ (d) & terreno habitavit in corpo-  
 „ re. Deinde poſteaquam prophetatum  
 „ eſt in his verbis Annæ, quomodo glo-  
 „ riarī debeat qui gloriatur, non in  
 „ ſe utique, ſed in Domino: propter  
 „ retributionem, quæ in die iudicii fu-  
 „ tura eſt (e). Dominus aſcendit (in-  
 „ quit) in cœlos, & tonuit: ipſe iudi-  
 „ cabit extrema terræ, quia juſtus eſt.  
 „ Proſus ordinem tenuit conſeſſionis  
 „ fidelium; Aſcendit enim in cœlum.  
 „ Dominus Jeſus Chriſtus, & inde ven-  
 „ turus eſt ad vivos, & mortuos iudi-  
 „ candos. Nam (f) quis aſcendit (ſi-  
 „ cut dicit Apoſtolus) niſi qui & de-  
 „ ſcendit in inferiores partes terræ?  
 „ Qui deſcendit ipſe eſt, & qui aſcen-

„ diſ ſuper omnes cœlos ut adimpleret  
 „ omnia. Per nubes ergo ſuas tonuit,  
 „ quia Sancto Spiritu cum aſcendiſſet,  
 „ implevit: De quibus ancillæ Hieru-  
 „ ſalem, hoc eſt, ingratæ vineæ conſina-  
 „ tus eſt apud Iſaiam Prophetam (g)  
 „ ne pluans ſuper eam inbrem. Sicut  
 „ autem dictum eſt: ipſe iudicabit ex-  
 „ trema terræ, ac ſi diceretur extrema  
 „ hominis (h): non enim alias par-  
 „ tes non iudicabit, qui omnes homi-  
 „ nes procul dubio iudicabit. Sed me-  
 „ lius intelliguntur extrema terræ ex-  
 „ trema hominis, quoniam non iudica-  
 „ buntur, quæ in melius, vel in deterius  
 „ medio tempore commutantur (i),  
 „ ſed in quibus extremis inventus fue-  
 „ rit, qui iudicabitur. Propter quod  
 „ dictum eſt (k). Qui autem perſe-  
 „ veraverit uſque in finem, hic ſaluſ  
 „ erit. Qui ergo perſeſeveranter facit iu-  
 „ dicialium, & juſtitiam in medio terræ,  
 „ non damnabitur, cum iudicabuntur  
 „ extrema terræ (l). Et dicit (inquit) vir-  
 „ tutem regibus noſtris: ut non eos iudi-  
 „ cando condemnet, dat eis virtutem,  
 „ qua carnem, ſicut reges, regant, & in  
 „ illo mundum, qui propter eos fudit  
 „ ſanguinem, vincant (m).

„ Et exaltavi cornu Chriſti ſui.  
 „ Quomodo Chriſtus exaltavit cornu  
 „ Chriſti ſui? De quo enim ſupra di-  
 „ ctum

(a) Ps. 73. 12.

(b) Joa. 1. 3, & Hebr. 1. 2.

(c) Joa. 1. 14.

(d) Locutio iſta: terreno habitavit in corpore, ſi rigoroſe accipitur, Catholicis merito diſ-  
 „ plicet: etenim non tantum terreno habitavit in corpore Divinum Verbum, ſed naturam  
 „ humanam aſſumentem, eamque ſibi unitam, corpus etiam ſibi hypſoſtice unitum. Hoc de argu-  
 „ mento copioſe Theologi, qui etiam advertunt hanc, & huius ſimilis locutiones ante exor-  
 „ tos Neſtorii, & Eutycheti errores, non raro a Patribus procul dubio orthodoxis, & erro-  
 „ ribus Neſtorii, & Eutycheti adverſantibus adhiberi.

(e) v. 10.

(f) Eph. 4. 9, & 10.

(g) v. 6.

(h) Auguſtinus editus: extrema

terræ, ſed male: neque enim explicaret, quod ſibi explicandum propoſuit Auguſtinus: e-  
 „ mendandus eſt itaque locus iſte per Eucherium, & per codicem noſtrum, & legendum extrema  
 „ hominis. (i) Hæc verba non ſic accipias volo, ut poſtremas tantum actiones noſtras iudicet Do-  
 „ minus, de quo ſcriptum eſt: Et ſcrutabor Hieruſalem in lucernis [ſeph. 1. 12.] ſed quod  
 „ iudicabit nos, ut invenierit, quum mori nos mundo abſorbet: ſi enim Deus ſibi gratus  
 „ invenierit, noſtrarum iniquitatum non recordabitur [Iſa. 43. 25] amplius: Si vero ſibi  
 „ inuſiſ, & latbali peccato præoccupatos invenierit: juſtitia juſti non liberabit eum in  
 „ quacumque die peccaverit. Exerb. 23. 12. quod alibi his verbis expreſſus innotat  
 „ [Exerb. 18. 24]. Si averterit ſe juſtus a juſtitia ſua, & fecerit iniquitatem... nun-  
 „ quid vivet? Omnes juſtitie eius: quas fecerat, non recordabuntur, in prævaricatione,  
 „ qua prævaricatus eſt, & in peccato ſuo, quod peccavit: in iſtis morietur.

(k) Matth. 10. 12.

(l) v. 10.

(m) Ibi.

„ *Et cum est: Dominus ascendit in celos,*  
 „ & intellectus est Dominus Christus,  
 „ ipse, sicut hic dicitur, *exaltavit cornu*  
 „ *Christi sui.* Quis ergo est Christus  
 „ Christi? an cornu exaltabit uniuscu-  
 „ jusque fidelis sui: sicut ista ipsa in  
 „ principio hujus hymni ait: *exalta-*  
 „ *rum est cornu meum in Deo meo?*  
 „ Omnes quippe unctos ejus chrismate  
 „ recte Christos possumus dicere. Quod  
 „ tamen totum cum suo capite corpus,  
 „ unus est Christus. Hæc Anna pro-  
 „ phetavit Samuelis mater, sancti viri,  
 „ multumque laudati. In quo quidem  
 „ tunc figurata est mutatio veteris Sa-  
 „ cerdotii, & nunc impleta quoniam  
 „ infirmata est, quæ multa in filiis erat,  
 „ ut novum haberet in Christo Sacer-  
 „ dotium *sterilis, quæ peperit septem.*  
 „ Hoc canticum juxta septuaginta in-  
 „ terpretum translationem inserere com-  
 „ pulsi sumus (a), ut a Beato Augu-  
 „ stino expositum est; pro eo quod in  
 „ ipsa translatione ampliores, & ve-  
 „ riores continet historiam (b).

„ Interea (c) *Samuel erat mi-*  
 „ *nistrans in templo Dei accinctus Ep-*  
 „ *phor (d).* Porro filii Heli divina  
 „ sacrificia temerantes peccabant coram  
 „ Domino; & deridebant per eos mul-  
 „ ti sacrificium Dei (e). Unde Heli  
 „ sacerdos pro eorum iniquitate da-  
 „ mnatus est (f), quod eos peccan-  
 „ tes minus severa animadversione ple-  
 „ cebat (g). Et quidem coercuit, &  
 „ quidem corripuit, sed lenitate, & man-  
 „ suetudine patris, non severitate, &  
 „ auctoritate Pontificis. Qua sententia  
 „ discant sacerdotes quomodo propter

„ filiorum vitam, (idest propter sceler-  
 „ ra populi) puniantur: quique etiam,  
 „ quamvis sancti sint, culpa tamen sub-  
 „ ditorum, eisdem, si non coerceant,  
 „ reputatur (b).

„ Sed hoc (i) evidentiis ad ipsum  
 „ Heli sacerdotem missus loquitur ho-  
 „ mo Dei, cujus quidem nomen tace-  
 „ tur, sed intelligitur officio, ministe-  
 „ rioque suo, sine dubitatione esse pro-  
 „ pheta: Sic enim scriptum est (k).  
 „ *Veni autem vir Dei ad Heli, & ait*  
 „ *ad eum: hæc dicit Dominus. Numquid*  
 „ *non aperse revelatus sum domui patris*  
 „ *tui, cum esset in agrop in domo Pharaon-*  
 „ *is, & elegi eum ex omni Israel mihi*  
 „ *in sacerdotem, ut ascenderes ad altare*  
 „ *meum, & adoleret mihi incensum, &*  
 „ *portares Ephod coram me?* Et dedi  
 „ *domui patris tui, omnia de sacrificiis fi-*  
 „ *liorum Israel? Quare calce abjecisti vi-*  
 „ *ctimam meam, & munera mea, quæ*  
 „ *præcepi, ut offerrentur in templo, & ma-*  
 „ *gis honorasti filios tuos, quam me, ut co-*  
 „ *mederetur primitias omnis sacrificii Israel*  
 „ *populi mei? propterea ait Dominus Deus*  
 „ *Israel. Loquens locutus sum, ut domus*  
 „ *tua, & domus patris tui ministraret in*  
 „ *conspectu meo usque in sempiternum.*  
 „ *Nunc autem dicit Dominus: absit a me*  
 „ *hoc: sed quicumque glorificaveris me,*  
 „ *glorificabo eum: qui autem contemnunt*  
 „ *me, erunt ignobiles. Ecce dies veniunt,*  
 „ *& præcidam brachium suum, & bra-*  
 „ *chium domus patris tui, ut non sis se-*  
 „ *nex in domo tua, & videbis Christum*  
 „ *amulum suum, in templo in omnibus*  
 „ *prosperis Israel, & non eris senex in*  
 „ *domo tua in omnibus diebus. Verumta-*  
 „ *men*

(a) Et Canticum ipsum, & expositionem ejus ab Augustino prolatam [quod jam dixi] habes Capite IV. Libri XVII. de Civitate, quod consulas velim: exscriptis enim Claudius ad magnam partem, quæ Augustinus loco hoc edocuit. (b) Quæ sequuntur ad versiculi hujus interpretationem ex Isidoro [in locum hunc] desumpta sunt prorsus. (c) Cap. 2. v. 18.

(d) Cap. 1. 12. 13. rursus 17.

(e) Ibi v. 27, & subseq. & rursus cap. 2. v. 11;

(f) subseq. (f) Cap. 2. 23., & subseq.

(g) Additur nescio cur: me miserum.

(h) Cap. 2. v. 27. &c.

(i) Et versionem hanc, & illius interpretationem totam ex-  
 scriptis Claudius ex Augustino: Vide, obsecro, Caput V. Libri XVI. de Civitate. Verba Au-  
 gustini lineolis ad marginem postis notavi, ut scilicet agnoscat Lector, quantum ex Augu-  
 stini profecerit Claudius.

(k) Ibi multum ab Augustini, quem Claudius exscribit,  
 interpretatione differt et, quam hic sequitur idem Claudius, & nigata fere est. An in  
 manentem, an potius in Claudium ipsum id est referendum? Aliorum judicium expecto.

men non auferam penitus virum ex te ab altari meo, sed ut deficiam oculi tui, & tabescat anima tua, & pars magna domus tue morietur, cum ad vilem astatem veneris: hoc autem eris tibi signum, quod venturum est duobus filiis tuis Osni, & Finees. In die uno morientur ambo, & suscitabo tibi sacerdotem fidelem, qui iuxta cor meum, & animam meam faciat.

Non est ut dicatur ista prophetia, ubi Sacerdotii veteris tanta manifestatione prænuntiata est mutatio, in Samuele fuisse completa: quamquam enim esset de alia tribu Samuel, quam quæ constituta fuerat a Domino, ut serviret altari, tamen non erat de filiis Aaron, cujus progenies fuerat deputata, unde fierent sacerdotes. Ac per hoc in ea quoque res gesta eadem mutatio, quæ per Christum Jesum futura fuerat, adumbrata est: & ad vetus testamentum proprie, figurate vero pertinebat ad novum: prophetia facti etiam ipsa, non verbi; id scilicet facto significans, quod verbo ad Heli sacerdotem dictum est per Prophetam. Nam fuerunt postea sacerdotes ex genere Aaron: sicut Sadoch (a), & Abiathar (b) regnante David, & alii deinceps antequam tempus veniret, quo ista, quæ de sacerdotio mutando tanto ante prædicta sunt, effici per Christum oportebat. Quis autem fidei nunc oculo hæc intuens non videat esse completa? Quoniam quidem nullum tabernaculum, nullum templum, nullum altare, nullum sacrificium, & ideo nec ullus sacerdos remansit iudeis, quibus, ut de semine Aaron ordinaretur, in Dei fuerat le-

ge mandatum. Quod & hic commemoratum est, illo dicente propheta (c). Hac dieis Dominus, Deus Israel (d): Loquens locutus sum, ut domus patris tui ministraret in conspectu meo usque in æternum. Nunc autem dicit Dominus: absit hoc a me: sed quicumque glorificaveris me, glorificabo eum. Qui autem contemnunt me, erunt ignobiles (e). Quod enim nominat domum patris ejus, non de proximo patre dicere, sed de illo Aaron, qui primus sacerdos est institutus, de cujus progenie ceteri sequentur, superiora demonstrant, ubi ait (f): Revelatus sum domui patris tui, cum esses in ægypto in domo Pharaonis (g), & elegi eum ex omnibus tribubus Israel mihi in sacerdotem. Quis pater fuit hujus in ægyptia servitute, unde cum liberati essent, electus est ad sacerdotium, nisi Aaron? De hujus ergo stirpe, isto loco dixit futurum fuisse, ut non essent ulterius sacerdotes: quod jam videmus impletum. Vigilet fides, presto sunt res: cernuntur, tenentur, & videre nolentium oculis ingeruntur. (b) Ecce, inquit, dies veniunt, & præcidam brachium tuum, & brachium domus tue, ut non sis senex in domo tua, & videbis Christum amulum suum in templo in universis prosperis in Israel. Ecce dies, qui prænuntiati sunt, jam venerunt. Nullus sacerdos secundum ordinem Aaron: & quicumque ex ejus genere est homo, cum videt sacrificium Christianorum toto orbe pollere, sibi autem honorem illum esse subtractum, deficiunt oculi ejus, & deficit anima ejus tabe mæroris. Proprie au-

tem

(a) II. Reg. 15. 24. &c. (b) I. Reg. 20, & 22. Rursus 22. 6. & 9. 30. 7. II. Reg. 15. 24. &c. (c) Cap. 2. v. 30. (d) num. 25. 12. 13. Ecce do ei [Phinees filio Eleazar] pacem fœderis mei: & erit tam ipse, quam semini ejus, pactum Sacerdotii sempiternum. (e) Hæc quoque ex vulgata desumpta sunt: contra Augustinus quulto diffimilem interpretationem exhibet, quod & deinceps servatur. (f) Exo. 3. 28. v. 1. &c. (g) Lev. 21. 22. num. 3. 10. (h) num. 25. 13. &c. (i) v. 31. Hæc in loco nec prius vulgatum, nec Augustini interpretationem sequitur Claudius, sed aliam quam-

tem ad hujus domum Heli, cui hæc dicebantur, quod sequitur, pertinet: (a) *Es pars magna domus tue morietur, cum ad virilem ætatem venerint: hoc autem est tibi signum, quod eventurum est duobus filiis tuis Osni, & Fincez: in die uno morientur ambo.* Hoc ergo signum factum est mutandi sacerdotii de domo hujus, quo signo significatum est, mutandum sacrificium (b) domus Aaron. Mors quippe filiorum hujus significavit mortem, non hominum, sed ipsius sacerdotii de filiis Aaron.

Quod autem sequitur, ad illum etiam pertinet sacerdotem, cujus figuram gessit (c), huic succedendo Samuel. Proinde que sequuntur de Christo Jesu novi testamenti vero sacerdote dicuntur (d). *Suscitabo tibi sacerdotem fidelem, qui juxta cor meum, & animam meam faciat.*

(e) Sub figura Samuelis, de Domino Salvatore summo videlicet, ac vero Pontifice debet intelligi: (f) qui nimirum, sicut Samuel, defuncto Heli, successit in sacerdotium, non de stirpe Aaron, sed de alia Levi familia electus. Fuit enim (g) (ut jam supra meminimus) filius Helchana, filii Hieroboam, filii Helihel, filii Thau, filii (h) Sut, filii Helchana, filii Johel, filii Azariæ, filii Sophoniæ, filii Thaat, filii Afir, filii Abiafaph, filii Chore, filii Isaar, filii Caath, filii Levi, filii Israel, ut verba dierum narrat: Ita mediator Dei, & hominum, ut esset nobis Pontifex, non de Levi, sed de alia utique tribu, idest Juda, carnis ori-

ginem sumpsit: aliam, quam legalem hostiam, idest ipsam carnem, suam obtulit patri pro nobis: alios, quam de genere Aaron pontificatus sui reliquit hæredes, filios videlicet gratiæ novi testamenti de universa gentium natione collectos. Quod vero, quasi humano more loquens, Deus dicit (i): *qui juxta cor meum, & animam meam faciat*, de Samuele quidem recte potest accipi, quod in omnibus ejus voluntati sicut homo Deo paruerit, sed rectius (k) accipitur de Domino, ac Salvatore, quod sicut filius unigenitus, (l) paternorum sit in omnibus conciliis arcanorum: juxta quod de se ipse manifeste testatur, dicens (m): *Es a me ipso facio nihil, sed sicut docuit me pater, hæc loquor. Et qui me misit, mecum est, & non reliquit me solum, quia quæ placita sunt ei, facio semper.*

(n) In hoc verò quod ait Deus: *quia omnia quæ in corde meo, & quæ in anima mea sunt, facies*, non arbitremur habere animam Deum, cum sit conditor animæ; sed ita de Deo tropice, non proprie dicitur, sicut manus, pes, & alia corporis membra: & ne secundum hoc credatur homo in carnis hujus effigie factus ad imaginem Dei, adduntur, & alæ, quas utique non habet homo. Et dicitur Deo (o): *sub umbra alarum suarum propege me*; ut intelligant homines de illa ineffabili natura non propriis, sed translatis rerum vocabulis ista dici (p).

*Es edificabo ei domum fidelem, & ambulabis coram Christo meo cunctis diebus*

(a) v. 33, & 34. (b) Augustinus editus Sacerdotium, sed eodem utraque vox spectat: (c) Scilicet Heli. (d) v. 35. (e) Hæc quæ lineolis ad marginem positæ hallenus notavit, in Augustino extant. Quæ sequuntur perquire in questione I. Bedæ in libro 30. questionum in libris Regum. (f) Editus quod. (g) Parentes hæc in editis deest. (h) Edit. Supb. (i) Ibi; idest v. 35. (k) Hæc verba addidi, ut sensum conlitterem, qui aliquando deficit. (l) In Codice legitur patronorum, per amanuensis errorum, ut e quidem censeo. Bedæ habet patris. (m) Jo. 8. 28. (n) Rufus quæ sequuntur tradidit Augustinus num. 3. capituli 5. libri 17. de Civit. (o) Psal. 16. 8. (p) Hallenus Augustinum. Quæ sequuntur, iterum perquire in Bedæ loco nuper allegato, idest questione 1, inter 30. nonnullis tamen immutatis, & adlitis, quæ Claudio ipsi tribuuntur].

bus. „ Ipsa est domus, quam ædificat  
 „ pater, de qua Apostolus ait (a): *quæ*  
 „ *domus sumus nos, si fiduciam, & glo-*  
 „ *riam spei usque in finem firmam re-*  
 „ *sincamus.* Et hæc domus ambulabit  
 „ coram Christo ejus, ipso videlicet sum-  
 „ mo Pontifice. Ambulabit, dicit, idest  
 „ conversabitur, sicut superius dixerat  
 „ de domo Aaron (b): *Loquens locu-*  
 „ *tus sum, ut domus tua, & domus pa-*  
 „ *tris tui ministraret in conspectu meo,*  
 „ *usque in sempiternum.* Quod autem  
 „ ait: *coram Christo meo ambulabis,* de  
 „ ipsa domo utique intelligendum est,  
 „ non de illo sacerdote, qui est Christus  
 „ ipse, mediator, atque Salvator. Domus  
 „ ergo ejus coram illo ambulabit. Po-  
 „ tell & ambulabit intelligi de morte  
 „ ad vitam, omnibus diebus, quibus  
 „ peragitur usque in finem sæculi hujus  
 „ ista mortalitas: alioquin quomodo de  
 „ Samuele potest accipi, quod ædificata  
 „ sit ei domus fidelis, quæ coram Chri-  
 „ sto Domini (id est, ipso Samuele)  
 „ cunctis diebus incederet, cum lega-  
 „ mus in sequentibus (c), quod filii il-  
 „ lius (d) averſi de viis ejus, post avari-  
 „ tiam declinaverint, & perverterint  
 „ judicium: nisi forte domum ejus hoc  
 „ loco plebem Israeliticam intelliga-  
 „ mus, quæ cunctis diebus sacerdotii  
 „ ejus Domino servierit, de qua scrip-  
 „ tum est (e): *Es requiescis omnis Is-*  
 „ *rael post Dominum.* Et paulo post (f)  
 „ *abstulerunt filii Israel Baalim, & A-*  
 „ *staroth, & servierunt Domino soli.*  
 „ (g) Quod verò adjungitur. *Futurum*  
 „ *est autem, ut quicumque remanserit*  
 „ *in domo tua, venias, ut oretur pro eo,*  
 „ *non proprie de domo dicitur. hujus*  
 „ *Heli, sed illius Aaron, de qua usque*  
 „ *ad adventum Jesu Christi, homines*

„ remanserunt: de quo genere etiam  
 „ nunc usque non desunt. Nam de illa  
 „ domo Heli hujus, jam supra dictum  
 „ erat (b): *Es omnis qui superaveris*  
 „ *domus tuæ, decides in gladio vuro-*  
 „ *rum.* Quomodo ergo hic vere dici po-  
 „ tuit, & eris qui remanseris in domo  
 „ tua, venias, ut oretur pro eo? Si illud  
 „ est verum, quod ultore gladio nemo  
 „ inde supererit, nisi quia illos intelli-  
 „ gi voluit, qui pertinent ad stirpem  
 „ illius totius sacerdotii secundum ordi-  
 „ nem Aaron. Ergo si de illis est præ-  
 „ destinatis reliquis, de quibus alius  
 „ Propheta dixit (i), *reliquia salvæ*  
 „ *fiens,* unde & Apostolus: (k) *Sic*  
 „ *ergo, & in hoc tempore reliquia per*  
 „ *electionem gratiæ salvæ facta sunt,*  
 „ *quia de talibus reliquiis bene intelli-*  
 „ *gitur esse, de quo dictum est, qui re-*  
 „ *manſerit in domo tua: profecto credi-*  
 „ *di in Christum: sicut temporibus A-*  
 „ *postolorum ex ipsa gente plurimi cre-*  
 „ *diderunt (l).* Neque nunc desunt qui  
 „ licet rarissime, tamen credant, & im-  
 „ pletur in eo, quod hic iste homo  
 „ Dei continuo secutus adjunxit (m):  
 „ *Es offeras nummum argenteum, &*  
 „ *sortam panis, dicatque: dimitte me,*  
 „ *obsecro, ad unam partem sacerdotia-*  
 „ *lem, ut comedam buccellam panis.*  
 „ Quid per nummum argenteum, nisi  
 „ oris confessio designatur (n): *quæ sit*  
 „ *credentibus ad salutem?* Argentum  
 „ enim pro eloquio poni solet: Psalmis-  
 „ ta testante, ubi canitur (o): *Eloquia*  
 „ *Domini eloquia casta, argentum i-*  
 „ *gnæ examinatum, probatum terræ,*  
 „ *puratum. Septaplinum.* Sed quid dicit  
 „ iste qui venit? *dimitte me, obsecro, ad*  
 „ *unam partem sacerdotalem, ut come-*  
 „ *dam buccellam panis.* Sacerdotalem  
 „ par-

(a) Hebr. 3. 6. (b) v. 30. (c) Cap. 8. v. 3. (d) Advers. (e) Reg. I. 7.  
 (f) Ivi v. 4. (g) Cap. 1. v. 36. Hic iterum exhibetur Augustinus, sed interpretatio-  
 nem scripturæ multam diversâ. (h) Hic allegatur versio ex Augustino. (i) Isa. 10.  
 21, & 22. Roma. 9. 27. (k) Rom. 11. 5. (l) Act. 2. 41. &c. (m) Cap. 2.  
 36. Hæc quæ sequuntur ex Augustino, magnam ad partem, excerpta sunt, sed non propriis.  
 Proſus tamen ea habet Isidorus, cap. 2. in lib. I. Regum, quem proinde plane hic exhibet  
 Claudius. (n) Rom. 10. 10. (o) Psalm. 11. 7. Diversitas nonnulla hic est, æ-  
 sum inter, & nostrum Codicem.



partem corpus Christi, idest Ecclesiam dicit; cuius plebis ille sacerdos est, mediator Dei, & hominum, homo Christus Jesus; cui plebs dicit Apostolus Petrus (a): *Plebs sancta, regale sacerdotium*. In hanc partem Sacerdotalem postulat comedere buccellam panis, quibus verbis ipsum sacrificium christianorum eleganter expressum est, de quo dicit sacerdos ipse: (b) *Panis, quem ego (c) dederam, caro mea est pro mundi vita*. Ipsum quippe est sacrificium non secundum ordinem Aaron (d), sed secundum ordinem Melchisedech.

(e) Factum est autem in die quodam Heli jacebat in loco suo, & oculi ejus caligaverunt, nec poterat videre lucernam Dei antequam extingueretur. In tabernaculo sederis erat candelabrum, ubi a vespere ulque mane (f), summo Pontifice lucernas vespere concinnante, jugiter extra velum preparatae lucebant, Dominus ut jussisset (g). Isto Pontifice intrante in tabernaculo, jam granda senectute confecto, oculi ejus tantum caligaverant, ut nec incensam lucernam potuisset aspicere, quanto magis extinctam? Figurative verò lucerna Dei Heli fuerat, quando dignitate sacerdotali pollens justitiæ claritate fulgebat. Quam extinctam Propheta asserit, dum ob scelera filiorum, sacerdotii potestatem, meritorumque lumen amisit.

(b) *Crevit (i) autem Samuel, & Dominus erat cum eo, & non cecidit ex omnibus verbis ejus in terram*. Significat quia nihil ex his, quæ

locutus est, irritum fuit, sed omnia sicut rebus impleta quæ dixit. Cadunt namque in terram verba super vacua, quæ pronihilo habenda, & universonum sunt calcanda despectu sicut & Beatus Job dixit (h): *Et lux vultus mei non cadebat in terram*: quia nimirum in tanta gravitate vultum (i) retinere consueverat, ut nunquam contemptibili lætitiâ resolveretur. Sed quotiescumque hilariorem se presentibus exhiberet, certam semper ob causam utilitatis eorum (m) ageret.

Igitur (n) postquam hæc in figura mutationis veteris testamenti a Propheta illo prænnuntiata sunt ad Heli: offendente Israel Dominum, (o) *infringerunt aciem Philisti contra eos &c.* Tollunt autem Israelitæ arcam ad (p) stationem suam: capta est ab hostibus arca, ipsique non solum victi sunt, & in fugam versi, immo etiam magna strages facta est occisorum. (q) Nonnulla tamen futurorum significat res gesta hæc. In (r) propheta enim arca illa ab alienigenis capta indicabat testamentum Dei transiitum ad gentes. Quando enim nuntiatur est Heli sacerdoti, captam fuisse arcam Domini, cecidit de sella, & mortuus est (s). Transeunte arca Domini ad gentes, (t) periit, atque interiit sacerdotium Judæorum. (u) Duo quoque filii corruerunt, unius uxor viduata: & (x) mox in partu mortua est (y), propter eandem perturbationem. Quod evidenti signo præfiguratum est,

- (a) I. Pet. 2. 9. (b) Dabo: (c) Jos. 6. 52. (d) Hebr. 5. 6. & 7. 11. &c.  
 (e) I. Reg. 3. 2. Sed cum aliquo discrimine, quod & habent aliæ editiones. Vide Calmet in locum hunc. (f) Exo. 27. 20. 21. Lev. 24. 3. 8. (g) Ibidem. (h) Cap. 3. 19.  
 (i) Explicatio hujus loci ex questione II. Bide tota desumpta est. (k) Job 29. 24.  
 (l) Tenere. (m) Faceret. (n) Subsequentia porro notata lineolis ab Ilduro [cap. 3. I. Reg.] edocemur. (o) Cap. 4. v. 2. & subseq. (p) Transitionem.  
 (q) Nonnihil. (r) Prophetice. (s) Cap. 4. 16. 17. 18.  
 (t) Verba hæc periit, atque interiit Sacerdotium Judæorum, non sive accipias velim, ut revera tum perierit; nam revera Abiathar, & Sadob paucis elapsis annis Sacerdotes recesserunt: sed quod supersit tantum modo filio puellulo, ideoque impote Sacerdotii munere fungi, Sacerdotii partes impleverit Samuel, qui propterea solemnia sacrificia etiam obtulit.  
 & Reg. 7. 6, 10. 9, 12, 16, 2, &c. (u) Cap. 5. (x) v. 11. (y) v. 20.

est, post extinctum sacerdotium Judæorum, carnalem interiisse Synagogam illi carnaliter adhaerentem, prostratoque Heli de sella, (a) Pontifices Judæorum sedem habuere vacuum, & gloriam sacerdotii, regnique extinctam.

(b), Sed quid est, quod dum posuissent Philistiim arcam Domini in templo Dagonis Dei sui, intraverunt templum, & invenerunt Deum suum prostratum, atque confractum, caput vero ejus, duasque manus abscissas? Statim enim ut testamentum Domini pervenit in (c) gentes, confestim idola, quæ deceptum possidebant orbem, destructa sunt, omnisque error simulacrorum corruit, præsentiam Dei ferre non sustinens. Nam in manibus Dagon præcisus, opus idolatriæ (d) amputabatur. Et in capite ejus superbia diaboli abscissa (e) significatur, a quo initium peccati fuit. Quod vero in limine, ut certum scilicet, præfinitumque lux idolatriæ finem (f) agnoscerent, limes enim fines itineris significat. Etiam illud ad magnam pertinet significationem, in ipsa ruina Dagon Dei sui, atque fractura, quod dorsum illius solum invenerunt, (g) fractis ejus omnibus membris: dorsum quippe fugam significat. Quicumque enim fugiunt, persequentibus dorsum dant. Unde & scriptum est de hostibus (h): *quoniam pones eos dorsum*. Ubi enim sunt idola? perierunt. Et si aliqua remanent, ab aliquibus absconduntur, & fugerunt. (i) Quod autem *perculsi sunt in posteriora* ii, qui arcam Dei captivaverunt, hoc penz si-

gnam videtur: quia, si qui suscep-  
runt (k) testamentum, & posteriora vitæ dilexerint, ex ipsis iustissime cruciabantur, quæ sicut Apostolus ait, (l) *exilimare debuerant* *sensu* *stercora*: qui enim sic assumunt testamentum divinum, ut posteriora respicientes, veteri le vanitate non exuant, similes sunt hostibus illis, qui arcam testamenti captivam juxta idola sua posuerunt. Et (m) alia quidem vetera etiam nolentibus cadunt: quia (n) *omnis caro fenim*, & *claritas hominis, ut flos feni, aruit fenim*, & *flos decidit*: arca autem Domini *manet in æternum*: secretum scilicet testamentum, regnum celorum, ubi est æternum verbum Dei.

(o) Cum verò de terra Philistiim arca Domini ad terram Isacitarum rediret, (p) plaustrum superpositum est, & vaccæ plaustrum subjunctæ sunt, quæ sætæ fuisse memorantur; (q) quarum filios claustrum domi, ut scriptum est. (r) *Ibant autem in directum vaccæ per viam, quæ ducit Berbsfames: uno itinere gradiebantur pergentes, & mugientes, & non declinabant neque ad dexteram, neque ad sinistram*. (s) Quid igitur vaccæ, nisi fideles quosque in Ecclesia (t) significant, qui dum sacri elo-  
qui præcepta considerant, quasi superimpositam Domini arcam portant? de quibus hoc est etiam notandum: quod fuisse sætæ memorantur: quia sunt plerique, qui in via Dei intrinsecus positi, foris carnalibus affectibus ligantur: sed non declinant a recto itinere (u) qui arcam Dei portant in mente. Ecce enim vaccæ Bethsamis pergunt. Bethsamis quippe di-

(a) Pontificis præstat nostra lectio:

(b) Cap. 5. v. 2. & seq.

(c) Gentibus:

(d) Amputatum. In Eusebio edito nonnulla desunt.

(e) Significabatur.

(f) Agnoscerent.

(g) v. 5.

(h) Psal. 20. 13.

(i) v. 6. & Psal. 77. 66.

(k) Susceperunt: dilexerunt.

(l) Phi. 3. 8.

(m) Illa.

(n) Isa. 40. 6.

(o) 6. 1. &c.

(p) v. 7.

(q) subseq.

(r) v. 10.

(s) v. 12.

(t) Hæc omnia quæ sequuntur exceptis noster

Claudianus & Gregorius Magnus, qui ea attingit, numero 42. libri 7. Moralium in Job: sed expressissima habet num. 3. familia 27. in Evangelia: hæc propterea, ut a verbis Claudii seruat Lector, lineolis ad marginem positis, distincti:

(u) Editi: designant.

(v) Editi: qui.

dicetur *Domus solis*. Et propheta-  
 ait (a): *Vobis autem, qui timetis De-*  
*um, orietur sol iustitia*. Si igitur ad  
 æterni solis habitationem tendimus,  
 dignum perfectio est, ut de Dei iti-  
 nere pro carnalibus affectibus non de-  
 clinemus. Tota enim virtute pensan-  
 dum est, quod vacce Dei plauistro sup-  
 positæ pergunt, & dant ab intimis mu-  
 gitus, & tamen de itinere non de-  
 torquent gressus: (b) amorem qui-  
 dem per compassionem sentiunt. Sed  
 colla posterius non defleunt. Sic ni-  
 mirum prædicatores Dei, sic fideles  
 quique intra sanctam Ecclesiam age-  
 re debent, ut & compatiantur proxi-  
 mis per caritatem, & tamen de  
 via Dei non exorbitent per compas-  
 sionem. Arcæ quippe superposita Be-  
 thsames pergere est, cum superna  
 scientia ad internæ lucis habitacu-  
 lum propinquare: sed tunc vere Be-  
 thsames tendimus, cum viam rectitu-  
 dinis gradientes, ad vicina erroris la-  
 tera, nec pro affectu pignorum decli-  
 namus. Sic namque sic necesse est, ut  
 incedere debeant, qui sacrilegiis suppo-  
 siti jam per internam scientiam, Domini  
 arcam portant, quatenus per hoc quod  
 propinquorum necessitatibus condolent,  
 accepto rectitudinis itinere non decli-  
 nent. Quorum nimirum gratia-  
 mentem nostram tenere debet, sed  
 reflexere non debet, ne hæc eadem  
 mens, aut si affectu non tangitur, du-

ra sit, aut tacta, plus, si inæstetur,  
 remissa.

(c) Percussit autem de viris Ber-  
 samitis, eo quod vidissent arcam Do-  
 mini: percussit autem de populo septua-  
 ginta viros, & quinquaginta millia ple-  
 bis. „Populus, & plebs pro una eadem-  
 que re indifferenter accipitur. Nam ex  
 uno græco quod est λαός solet utrum-  
 que transferri. Sed in hoc videtur  
 esse distantia, quod in priore com-  
 mate versiculi additum est viros. Vi-  
 ros enim majores natu significat, ut  
 sit sensus, quia de optimatibus populi  
 septuaginta sunt percussi, de ipsa tur-  
 ba vulgari homines quinquaginta  
 millia. Quod ne pateretur, in Exodo  
 (d) populus a longe stabat, & ora-  
 bas, solusque Moyses ascendit ad Do-  
 minum (e). Ibi ab hoc percussus, quia  
 non solum appropinquaverunt, sed  
 etiam (ut alia refert translatio) de-  
 pexerunt, quod rationi plus congru-  
 um est: nam in Exodo viderunt, &  
 audierunt, & perspicua divinæ poten-  
 tiæ inspexerunt, nec perierunt. Et i-  
 deo isti non de visione, sed de  
 despectione, & temeritate mulctati  
 sunt (f).

(g) Est factum est ex qua die  
 mansit arca in Cariathiarim, multiplica-  
 ti sunt dies. Erat quippe annus vicefe-  
 rius, & requievit omnis domus Israël  
 post Dominum. (b) „Non ita intel-  
 ligendum est quasi viginti anni, quibus  
 arca

(a) Malach. 4. 2. (b) Subsequentia partim ex homilia 37. in Evangelia, partim ex Libro VII. Moralium S. Gregorii desumpta sunt. Ea enim elitis comparat, quæ, Lector.

(c) Cap. 6. 19. Bæda hujus loci explicationem a Claudio traditam docet: capite scilicet 3. questionum in libris Regum. (d) Exo. 2. (e) Qua adstantur, in Bæda non inveni.

(f) Interpretes, quos Claudius indicat, plane ignoro. Novi equidem qui veteribus dispexissent: id est curiose, & minute eam intui sunt; aut si vis scrutati sunt, qua in arca posita erant: scire autem hinc interpretationi videntur hebraica ipsa verba וַיִּשְׁמְרוּ לְרֹאשׁוֹתָא qua reddi commode possunt: eo quod vidissent in arca Domini. Sed quis nesciat ipsamet hebraica verba verti etiam cum laude posse, uti revera vertit vulgata: eo quod vidissent arcam? An quinquaginta millia plebi. [nullo scilicet reprimere] percurritur com-  
 mode potuissent quidquid in arca positum erat, & circumstantium oculos delitebat? Interpretes porro, valde probabiles causas afferunt, cur Deus Bethsames libere arcam in-  
 euntes morte punierit. Quod si liberum hunc intuitum irreverentiam quandam, ideoque  
 interpretatum contempnitionem esse quisquam velit dispositionem, & temeritatem, quam hic  
 commemorat Claudius, admittere id atque possumus. (g) Cap. 7. 2. (b) Rursus hæc  
 repetit ex Bæda num. 4.

„ arca (a) manserit in Cariathiarim, ad  
 „ octavum usque annum regni David,  
 „ quando eam congregatâ populi fre-  
 „ quentiâ adduxit in Hierusalem (b),  
 „ sint computandi. Invenitur namque  
 „ in sequentibus, (c) quod temporibus  
 „ Saulis fuit (d) delata de hac ci-  
 „ vitate, & allata in castra, pugnante  
 „ eo adversus Philistinos: sic etenim scri-  
 „ ptum est: (e) *Et ait Saul ad Abi-  
 „ ebiā: applica arcam Dei: erat enim  
 „ ibi arca Dei in die illa cum filiis Is-  
 „ raelis.* Et quia constat (f) quod Da-  
 „ vid eam in Hierusalem adduxerit, (g)  
 „ tultam de domo Aminadab, in quam  
 „ tunc illatam esse perhibetur, (b) restat  
 „ intelligi, quod in diebus Saulis relata  
 „ de castris, & in præfatam sit illata ci-  
 „ vitem; unde denuo regnante David  
 „ affertur in Hierusalem. „ Est ergo sen-  
 „ sus memoratæ sententiæ, quia ex quo  
 „ mansit arca in Cariathiarim, erat an-  
 „ nus vicissimus, cum eam inde trans-  
 „ ferri temporibus Saul causa belli con-  
 „ tingeret: vel certe vicissimus erat an-  
 „ nus, cum adhuc omnis domus Israe-  
 „ lis requievit post Dominum, abiectis

„ videlicet idolis, illi soli serviens; quod  
 „ eam fecisse toto tempore præfulatus  
 „ Samuelis, (i) qui Josepho teste duo-  
 „ decim annis completus est, & primo  
 „ tempore regni Saul, quod (k), eodem  
 „ historico affirmante (l), viginti an-  
 „ nis tenuit, nullus sanctorum historiarum  
 „ curiosus ignorat. Namque postmodum  
 „ (m) cum recessisset a Saule spiritus  
 „ Domini, & agitaret eum spiritus ne-  
 „ quam, maxime (n) ad persequendum  
 „ David innoxium, & iustum, necesse  
 „ erat partem militiæ, (o) & plebis  
 „ ejus nonnullam, militatæ illius exti-  
 „ tisse complice. Cariathiarim ipsa  
 „ est, quæ alio nomine Cariath Baal voca-  
 „ tur *civitas saluum* (p) una de urbi-  
 „ bus Gabaonitarum pertinens ad tribum  
 „ Juda, euntibus ab Hierusalem Diolpo-  
 „ lim milliario nono. De hac fuit Urias  
 „ Propheta, quem interfecit Joachim in  
 „ Hierusalem, sicut Hieremias scribit (q).  
 „ Samuel autem post mortem He-  
 „ li regebat Israel. (r) Congregato  
 „ autem omni populo exclamavit ad  
 „ Dominum pro Israele, & exaudivit eum,  
 „ (s) & cum offerret holocaustum; ac-  
 „ ce-

- (a) Maneret. (b) II. Reg. 6. (c) I. Reg. 14. 8. (d) Ablatus. Præfatâ nostra lesio.  
 (e) Iui. (f) II. Reg. 7. (g) Nisi in errantem amanuenssem hanc vocem videras, [nam editus  
 Beda locus habet: tulitque]. Vox hæc ex iis erit, quæ a latinitate declinantes, vulgares linguas, aut  
 efformaverunt, aut auxerunt. Itali tolto & tolta dicunt, quod latini ablatum, & ablatam.  
 (b) Antea etiam in adibus Abinadam in Gabaa fuisse positam discimus ex capite 8. li-  
 bri I. Reg. (i) Josephus cap. 13. lib. 6. antiquitatum [a. 9.] hæc in editione Haver-  
 campii habet. Sub hoc, & Samuelus propheta vita decessit... imperavit, populoque præ-  
 fuit solus quidem post mortem Heli Pontificis annis duodecim, cum Saulo vero Rege  
 duodeviginti. (k) Equidem historia: male utique.  
 (l) Cap. 13. seu postremo ejusdem libri 6. Josephi [n. 9.]: hæc in editione ejusdem Havercampii  
 leguntur. Hunc Saulus finem habuit... Regnavit autem vivente Samuele annis octode-  
 cim: post mortem vero ejus, annis duobus, & viginti. Quem tamen Josephi locum ita  
 Petrus Comesor explicat, ut simul juncti anni, quibus Saul regnavit, viginti efficiant;  
 ut noster scriptor habet. Et regnavit Saul vivente Samuele 18 annis, & eo mortuo duo-  
 bus annis. Citat autem Havercampius Clementem, & Eutychem Alexandrinum Josephi  
 sectatores, qui viginti ipsos Regni annos Sauli tribuunt: atque hæc quidem opinio Claudii  
 nostri auctoritate repugnante Zonara, qui hæc tradit [in fine ipso libri primi Annalium]  
 Regnavit Saul superstitie adhuc Samuele, annos octodecim: eo defuncto, viginti duos.  
 Confirmari rectissime potest: atque idipsum docet verba Josephi interpretatio, quæ Ru-  
 fino tribuitur: hæc enim habet: Regnavit itaque Saul, Samuel vivente annis decem, &  
 octo: moriente autem alios duos. Vide tamen obsecro interpretes ad duos hæc scriptura  
 locos I. Reg. 13. 1. Filius unius anni erat Saul, cum regnare cepisset, & duobus annis  
 regnavit. Et Actus 13. 21. Dedit illis Saul filium Cis, virum de tribu Benjamin an-  
 nis quadraginta. (m) I. Reg. 16. 14. (n) Cap. 18. 10. &c. (o) Vel.  
 (p) Josue 15. 60. & 18. 14. (q) 26. 20. 21. Hac tradidit Isidorus cap. 4. in lib. I. Regum.  
 (r) I. Reg. 7. &c. (s) v. 7. & seq.

cedentibus alienigenis ad pugnam. contra populum Dei, intonuit Dominus super eos, & confusi sunt. Et ceciderunt coram Israel, atque superati sunt. (a) Tunc assumpsit Samuel lapidem unum, & posuit eum inter Mafphat, & Siceleg. (b) Et ut interpretes septuaginta transtulerunt: inter Mafphat novam, & veterem. Vocavitque nomen ejus, lapis adjutorii, & dixit: usque adhuc auxiliatus est nobis Deus. Mafphat interpretatur intentio: Lapis ille adjutorii, medietas est Salvatoris; per (c) quam transendum est a Mafphat vetere ad novam, idest ab intentione, quæ expectabatur in carnali regno, quod erat beatitudo falsa, ad intentionem, quæ per novum testamentum expectatur in regno celorum, ubi est beatitudo verissima (d): quia (e), quoniam nihil est melius, usque huc auxiliatur Deus (f). Ille Samuel invocavit nomen Domini, & exaudivit eum Deus, & in tempore messis pluviam impetravit. Pluvia enim in sanctis scripturis verba sunt Evangelii, sive legis, sicut Moises dicit (g): Expectetur sicut pluvia eloquium meum: & descendans sicut ros, verba mea. Hanc igitur pluviam dedit mundo Christus in tempore messis, idest quando gentes colligi oportebat: (b) unde (i) sicut frumentum in horreis, sic inter Ecclesie sinum congregantur.

(k) „Judicavit autem Samuel Israel omnibus diebus vite sue, fueruntque usque ad eum iudices, & principes super Israel. (l) Porro filii Samuel declinaverunt post avaritiam, & accipiebant munera (m): & tam

iniqui iudices extiterunt, ut populus nequaquam ferens, regem sibi in similitudinem ceterarum gentium postulat. Quibus dedit Dominus Saul Regem: (n) qui cum quæreret a sinas patris sui, & veniret ad Samuel in Ramatha, inter cetera, quæ locuti sunt simul, predixit ei signa Samuel, quæ ventura erant ei eo die, cum recederet ab eo.

(o) Cumque ab illo recessisset, venit ad collem Domini, ubi erat statio Philistinorum. Jam primum signum perceptum, sicut locus fuerat homo Dei: & ecce cunens Propbetarum obvius ei: & influit super eum spiritus Dei, & prophetavit in medio eorum. (p) Videntes autem omnes, qui noverant eum beri, & nudius tertius, quod esset cum prophetis, & propbetaret, dixerunt ad invicem. Quamvis res accidis filio Cis? Num & Saul in Propbetis? (q) „Et hoc quidem non puto habere aliquid questionis: (r) Spiritus enim, ubi vult, spirat. Et spiritum prophetie nullam animarum potest maculare contactus, (s) attingit enim ubique propter suam munditiam; afficit autem omnes non eodem modo, sed alios per informationem spiritus eorumdem hominum, ubi rerum demonstrantur imagines; alios per fructum mentis ad intelligentiam, alios utraque inspiratione, alios autem nescientes. Per informationem spiritus, duobus modis, aut per somnia, sicut non solum puerique sancti, sed & (t) Pharao, & (u) Nabuchodonosor rex vidit, quod nemo eorum intelligere valuit, sed tamen videre utique potuerant: aut demonstratione in extasi, quod latini nonnulli (x) pavorem interpretantur.

- (\*) v. 12. (b) Vulgata: inter Sen: Alii Dentem: editus Beda In sichleeh. (c) Quem; (d) Additit spiritualis. (e) Qua. (f) Cap. 12. v. 17, & 18. (g) Gen. 32. 11. Auat ut ros eloquium meum; quasi imber super herbam &c. (h) Ur. (i) Matth. 3. 12. (k) 7. 15. Prosequitur Beda (l) 8. 3. (m) v. 4, & subseq. (n) Cap. 9, & 10. (o) Cap. 10. v. 5, & 10. (p) v. 11. &c. (q) Hæc, quæ sequuntur, desumpsit Claudius ex Augustino libro 2. questionum ad Simplicianum questione ipsa prima hæc tractante. (r) Jo. 3. 8. (s) Cap. 7. 24. (t) Gen. 45. 2. (u) Dan. 2. 1. & 4. 1. (x) Augustinus editum a P. T. S. Mauri, Ruporem;

tur. Mirum si proprie, sed vicine: tamen cum fit mentis alienatio a sensibus, ut spiritus hominis divino spiritu assumptus, capiendis, atque intueudis imaginibus vacet, sicut Danieli demonstratum est quod non intelligebat: & Petro illud vas summisum est de celo quatuor lineis: (a) nam & ipse, quid illa demonstratio figuraret, postea cognovit. Per fructum autem mentis ad intelligentiam uno modo cum hæc ipsa, quæ demonstrantur in imaginibus, quid significent, & quo pertineant (b), revelantur, quæ certior prophetia est: Nam magis ipsam vocat Apostolus (c) prophetiam, sicut Joseph meruit intelligere, quod Pharao nonnisi videre; & Daniel exponit regi, quod ille cernit, & nescit. Cum vero ita mens afficitur, ut non rerum imagines confectionali examinatione intelligat, sed res ipsas intueatur, sicut intelligitur sapientia, & iustitia, omnisque incommutabilis, & divina species, ad prophetiam, de qua nunc agimus, non pertinet. Utroque autem munere prophetiæ donantur ii, qui & rerum imagines in spiritu vident, & quid valeant, simul intelligunt, aut certe manifestis locutionibus in ipsa demonstratione informantur, sicut in Apocalypsi quædam exponuntur. Nescientes autem afficit prophetiæ spiritus, sicut (d) Caiphas cum esset Pontifex prophetaus de Domino, quod expediret unum mori pro tota gente, cum aliud in verbis quæ dicebat, attingeret, quæ non se a se ipso dicere nesciebat. Abundant in sanctis libris exempla. (e) Hoc autem verbo, quod positum est, *insulsi in eum spiritus*, tamquam ex abditio divinitatis secreto, repentinus significatur afflatus. Horum igitur modorum, quoniam

potius affectum esse intelligamus Saul, satis apparet ex eo quod ibi scriptum est: (f) *Conversus Deus in Saul cor aliud*. Sic enim aliam cordis significat affectionem, quam convertendo fecit Deus, ut imaginum significantium, & præfigurantium capax fieret ad propheticam divinationem. (g) Quantum autem distat prophetia Saul a Prophetis? tantum distat inter prophetiam prophetarum, sicut Isaias, sicut Jeremias, & ceteri huiusmodi fuerunt, atque istam transitoriam, quæ in Saul apparuit, quantum distat inter loquelas humanam cum locutioni homines, & cum eadem loquela propter necessarium prodigium asina locuta est, (h) in qua sedebat Baalam Propheta: accepit enim hoc ad tempus illud jumentum, ut Deus quod statuerat, demonstraret: unde non habuit perpetuo inter homines bestia loqueretur. aut si hoc exemplum majore differentia remotionis est, multo minus mirandum est homini reprobo datam fuisse ad momentum temporis affectu transitorio prophetiam, quoniam ille dederat, qui & asinam cum voluit, loqui fecit. Magis enim distat pecus ab homine, quam homo reprobis ab electis etiam hominibus; non enim si quisquam dixerit aliquid, quod ad sapientiam pertinet, continuo sapiens existimandus est. Sic nec quisquam si aliquando prophetaverit, jam inter prophetas numerabitur, cum & Dominus (i) in Evangelio dicat: quosdam cum gaudio verbum excipere, & radicis altitudinem non habere, sed esse temporales. Ideoque, sicut consequens indicat lectio, factum est in parabolam: (k) *O Saul inter prophetas*. Hoc igitur mirari definamus, cum

(4) *Allo. 10. 11. sed vulgata legit initis.*

*Codicis lectionem præfero.* (e) 1. Cor. 3. 2.

(b) *Augustinus edis: revelatur, sed nostri*

(d) Jo. 11. 49.

(c) *Hic alia interjerit*

*Augustinus, quæ Claudius præterit.* (f) 1. Reg. 10. 9.

(g) *Verba hæc: quantum distat*

*prophetia Saul a prophetis: in edito Augustini libro non extant.*

(i) *Matth. 13. 20.*

(k) 1. Reg. 10. 12.

(b) *Num. 20. 28.*

„ cum in hominibus apparet divinitus  
 „ aliquid, quorum vel meritum, vel  
 „ habitum excedit, cum forte vult De-  
 „ us cujusdam significationis gratia ta-  
 „ le aliquid demonstrari. Si autem hoc  
 „ mover, quod postea Saul malo spi-  
 „ ritu invadente præsocabatur, (a) qui  
 „ prophetiz spiritum prius acceperat,  
 „ neque hoc mirandum est. Illud enim  
 „ factum est ex dispensatione aliquid  
 „ significandi, hoc est ex merito judi-  
 „ candi. Nec movere nos debent hæc  
 „ alternantia in animo humano, hoc  
 „ est in creatura mutabili, præsertim  
 „ eodem tempore, quo caro corruptibili-  
 „ lis, mortalisque portatur. Aut non  
 „ videmus in ipso Petro, quantum in-  
 „ dicat Evangelium, extitisse tantam  
 „ confessionem, ut audire meruerit,  
 „ (b) *Beatus es Simon Bar-jona, quia*  
 „ *non tibi revelavi caro & sanguis,*  
 „ *sed pater meus, qui in celis est?* Et  
 „ paulo post (c) tam carnaliter eum  
 „ de Domini passione sensit, ut sta-  
 „ tim audiret: *Vade post me Sarbana,*  
 „ *scandalum mihi es, non enim sapis*  
 „ *quæ Dei sunt, sed quæ hominum.* Et  
 „ fortasse aliquanto interius intelligen-  
 „ tibus tantum valet ad visa illa men-  
 „ tis, hæc differentia, qua Petrus  
 „ primo intellexit, Deo patre revelante,  
 „ quod *filius Dei esset Christus*, & po-  
 „ stea, ne moreretur, extimuit, quan-  
 „ tum valet ad distinguenda visa, quæ  
 „ in spiritu hominis alienata mente  
 „ imaginariæ fiunt, revelatio propheti-  
 „ cæ, qua primo afflatus est Saul, &  
 „ commixtio spiritus malis, quo postea  
 „ premebatur (d).

„ Ungitur post hoc jubente Do-  
 „ mino rex prior a Propheta in regnum,  
 „ qui & ipse quidem, in id quod unctus  
 „ est, imaginem Christi portavit: un-  
 „ de & Beatus David, & ipse *Christus*  
 „ nuncupatus, ait ad eum, qui se fini-  
 „ xerat Saulem occidisse; (e) *quo-*

„ *modo non timuisti injicere manum*  
 „ *tuam in Christum Domini?* (f) hinc  
 „ est, quod ab humero sursum super-  
 „ minebas omnibus; quia caput nostrum  
 „ sursum est super nos, qui est Chri-  
 „ stus: in id autem quod reprobatus po-  
 „ stea, & rejectus est, succedente in  
 „ regnum David, populi, ut prædictum  
 „ est, Israel per omnia gesta vit: qui popu-  
 „ lus regnum adeptum fuerat amissurus,  
 „ Christo Domino nostro per novum  
 „ testamentum non carnaliter, sed spi-  
 „ ritualiter regnatura.

*Filius unius anni erat Saul cum*  
*regnare cepisset: duobus autem annis re-*  
*gnavit super Israel. Uno anno postquam*  
*rex electus est a Samuele, in dome-*  
*stica domo sedens dissimulavit se esse*  
*regem: (g) reliquis duobus annis pu-*  
*blice judicavit omnem Israel, tenens*  
*obedientiam cum humilitate: & hoc fuit*  
*illud tempus, antequam mandatum Do-*  
*mini transgrediretur in Amalech: reli-*  
*quo vero tempore, quo vixit, & impera-*  
*vit, transgressor mandati Domini exti-*  
*tit. (h) Post hoc expectans Saul Sa-*  
*muelem in Galgala, videns quod tarda-*  
*ret, obtulit holocaustum, veniensque*  
*Samuel inter cetera ait ad Saul: (i)*  
*Stulte egisti, nec custodisti mandata*  
*Domini Dei tui, quæ præcepit tibi. Quod*  
*si non fecisses, jam nunc præparasset Do-*  
*minus regnum tuum super Israel in sem-*  
*piternum: sed nequaquam regnum tuum*  
*ultra consurget. Quæruit sibi Dominus*  
*virum juxta cor suum, & præcepit ei*  
*Dominus, ut esset dux super populum su-*  
*um, eo quod non servaveris quæ præce-*  
*pit Dominus. Nec sic id accipiendum*  
*est, ac si ipsum Saulem Deus in æter-*  
*num præparaverit regnatura, & hoc*  
*postea noluerit servare peccanti: neque*  
*enim peccaturum nesciebat: sed præpara-*  
*verit regnum ejus, in quo figura esset re-*  
*gni æterni. Ideo addidit: (k) & nunc*  
*regnum tuum non stabit tibi. Stetit er-*  
 E 2  
 go

(a) I. Reg. 16. 14. (b) Matth. 16. 17. (c) Ibidem 23. (d) Hællenus Augustini  
 verba. Quæ sequuntur tradidit Isidorus cap. 5. in lib. I. Reg. (e) II. Reg. 1. 14.  
 (f) I. Reg. 9. 2. (g) I. Reg. 13. 1. (h) I. Reg. 10. 26. & cap. 11.  
 (i) I. Reg. 15. & 16. (k) I. Reg. 13. 13.

go, & stabit quod in illo significatum est, sed non huic: quia non in æternum ipse fuerat regnatus, nec progenies ejus, ut saltem per posteros alterum alteri succedentes, videretur impleri, quod dictum est in æternum. (a) *Et quæret inquit sibi Dominus hominem, secundum cor suum*, sive David, & ipsum mediato rem significans testamenti novi, qui præfigurabatur in chrismate etiam, quo unctus est ipse David, & progenies ejus. Non autem quasi nesciat ubi sit, ita sibi hominem Deus quærit, sed per hominem more hominum loquitur, quia sic loquendo nos quærit: non solum enim Deo Patri, verum ipsi quoque Unigenito ejus, qui venit quæreret, quod perierat, usque adeo jam eramus noti, ut in ipso elemus electi ante mundi constitutionem. Quæret sibi ergo dixit: *idest suum habebit*. Unde in latina lingua hoc verbum accipit prepositionem, & *adquiri* dicitur, quo satis apertum est quid significet, quamquam & sine additamento prepositionis quæreret intelligatur *adquirere*, ex quo lucra vocantur, & quæritus. (b)

(c) Porro Faber ferrarius non inveniebatur in omni terra Israel. Caverant enim Philistini, ne forte facerent Hebraei gladium, aut lanceam, & ne haberent fabros ferrarios, qui arma ad repugnandum facerent. (d) Ita Chaldaei destruxerunt Hierusalem, & vastata omni terra promissionis satagerunt; (e) ut nullus in ea remaneret artifex, nullus clausor, qui vel sedata urbis mœnia componere, vel posset refarcire dirupta. Quin potius quicquid apud gentem exterminatam artis invenerant, totum in Babiloniam transferunt, ut vel ad nihilum valeat ultra, vel il-

lius civitatis utilitatibus proficiat: (f) *Arma quibus contra diabolum repugnantes libertatem a Deo nobis donatam defendamus*, quid sunt alia, nisi eloquia scripturarum, in quibus & ipsius Domini, & Sanctorum ejus exemplis, quo ordine bella vitorum superari debeant, luce clarius discimus? Sed Philistini filios Israel fabris armorum privant, cum maligni spiritus animos fidelium a meditatione sacræ lectionis, sæcularia illis negotia inferendo, retardant, ne vel ipsi per hujus exercitium resistendi fiduciam sumant, vel alios forte qui legere nesciunt, ad resistendum vitii, exhortando, aut corripiendo (g) accendant. Tollunt fibros armorum, cum eos, qui sacra eloquia norunt, in tantis sceleribus obruunt, ut dicere bona, quæ didicerant, prorsus erubescant.

(h) Saul autem post hæc, dum pergeret dimicaturus adversus Philistinum, indixit (i) cuncto exercitui jejunium, quousque reverterentur a prælio. (k) Sed Jonathan filius ejus videns super faciem agri mel, extendit summam virga, & intinxit in solum mellis, & gustavit & illuminati sunt oculi ejus. Non utique ad videndum illuminati, quia antea videbat, sed ad discernendum, quia vetita tetigerat. Tunc enim casus ille, sicut & Adam fecit illum attentum, reddiditque confusum. Quo facto ammonemur, omnes illecebras voluptatum in sæculo debere contemnere qui Deo nititur militare. Non enim potest contra allophilos spirituales, idest adversus principes tenebrarum, virilibus animis concurrere, qui ad

(a) I. Reg. 11. 11, v. 14. (b) Eph. 1. 4.

porta tueri [inquit Ovidius].

(d) Bedæ quæstione 30. in libros Regum.

(e) Bedæ quæstione 30. in libros Regum.

(f) Hic aliquid deest, quo a litterali ad allegoricum sensum transitur fiat, & uterque connectatur.

(g) Bedæ multa alia sunt, quæque leiori subiciam, cum illustrabitur locus IV. Reg. 24. 14. Et transtulit omnem Hierusalem &c.

(h) Accendant. Præstat nostra lectio.

(i) Tota. Præstat nostra lectio.

(k) v. 25, & 27.

(c) Nec minor est virtus, quam quærere

porta tueri [inquit Ovidius].

(d) Bedæ quæstione 30. in libros Regum.

(e) Bedæ quæstione 30. in libros Regum.

(f) Hic aliquid deest, quo a litterali ad allegoricum sensum transitur fiat, & uterque connectatur.

(g) Bedæ multa alia sunt, quæque leiori subiciam, cum illustrabitur locus IV. Reg. 24. 14. Et transtulit omnem Hierusalem &c.

(h) Accendant. Præstat nostra lectio.

(i) Tota. Præstat nostra lectio.

(k) v. 25, & 27.



huc hujus mundi negligit dulcedinem declinare. (a) *Mel enim distillans labia meretricis*, quod est delectatio voluptatis carnalis, de quo putatur juxta mysticos intellectus hunc comedisse Jonathan, & forte deprehensum vix precibus populi liberatum.

(b) *Iniit autem Saul praelium adversus Amalech interfectisque cunctis hostibus ab Evila usque Sur*. Est una regio Evilarb, quam circuit fluvius Phifon (c) exiens de paradiso, quæ hodie India vocatur. Dicta autem Evilarb a quodam nepote Noe. Est & alia Evila solitudo contra faciem Egypti: hæc enim Evila, illa Evilarb debet nuncupari. Sur quoque est solitudo inter Cades, & Barath extendens desertum usque ad mare rubrum ex Egypti confinio (d).

(e) Percussio hanc termino (f) „percipit Agag Regi, (g) nec voluit disperdere omnia juxta præceptum. Dominique irasciturque ei Dominus (h). *Factum est verbum Domini ad Samuellem dicens: penitet me quod constituerim Saul regem, quia dereliquis me, & verba mea opere non implevis*: (i) neque enim sicut hominem, ita Deum cuiusquam facti sui penitet, cujus est de omnibus omnino rebus tam fixa sententia, quam certa præscientia. Quomodo ergo penitet aliquid Dominum, in quo est omnis præscientia?

(k) „Nos verò cum hoc de Deo in divinis Scripturis audimus, indignum arbitramur hoc de illo sentire. Sed necesse est, ut aliquid dicatur, per quod hoc aliquo modo demonstraretur. Cum vero verba omnia, quibus humana colloquia conferuntur, illius sempiterna virtus, & divinitas mirabiliter, atque incun-

anter excedat, quicquid de illo humaniter dicitur, quod etiam hominibus aspersibile videatur, ipsa humana ammonetur infirmitas, etiam illa, quæ congruenter in Scripturis Sanctis de Deo dicta existimatur, humanæ capacitati aptiora esse, quam divinæ subtilitati: Ac per hoc etiam ipsa esse transcendenda: est saniori (l) intellectu, sicut ista qualia-cumque transcendenda sunt. Quis est enim hominum, cui non occurrat in Deo cuncta præscientie penitentiam esse non posse? Et certe tamen hæc duo verba sunt, penitentia, & præscientia, quorum quia unum congruere credimus Deo, idest præscientiam, negamus in eo esse penitentiam. Cum vero alius liquidior consideratione ista pertractans, quæserit quem ad modum vel ipsa præscientia Deo congruat, & invenerit hujus etiam verbi notionem illius ineffabili divinitate longe, lateque superari, non miratur utrumque de illo propter homines dici potuisse, de quo utrumque propter ipsum incongrue diceretur. Quid est enim præscientia, nisi scientia futurorum? Quid autem futurum est Deo, qui omnia tempora supergreditur? Si enim scientia Dei res ipsas habet, non sunt ei futuræ, sed præsentēs: ac per hoc non jam præscientia, sed tantum scientia dici potest. Si autem, sicut in ordine temporalium creaturarum, ita & apud eum nondum sunt, quæ futura sunt; sed ea prævenit scientia, bis ergo ea sentit: uno quidem modo secundum futurorum præscientiam, altero verò secundum præsentium scientiam. Aliquid ergo temporaliter acci-

(a) Prov. 5. 3.

(b) I. Reg. 25. 7.

(c) Gen. 2. 47.

(d) Gen. 16. 7.

(e) Rur-

sus 20. 1. 25. 18. Exo. 15. 22. I. Reg. 27. 8.

(f) Subsequentia tradit Isidorus

cap. 7.

(g) I. Reg. 25. 7.

(h) Alia multa hic tradit Isidorus ad loci hujus expli-

cationes, quæ nescio qua causa omittit Claudius.

(i) v. 10.

(k) Ecce iterum scri-

psit a Claudio Augustinus: cujus quæstio 2. libri 2. ad Simplicianum tota fere hic ponitur.

(l) Augustini verba pro more lineolis in margine appositis adnotantur.

(m) Codices allegati a P. P. S. Mauri Sereniori. Sed noster codex cum editis Augustini libris Saniori.

„ eicit scientiæ Dei, quod absurdissi-  
 „ mum, atque falsissimum est: nec enim  
 „ potest quæ ventura prænoscat, nosse  
 „ cum venerint, nisi bis innoscant,  
 „ & prænoscendo, antequam sint, & co-  
 „ gnoscendo cum jam sunt. Ita fit, ut  
 „ (quod longe a veritate seculum est)  
 „ temporaliter aliquid accidat scientiæ  
 „ Dei, cum temporalia, quæ præsciun-  
 „ tur, etiam præsentia sentiuntur, quæ  
 „ non sentiebantur ante quam fierent,  
 „ sed tantummodo præsentiebantur. Si  
 „ verò etiam cum venerint quæ præ-  
 „ sciebantur esse ventura, nihil novi  
 „ accidit scientiæ Dei: sed manebit il-  
 „ la præscientia, sicut erat etiam pri-  
 „ usquam venirent, quæ præsciebantur,  
 „ quomodo jam præscientia dicitur,  
 „ quoniam non est rerum futurarum?  
 „ jam enim præsentia sunt, quæ futura  
 „ cernebantur, & paulo post erunt  
 „ præterita. Præteritarum autem rerum,  
 „ sicut præsentium nullo modo potest  
 „ dici præscientia. Reditur ergo ad id,  
 „ ut fiat rebus jam præsentibus scien-  
 „ tia, quæ iisdem rebus futuris erat, præ-  
 „ scientia, & cum ea, quæ præscientia  
 „ erat prius, postea scientia fiat in  
 „ Deo, admittit mutabilitatem, & tem-  
 „ poralis est; cum sit Deus, qui verè  
 „ summeque est, nec ulla ex parte mu-  
 „ tabilis, nec ullo motu novitio tem-  
 „ poralis. Placet igitur, ut non dica-  
 „ mus præscientiam Dei, sed tantum-  
 „ modo scientiam. Queramus & hoc  
 „ quomodo. Non enim scientiam solemus  
 „ dicere in nobis, nisi cum sensa,  
 „ & intellecta memoria retinemus, cum  
 „ meminimus nos aliquid sensisse, vel  
 „ intellexisse, ut id quod volumus, re-  
 „ colamus. Quod si ita in Deo est, ut  
 „ possit proprie dici: *Et intelligit, &*  
 „ *intellexit: sensit, & sensit*, admit-  
 „ tit tempus, & surrepit: nihilominus  
 „ illa mutabilitas, quæ longe est a Dei  
 „ substantia, removenda est. Et tamen &  
 „ scit Deus, & præcitat Deus ineffabili  
 „ modo: sic eum & pignit ineffabili

„ modo. Cum enim scientia Dei longe  
 „ distet ab humana scientia, ita ut  
 „ irridenda sit comparatio; utraque  
 „ tamen scientia vocatur. Et hæc qui-  
 „ dem humana talis est, ut de illa di-  
 „ cat Apostolus etiam: (a) *Scientia*  
 „ *destruetur*, quod nullo modo certe de  
 „ scientia Dei dici potest. Sic & ira  
 „ hominis turbida est, & non sine cru-  
 „ ciatu animi: ira verò Dei, de qua  
 „ dicitur in Evangelio: (b) *sed ira*  
 „ *Dei manet super eum*. Et Aposto-  
 „ lus. (c) *Revelatur ira Dei de cælo super*  
 „ *per omnem impietatem*, illo in tran-  
 „ quillitate jugiter manente, in crea-  
 „ tura subdita exerceat admirabili æqui-  
 „ tate vindictam. Misericordia quo-  
 „ que hominis nonnullam habet cordis  
 „ miseriam: unde etiam in latina lin-  
 „ gua nomen accepit. Nam inde est  
 „ etiam quod non solum: (d) *gaude-*  
 „ *re cum gaudensibus*: sed etiam  *flere*  
 „ *cum flentibus* hortatur Apostolus.  
 „ Quis autem sano capite dixerit, ul-  
 „ la miseria tangi Deum, quem tamen  
 „ ubique scriptura misericordem esse  
 „ testatur? Ita zelum humanum non  
 „ sine peste livoris intelligimus: zelan-  
 „ tem vero Deum non ita, sed eodem  
 „ verbo, non eodem modo.

„ Longum est percurrere cætera, &  
 „ sunt innumerabilia, quibus ostendi-  
 „ tur multa divina iisdem nominibus  
 „ appellari, quibus humana, cum in-  
 „ comparabili diversitate sejuncta sint.  
 „ Nec interim frustra eadem sunt rebus  
 „ utrique indita vocabula, nisi quia  
 „ hæc cognita, quæ in cotidiana con-  
 „ suetudine versantur, & experimentis  
 „ usitatoribus innotescunt, nonnullam  
 „ ad intelligenda illa sublimia præbent  
 „ viam: cum eidem dempsero de hu-  
 „ mana scientia mutabilitatem, & tran-  
 „ situs quosdam a cogitatione in cogi-  
 „ tationem cum recolimus, ut cerna-  
 „ mus animo, quod in intuitu ejus  
 „ paulo ante non erat, atque ira de  
 „ parte in partem crebris recordationi-  
 „ bus

(a) 1. Cor. 13. 8.

(b) Joa. 3. 36.

(c) Rom. 3. 18.

(d) Ibid. 12. 15.

bus transilimus; unde etiam ex parte dicit esse Apostolus (a) nostram scientiam; cum ergo hæc cuncta detraxero, & reliquero solum vivacitatem, certæ, atque inconcusæ veritatis, una, atque æterna contemplatione cuncta lustrantis, immo non reliquero: non enim habet hoc humana scientia, sed pro viribus cogitavero, insinuat mihi utcumque scientia Dei: quod tamen nomen ex eo quod sciendo aliquid, non latet hominem, potuit rei utrique esse commune. Quamquam & in ipsi hominibus solet discerni a sapientia scientia, ut etiam Apostolus dicit: (b) *Alii quidem datur per spiritum sermo sapientia, alii quidem sermo scientia, secundum eundem spiritum*: in Deo autem nimirum non sunt hæc duo, sed unum. Et in hominibus quidem hæc ita discerni probabiliter solet, ut sapientia pertineat ad intellectum æternorum, scientia vero ad ea, quæ sensibus corporis experimur. Sed licet alius aliam differentiam proferat, nisi tamen diversa essent; non sic ab Apostolo distingueretur.

Quod si ita sane est, ut nomen scientiæ rebus, quas per sensus corporis experimur, deputandum sit, nulla est omnino scientia Dei. Non enim Deus per se ipsum ex corpore, & animo constat, sicut homo, sed melius dicitur, aliam esse scientiam Dei, & non ejusdem generis, cujus ista est, quæ hominum dicitur: sicut etiam id ipsum, quod Deus dicitur, longe aliud est, quam quemadmodum est dictum, quod (c) *stet in synagoga Deorum*. Tamen ad non latere quoquo modo pertinet communicatio ipsa vocabuli. Sic etiam de ira hominis derabro turbulentum motum, ut remaneat vindictæ vigor, atque ita utcumque fargo ad innotescentiam illius, quæ appellatur *ira Dei*. Item de misericordia si auferas compassio-

nem cum eo quem miseraris participatæ miseriz, ut remaneat tranquillæ bonitas subveniendi, & a miseria liberandi, insinuat misericordiz divinæ qualiscunque cognitio. Zelum quoque Dei non repudiamus, & aspernemur, cum scriptum invenimus, sed auferamus de humano zelo pallidam tabem doloris, & morbidam perturbationem animi, remaneatque illud solum iudicium, quo corruptio castitatis impunita esse non finitur, & adurgimus, ut incipiamus aliquo modo capere zelum Dei. Quapropter cum legimus etiam Deum dicentem *penitet me*: consideremus, quod id soleat in hominibus opus penitendi, cum procul dubio reperitur voluntas mutandi, sed in homine cum dolore animi est; reprehendit enim in se, quod temere fecerit. Auferamus ergo ista quæ de humana infirmitate, atque ignorantia veniunt, & remaneat solum velle, ut non ita sit aliquid, quemadmodum erat. Sic potest aliquantum intimari menti nostræ, qua regala intelligatur quod *penitet Deum*. Cum enim *penitere* dicitur, vult non esse aliquid sicut fecerat, ut esset, sed tamen, ut cum ita esset, ita esse debeat: & cum ita esse jam non finitur, jam non debet esse ita, perpetuo quodam, & tranquillo æquitatis iudicio, quo Deus cuncta mutabilia incommutabili voluntate disponit. Sed quoniam præscientiam, & scientiam cum laude solemus in hominibus appellare, iramque ipsam solet humanam genus in magnis potestatibus tremere, potius quam reprehendere, congruenter putamus talia dici de Deo. Qui autem zelat, & quem aliquid penitet, quoniam vel culpam solet, vel in se culpam corrigere, atque ideo cum reprehensione ista de hominibus dici, propterea movet cum legimus, esse aliquid in Deo ejusmodi. Sed illa

scri-

(a) 1. Cor. 13. 9.

(b) 1. Cor. 2. 8.

(c) Psal. 81. 1.

scriptura omnibus consulens, propterea magis & ista ponit, ne quæ placent, sic intelligantur in Deo, quomodo consueverint in hominibus intelligi. Per hæc enim, quæ displicent, cum ea non audemus sic intelligere in Deo, ut inveniuntur in homine, displicent etiam illa sic querere, quæ apta esse, atque convenientia putabamus. Nam si propterea non est illud de Deo dicendum, quia in homine displicet, non dicamus incommutabilem Deum, quia de hominibus cum reprehensione dictum est: (a) *Non enim est illis commutatio*. Item sunt quædam, quæ in homine laudabilia sunt: in Deo autem esse non possunt, sicut pudor (b) quidem ætatum viridiorum magnum est ornamentum: sicut timor Dei: non enim tantum in veteribus libris laudatur sed Apostolus etiam dicit: (c) *perficientes justificationem in timore Dei*, qui utique nullas in Deo est. Sicut ergo laudabilia hominum recte intelliguntur in Deo, (d) non ut in hominibus, sed vocabulis tantummodo communibus longe alia ratione, & modo. Nam paulo post idem Samuel, cui dixerat Dominus: *paries me, quod constituerim regem Saul*, ipsi Sauli ait de Deo (e): *quoniam non est sicut homo, ut penses eum*. Ubi videlicet satis ostendit etiam, cum dicit Deus, *penitet me*, non humano more accipiendum esse, sicut jam quantum valuimus, disputavimus.

(f) *Veniens autem Samuel ad Saul, ait ad Saul. Sine me & indicabo tibi quæ locutus sit Dominus ad me nocte, dixitque ei: loquere. Ex ait Samuel. Nonne cum parvulus esses in oculis tuis,*

*capus in tribubus Israel factus es? (g)*

Parvulus in oculis suis est, qui in eo quod semetipsum considerat, imparem se alienis meritis pensat. Nam quasi grandem se conspicit, quisquis se super aliena merita elatione cogitationis extendit. Saul autem reprobus, in bono, quod ceperat, non permansit, quia factu susceptæ potestatis intumuit: at contra David semper de se humilia sentiens, ejusdemque Saul se comparatione postponens, postquam ferendi locum reperit, & percipit eidem sevientem adversario, & humili se protectione prostravit dicens: (h) *Quem persequeris Rex Israel, quem persequeris? Canem mortuum, & pulicem unum*. Et certe, jam unctus in regem fuerat, (i) jam exorante Samuele, & cornu super se (k) olei fundente didicerat, quod eum divina gratia, Saul reprobo, ad regni gubernacula possidenda servabat, & tamen persequenti adversario mente se humili subternebat, cui divino judicio prælatum esse se novebat. Illi itaque se humiliter postponerat, quo per electionis gratiam, incomparabiliter novebat se esse meliorem.

(l) Increpans Samuel Saul, cur non audisset vocem Domini, sed versus ad prædam fecisset malum in oculis Domini pariendo, & non interficiendo Amalech, ait Samuel: (m) *Numquid vult Dominus holocausta, aut victimas, & non potius ut obediat voci Domini? Melior est enim obediencia, quam victimæ, & auscultare magis, quam offerre adipem arietum. Quoniam quasi peccatum violandi est repugnare, & quasi scelus idolatriæ nolle acquiescere. Pro*

eo

(a) Psal. 53. 20. (b) Editus: quod ætatum: per errorem ut puto. (c) 1. Cor. 7. 1. (d) Hæc habet editus a Patribus S. Mauri locus: non recte intelliguntur in Deo, sic quædam culpabilia hominum intelliguntur in Deo, non ita. (e) 1. Reg. 15. 29. (f) v. 18. &c. (g) Quæ sequuntur notata virgulis ad marginem appositis excerpta sunt ex cap. 22. [n. 42.] libri 34. S. Gregorii in Job. (h) 1. Reg. 24. 15. (i) 1. Reg. 16. 1. 12. 13. &c. (k) Editi: oleum. (l) Cap. 15. (m) v. 22, & 23.

ergo quod abiicisti sermonem Domini, abiicis te Dominus, ne sis rex. (a) Obedientiam victimis iure præponitur, quia per victimas aliena caro, per obedientiam verò voluntas propria, maclatur. Tanto igitur quisque Deum citius placat, quanto ante ejus oculos repressâ arbitrii sui superbiâ, gladio præcepti se immolat: quo contra ariolandi peccatum inobedientia dicitur, ut quanta sit virtus obedientiæ demonstraretur. Ex adverso ergo melius ostenditur, quid de ejus laude sentiatur. Si enim quasi peccatum ariolandi est repugnare, & quasi scelus idololatriæ nolle acquiescere, sola est, quæ fidei meritum possidet, sine qua quisque infidelis esse convincitur, etiam si fidelis esse videatur; hinc per Salomonem in offensione obedientiæ dicitur: (b) Vir obediens loquitur victorias: vir quippe obediens victorias loquitur, quia dum alienæ voci humiliter subdimur, nosmetipsos in corde superamus; hinc in Evangelio veritas dicit: (c) Eum, qui venit ad me, non ejectionem foras, quia de cælo descendit, non ut faciam voluntatem meam, sed voluntatem ejus, qui misit me. Quid enim? si suam faceret, eos, qui ad eum veniunt, reppulisset? Quis autem nesciat, quod voluntas filii a patris voluntate non discrepet? Sed quoniam primus homo, quia suam facere voluntatem voluit, a paradisi gaudio exiit, secundus ad redemptionem hominum veniens, dum voluntatem, se patris, & non suam, facere ostendit, permanere nos intus docuit. Cum igitur non suam, sed patris voluntatem facit, eos, qui ad se veniunt, foras non eicit, quia dum exemplo suæ obedientiæ nos subiicit, viam nobis egressionis claudit.

(d) Conversus est autem Samuel ut abiret: Saul autem apprehendit sum-

matem pallii ejus, quæ & scissa est. Et ait ad eum Samuel: scidit Dominus regnum Israel a te hodie, & tradidit illud proximo tuo meliori te. Compellimur juxta Septuaginta interpretum translationem, hanc ponere sententiam, quia multo amplius habet illic: (e) Ita enim illic scriptum est. „Non reverterar secum, quia prævisi verbum Domini: & spernet te Dominus, ne sis rex super Israel. Et convertit Samuel faciem suam ut abiret: & tenuit Saul pinnam diploidis ejus, & dirupit eam. Et dixit ad eum Samuel. Dirumpet Dominus regnum ab Israel de manu tua hodie, & dabis proximo tuo bono super te. Et divideretur Israel in duo: & non converteretur, neque penitebit eum, quoniam non est sicut bonus, ut peniteat eum. Ipse minatur, & non permanet. Ille, cui dicitur: spernet te Dominus ne sis rex super Israel; & dirumpet Dominus regnum ab Israel de manu tua hodie, quadraginta regnavit annos super Israel, tanto scilicet spatio temporis, quanto & ipse David. Et audivit hoc primo tempore regni sui, ut intelligamus ideo dictum, quia nullus de stirpe ejus fuerat regnator. Et respiciamus ad stirpem David, unde exortus est secundum carnem mediator Dei, & hominum, homo Christus Jesus. Non autem, habet Scriptura quod in plerisque latinis codicibus legitur: dirumpet Dominus regnum Israel de manu tua, sed sicut a nobis positum est inventum in grecis: Dirumpet Dominus regnum Israel de manu tua. Ut hoc intelligatur de manu tua, quod est ab Israel. Populi ergo Israel personam figurate gerebat homo iste, qui populus regnum fuerat amissurus, Christo Jesu Domino nostro per novum testamentum, non carnaliter, sed spiritualiter regnatura. De quo cum-

„di-

(a) Hæc reperies in numeris 28, & 29. libri

(c) Jo. 6. 37, & 38. (d) v. 27.

libri 17. de Civitate.

35. Moralium.

(b) Prov. 21. 28.

(e) Hic rursus describitur Augustinus cap. 7.

dicatur *dabit illud proximo tuo*, ad carnis cognitionem refertur. Ex Israel enim Christus secundum carnem, unde & Saul. Quod vero additum est *bono super te*, potest quidem intelligi *meliori te*, nam & quidam sic interpretati sunt, sed melius sic accipitur *bono super te*, ut quia ille bonus est; ideo sit super te, juxta illud propheticum: (a) *Donec ponam inimicos tuos omnes sub pedibus tuis*. In quibus est Israel, cui suo persecutori regnum abstulit Christus, quamvis fuerit illic & Israel, in quo *dolus non erat*, (b) quoddam quasi instrumentum illarum palearum. Nam utique inde erant Apostoli, inde tot martyres, quorum prior Stephanus, inde tot Ecclesiae, quas Apostolus (c) commemorat, in conversione ejus magnificantes Deum.

De qua re non dubito intelligendum esse quod sequitur. *Es dividetur Israel in duo*. In Israel scilicet inimicum Christo, & Israel adhaerentem Christo: in Israel ad ancillam, & in Israel ad liberam pertinentem: nam ista duo genera primum simul erant, velut Abraham adhuc adherente ancilla, donec sterilis per Dei gratiam secundata clamaret: (d) *Ejice ancillam, & filium ejus*. Propter peccatum quidem Salomonis, regnante filio ejus Roboam, (e) scimus Israel in duo fuisse divisum: atque ita perseverasse, habentibus singulis partibus reges suos, donec illa gens tota a Chaldeis esset ingenti vastatione subversa, atque translata. Sed hoc quid ad Saulem? si tale aliquid comminandum esset, ipsi David fuerat potius comminandum, cujus filius erat Salomon. Postremo nunc inter se gens hebraea divisa non est, sed indifferenter in ejusdem erroris societate dispersa per terras. Divisio vero illa, quam Deus sub persona Saulis il-

lius regni, & populi figuram generantis eidem regno, populoque minatus est, aeterna, atque immutabilis significata est, per hoc quod adjunctum est: *Es non converteretur, neque penitebis eum, quoniam non est sicut homo ut peniteat eum. Ipse minatur, & non permanet*. Id est homo minatur, & non permanet, non autem Deus, quem non penitet sicut hominem: ubi enim legitur quod peniteat eum, mutatio rerum significatur immutabili praesentia manente divina. Ubi ergo non penitere dicitur, non mutare intelligitur. Prorsus insolubilem videmus per haec verba prolatam divinitus fuisse sententiam de ista divisione populi Israel, & omnino perpetuam. Quicumque enim ad Christum transierunt, vel transeunt, vel transibunt inde, non erant inde, secundum Dei praesentiam non secundum generis humani unam eandemque naturam. Rursus quicumque ex Israeliticis adherentes Christo perseverant in illo, nunquam erunt cum Israeliticis, qui ejus inimici ulque in finem vitae hujus esse persistunt; sed in divisione, quae hic praenunciata est, perpetuo permanebunt. Nihil enim prodest testamentum vetus (f) *de monte Sina in servitutem generans*; nisi quia testimonium perhibet testamento novo, alioquin quamdiu legitur Moyses (g), velamen supra corda eorum positum est; cum autem quisque transierit ad Christum, auferetur velamen. Transeuntium quippe intentio ipsa mutatur de veteri ad novum, ut non quisque intendat accipere carnalem, sed spiritualem felicitatem.

(b) „*Sumpsit ergo Samuel gladium, & in frustra concidit Agag*. Quod faciendo Samuel, ulque adeo non peccavit, ut non faciendo peccaret. Deus enim jussit interfici Amale-

(a) Psal. 109. 1.

(b) Jo. 1. 47.

(c) Gal. 1. 24.

(d) Gen. 21. 10.

(e) III. Reg. 12.

(f) Gal. 4. 24.

(g) 2. Cor. 3. 15, &amp; 16.

(h) Cap. 15. 33.

lechitas, qui utique novit non solum secundum facta, verum etiam secundum cor hominis, quid unusquisque, vel per quem perpeti debeat. Dignus ergo erat Saul, cui talia iniungerentur, atque Amalechitæ, ut talia paterentur, qui divino nomini honorem non dederant, sed populum Dei, qui sicco vestigio mare transierat, interire voluerat. (a)

Igitur recedente a Saul Domino propter inobedientiam, arreptus est maligno spiritu a Domino, irruebatque spiritus Domini in eum malignus.

(b) Jam vero illud, quod etiam malus appellatus est spiritus Domini, sic intelligitur quomodo dictum est:

Domini est terra, tamquam creatura, & in ejus posita potestate: aut si propterea non congruit hoc locutionis exemplum, quia terra non est mala,

(c) omnis enim creatura Dei bona est, illud congruat, quod ipse Saul jam reprobis, & sceleratus, atque ingratus sancto David, persequitur etiam ejus cum levissimè invidiæ facibus agigaretur, tamen adhuc Christus Domini dicebatur, sicut eum appellavit ipse David, cum vindicavit extinctum.

(d) Sed magis arbitror malignum spiritum, a quo vexabatur Saul, ideo dictum spiritum Domini, quod occulto Dei judicio Saulem vexabat: utitur enim Deus ministris etiam spiritibus malis ad vindictam malorum, vel ad bonorum probationem; alio modo ad illam rem, alio ad istam.

Quamvis enim (e) multum sit quicquid malignus spiritus, quia mala voluntate nocere appetit: tamen nocendi potestatem non accipit, nisi ab illo, sub quo sunt omnia (f) certis, & iustis meritorum gradibus ordinata. Quia sicut non est mala voluntas a Deo, sic non est potestas nisi a

Deo; quamvis enim sit in cuiusque potestate quid velit, non est tamen in cuiusque potestate, quid possit vel facere cuiquam, vel a quoquam pati. Nam & ipse filius unicus Dei passurus ad tempus humiliter, superbe loquenti homini, & dicenti quod potestatem haberet occidendi, vel dimittendi eum: (g) non haberes (inquit) in me potestatem, nisi datus esset tibi desuper. Diabolus etiam volens nocere iusto Job, nocendi quidem voluntate diabolus erat, sed tamen a Domino Deo potestatem petebat dicens, (h) mitte manum tuam, & tangere carnem ejus: quamvis hoc esset, si permitteretur, iple facturus. Ipsam enim permissionem petebat hoc modo: & manum Domini appellabat permissam a Domino manum suam; idest ipsam potestatem, quam volebat accipere. Cui congruit illud in Evangelio; (i) quod Dominus discipulis ait: hac nocte postulat Satanas vexare vos sicut triticum. Dicitur est ergo spiritus Dei malus, hoc est minister Dei ad faciendum in Saul, quod eum pati iudex omnipotentissimus judicabat: quoniam spiritus ille voluntate, quam malus erat, non erat Dei; creatura vero, qua conditus erat, & potestate quam non sua, sed Domini omnium, æquitate acceperat, Dei erat. Verba etiam ipsa Scripturarum ita se habent. (k) Es perrexit Samuel (inquit) & abiit in Ramatha, & spiritus Dei recessit a Saul, & comprehendit eum spiritus malignus a Domino, & suffocabat eum. Et dixerunt pueri Saul ad eum. Ecce spiritus Domini malus suffocat te. Hoc igitur a pueris ejus quomodo sit dictum spiritus Dei malignus, superiora verba indicant narrantis Scripturæ, & dicentis: spiritus

F 2

33 ma-

(a) Exo. 17. 8. (b) Ea omnia sane non pauca, qua mox lineolis in margine appositis pro more notabantur, desumpta sunt ex Augustino hac scribente numero 4. questionis 1. libri 2. ad Simplicianum.

(c) 1. Timoth. 4. 4. (d) II. Reg. 1. 24.

(e) Luc. 22. 31. (f) Rom. 12. 1.

(g) I. Reg. 16. 13. (h) Job. 11. 7.

(i) Jo. 19. 11.

(k) Job. 11. 7.

„*malignus a Domino.* Secundum hoc  
 „enim *Domini*, quod a *Domino*, quia  
 „per se ipsum nocere (a) velle habe-  
 „bat: id est comprehendere Saul: pos-  
 „se autem non habebat, nisi summā  
 „iustitiā sineretur: si enim iuste vindic-  
 „cat Deus, quemadmodum ipse dicit A-  
 „postolus: (b) *cum tradit homines ad*  
 „*concupiscentias cordis eorum*; nil mi-  
 „rum si nihilominus iuste vindicans  
 „tradit etiam eos in *concupiscentias*  
 „*aliorum* nocere volentium, sua sem-  
 „per incommutabili æquitate servata.  
 „Animadvertendum est sane, cum ad-  
 „ditamento dici *spiritus Dei malus*,  
 „cum autem tantummodo dicitur *spi-*  
 „*ritus Dei*, etiam si non addatur bonus,  
 „ex hoc intelligitur bonus. Unde ap-  
 „paret, bonum spiritum secundum  
 „substantiam, malum autem secundum  
 „ministerium, dici spiritum Dei. Quam-  
 „quam queri adhuc possit, utrum cum  
 „spiritus Dei dicitur: & ex hoc ipso jam,  
 „& si nihil addatur, bonus intelligitur,  
 „ille intelligatur, qui est in Trinitate  
 „consubstantialis Patri, & Filio, Spi-  
 „ritus Sanctus, de quo dicitur: (c) *ubi*  
 „*autem Spiritus Domini, ibi libertas.*  
 „Et iterum. (d) *Nobis autem revela-*  
 „*bis Deus per Spiritum suum.* Et il-  
 „lud: (e) *sic & quæ Dei sunt, nemo*  
 „*novit nisi Spiritus Dei.* Et in multis  
 „locis hoc modo dicitur: *Spiritus Dei*,  
 „& intelligitur Spiritus Sanctus, etiam  
 „si non addatur, quoniam ea quæ cir-  
 „cumstant, satis indicant de quo dica-  
 „tur, ita ut aliquando nec *Dei* adda-  
 „tur, & intelligatur tamen ille *Spiri-*  
 „*tus Dei* principaliter sanctus. Nam  
 „quem alium commemorat ubi dicit:  
 „(f) *ipse spiritus testimonium dat spi-*  
 „*ritui nostro, quia sumus filii Dei.* (g)  
 „Et ipse Spiritus adjuvat infirmitatem  
 „nostram. (h) Et omnia hæc operatur  
 „unus, atque idem Spiritus, dividens sin-  
 „gulis prout vult. (i) Et *diverso-*

„*nes donationum sunt, idem autem*  
 „*spiritus?* In his enim omnibus  
 „sententiis, nec *Dei*, nec *sanctus* est ad-  
 „ditum, & tamen ipse intelligitur. Sed  
 „nescio utrum manifesto aliquo exem-  
 „plo probari possit alicubi dictum *Spiri-*  
 „*ritum Dei* sine additamento, ubi Spi-  
 „ritus ille sanctus non significetur, sed  
 „alius, quamvis bonus, creatus tamen,  
 „& conditus: quæ proferuntur enim  
 „dubia sunt, & indigent clariore do-  
 „cumento, sicut illud quod scriptum est:  
 „*Spiritus Dei ferebatur super aquas* (k):  
 „Nam, & ibi spiritum Sanctum accipe-  
 „re quid impediatur, non invenio, cum  
 „enim aquarum nomine illa materies  
 „insinuaretur informis, quæ de nihilo  
 „facta est, unde omnia fierent: quis  
 „prohibet intelligere spiritum Sanctum  
 „conditoris, quod superferebatur huic  
 „materiei, non locorum gradibus, in-  
 „tervallisque spatorum; quod nequa-  
 „quam de ulla re incorporea recte di-  
 „citur, sed excellentia, & eminentia  
 „dominantis supra omnia voluntatis, ut  
 „omnia conderentur? præsertim cum  
 „ea locutio, sicut illarum scripturarum  
 „mos est, etiam propheticum quod-  
 „dam sonat mysterium, quo futuri  
 „baptismatis aqua, & spiritu San-  
 „cto nascituri populi figurantur. Non  
 „ergo cogit, ut dictum est, & *Spiri-*  
 „*tus Dei ferebatur super aquas*, illum  
 „intelligere spiritum (sicut nonnulli  
 „intelligunt) quo mundi moles uni-  
 „versa ista corporea velut animatur, ad  
 „ministerium quorumque gignentium,  
 „& in sua specie continendarum corpo-  
 „ralium creaturarum. Creatura est e-  
 „nim quicquid est tale. Illud etiam  
 „quod scriptum est: (l) *quoniam Spi-*  
 „*ritus Domini replevit orbem terrarum*,  
 „non desunt, qui eundem spiritum ve-  
 „lint accipere; invisibilem scilicet crea-  
 „turam cuncta visibilia universali quod-  
 „dam conspiratione vegetantem, atque  
 „con-

(a) Editus nocere: antea dixerat suffocare: sed infra dicit nocere volentium.

(b) 1. Rom. 2.

(c) 2. Cor. 3. 17.

(d) 1. Cor. 11. 10.

(e) Ibi. v. 11.

(f) Rom. 8. 16.

(g) Ibi. 26.

(h) 1. Cor. 12. 11.

(i) Ibi. 4.

(k) Gen. 1. 2.

(l) Sap.

1. 7.



continentem. Sed neque hic video, quid impediat Spiritum Sanctum intelligere, cum ipse Deus dicat apud Prophetam: cælum, & terram ego impleo: (a) non enim sine suo Spiritu Sancto implet Deus cælum, & terram. Quid ergo mirum si de Spiritu Sancto ejus dictum est replevit orbem terrarum? aliter enim replet sanctificando, sicut de Stephano (b) dicitur: *repletus est Spiritus Sancto*, & de cæteris talibus. Aliter ergo replet (c) sanctificante gratia, sicut quosdam sanctos, aliter adstante, atque ordinante presentia sicut omnia. Quamobrem nescio, utrum certo aliquo documento scripturarum possit ostendi, cum sine ullo additamento dicitur *Spiritus Dei*, vel *Spiritus Domini*, aliquid aliud significari, quam Spiritum Sanctum. Sed & si est forte quod in presentiarum non occurrat, illud certe arbitror non temere dici quotiens in sanctis eloquiis commemoratur *Spiritus Dei*, nec additur aliquid, sive ille Pater, & Filio consubstantialis Spiritus Sanctus, sive aliqua invisibilis creatura intelligatur, malum tamen non posse intelligi, nisi etiam addatur *malus*. *Malo* enim, quia bene utitur Deus, ad ministerium judicii sui, appellatur etiam ipse Spiritus Dei ad vindictam malorum, & disciplinam, vel bonorum probationem.

Nec illud jam movere nos debet, quod postea scriptum est: (d) eundem Saulem Spiritu Dei super se facto prophetaisse. Quomodo post bonum spiritum spiritus malus, & rursum post malum bonus? Hoc enim fit non mutabilitate Spiritus Sancti, qui est immutabilis cum Patre, & Filio, sed mutabilitate animi humani Deo cuncta distribuite, sive malis pro merito damnationis, vel emenda-

tionis, sive bonis pro largitate gratiæ suæ. Quamquam videri possit etiam idem fuisse Dei Spiritus semper in Saul: malus autem illi, quod ejus sanctitatis capax non esset. Sed non recte hoc videtur: tutior est enim ille sensus, & verior, ut pro mutabilitate affectionis humanæ Spiritus Dei bonus (e) bonum afficiat, vel ad prophetiam, vel ad opus quodlibet aliud in munere divino; afficiat autem malus, (f) qui propter ministerium divinæ æquitatis omnia distribuentis, & omnibus recte utentis dicitur & ipse Spiritus Dei: præsertim quia dictum est (g) *recessit ab eo Spiritus Dei*, & *comprehendit eum spiritus malignus a Domino*; nullo pacto enim potest idem videri recessisse, & apprehendisse. Porro autem in nonnullis exemplaribus, & eis maxime, qui de lingua hebræa ad verbum videntur expressa, invenitur *Spiritus Dei* sine additamento positus, & intelligitur malus, ex eo quod arripiebat Saul, & resiciebat eum David tangeo citharam. Manifestum est tamen, ideo non additum *malus*, quia paulo superius jam dictum erat, et de vicinitate Scripturæ subaudiri, et intelligi poterat. Ita enim in ejusmodi exemplaribus legitur: (h) *legitur quando cumque spiritus Dei arripiebat Saul, tollebat David citharam, & percutiebat manu sua, & resocillabatur Saul*, & *levius habebat: recedebat enim ab eo spiritus malus*. Sive ergo quod dictum hic non est, *Spiritus Dei*, sed tantummodo *spiritus malus*, quod ibi minus dictum erat, tanquam redditum apparet: sive quia superius ita positum erat: (i) & *dixerunt servi Saul ad eum: ecce Spiritus Dei malus exagitat te; jubet Dominus noster, & servi tui, qui coram te sunt, quarant hominem scientem psallere*,

„ci-

(a) Jer. 22. 24. (b) Acto. 6. 5, & 7. 55. (c) Nonnulla adduntur in editis, quæ revera repetitio superiorum videntur esse. (d) I. Reg. 19. 23. (e) Editus bene. (f) Additus in editis male. (g) I. Reg. 16. 14. (h) Ibi, 23. (i) Ibi 15, & 16.

„*cithara, ut quando arripueris re Spi-*  
 „*ritus Dei malus, psallat manu sua, &*  
 „*levius feras.* Non erat opus, ut rursum  
 „diceretur, quodcumque Spiritus Dei  
 „arripiebat Saul, addere *malum*, quia  
 „notum erat, de quo tunc diceretur.

„(a), Itaque Saul propter inobedi-  
 „entiam reprobato, mittit Dominus Sa-  
 „muel ad Isai, & lumpu cornu olei  
 „unxit in regem David. Sed videamus  
 „eundem David quomodo Christum  
 „propheticè significaverit. (b) David  
 „enim interpretatur manu fortis, sive  
 „desiderabilis. Et quid fortius leone il-  
 „lo de tribu Juda (c), qui vicit mun-  
 „dum? Et quid desiderabilis illo, de  
 „quo dicitur: (d) *venies desideratus*  
 „*cunctis gentibus?* Ungitur iste David in  
 „regem, futurum denuntians per unctio-  
 „nem illam, Christum: Christus enim a  
 „chrismate appellatur. David ab officio  
 „pastorali peccorum, ad hominum re-  
 „gnum transtertur. Noster autem Da-  
 „vid ipse Iesus ab ovibus Judaicæ ple-  
 „bis ablati, in regnum gentium trans-  
 „latus est. In Iudæa enim plebe non  
 „est modo Christus, ablati est modo,  
 „nunc gentium greges pascit. Erat au-  
 „tem David in canticis musicis eruditus;  
 „diversorum enim sonorum rationabilis  
 „modulatusque, concentus concordie va-  
 „rietate compactus ordinatæ Ecclesiæ  
 „insinuat unitatem, quæ variis modis co-  
 „tidie resonat, & suavitate mystica mo-  
 „dulatur. Iste adhuc puer in cithara sua-  
 „viter, immo fortiter canens, malignum  
 „spiritum, qui operabatur in Saule, com-  
 „pescuit. Nam quis citharæ illius tanta  
 „virtus erat? sed figura crucis Christi,  
 „quæ de ligno, & extensione nervorum

mystice gerebatur, ipsaque passio can-  
 tabatur, in hoc tribuens moraliter exem-  
 plum, ut fastum divitum sermone hu-  
 mili ad aliquid bonum provocemus.

„(e) „Plerumque etiam superbus  
 „dives exhortationis blandimento pla-  
 „candus est: quia & plerumque du-  
 „ra (f) vulnera per lenia fomenta  
 „mollescunt, & furor insanorum sæpe  
 „ad salutem, medico blandiente, reduci-  
 „tur: cumque eis in dulcedine conde-  
 „scenditur, languor insaniz mitiga-  
 „tur: neque enim negligenter intuen-  
 „dum est, quod cum Saule spiritus  
 „adversus invaderet, apprehensa Da-  
 „vid cithara, ejus velaniam sedabat.  
 „Quid enim per Saulem, nisi elatio  
 „potentium? Et quid per David in-  
 „nuirur, nisi humilis vita sanctorum?  
 „Cum ergo Saul ab immundo spiritu  
 „arripitur, David canente, ejus vesa-  
 „nia temperatur: quia cum sensus po-  
 „tentium per elationem in furorem  
 „vertitur, dignum est, ut ad salutem  
 „mentis, quasi dulcedine citharæ, locu-  
 „tionis nostræ tranquillitate revocetur.

„(g) Post hæc David in prelio gi-  
 „gantem superavit. (h) „Cum adver-  
 „sus populum Dei alienigenæ dimica-  
 „rent, provocavit superbia humilita-  
 „tem, provocavit diabolus Christum.  
 „Accipit arma bellica sanctus David, ut  
 „adversus Goliath procederet, hæc arma  
 „per ætatem, & parvam staturam corpo-  
 „ris portare non valuit; abiecit onera-  
 „tia, accepit quinque lapides de flumine,  
 „& posuit in vase pastorali: his armatus  
 „processit, & vicit: hoc quidem ille Da-  
 „vid; sed mysteria perscrutemur. In Da-  
 „vid Christus intelligitur, qui tempore  
 „„reve-

(a) Sumpta sunt hæc ex cap. 9. Isidori in lib. I. Reg. (b) Compara hæc cum illi, quæ tradit  
 August. n. 1. serm. 1. in Psal. 34. Verba hæc: David interpretatur manu fortis usque dum  
 devenias ad ea: ungitur iste David &c. desumpta sunt ex capite 87. libri 22. contra Fau-  
 rum: atque ex ea quidem re concitimus pleraque ex subsequenteribus, quibus locus hic expli-  
 catur, ex Augustino fuisse desumpta. (c) Apoc. 5. 5. (d) Ag. 2. 8. (e) Subsequen-  
 tia perquiri in p. 3. Pastoralis Gregorii Magni admonit. 3.] (f) Editi: dura, & vulnera.

(g) I. Reg. 17. (h) Augustinus hic quoque nos docet, quem scilicet explicantem Psal. 143.  
 descripsit Claudius, sed non constanter, uti alibi solet, adamussim, & uti dici mos est, ad li-  
 teram usque; nonnulla ex eo excerpti, & brevius traditi, alia prorsus exterruit. Cum paræ, ob-  
 servo, hæc, quæ habet Claudius, cum enarratione Augustini in Psalmum, quem dixi 143.  
 Sed, ut arbitror, ex Isidoro quest. 10. in I. Reg. excerpti hæc Claudius.

revelationis novi testamenti; insinuan-  
 da, & commendanda gratiæ providens  
 arma deposuit, quinque lapides tulit:  
 deposuit ergo corporalia Sacramenta  
 legis, quæ non sunt imposita genti-  
 bus; deposuit quæ non observamus:  
 nos enim veterem legem legimus, &  
 non observamus. Sed tamen ad ali-  
 quam significationem promissam,  
 & positam intelligimus. Denique  
 hæc arma deposuit tanquam onera  
 Sacramentorum veteris legis; &  
 ipsam legem accepit: quinque enim  
 lapides quinque libros Moyli signifi-  
 cant. Tulit ergo illos quinque lapi-  
 des de flumine, idest de sæculo: la-  
 bitur enim mortale sæculum, & præ-  
 terfuit quicquid venit in mundum.  
 Erant enim in flumine, tanquam in  
 populo illo primo, lapides erant il-  
 lic inutiles, & vacabant: Transi-  
 bant supra fluvios, sed quid fecit  
 David, ut lex ipsa utilis es-  
 set? accepit gratiam: (a) lex eni-  
 m sine gratia impleri non potest;  
 plenitudo enim legis caritas. Quia  
 ergo gratia fecit implere legem: si-  
 gnificatur autem gratia lacte: hoc eni-  
 m est in carne gratuitum, ubi ma-  
 ter non quirit accipere, sed satagit  
 dare; hoc mater gratis dat, & con-  
 tristatur, si desit qui accipiat. Quo-  
 modo ergo David offendit legem si-  
 ne gratia operari non posse? nisi cum  
 illos lapides quinque, quibus signifi-  
 ficatur lex in libris quinque, quos  
 conjungere voluit gratiæ, posuit in  
 vase pastoralis, quo lac mulgere con-  
 sueverat. His armatus processit ad-  
 versus Goliath superbe putantem,  
 de se presumentem. Tulit unum lapi-  
 dem, (b) & deiecit diabolus. In  
 fronte percussit, & cecidit ex eo loco  
 corporis, ubi signum Christi non  
 habuit: hoc quoque licet attendas,  
 quinque lapides posuit: unum misit.

Quinque libri (c) legis sunt, sed  
 unitas vicit. (d) plenitudo enim le-  
 gis caritas, ut ait Apostolus: (e) sus-  
 ceptantes invicem in dilectione, stu-  
 dentes servare unitatem spiritus in  
 vinculo pacis. Demum illo percussio,  
 atque dejecto, gladium ejus abstulit,  
 & mox caput illi abscidit: & hoc facit  
 noster David, deicit diabolus de  
 suis: quando autem credunt magni  
 ejus, quos ille in manu habebat, &  
 de quibus ceteras animas trucidabat,  
 convertunt linguas suas contra dia-  
 bolum, & sic Goliath de gladio suo  
 caput incidit. (f) Convenit etiam,  
 hoc illi viro, qui recta fide (quæ ple-  
 risque sanctis solet ad justitiam depu-  
 tari) ea ipsa scripturæ sacræ, quæ  
 hæreticus assert, testimonia colligit, &  
 erroris ejus pertinaciam (g) mox con-  
 vincit. Contra nos namque dum sa-  
 cræ legis testimonia apportant, secum  
 nobis afferunt, unde vincantur. Unde  
 & David typum Domini (h) (quia vi-  
 delicet manu fortis interpretatur) Go-  
 liath vero hæreticorum superbiam si-  
 gnans: hoc rebus locuti sunt, quod  
 nos verbis asserimus. Goliath quippe  
 cum gladio, David vero cum pera  
 pastoralis venit ad prælium: sed eun-  
 dem Goliath David superans, suo oc-  
 cidit gladio: quod nos quoque agimus,  
 qui promissi David membra, ex ejus  
 feri dignatione meruimus. Nam cum  
 superbiebant hæreticos, & sacræ Scrip-  
 turæ sententias deferentes, eisdem  
 verbis, atque sententiis, quas profes-  
 runt, vincimus, quasi elatum Goliath  
 suo gladio detruccamus.

(i) Interea victoria David animum  
 Saul regem offendit, indignantis, (k)  
 quod sibi in mille, & David in de-  
 cem milia acclamantium publicæ gra-  
 tulationis ore insonarent: hinc invidia  
 Saulis, & semen odiorum adver-  
 sus David: quod insidiator callidus,

(a) Roma. 3. 10. (b) Augustinus editus: inimicum in fronte percussit. (c) Elitius  
 lecti: prout utique legebat cum Claudio legis. (d) Rom. 13. 10. (e) Eob. 3. 2. & 3.  
 (f) Desumpta sunt ista ex num. 24. [alii cap. 16.] lib. 18. S. Gregorii Moralium in Job.  
 (g) Editus: inde. (h) Que parentesi concluduntur, in Gregorio non extant.  
 (i) I. Reg. 18. 7. (k) Hæc perquire cap. 11, & seq. Isidorus in lib. I. Reg.

ut sine insidiis suis possit offerre discrimini, (a) statuit eum Michol filiz suz nuptiis alligari, si centum sibi allophylorum præputia victor offerret, pro quibus centum, ducenta dedit: & unde creditus est regio perire voto, mox auctus est gloriosiori triumpho. Ita & Judæi, dum contra voluntatem Dei, Christum interficere nituntur, per id salutem gentium egerunt, per quod crediderunt extinguere. Quod vero David prius alienigenarum præputia attulit, & sic de novo filiz Saul nuptiis hærit, significabat, quod Christus non prius synagogam connubio suo sponderet, nisi ante gloriosus in gentibus fieret. Prius enim in nationibus resecauit carnis pollutionem, & postea copulatus est synagogæ. Postquam enim, sicut scriptum est, (b) *introjeris plenitudo gentium, tunc omnis Israel saluus fiat.* (c) Dupla autem, idest ducenta, præputia attulit, sive pro Judæis, & gentibus acquisitis, sive quia major est numerus acquisitionis populi gentium, quam credentium Judæorum. Auxit deinde odium Saul adversus David in tantum, ut rex ad medellam sui spiritus David de more psallentem, jaculo conaretur configere. (d) Sed quid est, quod dum Saulem spiritus adversus invaderet, apprehensa David cithara, ejus vesaniam mitigabat? per Saulem enim Judæorum elatio, per David autem humilitas (e) significabatur. Cum ergo Saul ab immundo arripitur spiritu, David canente, ejus vesania temperatur, quia cum sensus Judæorum per blasphemiam in furorem vertitur, dignum est, ut ad salutem mentes eorum quasi dulcedine citharæ, locutionis evangelicæ tranquillitate revocentur. (f) *Misit Saul custodes ad domum David, ut custodirent eum, & interficeretur: abscessit autem David nocte, & fugit, atque salvatus est: cumque venisset nuntius Saul, invenerunt statum in lecto David positam, & pellem pilosam caprarum ad caput ejus.* Audiamus ergo quid hoc significet, quod miserit Saul ad custodiendam domum David, ut eum interficeret. Hoc non ad Crucem Domini, sed tamen ad passionem ejus pertinet: crucifixus enim Christus, & mortuus, & sepultus est. Erat ergo illa sepultura tanquam domus, ad quam custodiendam misit regnum Judæorum, quando custodes adhibiti sunt sepulchro Christi. (g) Quomodo ergo custodia est domus, si David figurabat Christum, ut Christum interficeretur, dum non in sepultura Christus, sed in cruce sit interfectus? Refertur ergo ad corpus Christi, quia interficere Christum, erat tollere nomen Christi. Neque enim crederetur in Christum, si mendacium prævaleret custodum, qui corrupti sunt, ut dicerent: (h) *Quia dormientibus nobis, venerunt discipuli ejus, & abstulerunt eum:* hoc est itaque velle Christum interficere, nomen resurrectionis ejus extinguere, ut mendacium Evangelio præferretur. Sed sicut illud non valuit Saul, ut interficeret David, sic nec hoc potuit regnum Judæorum efficere, ut memoriam Christi deleteret. Isti autem qui de Saul virtute, idest de regno Judæorum in Christum presumere voluerunt, offenderunt in lapidem offensionis, tanquam in statuam: & hædus ejus visus erat agnus, quia in quem peccatum non invenerunt, quasi peccatorem, persecuti sunt. Igitur David regiz manus factum evitans, ejusque persecutionem declinans, (i) venit ad Samuelem, & misit Saul nuntios, qui apprehenderent David: Samuel autem erat inter Prophetas, & cætus

,, pro-

(a) 18. 17. 25, &amp; subseq.

(b) Rom. 11. 25.

(c) I. Reg. 18. 27.

(d) 19. 10:

(e) Significatur.

(f) I. Reg. 19. 11, &amp; subseq.

(g) Matth. 28.

(h) Ibid.

(i) I. Reg. 19. v. 18, &amp; subseq.

„ prophetarum, qui illo tempore prophe-  
 „ taverunt: (a) nuntii autem, qui mis-  
 „ si sunt, accepto ejusdem spiritu pro-  
 „ phetaverunt, missique aliis hoc con-  
 „ tigit, & tertiis nihilominus. Postea  
 „ vero cum & ipse Saul venisset, factus  
 „ est super eum Spiritus Dei, & ambu-  
 „ labat ingrediens, & prophetabat (b).

„ Non enim potest hic, nisi spiri-  
 „ tus bonus intelligi, per quem sancti  
 „ Prophetæ futurarum rerum imagines,  
 „ & visa cernebant. Non ex eo tan-  
 „ tum, quia dictum est, & prophetaba-  
 „ tur: nam in exemplaribus, quæ sunt  
 „ ex hebræo, hoc quoque invenitur de  
 „ spiritu malo dictum ita: (c) Post  
 „ diem autem alterum irruisit Spiritus  
 „ Dei malus Saul, & prophetabat in  
 „ medio domus sue: et in aliis divi-  
 „ narum scripturarum locis sæpe inve-  
 „ nitur, quod prophetia non tantum  
 „ bona, sed & mala dicitur: (d) &  
 „ prophetæ dicti sunt Baalim, & ex-  
 „ probatum est quibuldam, quia prophe-  
 „ tabant in Baal. Non ergo propterea  
 „ necesse est, intelligi bonus spiritus, qui  
 „ factus est postea super Saul, quia dic-  
 „ tum est: Et ambulabat ingrediens,  
 „ & prophetabat, sed quia sine  
 „ additamento positum est, & factus est  
 „ Spiritus Dei super eum: non enim fi-  
 „ cut in illo loco dictum erat supra,  
 „ Spiritus Dei malus: ut ex hoc posset  
 „ etiam in consequentibus subaudiri,  
 „ quinimmo superiora magis magisque  
 „ adtestantur illum spiritum Dei bonum  
 „ fuisse, & vere propheticum: David  
 „ enim erat cum Samuele. (e) Et mis-  
 „ sit Saul nuntios, qui apprehenderent  
 „ David, quando autem Samuel erat  
 „ inter Prophetas, & ceteros propheta-  
 „ rum, qui illo tempore prophetabant,  
 „ nuntii, qui missi sunt, accepto ab eo-  
 „ dem Spiritu prophetaverunt, missi-  
 „ que aliis hoc contigit, & tertiis ni-  
 „ hilominus: postea cum & ipse Saul

„ venisset, factus est etiam super eum  
 „ Spiritus Dei, & ambulabat ingredi-  
 „ ens, & prophetabat. Cum enim di-  
 „ citur factus est etiam super ipsos Spi-  
 „ ritus Dei, & prophetabant & ipsi.  
 „ Idem utique spiritus erat, qui erat  
 „ in Prophetis: inter quos, & Samuel  
 „ inventus est. Et ex hoc utique ne-  
 „ cesse est intelligi illum spiritum bo-  
 „ num. Atque ideo quæstio diligenter  
 „ discutienda est, quomodo & illi cum  
 „ missi essent ad tenendum hominem,  
 „ & ad necem ducendum, tali spiritu  
 „ affici meruerunt, & Saul ipse, qui  
 „ miserat veniens & ipse, & sanguinem  
 „ innocentem quærens effundere, acci-  
 „ pere meruit spiritum illum, & pro-  
 „ phetare.

„ Hic mirum illud occurrit, quod  
 „ Apostolus Paulus apertissime expo-  
 „ nit: supereminentem viam demon-  
 „ strans: (f) Si linguis hominum lo-  
 „ quar, & angelorum, caritatem autem  
 „ non habeam, factus sum ærauentum  
 „ sonans, aut cymbalum tinniens: &  
 „ si habuero prophetiam, & sciero om-  
 „ nia sacramenta, & omnem scientiam:  
 „ & si habuero omnem fidem, ita ut  
 „ montes transferam, caritatem autem  
 „ non habeam, nihil sum. Et si distri-  
 „ buero substantiam meam: & si tradi-  
 „ dero corpus meum ut ardeam: carita-  
 „ tem autem non habeam, nihil mihi  
 „ prodest. Quo in loco manifestum est,  
 „ eum munera illa commemorasse, quæ  
 „ Spiritus Sancti divisionibus dantur,  
 „ sicut superius dicit: (g) Unicuique  
 „ autem datur manifestatio Spiritus ad  
 „ utilitatem. Alii autem datur per Spi-  
 „ ritum sermo sapientiæ: alii sermo sci-  
 „ entia secundum eundem Spiritum: al-  
 „ teri autem fides in eodem Spiritu: al-  
 „ lii donatio curationum in uno Spiritu:  
 „ alii operationes virtutum: alii prop-  
 „ hetia: alii dijudicatio spirituum: al-  
 „ teri genera linguarum. Omnia autem  
 „ G  
 „ „ hæc

(a) v. 20. 21. & subseq. (b) Subsequentia reperies numero septimo, & subsequentibus  
 questionibus 1. libri 2. De diversis questionibus ad Simplicianum. (c) 1. Reg. 18. 10.  
 (d) 111. Reg. 18. 16. 22. 25. 40. (e) 1. Reg. 19. 20. (f) 1. Cor. 13. 1. & c.  
 (g) 1. Cor. 12. 7. & c.

„ *hæc operatur unus, atque idem Spiritus, dividens propria unicuique prout vult.* Satis ergo apparet inter dona Spiritus Sancti esse prophetiam: quam tamen si quis habeat, & caritatem non habeat, nihil est. Ex quo intelligitur fieri posse, ut quidam etiam indigni vita æterna, regnoque celorum, aspergantur tamen quibusdam Spiritus Sancti muneribus, non habentes caritatem, sine qua illa munera non nihil sunt, sed nihil eis profunt. Prophetia quippe sine caritate, sicut demonstratum est, non perducit ad regnum Dei: caritas vero sine prophetia utique perducit. Cum enim loquens de membris Christi ait: „ (a) *nunquid omnes Apostoli? nunquid omnes Prophetæ?* Indubitanter ostendit etiam eum, qui prophetiam non habet, posse in membris Christi numerari: ubi quem locum haberet, si caritatem, sine qua homo nihil est, non haberet? nullo autem modo ita diceret: quando de membris agebat, quibus Christi corpus impletur: nunquid omnes habent caritatem? quemadmodum dixit, nunquid omnes Apostoli? nunquid omnes Prophetæ? nunquid omnes Virtutes? nunquid omnes dona habent Curationum, & cætera huiusmodi?

„ Sed dicit aliquis, posse quidem fieri, ut prophetiam quisque non habeat, & tamen habeat caritatem, atque ideo Christi membris adnumeratus inhiereat: sed fieri non posse, ut prophetiam habeat, & non habeat caritatem. Nihil est enim homo habens prophetiam sine caritate. Ita fortasse quemadmodum possumus dicere, nihil esse hominem habentem animam sine mente: non quia potest inveniri homo, qui mentem non habeat, habens animam, sed quia nihil esset, si inveniri possit. Sic etiam dici potest: corpus figuram habet, colorem non habet: videri non potest,

„ non quia est corpus, cui desit color; sed, quia si deesset, cerni non possit. Ita fortasse dictum est, quod si quisque habet prophetiam, & caritatem non habet, nihil est, non quia potest in quoquam esse prophetia sine caritate, sed quia, si esset, prodesse non possit. Opus est ergo ad solvendum istam questionem, ut ostendamus aliquem reprobum hoc donum habuisse prophetiæ. Quod si neminem invenerimus, hoc ipse Saul satis ostenderet. Sed tamen etiam ille (b) Baalam reprobus apparet: non enim eum tacet scriptura divino iudicio esse damnatum, & tamen prophetiam habebat, & quia ei caritas deerat, inerat voluntas maledicendi populo Israelitico, quam hostis pretio comparaverat, qui eum ad maledicendum mercede conduxerat; dono tamen illo prophetandi, quo aspergebatur, benedicebat invitus. Nec illa verba parum attestantur huic sententiæ, quæ in Evangelio scripta sunt (c) multos dicturos in illa die: *Domine, Domine in nomine tuo manducavimus, & bibimus, & in nomine tuo prophetavimus, & in nomine tuo virtutes multas fecimus.* Quibus tamen dicturus est: *non novi vos: recedite a me operarii iniquitatis.* Non enim eos mentientes putabimus ista dicturos in illo iudicio, ubi nullus erit fallendi locus, aut ullam vocem talium legimus dicentium: dileximus te. Poterunt ergo dicere: *in nomine tuo prophetavimus,* cum sint improbi, & reprobi: non autem poterunt dicere, dilectionem, quam mandasti, tenuimus: nam si dicent, non eis responditur: *non novi vos.* (d) *In hoc enim cognoscetur, inquit, quia discipuli mei estis, si vos invicem diligatis.*

„ Exemplum itaque huius Saul resistit superbis nonnullis hæreticis, qui, vel aliquid boni de muneribus Sancti Spi-

(a) *Ibid.* 29.(b) *num.* 20. §. 24.(c) *Matth.* 7. 22. &c.(d) *Jo.* 13. 35.

„ Spiritus negant posse dari eis, qui ad  
 „ fortem sanctorum non pertinent : cum  
 „ eis dicimus habere illos posse baptis-  
 „ mi Sacramentum, quod cum ad Ec-  
 „ clesiam catholicam veniunt, non est  
 „ in eis ullo modo violandum, aut qua-  
 „ si non habeant, tradendum : sed tam-  
 „ en eos non ideo saluti debere con-  
 „ siderare, quia non improbamus, quod  
 „ illos accepisse concedimus, sed oport-  
 „ ere cognoscere unitatis societatem.  
 „ vinculo caritatis in eundem, sine qua  
 „ omnino quicquid habere potuerint,  
 „ quamvis per se sanctum, atque vene-  
 „ randum, ipsi tamen nihil sunt ; tan-  
 „ to indigiores effecti premio vitæ  
 „ eternæ, quanto illis donis non bene  
 „ usi sunt, quæ in hac vita, quæ transi-  
 „ tura est, acceperunt. Non autem be-  
 „ ne utitur, nisi caritas, (a) & cari-  
 „ tas omnia tolerat, atque ideo non  
 „ scindit unitatem, cuius ipsa est for-  
 „ tissimum vinculum. Non enim & ser-  
 „ vus ille non accipit talentum, aut  
 „ aliquid aliud intelligitur talentum,  
 „ quam munus aliquod utique divi-  
 „ num. (b) Sed qui habet, dabitur ei :  
 „ qui autem non habet, & quod habet,  
 „ auferetur ab eo. Quod non habet  
 „ auferri non potest, sed aliud non ha-  
 „ bet, ut merito auferatur, quod ha-  
 „ bet. Non habet caritatem utendi, ut  
 „ auferatur quicquid aliud habet, quod  
 „ sine caritate non prodest.

„ Non igitur mirum est, regem  
 „ Saul, & eo tempore, quo primum  
 „ unctus est, accepisse spiritum proph-  
 „ etandi ; & postea eum esset pro ino-  
 „ bedientia reprobatus, recedente ab  
 „ eo Spiritu Domini, arreptum esse ma-  
 „ ligno Spiritu a Domino, qui etiam  
 „ ipse Spiritus Domini appellatus est  
 „ propter ministerium, quia omnibus  
 „ etiam spiritibus malis bene utitur  
 „ Dominus, vel ad damnationem quo-  
 „ rumdam, vel ad emendationem, vel

„ ad probationem : (c) & quamvis non  
 „ sit malignitas a Domino, non est ta-  
 „ men potestas, nisi a Domino. Di-  
 „ ctus est etiam (d) *sopor Domini*, qui  
 „ occupaverat milites ejusdem Saul, cum  
 „ David hastam, & scyphum abstulisset a  
 „ capite dormientis. Non quia tunc so-  
 „ por in Domino erat, ut ipse dormi-  
 „ ret, sed quia ille sopor, qui tunc  
 „ homines apprehenderat, nutu Dei e-  
 „ rat infusus : ne David, servi ejus, in  
 „ eo loco præsentia sentiretur. Neque  
 „ illud mirum est rursus eundem Saul  
 „ accepisse spiritum prophetiæ (e) cum  
 „ persequeretur justum, & eum compre-  
 „ hensurus, & necaturus venisset in lo-  
 „ cum, ubi erat congregatio Prophetarum.  
 „ Sic enim satis demonstratum  
 „ est, neminem de tali munere jam se-  
 „ curum esse debere, tanquam sit ac-  
 „ ceptissimus Domino si non habeat cari-  
 „ tatem ; quoniam quidem illud do-  
 „ num, & Sauli dari potuit propter  
 „ arcanum quidem alicujus Sacramen-  
 „ ti, sed tamen dari potuit reprobo,  
 „ invido, & ingrato, & reddentii mala  
 „ pro bonis, & ne post ipsam quidem  
 „ acceptionem Spiritus, correpto in me-  
 „ lius, atque mutato.

(f) Ait namque *Jonathas ad Da-*  
*vid* (quem in persecutionibus patris sui  
 non jussis dolebat fatigari) : *si vixeris*  
*facies mihi misericordiam Domini : si ve-*  
*ro mortuus fuero, non auferas misericor-*  
*diam suam a domo mea usque in semp-*  
*ternum, quando eradicaveris Dominus*  
*inimicos David unumquemque de terra.*  
 Cum adjungeret Scriptura : (g) *pepigit*  
 ergo *scdus Jonathas cum domo David* :  
 continuo subintulit dicens : (h) *requi-*  
*sivit Dominus de manu inimicorum Da-*  
*vid.* „ Per anticipationem utique fecit,  
 „ prius historiæ interserendo, quod mul-  
 „ to post tempore factum est, cum in-  
 „ terfecto Saule, regnum ad Dominum  
 „ David translatum est, & qui inno-  
 G 2

,, cen-

(a) 1. Cor. 13. 7. (b) Matth. 25. 29.

(c) 1. Reg. 19. 24. (f) 20. 14, &amp; 15. Subsequentia perquirere questione 5. libri 30. quest.

Beda in libros Regum. (g) v. 16.

(h) Fulgata : requirit.

(d) 1. Reg. 26. 12.

centem eum injuste persequabantur, iusta sunt divinitus ultione multati. Tunc enim requisivit Dominus de manu inimicorum David, quare virum sanctum afflixerunt. Tunc cogebantur rationem reddere odiorum, quibus contra illum tanto tempore sevierant. Quod & de Abfalon, & de Seba filio Bochri, & de ceteris hostibus David (a) æque potest intelligi. Aliter, si scire vis quid de manu inimicorum David requisierit Dominus, potest, ni fallor, a superiore sententia, qua dictum est, quod sedus pepigerit Jonathan cum domo David, aperte intelligi, quod hoc de manu inimicorum David requisierit, idest, quare non & ipsi sedus cum eo pacis inire voluerint, cum quo esse Dominum viderant. Id circo autem Scriptura hæc sententiam hanc præoccupando interponere videtur, ut testimonium Jonathanæ quo dixerat: *quando eradicaveris Dominus inimicos David unumquemque de terra*, verum esse comprobaret, quia videlicet eradicati sint inimici David de terra, non ipso David se de adversariis ulciscente, sed iudicante Domino pro illo. Bene autem subiungitur: (b) *Et addidit Jonathan dejerare David eo quod diligeret illum: sicut animam suam ita diligebat eum.* Ut ille nimirum, qui tam perfecto iuxta legem Domini amore complectebatur David, a perditione inimicorum ejus ostenderetur immunis, qui & (c) si subita morte præreptus, regnum cum eo, ut sperabat, terreum habere nequivit commune, absque ulla tamen contradictione regni celestis consortium cum eo, quem pro

gloria virtutum tantisper dilexit; cum esset & ipse virtutum plenus, accepit.

(d) Surrexit (e) itaque David iterum, & fugit in die illa a facie Saul, venitque ad Sacerdotem Abimelech, a quo & gladium Goliath subtulit, & panes propositionis accepit. Quæ res & Sacerdoti mortem intulit, & animadversionem religiosæ intulit civitati. Hæc itaque gestorum fides est: sed quantum ad Sacramentum prophetiæ pertinet, in Christo Domino nostro impletum est, qui positus in carne (f), dum insecutionem declinaret Judaicam, ad (g) populos transit: cum quibus, & desideratum sibi cibum sumpsit. (b) *Desiderio enim, inquit, desideravi hoc Pascha manducare vobiscum*, ex quibus Goliath, idest arma diaboli subtulit, fortis enim spolia ipse dirupit: his ergo a quibus receptus est Christus, tribulationes induxit diabolus, & mortem. *Omnes enim*, ut ait Apostolus, *qui in Christo pie volunt vivere, persecutionem patiuntur.* (i) Et Dominus (ait): *Si me persecuti sunt, & vos persequentur.* (k) Quod vero Dominus in Evangelio (l), *Abiathar* principem Sacerdotum, non Abimelech appellat, nihil habet dissonantiz: ambo & enim fuerunt illic, cum veniens David panes petiit, & accepit Abimelech, videlicet princeps Sacerdotum, & Abiathar filius ejus (m). Occiso autem Abimelech a Saul cum viris domus suæ generis Sacerdotalis octoginta quinque, fugit Abiathar ad David, & comes factus est totius exilii ejus. Postea regnante eo, summi Sacerdotii & ipse gradum accepit, ac toto tempo

re

(a) Deest æque. (b) v. 17. (c) Tam noster Codex, quam editi ponunt ita: tamen legendum arbitror subita, uti posui. (d) Cap. 20. 33, & 21. 1. (e) Ex Isidoro desumpta sunt subsequencia. (f) Domini: sed male. (g) Apostolos: hic quoque male, quando enim transit ad Apostolos? Ad Galileam [ utique Gentium ], & ad Tyrios, & ad Sydonias confugit, non ad Apostolos. Arbitror itaque jam dudum corruptam esse per antiquum Amnuessem hunc Isidori locum, & aliqua hic desse, utique panca. (h) Luc. 22. 15. (i) Jo. 15. 20. (k) Hæcenus Isidorus. (l) Mar. 2. 26. (m) I. Reg. 22. 16. &c.



se regni illius in Pontificatu perseverans, multo majoris excellentiæ, quam pater suus, effectus est. Ideoque dignus fuit, cujus memoriam Dominus etiam vivente patre quasi summi Sacerdotis faceret. (a) „ In (b) Doeck autem Idumæus, (c) qui Sacerdotes Domini prodidit, Judæ proditoris persona (d) signatur, per quem (e) ista operatus est diabolus, ut ejus perditione facta in Christo, persecutionem postea Ecclesia pateretur, & occideretur (f) multi discipuli Christi, & Sacerdotes per nomen ejus persecutionis (g) exitia paterentur. Quidam dicunt Doeck Anti-Christum significasse, cujus membrum Judas extitit, quia sicut ille Sacerdotes octoginta quinque peremit, sic & iste Martyres, qui fidem resurrectionis tenent, sit occisurus.

(b) „ Interea David cum fugeret Saul, latere voluit apud regem quemdam Geth, nomine Achis: sed cum gloria ejus fuisset commemorata, ne per livorem rex, ad quem fugerat, aliquid in eum machinaretur, finxit insaniam, & quasi furore correptus mutavit os suum, defluabantque salivæ in barbam ejus, conlabebaturque in manibus eorum, & procidebat ad ostia portæ: & dixit Achis rex ad servos suos. *Quid hoc mihi adduxisti istum? nunquid deceant nobis furiosi?* Et sic eum dimisit. Achis interpretatur *quomodo est?* per quod significatur ignorantia, & verbum mirantis, & non agnoscantis. Quod in gente Judæorum impletum est, qui dum viderunt Christum, non agnoverunt: coram quibus mutavit os suum, & abiit. Erant enim ibi præcepta legis carnalia, erat sacrificium secundum

ordinem Aaron, & postea ipse de corpore, & sanguine suo instituit sacrificium secundum ordinem Melchisedech. Mutavit ergo os suum in sacerdotio, mutavit in præceptis, dans aliud testamentum, evacuata carnali operatione, atque inde collapsus est in manibus eorum, quando eum comprehendentes crucifixerunt. (i) *Et procedebat ad ostium portæ, hoc est humiliabat se: hoc est (k) procedere ulque ad ostium fidei nostræ. Hostium enim portæ, initium fidei nostræ. Inde incipit Ecclesia, & pervenit usque ad speciem: ut cum credit ea, quæ non videt, mereatur perituri, cum eum videre (l) facie ad faciem cæperit. Quod vero in illo quasi furore salivæ decurrabant super barbam ejus, Apostolus hæc aperit dicens: (m) *Judæi signa petunt, & Græci sapientiam quarunt: nos autem prædicamus Christum crucifixum: Judæi quidem scandalum, gentibus autem stultitiam. Ipsi vero Judæi vocatis, & Græcis Christum Dei virtutem, & Dei sapientiam, quia quod stultum est Dei, sapientius est hominibus. (n) Non tanquam salivæ offendant; sed attende quod super barbam decurrant. Quomodo enim in salivis infirmitas, sic in barba virtus ostenditur. Texit ergo virtutem suam corpore infirmitatis suæ, & quod forissecus infirmabatur, tanquam in saliva apparebat: intus autem divina virtus, tanquam barba tegebatur.* (o) „ Dehinc in heremo Engaddi cum persequendum David Saul appeteret, ingreßus est David in speluncam, & ibi latebat. Sed & rex improvisis exceptus insidiis, quod innocuo moliebatur,*

(a) Ibid. 18. (b) Iterum hic nos Isidorus docet, & ex eo Rabanus. (c) Verba hæc qui Sacerdotem Domini prodidit desunt in editis. (d) conspexit. (e) ita. (f) quam plurimi. (g) Persecutiones gravissimas perferent. (h) 21. 10. Hæc quoque nos docet Isidorus [cap. 16.] & ex eo Rabanus. (i) v. 13. (k) Procedere. (l) 1. Cor. 13. 12. (m) 1. Cor. 1. 22. (n) Et quod infirmum est Dei, fortius est hominibus. „ Saliva enim significant stultitiam, & infirmitatem, sed quod stultum est Dei, fortius est hominibus, non tanquam etc. (o) Cap. 23. (p) Hæc quoque ex Isidoro sumpta sunt, ex quo etiam desumpsit Rabanus.

„ batur, inciderat; scriptum est enim, qui fodit foveam proximo suo, ipse incidet in eam. David autem bona pro malis retribuens, inimicum non occidit, sed pro testimonio facti, oram clamidis regiae abstulit, cum facilius esset exceptum insidiis adversarium perdere, magis quam fallere. Quid ergo est quod iste fugiens a facie Saul, in spelunca latuit? (a) Quare autem latuit, nisi ut occultaretur, & non inveniretur? Quid est contegi spelunca, nisi contegi terra? qui enim fugit in speluncam, terra tegitur, ne videatur. Portabat autem terram Jesus: carnem quam acceperat de terra, & in ea se occultabat, ne a Judæis inveniretur Deus. (b) Si (c) autem cognovissent, numquam Dominum gloria crucifixissent. Quare ergo Dominum gloriæ non invenerunt? quia in spelunca se texerat, id est carnis infirmitatem oculis objiciebat, & majestatem divinitatis corporis tegmine tanquam (d) speluncæ abditio (e) contegebat. Illi ergo non cognoscentes Deum persecuti sunt hominem. Nec mori potuit nisi in homine, nec crucifigi potuit, nisi in homine, quia nec tene-ri potuit nisi in homine. Opposuit ergo male querentibus, terram, servavit bene querentibus, vitam. Fugit ergo secundum carnem in speluncam a facie Saul, quia passus est, usque adeo se occultari Judæis, ut moreretur. (f) Sed quare ulque ad mortem voluit esse patiens, ut fugeret a facie Saul in speluncam? etenim spelunca inferior pars terræ potest accipi. Et certe, quod manifestum est, & notum est omnibus, corpus ejus in monumento positum (g) est, quod erat excisum in petra; hoc ergo monu-

„ mentum spelunca erat; illuc fugiit noster David a facie Saul. Tandem enim persecuti sunt illum Judæi, quoadusque poneretur in spelunca.

(h) „ Sed quid est quod Saul persecutor ad purgandum ventrem, speluncam ingreditur, nisi quod Judæi in Christum conceptam malitiam, quasi odorem fetidum emisissent, & cogitata apud se noxia, factis deterioribus, dum Christum perimunt, ostenderunt. Sed tamen David Sanlem occidere noluit: & cum eum in abdito occultatus antro, haberet in potestate, reservare, (i) quam occidere maluit: ita & Christus dum esset in spelunca carnis, persecutorem populum in potestate habuit, & non occidit. Scriptum enim erat de his per Prophetam: (k) ne occideris eos. Tantum denique David summitatem clamidis ejus silenter abscecidit, ut ostenderet prophetia Christum Judæos non occidisse, sed eis tantum regni gloriam abstulisse: clamidis enim abscessio, regni est amputatio. (l) In eo autem quod tantum Saul veneratus est ipse David, ut percussio corde pavaverit, quando in tenebroso est occultatus antro, quo etiam Saul intraverat urgente necessitate naturæ, & exiguum particulam vestis ejus retrorsum latenter abscecidit, ut haberet, unde monstraret, quomodo ei pepercerit, cum posset occidere, atque ita suspicionem de animo ejus, qua sanctum David, putans inimicum suum, vehementer perlequebatur, auferret (m), futuri regni erat umbra in eternitate mansura: oleum quippe illud, quo unctus est chrismate, ab eo Christus est dictus. Ne itaque reus esset tanti Sacramenti in Saule violati, quia vel indumentum ejus, sic adtreclavit, extimuit, ita enim feri-

(a) Subsequentia in Isidoro pariter invenies: sed ad magnam etiam partem in enarratione Augustini in Psalm. 56. num. 4. (b) 1. Cor. 2. 8. (c) Editi: enim.  
 (d) Augustinus: terræ abditio. (e) Occultabat. (f) Nonnulla hic amputant Isidorus, & Claudius. Vide allegatum Augustini locum. (g) Elise. (h) Ex Isidoro hæc sumpta tantummodo sunt: desunt in Augustino. (i) Additur potius: sed redundat. (k) Psalmi. 58. 12. (l) Hactenus Isidorus. (m) Hic aliqua desunt.

scriptum est: (a) *Es percussus cor David super eum, quia abstulit pinnam clamidis ejus.* Viri autem, qui cum illo erant, & ut Saulem in manus suas traditum interimere suadebant, non mihi (inquit) *coningat a Domino, si fecero hoc verbum Domino meo Christo Domini, inferre manum meam super eum, quia Christus Domini est hic;* huic ergo umbræ futuræ non propter ipsam, sed propter illud, quod prefigurabat tanta veneratio exhibebatur. (b) „Morali-  
 „ter vero, quid per Saul, nisi mali re-  
 „ctores? quid per David, nisi boni sub-  
 „diti designantur? Saul igitur ventrem  
 „purgare, est pravos præpositos conce-  
 „ptam in corde malitiam, usque ad  
 „opera miseri odoris extendere, & co-  
 „gitata apud se noxia, factis exteriori-  
 „bus exsequendo demonstrare. Quem  
 „tamen David ferire metuit, quia piæ  
 „subditorum mentes ab omni se peste  
 „obrectationis abstinentes, præposito-  
 „rum vitam nullo lingue gladio percu-  
 „tiunt, etiam cum de imperfectione re-  
 „prehendant. Qui, & si quando propter  
 „infirmam se se abstineret vix possunt,  
 „ut extrema quædam, atque exteriora  
 „præpositorum mala, sed tamen humiliter,  
 „loquantur, quasi oram clamidis si-  
 „lenter incidunt; quia videlicet dum præ-  
 „latæ dignitati saltem innoxie, & laten-  
 „ter derogant, quasi regis superpositi ves-  
 „tem secant: sed tamen ad semetipsos  
 „redeunt, seque vehementissime, vel de-  
 „tenuissima verbi laceratione rephren-  
 „dunt. Unde bene, & illic scriptum est:  
 „*Post hæc David percussit cor suum;*  
 „*eo quod abscondisset oram clamidis Saul:*  
 „facta quippe præpositorum oris  
 „gladio ferienda non sunt, etiam cum  
 „reprehendenda rectè judicantur. Si  
 „quando, vero contra eos, vel in mi-  
 „nimis lingua labitur, necesse est, ut  
 „per afflictionem penitentia (c) com-

„primatur, quantum ad semetipsum:  
 „redeat, & cum præpositæ potestati di-  
 „liquit, ejus contra se judicium, a  
 „quo sibi (d) prælatus est, perhorrescat.  
 „Nam cum præpositis delinquimus,  
 „ordini ejus, qui eos nobis prætulit,  
 „obviamus. Unde Moyses quoque, cum  
 „contra se, & Aaron conqueri po-  
 „pulum cognovisset ait: (e) *Nos e-*  
 „*nim quid sumus? nec contra nos est*  
 „*murmur vestrum, sed, contra Domi-*  
 „*num.*

„(f) Post hæc David descendit in  
 „solitudinem Maon, ubi habitabat Na-  
 „bal, nomenque uxoris ejus. Abigail; ad  
 „quem mittens David pueros suos, ut  
 „quodcumque invenisset manus ejus, mi-  
 „sisset David, & pueris suis. Quos ille  
 „stulte repellens, nuntiaverunt David.  
 „(g) „Tunc David accinctus armis, vo-  
 „luit eum depredare. (h) At Abigail  
 „(i) abiit obviam David, interpellans  
 „pro se, & pro domo suo, quem vir  
 „ejus stultitia, & ebrietate sopitus of-  
 „fenderat: *Si enim* (inquit) *(k)*  
 „*surrexeris aliquando homo persequens*  
 „*te, & querens animam tuam, eris*  
 „*anima Domini mei custodia, quasi in*  
 „*fasciculo viventium, apud Dominum*  
 „*Deum tuum.* Porro anima inimico-  
 „rum tuorum rotabitur, quasi in impe-  
 „tu, & circulo fundæ. Pulcherrima  
 „comparatione statum iustum a re-  
 „probis sorte discernit: horum  
 „quippe animas appellat *viventes*, ut  
 „illorum e contrario spiritali morte  
 „præoccupatas insinuet; juxta illud Pro-  
 „phetæ: (l) *Anima, quæ peccaverit,*  
 „*ipsa morietur:* hos fasciculo, illos la-  
 „pide fundæ assimilat: fasciculus enim  
 „constringitur, ut integer maneat, &  
 „conservetur, lapidis in funda expedi-  
 „tus ponitur, ut abiciatur. Sic enim  
 „in hoc sæculo electi pressuris tribula-  
 „tionum coangustantur, ut his amo-  
 „niti,

(a) 24. 6. 5. 7. &c. (b) Subsequentia didicimus ex Gregorio Magno [3. parte Pastoralis  
 admon. v. hæc tradente]. (c) Editi: cor prematur. (d) Editi: prælata est.  
 (e) Exo. 16. 8. (f) 25. 2. (g) Subsequentia edocuit Beza questione 6. in libro  
 Regum. (h) v. 13. (i) v. 18. 23. (k) v. 29. (l) Eszech. 18. 4.

niti, arctius se ad invicem mutua caritate (a) connectant, & coadunati ad invicem manu sui Redemptoris in perpetuum conserventur. At vero reprobi, quanto latius in hac vita voluptatibus propriis, veluti liberi dimittuntur, tanto longius in futuro a divinae visionis gloria projiciuntur, ut de eis merito dicatur: (b) *Et quidem ipsi de manu tua (c) repulsi sunt.* Mire autem omnipotentem providentiam describit superni protectoris, cum dicit: *animam viri sancti quasi in fasciculo viventium apud eum esse custodiam:* sicut enim fasciculum est culibet, fasciculum herbarum, vel feni sua manu retentam conservare, ita virtus Domini, & Salvatoris nostri omnes per orbem electos, ab initio usque in finem seculi, ne qui ex eis ulla ratione pereant, sine labore tuetur. Juxta quod ipse in Evangelio sub figura ovium de his loquens: (d) *Et sequuntur me* (inquit) *ego vitam aeternam do eis: & non peribunt in aeternum, nec rapiet eas quisquam de manu mea.* Sicut fasciculus unus quibuscumque vinculis alligatur, ita omnis sanctorum cœtus una, eademque fide, spe, & caritate ad invicem constringitur, uno divinæ protectionis munimine circumdatur. Patet sane (e) literę sensus, quia anima David, persequentibus licet hostibus, custodita semper fuit in sorte viventium. Porro inimici ejus, insistentibus sibi adversitatibus, sicut lapis fundo circumactus, sic instabili motu perturbandi, & suis essent expellendi de sinibus, vel etiam ab humanis rebus auferendi. (f) Et in hoc facto Abigail, quid nobis per enuntiationem suam in-

nuit, (g) nisi quod iracundos melius corrigimus, si in ipsa iræ suæ commotione declinamus; perturbati quippe quid audiant, ignorant, sed ad se reducti tanto libentius exhortationis verba recipiunt, quanto se tranquillius toleratos erubescunt. Menti autem furore ebriz, omne rectum quod dicitur, perversum videtur: (h) unde, & recte Nabal ebrio culpam suam Abigail laudabiliter tacuit, quam digesto vino laudabiliter dixit. Id circo enim malum, quod fecerat, cognoscere potuit, quia hoc ebriz non audivit.

(i) Idem (k) David fugiens a facie Saul, ingressus est in castra regis. Hunc, cum dormientem invenisset non percussit, non occidit, sed solam lanceam, quæ erat ad caput ejus fixa, & (l) Scyphum aque, quæ erat ad caput Saul, subtulit. Dormientibus cunctis egressus de castris transivit in cacumina montis.

Quid ergo est hoc? Persequuntur namque Christum Judæi, sed persequendo dormiebant, quia non vigilabant corde: duritia enim cordis obdormitio est. Dormiunt in vitam veterem, non evigilant in novam. Venit Christus, non eos occidit, sed tulit (m) eis scyphum aque, idest gratiam legis: tulit, & sceptrum regale, regni scilicet potestatem, quam pro magno habebant, & unde se protegabant temporaliter, & (n) quam adversus Deum per incredulitatem gerebant. Deinde & (o) victor David noster de castris eorum regressus transcendit in altitudinem montis cœlorum.

(p) Interea fugiens David, dum pergeret ad Achis regem Philistinorum

(a) Connectent: male, ut arbitror. (b) Psalm. 87. (c) Expulsi. (d) Jo. 10. 27, & 28. (e) Uterque. (f) Hæstius: Beda.  
(b) Subsequentia perquire in 3. parte pastoralis Gregorii admonit. 17. (i) Cap. 25. 37.  
(k) Cap. 26. 5, & subseq. (l) Subsequentia tradidit Isidorus quæst. 18.  
(m) Editus, Isid. lenticulam sustulit. Prave utique, cum scriptum a ipsa dicat: Scyphum aque qui erat ad caput Saul, & revera deinceps fit mentio Scyphi aque. (n) Ab eis.  
(o) Quia male utique. (p) Additur ingressus: sed redundat. (q) Cap. 28.

rum in prelium adversus Israel, insurgentes Amalechitz, irruerunt in Selech, (a) & succedentes eam, captivarunt omnia, quæ erant David, & puerorum ejus. (b) Reversus ergo David ad persequendos (c) Amalechitas (d) invenit ægyptium puerum (e) lassescentem, quem Amalechitz ægrotum in itinere reliquerant: hunc autem David inventum cibo refecit, (f) duces sui itineris facit; sicque (g) Amalechitas sequitur, epulantesque reperit, & funditus extinguit. Quid est quod ægyptius Amalechita puer in itinere lallatus residet, nisi quod amator præsentis sæculi peccati sui nigredine opertus, sæpe ab eodem sæculo infirmus, dispectusque relinquitur: ut cum eo nequaquam currere valeat, sed fractus adversitate torpescat? (h) Hos ergo eligit Deus, quos despiciit mundus; quia plerumque ipsa despectio hominem revocat ad semetipsum. (i) Is enim qui patrem reliquit, & partem substantiæ, quam perceptorat, prodige expendit, postquam esurire cepit, in se reversus dixit: (k) *quam multi mercenarius patris mei abundans panibus?* longe quippe a se recesserat, quando peccavit, & si non esurisset, in semetipso (l) minime redisset; qui postquam terrenis rebus indignus, tunc cogitare cepit quid de spiritualibus amisit. (m) Infirmi ergo quique, atque in hoc mundo despecti, plerumque tanto celerius vocem Dei audiunt, quanto & in hoc mundo non habent, ubi delectentur. Quod bene jam dictus Amalechitarum puer ille designat, quia Amalechitis prædanti- bus, atque currentibus æger remansit

in via, & fame, sitique aruit: quem tamen David invenit, ei cibum, potumque præbuit: qui illico convalescens dux David factus, convivantes Amalechitas reperit, & eos qui se debilem relinquerant, cum magna fortitudine prostravit: Amalechitz quippe *populus lambiens* vocatur. Et quid per lambientem populum, nisi mentes seculares designantur? quæ terrena cuncta ambiendo, quasi lambiunt, dum solis temporalibus delectantur. Quasi enim populus lambiens prædam facit, dum terrena diligens, lucra de alienis damnis (n) congregat. Sed puer ægyptius æger in via relinquitur, quia peccator quisque, dum infirmari ab hujus mundi statu ceperit, mox secularibus mentibus in despectum venit, quem tamen David invenit, ei que cibum, & potum tribuit, quia *manu fortis* Dominus abjecta mundi non despiciit, & plerumque eos, qui sequi mundum minime valent, & quasi in via remanent, ad amoris sui gratiam convertit, eisque verbi sui cibum (o) porrigit, & quasi duces sibi in via dirigit, dum suos etiam prædicatores facit: dum enim Christum peccatorum cordibus inserunt, quasi David super hostes ducunt: qui convivantes Amalechitas, velut David, gladio feriunt, quia superbos quosque, qui se in mundo dispelexerant, Domini virtute prosternunt. Puer ergo ægyptius, qui in via remanserat, Amalechitas interfecit, quia plerumque ipsi mentes secularium prædicando superant, qui prius cum secularibus in hoc mundo currere non valebant.

H

,, Post

(a) Siceleg. (b) Cap. 30. 1. (c) v. 8, & 11. &c. (d) *Hæc, quæ etiam habet Isidorus, perquire num. 73, alias cap. 41. libri 5. Moralium S. Gregor. Magni.*  
 (e) lassescentem: male utique. (f) *Desunt verba: duces sui itineris facit, quæ tamen, & Isidorus, & Gregorius habent.* (g) Amalechitam epulantem. *Træstat nostra lectio.* (h) *Subsequentia invenies numero 7. bomil 36. ejusdem Gregorii Magni in Evangelia, alia multo diversa habet Isidorus: apta tamen.* (i) Luc. 15. 13.  
 (k) *Ibid. 17.* (l) *Idest: in semetipsum.* (m) *Alia hic interfecit Gregorius.*  
 (n) *Editi: exaggerat.* (o) *Additur in editis: potumque.*

(a) „ Post (b) mortem autem Samuelis, congregati sunt Philistiim contra Israel: (c) consulitque Saul Dominum, & non respondit ei. (d) Quæsit autem Saul phitonissam, quæ suscitaret illi Samuelem: (e) statimque suscitatus ait ad eum: *Quare inquietasti me, ut suscitarer*, &c. Quæritur secundum historiam utrum phytionissam ipsum prophetam de inferno evocaverit; an aliquam imaginariam illusionem fallacia demonum factam. De qua questione beatæ memoriæ Augustinus Episcopus Simpliciano Episcopo Mediolanensi ita scripsit: (f) inquiris, inquam, utrum spiritus immundus, qui erat in phytionissa, potuerit agere, ut Samuel a Saule videretur, & loqueretur cum eo. Sed multo majoris miraculi est, quod ipse Sathanas princeps immundorum omnium spirituum potuit loqui cum Deo, & petere tentandum Job (g) iustissimum virum, (h) qui etiam Apostolos tentandos petiit; aut si hoc ideo non habet difficilem questionem, quia per quam voluerit creaturam, cui voluerit creaturæ, ubique præsens veritas loquitur, nec propterea magni meriti est, cui loquitur Deus: interest enim quid loquatur, quia & imperator cum multis innocentibus non loquitur, quibus providentissime consulit ad salutem, & cum multis nocentibus loquitur, quos jubet interfici. Si ergo hinc propterea nulla questio est, nulla sit questio, quomodo etiam immundus spiritus, cum anima sancti viri loqui potuerit. Omnibus enim sanctis Deus creator, & sanctificator longe utique major est. Quod si hoc movet, quod licuerit maligno spiritui excitare animam iusti, & tanquam de abditis mortuorum receptaculis revocare, nonne magis mirandum est, quod Sathanas ipsum Do-

minum assumpsit, & constituit suprapinnam templi? Quolibet enim modo fecerit, ille etiam modus, quo Samueli factum est, ut excitaretur, similiter laet. Nisi forte quis dixerit faciliorem diabolo fuisse licentiam ad Dominum vivum, unde voluit assumendum, & ubi voluit, constituendum, quam ad Samuelis defuncti spiritum a suis sedibus excitandum. Quod si illud in Evangelio nos ideo non perturbat, quia Dominus voluit, atque permisit, nulla diminutione, suæ potestatis, & divinitatis id fieri, sicut ab ipse Judæis, quamquam perverfis atque immundis, & facta diaboli facientibus, & teneri se, & vinciri, & illudi, & crucifigi, atque interfici passus est: non est absurdum credere ex aliqua dispensatione divinæ voluntatis permissum fuisse, ut non invitus, nec dominante, atque subjugante magica potentia, sed volens, atque obtemperans oculare dispensationi Dei, quæ phytionissam illam, & Samuelem latebat, consentiret spiritus Prophetæ sancti, se ostendi aspectibus regis, divina eum sententia percussurus. Cur enim anima boni hominis a malis vivis evocata, si venerit, amittere videatur dignitatem suam, cum & vivi perumque boni vocati ad malos veniant, & agant cum eis, quod officium postulat æquitatis, servato, atque inconcussio decore virtutis suæ, & illorum vitis pro rerum presentium vel usu, vel necessitate tractatis.

„ Quamquam in hoc facto potest esse alius facilius exitus, & expeditior intellectus, ut non vere spiritum Samuelis excitatum a requiescentibus credamus, sed aliquod fantasma, & imaginariam illusionem diaboli machinationibus factam, quam propterea Scriptura nomine Samuelis appellat

(4) Cap. 28. 3. &c. (b) Hæc omnia ex Isidoro, Augustinum deinceps pariter allegante, desumpta sunt. Rabanus hæc pariter habet. (c) vers. 6. (d) vers. 7. &c. (e) vers. 15. (f) Lib. 2. questionum ad Simplicianum quæst. 4. num. 1. (g) Job. 1. 11. (h) Luc. 12. 31.

lat, quia solent imagines earum rerum nominibus appellari, quarum imagines sunt, sicut omnia, quae pinguntur, atque finguntur (a) ex aliqua parte materiz metalli, aut ligni, vel cuiusque rei aptæ, ad opera huiusmodi, quæque etiam videntur in somnis, & omnes fere imagines, earum rerum, quarum imagines sunt, appellari nominibus solent. Quis enim est, qui hominem pictum dubitet vocare hominem? quando quidem, & singulorum quorumque picturam cum aspiciamus, propria quæque nomina incunctanter adhibemus; velut cum intuentes tabulam, aut parietem dicimus: ille Cicero est: ille Salustius: ille Achilles: ille Hector: hoc flumen Simois: illa Roma; cum aliud nihil sint quàm pictæ imagines. Unde Cherubim (b) cum sint cœlestes potestates, fictæ tamen ex metallo, quod imperavit Deus, super arcam testamenti magnæ rei significandæ gratia, non aliud quàm Cherubim (c) illæ quoque effigies vocitantur. Item quisquis videt somnium, non dicit vidi imaginem Augustini, aut Simpliciani, sed vidi Augustinum, aut Simplicianum: cum eo tempore, quo tale aliquid videt, nos ignoremus; usque adeo manifestum est, non ipsos homines, sed imagines videri; (d) & Pharao, spicas se dixit vidisse in somnis, & boves, non spicarum, aut bovum imagines. Si igitur liquido constat hominibus earum rerum, quarum imagines sunt, easdem imagines appellari, nil mirum est, quod Scriptura dicat Samuelem visum, etiam si forte imago Samuelis apparuit, machinamento ejus, qui (e) transfiguratur se velut Angelum lucis, & ministros suos velut ministros iustitiæ.

Jam vero, si illud movet quomodo, & a maligno spiritu Sauli vera prædicta sint, potest & illud mirum videri, quomodo demones agnovissent Christum, (f) quem Judæi non agnoscebant. Cum enim vult Deus, etiam per (g) infimos, infernosque spiritus aliquem vera cognoscere, temporalia dumtaxat, atque ad istam mortalitatem pertinentia, facile est, & non incongruum, ut omnipotens Deus (h), ut iustus, ad eorum penam quibus ista prædicuntur, ut malum, quod eis impendat, antequam veniat prænoscendo patiantur, occulto apparatu mysteriorum suorum, etiam spiritibus talibus aliquid divinationis imperiat: ut quod audiunt ab Angelis, prænuntient hominibus: tantum autem audiunt, quantum omnium Dominus, atque moderator vel jubet, vel finit. Unde etiam spiritus phrytonicus (i) in Actibus Apostolorum attestatur Paulo Apostolo, & Evangelista esse conatur. Miscet tamen isti fallacias, & verum quod nosse potuerint, non docendi magis, quam decipiendi sine prænuntiant: & forte hoc est, quod cum illa imago Samuelis Saulem prædiceret moriturum, (k) dixit etiam secum futurum, quod utique falsum est: magno quippe intervallo, post mortem separari bonos a malis in Evangelio legimus, (l) cum Dominus inter superbum illum divitem, cum jam apud inferos tormenta pateretur, & illum, qui ad ejus januam ulcerosus jacebat, jam in requie constitutum, magnum chaos interjectum esse testatur: aut si propterea Samuel Sauli dixit: *tecum eris*, ut non ad æqualitatem felicitatis, sed ad parem conditionem mortis referatur, quod uterque homo fuerit, &

H 2 „uter-

(a) Editus: ex aliqua materie. (b) Exo. 25. 18. (c) Editus: illa signata.  
 (d) Gen. 41. 18. (e) 2. Cor. 11. 14. (f) Matth. 8. 29. (g) In codice infimos, summosque: per errorem utique repugnantibus edito Augustini loco, & subse-  
 quentibus. (h) Editus: et. (i) Act. 16. 17. (k) 1. Reg. 28. 19.  
 (l) Luc. 16. 26.

uterque mori potuerit; jamque mortuus mortem vivo pręnuntiabat; perspicit, quantum opinor, prudentia tua, secundum utrumque intellectum, habere exitum (a) jam lęctionem, qui non sit contra fidem: nisi forte profundiore, & perplexiore inquisitione, quę vel virum mearum, vel temporis excedit angustias, inveniat ad liquidum, vel posse, vel non posse animam humanam, cum ex hac vita migraverit, magicis carminibus evocatam (b), vivorum apparere conspectibus, etiam corporis lineamenta gestantem, ut non solum videri valeat, sed agnosci. Et si potest; utrum etiam justı anima, non quidem cogatur magicis, (c) sed dignetur ostendi occultioribus imperiis summę legis obtemperans; ut si fieri non posse claruerit, non uterque sensus in hujus Scripturę tractatione, atque expositione admittatur, sed illo excluso, imaginaria simulatio Samuelis diabolico ritu facta intelligatur. Sed quoniam, sive illud fieri possit, sive non possit, tamen fallacia Sathanę, atque imaginum simulandarum, callida operatio decipiendis humanis sensibus multiformis nevigilat, pedetentim quidem, ne inquisitionibus diligentioribus pręscribamur, sed tamen potius existimemus tale aliquid factum maligno spiritu phitonisę illius ministerio, quamdiu nobis aliquid amplius excogitare, atque explicare non datur.

(d) Igitur exorto pręlio percussurunt Philistęi Israel plaga magna: & mortuus est Saul, & Jonathan filius ejus. (e) Evadens autem quidam venit ad David in Sicelech, & nunciavit David plagam magnam, quę facta est in populo: (f) insuper etiam mentiēdo addidit, quod ille percussis-

set Saul, & filium ejus. (g) At David Christum Domini vindicans iussit eum occidere: (b) planxit David hujuscemodi super Saul, & super Jonathan filium ejus. (i) *Et pręcepit, ut docerent filios Juda arcum, sicut scriptum est in libro justorum.* Hoc ideo fecit, ut quia (k) Philistęos sagittariis abundare jam noverat, unde & Saul maxime horum ıstibus perierat, eandem bellandi artem & sui milites ad revincendos eos discerent. Quod vero sequitur: *sicut scriptum est in libro justorum*; ipsum librum hodie nusquam, neque apud ipsos hebręos inveniri posse asseverant, sicut nec librum *bellorum Domini*, cujus (l) in libro Numerorum mentio est, (m) neque carmina Salomonis, neque disputationes ejus sapientissimas de lignorum natura, herbarumque omnium, itemque jumentorum, volucrum, reptilium, & piscium, vel quod in libro dierum dicitur: (n) *reliqua vero opera Salomonis, priorum, & novissimorum scripta sunt in verbis Nathan Prophętae, & in libris Ahie Silonitis: in visione quoque Addo videntis contra Jacobeam filium Nabos, & multa hujusmodi volumina, quę Scriptura quidem fuisse probat, sed hodie constat non esse.* Vastata namque a Chaldeis Judęa, etiam bibliotheca antiquitus congregata, inter alias provincię opes hostili igne consumpta est, ex qua pauci, qui nunc in sancta Scriptura continentur libri, postmodum Ezrę Pontificis, & Prophętae sunt industria restaurati: unde scriptum est de eo: (o) *Ascendit Ezras de Babilone, & ipse scriba velox in lege Moyši: velox videlicet, quod promptiores litterarum figuras, quam eatenus hebręi habebant, reperit, & in epistola regis Persarum*

(a) Editi: eam, seu illam: (b) Editi: vivorum. (c) Addunt editi: sacris.

(d) 31.

(e) II. Reg. 1. 2.

(f) vers. 6.

(g) vers. 15.

(h) vers. 12. 17.

(i) vers. 18.

(k) Quę subsequuntur lineolis pro more notata docuit Beda [ quęst. 7. ] quem consule. Hac ipsa habet Rabanus in locum hunc.

(l) num. 21. 14.

(m) III. Reg. 32, & 33.

(n) 2. Para. 9. 29.

(o) Esd. 1. 7. 6.



rum (a) *Artaxerxes Rex regum*.  
 Ezræ Sacerdoti scribæ legis Dei cæli  
 doctissimo, salutem.

(b) Montes Gelboe, nec ros, nec  
 pluvia veniat super vos: neque sint agri  
 primitiarum, quia ibi obiectus est cly-  
 peus fortium, clypeus Saul, quasi non  
 esset unctus oleo. Sciri debet, quia vera-  
 citer Saul, qui post unctionem sancti  
 chrismatis, a quo & *Christus Domini*  
 vocatus est, ab hostibus occidi meruit,  
 mortem veri Christi, quam sine culpa  
 subire dignatus est, inlinuat. Montes  
 quoque Gelboe, in quibus interiit, super-  
 bos Judaicæ plebis conatus, quibus con-  
 tra victorem vitæ rebellabant, insinu-  
 ant. Unde bene Gelboe *volutatio*, sive  
*decursus* interpretatur: volutabantur e-  
 nim in forde peccatorum juxta illud  
 proverbiorum: (c) & *sus lota in volu-  
 tabro luti*; atque a reſtitutione vitæ sa-  
 lutaris aberrantes, jam jamque ad infe-  
 riora, hoc est hujus sæculi desideria se-  
 da decurrebant, ob quorum desiderium  
 regem cæli, & terræ in mortem trade-  
 re non dubitabant, propter quod eis  
 merito optatur, ne rorem de cælo, plu-  
 viamve suscipiant, quod hodie rebus  
 ipsis videmus expletum in eis, quod il-  
 los gratia cælestis deferens ad plebem  
 gentium translata est; quod etiam Iſai-  
 as sub figura vitæ futurum illis ex per-  
 sona Domini comminatus est, dicens: (d)  
 & *nubibus mandabo, ne pluant super eam  
 imbrem*. Quod est aperte dicere: Apo-  
 stolis, atque Apostolicis viris omnibus  
 mandabo, ne illis ultra verbum vitæ  
 prædicent, sed irrigatione verbi cæle-  
 stis, quod a se repulerunt, indignos in  
 sua sterilitate vacuos, ac perpetuo igni  
 comburendos relinquant. (e) „De qui-  
 bus, & bene dicitur: *ut agri primi-  
 tiarum esse non possint*: superbe quip-

pe hebræorum mentes primitivos fru-  
 ctus non ferunt; quia in Redemptoris  
 adventu ex parte maxima in perfidia  
 remanentes, primordia fidei sequi no-  
 luerunt: sancta namque Ecclesia in  
 primitiis suis multitudine gentium se-  
 cundata, vix in fine mundi, Judæos,  
 quos invenerit, suscipiet, & extre-  
 ma colligens, eos quasi reliquias fru-  
 gum ponet. De quibus nimirum re-  
 liquiis Iſaias dicit: (f) *Si fuerit nu-  
 merus filiorum Iſrael, quasi arena  
 maris, reliquiae salvæ fient*. Possunt  
 enim idcirco Gelboe montes ore Pro-  
 phetæ maledici, ut dum fructus  
 arescente terra non oritur, posses-  
 sores terræ sterilitatis damno ferian-  
 tur, quatenus ipsi maledictionis sen-  
 tentiam accipiant, qui apud se, mor-  
 tem regis suscipere, iniquitate sua  
 exigente, meruissent. (g) Nec tibi  
 absurdum videri debet, ut mala repro-  
 borum acta, boni aliquid significant:  
 aut rursus bona iustorum opera in con-  
 traria significatione ponantur; lege e-  
 nim Moralia Sancti Papæ Gregorii, ubi  
 exposuit, quomodo Beatus Job maledi-  
 xit diei suo dicens: *pereat dies, in qua  
 natus sum* &c. (h), & videbis quia usita-  
 tissimum est in Scripturis, ut & bona in  
 malorum significatione, & in sanctificatio-  
 ne bonorum mala hominum gesta acci-  
 piantur. Denique Uriam fidelissimum Da-  
 vid regis militem ad piissima, atque inno-  
 centissima ejus opera, vel dicta in ma-  
 la significatione, & contra ipsum Da-  
 vid in maximo suo scelere in bona ac-  
 cipiendum interpretantur: alioquin si  
 non & per mala bonum, & malum si-  
 gnificari per bona posset, nunquam li-  
 ceret nigro atramento nomen Dei, sed  
 semper lucido auro debere scribi, quia  
 Deus lux est, & tenebræ in eo non

(a) Ibid. v. 12. (b) II. Reg. 1. 21. (c) 2. Pet. 2. 22. *conſigit enim eis illud veri  
 proverbiis*: Canis reversus ad suum vomitum, & sus lota in volutabro luti.

(d) Iſa. 5. 6.

(e) Subſequentia allegat Paterius, qui ea deſcripſit ex capite 4. praſa-  
 tionis in lib. 4. Moral. (f) Iſa. 10. 22. Rom. 9. 27. (g) Hæſtenus Gregorius, & ex  
 eo etiam Rebarnus in locum lunc.

(h) Vide S. Gregorii Epiſtolem ad S. Leandrum  
 præpoſitum ex poſitioni libri Job [cap. 3. 4.] & caput 1. libri 4. epiſtolarum expoſitionis  
 in Job. Adde, quæ deinceps de Beſſabæ ex Gregorio Magno tradit Claudius.

sunt ullæ, nec rursus in titulis Psalmo-  
rum nomen Absalon, & Doeck hominum  
reprobiorum minio fulgente, sed solo  
atramenti colore deceret adscribi. Sicut  
ergo in paginis librorum quovis colore,  
& mala possumus, & bona absque ulla  
reprehensione figurare, ita etiam in par-  
te significationum, per quolibet homi-  
num gesta, & bona rectissime, & ma-  
la possunt exprimi: quamvis, & mul-  
to sæpius contingat, & multo dulcius

audiatur, bona per bona, & mala figu-  
rari per mala. Sicut tamen in pictura  
parietum, neque obscurum æthiopem  
candido, neque candidi corporis, si-  
ve capilli, Saxonem atro decet colore  
dipingi, ita in retributione meritorum  
juxta suum quisque opus recipiet, ac  
qualis erit actu, talis etiam parebit in ju-  
dicio; neque omnino ad rem quid quis-  
que figurarit, sed quid egerit pertine-  
bit.



INCI-

## INCIPIUNT CAPITULA

## LIBRI II.

**D**E eo, quod scriptum est, quod post mortem Saul venerunt viri Juda, & unxerunt David regem in Hebron, & de Abner filio Ner qui constituit Hishobeth filium Saul regem super Israel.

De filiis Remon Berothitz, qui interfecerunt Hishobeth.

De laude David, qui congregavit triginta millia ex electis Israel, ut educerent arcam Dei, atque morte Oza.

Ammonitio David, ubi instruitur a Propheta, ne ipse ædificaret templum Domini, sed filius ejus, & actio gratiarum ejus.

De nuntiis David, quos misit ad Annon regem Ammonitarum.

De peccato David in Bersabea, & morte Uriaz:

Ubi Nathan venit ad David, & proposuit ei similitudinem de divite, & paupere.

De fuga David propter Absalon, quando nudis pedibus incedens reliquit civitatem Hierusalem.

De prælio Absalon, & percussione, atque morte ejus.

De Psalmo septimo decimo.

De nomine sortium David.

De prælio David contra Philistæos, quando sitiens aquam Berthlemiticam desideravit.

De peccato David, quando populum numerando peccavit.

## INCIPIT PRÆFATIO

## LIBRI II.

(a) **P**romissiones Dei, quæ factæ sunt ad Abraham, cujus semini, & gentem Israeliticam secundum carnem, & omnes gentes deberi secundum fidem, Deo pollicente didicimus; quemadmodum compleantur, per ordinem temporum, procurrens Dei civitas indicavit. Quoniam ergo superioris libri usque ad regnum David factus est finis, nunc ab eodem regno, quanto suscepto operi sufficere videtur, cetera, quæ sequuntur, attingimus. Hoc itaque tempus, ex quo Sanctus Samuel prophetare cepit, & deinceps, donec

populus Israel captivus in Babiloniam duceretur, atque inde secundum Sancti Hieremiæ prophetiam, (b) post septuaginta annos reversis Israelitis, Dei domus instauraretur, totum est Prophetarum tempus. Quamvis enim & ipsum Noe Patriarcham, in cujus diebus universa diluvio terra deleta est, & alios supra, & infra usque ad hoc tempus, quo reges in populo Dei esse ceperunt, propter quendam per eos futura, sive quo quomodo significata, sive prædicta, quæ pertinerent ad civitatem Dei, regnumque celorum, non immerito possumus appellare.

(a) Præfatio hæc tota desumpta est ex capitulis 1. 2. & 3. libri 17. de Civitate, nonnullis, sed paucis demptis. Hanc itaque præfationem cum illis, quæ dixi, capitulis, comparet, obsecro, Lector. (b) Jerem. 25. 11.

pellare prophetas; præsertim quia nonnullos eorum id expressius legitimus nuncupatos, sicut Abraham, (a) sicut Moysen, (b) tamen dies Prophetarum præcipue, maximeque hi dicti sunt, ex quo cepit prophetare Samuel, qui & (c) Saulem prius, & eo reprobato, (d) ipsum David, Deo præcipiente unxit in regem, de cuius stirpe ceteri succederent, quousque illos succedere sic oporteret. Quæ igitur a Prophetis sunt prædicta de Christo, cum moriendo decedentibus, & nascendo succedentibus suis membris, civitas Dei, per ista curreret tempora, si omnia velim commemorare, in immensum pergitur. Primum, quia ipsa Scriptura, quæ per ordinem reges, eorumque facta, & eventa digerens, videtur tanquam historica diligentia rebus gestis occupata esse narrandis, si adjuvante Dei Spiritu considerata tractetur, vel magis, vel certe non minus prænuñciandis futuris, quam præteritis enuntiandis invenietur intentata: & hoc perscrutando indagare, ac disserendo monstrare, quam sit operosum, atque prolixum, & quam multis indignum voluminibus quis ignorat, qui hæc vel mediocriter cogitat? Deinde quia ea ipsa, quæ ad prophetiam non ambigitur pertinere, ita sunt multa de Christo, regnoque cælorum, quæ civitas Dei est, ut ad hoc aperiendum major sit disputatio necessaria, quam huius operis modus flagitat. Proinde ita si potuero, stilo moderabor meo, ut huic operi in Dei voluntate peragendo, nec ea, quæ supersint, dicam, nec ea, quæ factis sunt, prætermittam. (e)

„Erat ergo jam in terra promissionis semen Abraham, idest populus Israel secundum carnem, atque ibi non solum (f) utendo, ac possidendo civitates

adversariorum, verum etiam reges habendo, regnare jam cœperat, impletis de ipso populo promissionibus „Dei jam magna ex parte: non solum quæ illis tribus Patribus, Abraham, Isaac, & Jacob, & quæcumque aliz temporibus eorum, verum etiam quæ per ipsum Moysen, per quem populus idem de servitute Egyptia est liberatus, & per quem cuncta præterita, revelata sunt temporibus ejus, cum populum per heremum duceret, factæ fuerant. Neque autem per insignem ducem Jesum Nave, per quem populus ille in promissionis inductus est terram, expugnatique gentibus, eam duodecim tribubus, quibus iusserat Deus, divisit & mortuus est: neque post illum toto tempore Judicum impleta fuerat promissio Dei de terra Chanaan, a quodam flumine Egypti, usque ad flumen magnum Eufraten. Nec tamen adhuc prophetabatur futurum, sed expectabatur implendum. Impletum est autem per David, & ejus filium Salomonem: cuius regnum tanto, quanto promissum fuerat spatio, dilatatum est; universos quippe illos subdiderunt, tributariolque fecerunt. Sic ergo in terra promissionis secundum carnem, hoc est in terra Chanaan, sub (g) regibus semen Abraham fuerat constitutum, ut nihil inde superesset, quo terrena illa Dei promissio non completeretur, nisi ut in eadem terra, quantum ad prosperitatem attinet temporalem, prosperitatis successione inconcusso statu, usque ad mortalis huius sæculi terminum gens permaneret hebræa, si Domini Dei sui legibus obediret. Sed quoniam Deus novarat hoc eam non esse facturam, ulus est etiam temporalibus penis ad exercendos in ea paucos fideles suos, & ammonendos, qui postea futuri erant in omnibus „gen-

(a) Gen. 26. 7.

(b) Deutero. 34. 10.

(c) I. Reg. 10. 1.

(d) I. Reg. 16. 13.

(e) Multa hic prætermittit Claudius, quæ ad rem præsentem non pertinent, quæque aptissime instruerat Augustinus, ut superioribus his, quæ statim pertraxit, iungeret.

(f) Editus: tenendo. (g) Edit. addit: his.

gentibus, quod eos ammoneri oportebat. In quibus alteram promissionem revelato novo testamento, per incarnationem Christi fuerat impleturus. Quo circa sicut oracula illa divina ad Abraham, Isaac, & Jacob, & quæcumque alia signa, vel dicta prophetica in sacris litteris præcedentibus facta sunt, ita etiam ceteræ ab isto Regum tempore prophetiæ partim pertinent ad gentem carnis Abraham, partim vero ad illud semen ejus, in quo benedicuntur omnes gentes coheredes Christi per testamentum novum, ad possidendam vitam æternam, regnumque celorum. Partim ergo ad ancillam, quæ in servitute generat, idest terrenam Hierusalem, quæ servit cum filiis suis, partim vero ad liberam civitatem Dei, idest veram Hierusalem æternam in celis, cujus filii homines secundum Deum viventes peregrinantur in terris; sed sunt in eis quædam, quæ ad utramque pertinere intelliguntur, ad ancillam proprie, ad liberam figurate. Tripartita itaque reperiuntur eloquia Prophetarum: siquidem aliqua sunt ad terrenam Hierusalem spectantia, aliqua ad celestem, nonnulla ad utramque.

(a) Post mortem Saul venerunt viri Juda, & unxerunt David in Hebron, ut regnaret super domum Juda: & nuntiatum est David, quod viri Jabes Galaad sepelissent Saul: misit ergo David nuntios ad viros Jabes Galaad, dixitque ad eos: *Benedixit vos a Domino, qui fecistis misericordiam hanc cum Domino viro Saul, & sepelivistis eum, & nunc retribuet quidem vobis misericordiam, & veritatem.* (b) Cur ergo isti, qui Saulem, & ejus filium sepelieverunt, misericordiam fecisse dicuntur, & ob hoc a rege pio benedicuntur, nisi quia bene afficiuntur corda miserationum, quando ea dolent in mortuorum

corporibus alienis, quæ illo affectu, quo nemo unquam carnem suam odio habet, nolunt fieri post mortem suam corporibus suis, & quod sibi exhiberi volunt, quando sensuri non sunt, aliis non sentientibus curant exhibere dum sentiunt.

David uncto super domum Judam Rege, (c) *Abner filius Ner Hisboseth filium Saul regem constituit super universum Israel: egressusque est Abner filius Ner cum pueris Hisboseth de castris Gabaon. Porro Joab filius Saruiv cum pueris David egressi de Hebron concitaverunt bellum juxta piscinam Gabaon, & persequabatur Asahel Abner. Locusque est Abner ad Asahel dicens: recede: noli me sequi, ne compellar confodere te in terram. Qui contempsit, & noluit declinare. Percussit ergo eum Abner adversa hasta in inguine, & transfodit eum, & mortuus est.* (d), Cujus Asahel typum tenuit, nisi eorum, quos vehementer arripiens furor in præceps ducit? qui in eodem furoris impetu tanto caute declinandi sunt, quanto & insane rapiuntur. Unde & Abner, qui sermone nostro patris lucerna dicitur, fugit; quia doctorum lingua, quæ supernum Dei lumen indicat, cum per abrupta furoris mentem cuspis ferri conspicit, eamque contra irascentem dissimulat verborum jacula reddere, quasi persequentem non vult ferire, sed cum iracundi nulla consideratione se mitigant, & quasi Asahel persequi, & insanire non cessant, necesse est, ut hi qui furentes reprimere conantur, nequaquam se in furore erigant, sed quicquid est tranquillitatis ostendant, quædam vero subtiliter proferant, in quibus ex obliquo furentis animum pungant. Unde & Abner cum contra persequentem sublestit, non eum recta, sed adversa hasta transforavit. Ex mucro

„ ne

(a) II. Reg. 2. 4. 5. 6. (b) Subsequentia tradidit Augustinus cap. 9. num. 11. libri de cura mortuorum, alias de cura pro mortuis gerenda. (c) 2. 8. 9. 10. &c.

(d) Subsequentia Gregorius Magnus capite 16. Tertii partis Pastoralis, admonitione 17.

ne quippe percutere, est impetu a-  
 pertæ increpationis obviare: aver-  
 sa vero hasta persequentem ferire, est fu-  
 rentem tranquille ex quibusdam tan-  
 gere, & quasi parcendo superare. A-  
 sahel autem protinus occubuit, quia  
 commotæ mentes, dum & parci si-  
 bi sentiunt, & tamen responsum  
 ratione in intimis sub tranquillitate  
 tanguntur, ab eo quo, se crexerant,  
 statim cadunt. Qui ergo a fervoris  
 sui impetu sub lenitatis percussio-  
 ne resiliunt, quasi sine ferro mori-  
 untur.

(a) Igitur venientes filii Remmon Be-  
 rothia, Rechab, & Babana ingressi  
 sunt servento die in domum Hisboseth,  
 qui dormiebat super stratum suum me-  
 ridie. Ingressi sunt autem domum, &  
 hostiaria domus purgans triticum obdor-  
 morvit; assumens spicas tritici lasen-  
 ter ingressi sunt, & percusserunt eum  
 in inguine. (b) Hostiaria triticum  
 purgat, cum mentis custodia discer-  
 nendo, virtutes, a vitiis separat: quæ,  
 si obdormierit, in mortem proprii Do-  
 mini, infidiatores admittit, quia  
 cum discretionis sollicitudo cessave-  
 rit, ad interficiendum animum ma-  
 lignis spiritibus iter pandit: qui in-  
 gressi spicas tollunt, quia mox bo-  
 narum cogitationum germina aufe-  
 runt, atque in inguine feriunt,  
 quia virtutem cordis delectatione  
 carnis occidunt: in inguine quippe  
 ferire, est vitam mentis, carnis de-  
 lectione perforare. Nequaquam ve-  
 ro Hisboseth iste (c) morte suc-  
 cumberet, si non ad ingressum do-  
 mus, mulierem, idest ad mentis a-  
 ditum mollem custodiam deputasset.  
 Fortis namque, vigilisque sensus præ-  
 poni cordis foribus debet, quem nec  
 negligentiz somniis opprimat, nec  
 ignorantiz error fallat. Unde bene  
 Hisboseth appellatus est, qui custode

femina hostilibus gladiis nudatur: His-  
 boseth quippe vir confusiois dicitur.  
 Vir autem confusiois est qui for-  
 tis mentis custodia munitus non est,  
 qui dum virtutes se agere æstimat,  
 subintrantia vitia nescientem necant.  
 Tota itaque virtute muniendus est  
 aditus mentis, ne quando eam in-  
 fidentes hostes penetrent foramine  
 neglectæ cogitationis.

(d) Congregavit autem David om-  
 nes electos ex Israel triginta millia:  
 surrexitque, & abiit, & universus po-  
 pulus, qui erat cum eo de viris Juda,  
 ut adducerent arcam Dei, super quam  
 invocatum est nomen Domini exercitu-  
 um sedentis in cherubin super eam.

(e) Congregavit David omnes ele-  
 ctos ex Israel triginta millia, quia  
 Dominus Ecclesiam primitivam ex Is-  
 rael instituit: non quidem omnem  
 Israel, sed electos quosque sibi con-  
 socians: Non enim omnes, qui ex Is-  
 rael, ii sunt Israelitæ (f), sed filii  
 promissionis. deputantur ut semine.

Qui triginta millia fuisse referuntur,  
 idest fidei operis, & spei firmitate,  
 perfecti: tria enim propter confes-  
 sionem Sanctæ Trinitatis ad fidem  
 pertinent: decem propter Decalogum  
 legis, ad opera: mille propter sui  
 perfectionem ad spem vitæ eternæ,  
 qua superius aliquid non est, sicut  
 numerus millenario major nullus est.  
 Et si enim decem millia, si trigin-  
 ta millia, si etiam mille millia di-  
 xeris, non ipsum mille numerando  
 transcendes, sed vel per se, vel per  
 minores numeros sæpius dicendo mul-  
 tiplicas. Tria ergo per decem multi-  
 plica, ne fide sine operibus mortua  
 sit. Item triginta per mille multi-  
 plica, ut fides, quæ per dilectionem  
 operatur, non alibi, quam in cælis  
 retributionem speret. Electi ergo ex  
 Israel populos recte credentes, ope-  
 ran-

(a) 4. 5, & 6. (b) Que pro more notata sequuntur, tradidit Gregorius num. 49. [alias  
 cap. 36.] libri 1. Moralium in Job. (c) Elitum: hac morte. (d) Cap. 6.  
 (e) Subsequentia reperi etiam in Rabano locum hunc explicante. (f) Rom. 4. 12.  
 & 9. 4. 6. 7. 8.

„ rantes sperantes insinuant. Viri au-  
 „ tem Juda, qui erant cum David, i-  
 „ plos populos, & doctores, qui la-  
 „ teri Christi, quasi familiares adha-  
 „ rebant, indicant, quo utroque sti-  
 „ patus exercitu, Domini arcam ad-  
 „ ducere, idest Ecclesiam dilatare, &  
 „ in eorum, qui non crediderunt, cor-  
 „ dibus inferere gaudet. Imponitur au-  
 „ tem arca plausiro novo, ut novi tes-  
 „ tamenti gratia renovatis in bap-  
 „ tismo mentibus infundatur, vinumque  
 „ novum novis utribus conservandum  
 „ mandetur.

„ (a) Erat quidem prius arca in do-  
 „ mo Aminadab, qui erat in Gabaa,  
 „ quia eadem, quæ nunc prædicatur  
 „ Ecclesiæ fides, & ante Incarnationis  
 „ Dominici tempus florebat in his, qui  
 „ patriarcharum, prophetarumque sunt  
 „ devotionem secuti. Aminadab enim,  
 „ qui interpretatur *pater meus sponta-  
 „ neus*, (b) vel Abraham patrem fidei,  
 „ (c) vel Moïsem legislatorem signifi-  
 „ ficabat, qui (d) utique in Gabaa  
 „ custodit arcam, quia sublimi virtu-  
 „ tis exemplo credentium pectora mun-  
 „ nit. Unde & Gabaa *collis* interpre-  
 „ tatur, qui est locus in civitate Ca-  
 „ riathiarim. Elata ergo foris arca lu-  
 „ debat David, & omnis Israel coram  
 „ Domino diversis musicorum generi-  
 „ bus, quia mox inchoante novæ gra-  
 „ tiæ præconio Dominus ad exhiben-  
 „ das Deo Patri laudes humilitatis, om-  
 „ nes invitat dicens: (e) *qui mihi*  
 „ *ministras me sequatur*: (f) alii dan-  
 „ do per spiritum *sermonem sapientiæ*,  
 „ *alii sermonem scientiæ*, *alii genera-*  
 „ *linguarum*, *alii gratiam curationum*,  
 „ &c. Sed his, atque hujusmodi charis-  
 „ matum generibus progrediente arca,  
 „ idest crescente Ecclesia primitiva,  
 „ ventum est ad arcam Nachor, (g) idest  
 „ arcam præparatam, gentium videli-

„ cet Ecclesiam, fidei veritate con-  
 „ secrandam, de qua Joannes ait: (b)  
 „ *Et permundabit arcam suam*. Ibi  
 „ Sacerdos, qui arcam incautius, quasi  
 „ corrigendo tetigit, mox a Domino  
 „ percussus occubuit: quia Judæorum  
 „ populus dum gentibus invidet, salu-  
 „ tis se munere privat: dumque legem  
 „ vult Evangelio miscere, utriusque si-  
 „ bi gratiam tollit.

„ *Es senuit*, inquit, *eam, quoniam*  
 „ *calcitrabant boves*. Boves quippe cal-  
 „ citrare, est prædicatores Evangelii li-  
 „ berius circa fidem agere, neque se-  
 „ cundum consuetudinem legis ingredi,  
 „ sed sabbata, neomenias, circumcisio-  
 „ nem, victimasque spiritualiter inter-  
 „ pretari, quos velut errantes corrige-  
 „ re tentabant, qui descendentes de  
 „ Judæa docebant fratres: (i) *quia ni-*  
 „ *si circumcidamini secundum morem*.  
 „ *Moysi, non potestis salvi fieri*, & de  
 „ quibus Jacobus ad Paulum: (k) *Vides*,  
 „ inquit, *frater, quod millia sunt in*  
 „ *Judæis, qui crediderunt*, & *omnes*  
 „ *emulatores sunt legis*.

„ Ob causam ergo Sacerdotis oc-  
 „ cisi David noluit (l) diverti ad se  
 „ arcam Domini in civitatem David:  
 „ sed diverit eam in domum Obethe-  
 „ dom Gethgi: quia respondentibus ver-  
 „ bum Judæis, ne amplius audita, &  
 „ non suscepta predicatione noceret, A-  
 „ postoli ab eis ablati, & ad gentes  
 „ imbuendas sunt missi. Unde & locus  
 „ aræ Nachor, quæ gentium fidem Do-  
 „ mini gratiæ præparatam demonstrat,  
 „ percussio Oza nuncupatur, videlicet,  
 „ quia (m) *illorum delicto salus contigit*  
 „ *gentibus*. Obethedom namque inter-  
 „ pretatur *serviens homo*: ille est uti-  
 „ que, de quo Dominus ad Patrem: (n)  
 „ *Constitues, inquit, me in caput*  
 „ *gentium: populusque, quem non co-*  
 „ *gnovi, servivus mihi*. Ubi & Judæo-  
 „ rum

(a) I. Reg. 7. 1, & II. Reg. 6. 4.

(b) additur et.

(c) et:

(d) Uterque:

(e) Joan. 12.

(f) I. Cor. 12. 8. &c.

(g) Nachon.

(h) Matth. 3. 15.

(i) Acto. 15.

(k) Acto. 21.

(l) Divertere.

(m) Rom. 12.

(n) Tsal.

17.

rum abjectionem, quasi Ozę mortem præmittens, ait: (a) *Eripies me de contradiotionibus populi*; nomen quoque urbis congruit: Geth enim interpretatur *sorcular*, significans *cruce*, in qua vitis vera calcari, & eximi dignata est; a qua cunctus gentium populus merito *Gethęus* appellari potest, cui dicitur: *Mibi autem absis gloriari, nisi in cruce Domini nostri Jesu Christi* (b).

Tres autem menses, quibus ibidem arca demoratur, fides, spes, & caritas est. Sicut enim diebus adimpletur mensis, ita singulę virtutes suis quęque passibus ad perfectionem perveniunt. Hi menses quousque plenitudo gentium intret, currere non cessant. Tandem rediens David arcam in civitatem David inducet, quia Dominus, Enoch, & Elia prædicantibus, (c) *converses corda patrum in filios*.

Boves, & arietes immolans: hoc est, eos, qui aream Domini triturant, & ovium ejus ducatum gerunt, martyrii sanguine coronans, & ipse quoque suę Incarnationis, & passionis exemplum eatenus Judęis non creditum palam manifestans: hoc enim significat, quod & ipse David accinctus erat Ephod lineo: nam linum quod de terra procreatum multiplici labore ad candorem vestis pervenit, veritatem humanę carnis inter flagella triumphantis offendit. Verum cunctis exultantibus, & ad arcę celestis introitum hymnos resonantibus, sola Michol filia Saul arcam ducentibus abest, quin etiam e speculis David humiliatum despicit, quia credentibus in mundi finem Judęis, erunt nonnulli, qui Christum professione, sed opere sequantur Anti-christum; quibus merito congruit, quod eadem Michol ob figurandam instabilitatem carna-

lium, *agua omnis* interpretatur, non uxor David, sed filia Saul appellatur, quia qui fide tenus Christo serviunt non illius regno coronandi, sed persecutorum ejus, quos imitaverunt, anathemate damnandi. Verum pravi succenseant, humilitatem Ecclesię contemnant, nihilominus arcam Domini suum locum ingreditur.

Ponitur in medio tabernaculi, quod tenebat ei David, idest fides Ecclesię predicatur, proficit, inseritur cordibus omnium, quos Dominus ad vitam præordinaverat eternam. (d) Offert David holocausta, & pacifica coram Domino; idest fidem, devotionemque Ecclesię commendat Patri Christo, (e) qui est ad dexteram Dei, qui etiam interpellas pro nobis. Qui in exemplum David fideles, humilesque benedicens salubris mysterii pascit alimentis. Partitur singulis collyridam panis unam, (f) illius utique qui de celo descendit, & dat vitam huic mundo. (g) Et affaturam bubulę carnis unam, illius scilicet vituli faginati, qui pro reverente ad patrem filio juniore mactatus, & igne passionis affatus est, dicens: (h) *Exaruit velut seget virgatus mea*. (i) Et similitam fraxim oleo, carnem videlicet a peccati labe mundissimam, sed ob humanę salutis uberrimam dilectionem, crucis sartagine tostam. Et merito una panis collyrida, & una carnis affatura datur, quia (k) *unus Dominus, una fides, unum baptisma, unus Deus, & pater omnium*. Aliter hæc munera fideles accipiunt, quando (l) *unus panis, & unum corpus multi sumus* in Christo, & suę carnis singuli lasciviam castigantes, ac servituti subijcentes, Sancti Spiritus igne decoquant, nec non & fructus operum bonorum, oleo misericordię pinguis-

limo

(a) Ibidem v. 44.

(c) Luc. 1. 9.

(g) Joan. 6. 35.

(k) Ephe. 4. 5.

(b) Vide qua tradit Augustinus num. 3. enarrationis in Psal. 65.

(d) Acto. 13. 48.

(f) Psal. 21. 16.

(l) 1. Cor. 10. 17.

(e) Rom. 8. 24.

(i) II. Reg. 6. 19.

(j) II. Reg. 6. 19.

(f) II. Reg. 6. 6. & c.

(g) II. Reg. 6. 19.

(h) II. Reg. 6. 19.



„fimo compaffione proximi fervere faciunt. (a) At contra filia Saul fruftra cubiculum regis ingreffa, nullos concepti feminis fructus dat: quia qui verbum Dei aure tenus percipiunt, abfque boni operis prole, diem perpetuz mortis expectant. (b) In hac hiftoria Beati Regis, & Prophetæ David, qua arcam Dei adduxiffe narratur, moraliter humilitas adprobata, fuperbia damnata, & temeritas vindicata, monftratur, quia & ipfe David coram arca Domini humiliter faltare non erubuit (c), mox promiffionem filii Dei, ex fua ftirpe nafcitur fufcipere, promeruit: & conjux, quæ eandem illius humilitatem defpexit, ejus femine fecundari non merita, perpetuæ fterilitatis penas luit: Intueri enim libet quanta virtutum munera David percipiat, atque in his omnibus, quam fortiter fe humilitate fervabat. (d) „Quem enim non extolleret ora leonum frange-re? urforum brachia diffipare, (e) defpectis prioribus fratribus eligi, (f) reprobatore rege ad regni gubernacula ungi timidum cunctis uno lapide Goliath sternere (g), a rege propofita extinctis allophyliis numerosa præputia reportare, (h) promiffum tandem regnum percipere, cunctumque Ifraeliticum populum fine ulla contradictione poffidere? (i) Et tamen cum arcam Dei, Hierufalem revocat, quafi oblitus prælatum fe omnibus, admixtus populus ante arcam faltat. Et quia coram arca faltare, ut creditur, vulgi mos fuerat, rex fe in divino obsequio per faltum rotat. Ecce, quem Dominus cunctis fingulariter prætulit, fe fe fub Domino, & ex æquando minimis, & abjecta exhibendo contemnit. Non potestas regni ad memoriam reducitur, non fub-

„jectorum oculis faltando vilefcere metu-  
„uit: non fe honore prælatum cete-  
„ris, ante ejus arcam, qui honorem  
„dederat, recognofcit. Coram Domi-  
„no egit (k) debilia, vel extrema, ut  
„illa ex humilitate folidaret, quæ co-  
„ram hominibus gefferat fortia. Quid  
„de ejus tactis ab aliis fentiat, igno-  
„ro: ego David plus faltantem ftupreo,  
„quam pugnantem: pugnando quippe  
„horem fubdidit: faltando autem co-  
„ram Domino, femetipfum vicit? Quem  
„Michol filia Saul adhuc ex timore  
„(l) regis gentis infana, cum humi-  
„liatum defpiceret dicens: (m) *Quam  
„gloriosus fuis bodie rex Ifrael, difcoope-  
„riens fe ante ancillas fervorum fuorum,  
„& nudatus eft, quafi fi nudetur unus  
„de fcurris*, protinus audivit, (n) *Vivit  
„Dominus, quia ludam ante Dominum,  
„qui elegit me petius quam patrem tuum.*  
Et paulo poft ait: *Et ludam, & vilior  
„fiam plusquam factus fum, & eoque hu-  
„milis in oculis meis.* Ac fi aperit dicat:  
„vilefcere coram hominibus appeto,  
„quia fervare me coram Domino in-  
„genium per humilitatem quero. Sunt  
„vero nonnulli, qui de femetipfis hu-  
„milis fentiunt: quia in honoribus po-  
„fiti nihil fe effe, nifi pulverem, favil-  
„lamque, perpendunt: fed tamen co-  
„ram hominibus viles apparere refu-  
„giunt, & contra hoc, quod de fe in-  
„terius cogitant, quafi rigida exterius  
„venuftate palliantur. Et funt nonnul-  
„li, qui viles videri ab hominibus ap-  
„petunt, atque omne quod funt, de-  
„fectos fe exhibendo, contemnunt: fed  
„tamen apud fe introfus, quafi ex ip-  
„fo merito offenfæ vilitatis intumef-  
„cunt, & tanto magis in corde elati  
„fun, quanto amplius in fpecie elationem premunt. Quæ utraque unius  
„elationis bella, magna David circun-  
„spe-

(a) II. Reg. 6. v. 23.

(b) Hællenus etiam Rabanus.

(c) v. 14.

(d) Quæ fubfepiuntur, ex-  
preffiva invenies cap. 46. alias num. 77, & 78. libri 27. Moralium in Job a S. Grego-  
rio eusebiatorum.

(e) I. Reg. 17. 38.

(f) 16. 12, &amp; 18. 28.

(g) 16. 40.

(h) 18. 27.

(i) II. Reg. 5. 1.

(k) Edir, villa, fed retinendum puro debilia,

quæ jecit humilitate folidaret.

(l) Edir, regis generis.

(m) verf. 29.

(n) verf. 22.

„ spectione deprehendit, mira virtute  
 „ superavit. Quia enim de semetipso  
 „ intus humilia sentiens, honorem  
 „ exterius non querit, insinuat dicens:  
 „ (a) *ludam, & visor fiam*. Et quia  
 „ per hoc, quod vilem se exterius prae-  
 „ buit, nequaquam interius intumescit,  
 „ adjungit: *Eroque humilis in oculis*  
 „ *meis*; ac si dicat: qualem me exte-  
 „ rius despiciens exhibeo, talem me  
 „ interius attendo. Quid ergo acturi  
 „ sunt, quos doctrina elevat, si Da-  
 „ vid ex carne sua venturum Redem-  
 „ ptorem novat, ejusque gaudia pro-  
 „ phetando nuntiabat, & tamen in se-  
 „ metipso cervicem cordis, valida dis-  
 „ cretionis calce deprimebat, dicens:  
 „ *Eroque humilis in oculis meis*.

„ (b) „ Sacerdos quoque, qui arcam  
 „ inconsiderata temeritate tetigit, ausus  
 „ sui reatum immatura morte pur-  
 „ gavit (c) minores, deterioresque demon-  
 „ strat, qui intelligere non valent,  
 „ & despiciunt vel facta, vel dicta melio-  
 „ rum, sed eo ab eis non temere re-  
 „ prehenda sunt, quo apprehendi ve-  
 „ raciter nequaquam possunt. Sepe ali-  
 „ quid a majoribus dispensatorie agitur,  
 „ quod a minoribus error putatur, sepe  
 „ multa a fortibus dicuntur, quae  
 „ idcirco infirmi dijudicant, quia igno-  
 „ rant. Quod bene bobus calcitranti-  
 „ bus inclinata illa testamenti arca si-  
 „ gnificavit, quam qui casuram credens  
 „ levites erigere voluit, mox senten-  
 „ tiam mortis accepit. Quid est nam-  
 „ que mens iusti, nisi arca testamenti,  
 „ quae gestata bobus calcitrantibus in-  
 „ clinatur? Quia nonnunquam etiam  
 „ qui bene praefecti, dum subditorum  
 „ populorum confusione concutitur, ad  
 „ dispensationis condescensionem ex so-  
 „ la dilectione promovet. Sed in hoc  
 „ quod dispensatione agitur, inclina-  
 „ tio ipsa fortitudinis, casus putatur

„ imperitis. Unde & nonnulli subditi  
 „ contra hanc, manum reprehensionis  
 „ mittunt: sed a vita protinus, ipsa  
 „ sua temeritate deficiunt. Levites er-  
 „ go quasi adjuvans manum tetendit:  
 „ sed delinquens vitam perdidit, quia  
 „ dum infirmi quique fortium facta  
 „ corripiunt, ipsi a viventium sorte re-  
 „ probantur. Aliquando etiam sancti  
 „ viri quidam minimis condescenden-  
 „ tes dicunt, quidam vero summa con-  
 „ templantes proferunt: dumque vim  
 „ vel condescensionis, vel altitudinis  
 „ nesciunt, audacter hae stulti reprae-  
 „ hendunt. Et quid est iustum, de sua  
 „ condescensione velle corrigere, nisi  
 „ inclinatam arcam superba reprae-  
 „ sensionis manu relevare? Quid est iustum  
 „ de (d) incondita locatione reprae-  
 „ hendere, nisi motum ejus fortitudi-  
 „ nis, erroris lapsum putare? sed per-  
 „ dit vitam qui arcam Dei tumide su-  
 „ blevat, quia nequaquam qui sancto-  
 „ rum corrigere recta praesumeret, nisi  
 „ de se prius meliora sensisset. Unde  
 „ & levites idem, recte Oza dicitur, quod  
 „ videlicet *robustus Domini* interpreta-  
 „ tur: quia presumptores quique, nisi  
 „ audaci mente robustos se in Domi-  
 „ no crederent, nequaquam meliorum  
 „ facta, vel dicta velut infirma judica-  
 „ rent.

„ (e) Post haec, cum regi David mul-  
 „ ta prospera provenissent, cogitavit fa-  
 „ cere Deo domum, templum illud scilicet  
 „ excellentissime difamatum, quod a  
 „ rege Salomone-filio ejus postea fabrica-  
 „ tum est. Hoc eo cogitante factum est  
 „ verbum Domini ad Nathan Prophetam,  
 „ quod perferret ad regem. Ubi cum di-  
 „ xisset Dominus, quod non ab ipso David  
 „ sibi edificaretur domus, neque per tan-  
 „ tum tempus se mandasse cuiquam in po-  
 „ pulo suo, ut sibi fieret domus cedrina:  
 „ (f) & nunc (inquit) hoc dices servo  
 „ meo

(a) vers. 22. (b) Sacerdotem late intelligit: (c) Haec exscribit ex Gregorii libro 5. Moralium [num. 24. alias cap. 9. vel 10.] Claudius, qui tamen nonnulla mutavit.  
 (d) Edit. incognita. (e) Cap. 7. (f) vers. 5. 6. 7. 8.

meo David. Hac dicit Dominus. (a) Cum impleri fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnum ejus. Ipse edificabis domum nomini meo, & stabiliam thronum regni ejus usque in sempiternum. Ego ero ei in patrem, & ipse eris mihi in filium. (b) Hanc tam grandem promissionem qui putat in Salomone fuisse completum, multum errat. Attendit enim quod dictum est: *hic edificabis mihi domum*, quoniam Salomon templum illud nobile struxit, & non attendit: *Fidelis eris domus ejus, & regnum ejus usque in aeternum coram me*.

Adtendat ergo, & aspiciat Salomonis domum plenam mulieribus alienigenis colentibus Deos falsos, & ipsum ab eis regem aliquando sapientem, in eandem idolatriam seductum, atque dejectum, & non audeat existimare Deum, vel hoc promississe mandaciter, vel talem Salomonem, domumque ejus futuram, non potuisse præscire. Non hinc autem deberemus ambigere, nec si non in Christo Domino nostro, qui factus (c) est ex femine David secundum carnem, jam videremus ista compleri, ne vane, atque inaniter hic aliquem requiramus, sicut carnales Judæi. Nam & ipsi usque adeo filium, quem loco isto regi David promissum legunt, intelligunt, non fuisse Salomonem, ut eo qui promissus est, tanta jam manifestatione declarato, adhuc mirabili cecitate, alium sperare se dicant. Facta est quidem nonnulla imago rei futuræ etiam in Salomone, in eo quod templum ædificavit, & pacem habuit secundum nomen suum (Salomon quippe pacificus est latine), & in exordio regni sui mirabiliter laudabilis fuit: sed eadem

sua personæ per umbram futuri, prænuntiabat etiam ipse Christus Dominum, non exhibebat. Unde quædam de illo ita scripta sunt, quasi de ipso ista prædicta sint, dum Scriptura sancta etiam rebus gestis prophetans, quodam modo in eo figuram delineat futurorum. Nam præter libros divinæ historiæ, ubi regnasse narratur, Psalmus etiam septuagesimus primus titulo nominis ejus inscriptus est: in quo tam multa dicuntur, quæ omnino ei convenire non possunt, Domino autem Christo aptissima peripicuitate conveniunt, ut evidenter appareat, quod in illo figura qualiscumque adumbrata sit; in isto ipsa veritas præsentata. Notum est enim quibus terminis regnum, conclusum fuerit Salomonis: & tamen in eo Psalmo legitur, ut alia taceam: (d) *Dominabitur a mari usque ad mare, & a flumine usque ad terminos orbis terræ*: quod in Christo videmus impleri. A flumine quippe dominandi sumpsit exordium, ubi baptizatus a Joanne, eodem monstrante cepit agnosci a discipulis, qui eum non solum *Magistrum*, verum etiam *Dominum* appellaverunt: nec ob aliud, vivente adhuc patre suo David, regnare Salomon cepit, quod nulli regum illorum contigit, nisi ut hinc quoque satis luceat, non esse ipsum, quem prophetia ista præsignat, quæ ad ejus patrem loquitur dicens: *Es eris cum compleri fuerint dies tui, & dormieris cum patribus tuis, suscitabo semen tuum post te, qui exiet de ventre tuo, & præparabo regnum illius*. Quomodo ergo propter quod sequitur: *edificabis mihi domum*, iste Salomon putabitur prophetatus, & non potius propter id quod procedit: *cum compleri fuerint dies tui, & dormieris cum patribus tuis*.

(a) vers. 12. (b) Qui tam multa ex Augustino in prioris libri Regum explicatione descripsit, iterum ex Augustino hac describit, quæ scilicet capitulis 8, & 9. libri 17. de Civitate tradit. (c) Rom. 1. 3. (d) Psal. 71. 8.

tuus suscitabo semen tuum post te.?

Alius pacificus intelligitur esse promissus, qui non ante, sicut iste, sed post mortem David prænunciatus est suscitandus. Quolibet enim, longo interposito tempore Jesus Christus veniret, procul dubio post mortem David regis, cui sic est promissus, eum venire oportebat, qui ædificaret domum Deo, non de lignis, & lapidibus, sed de hominibus, qualem illum ædificare gaudemus: huic enim domui dicit Apostolus, hoc est fidelibus Christi: (a) *Templum enim Dei sanctum est, quod estis vos*. Propter quod in Psalmo octuagesimo octavo, cujus titulus est: *intellectus ipsi Esau Israelitæ*, commemorantur promissiones Dei factæ regi David, sicut & in hoc libro Regum positæ sunt, ita & ibi quædam similia dicuntur, sicut est illud: (b) *Juravi David servo meo, usque in æternum præparabo semen tuum* &c. (c) Illud vero, quod dicit: (d) *qui, si inique aliquid gesserit, arguam eum in virga virorum, & in plagis filiorum hominum; misericordiam autem meam non auferam ab eo, sicut abstuli a Saule, quem amovi a facie mea*: non dixit ab eis: sed dixit ab eo. Non enim Christi ipsius, quod est caput Ecclesiæ, possunt inveniri ulla peccata, quæ opus esset humanis correptionibus, servata misericordia divinitus coerceri, sed in ejus corpore, ac membris, quod populus ejus est.

(e) Illud vero quod locutus est Deus per Nathan ad David, nullo modo prætermittendum est, ubi ait:

(f) *Es ponam locum meo populo Israel, & plantabo illum, & in habitabis securum, & non sollicitus eris ultra, & non apponet filius iniquitatis humiliare eum, sicut ab initio a*

diebus, quibus constitui judices super populum meum Israel. Hoc tam magnum bonum quisquis in hoc sæculo, & in hac terra sperat, insipienter (g) facit. An quispiam putabit in pace regis Salomonis id esse completum: pacem quippe illam Scriptura in umbra futuri excellenti predicatione commendat? sed huic suspicioni vigilantè occursum est, cum posteaquam dictum est: *& non apponet filius iniquitatis humiliare eum*, continuo subjunctum est: *sicut ab initio in diebus quibus constitui judices super populum meum Israel*. Judices namque, priusquam reges ibi essent, cepissent, super illum populum fuerant constituti, ex quo terram promissionis accepit. Et utique humiliabat eum filius iniquitatis, hoc est hostis alienigena per intervalla temporum, quibus leguntur pacem alternasse cum bellis: & inveniunt illic pacis tempora proluxiora, quàm Salomon habuit, qui quadraginta regnavit annos. Nam sub eo iudice, qui est appellatus Aoth, octoginta anni pacis fuerunt. Absit ergo, ut Salomonis tempora in hac promissione prædicta esse credantur: multo minus utique cujuslibet regis alterius: non enim quisquam eorum in tanta, quanta ille, pace regnavit: nec unquam omnino gens illa ita regnum tenuit, ut sollicita non fuerit, ne hostibus subderetur: quia in tanta mutabilitate rerum humanarum nulli aliquando populo concessa est tanta securitas, ut hujus vitæ hostiles non formidaret incurtus. Locus ergo iste, qui promittitur tam pacatæ, ac securæ habitationis, æternus est, æternisque debetur in matre Hierusalem libera, ubi erit veraciter populus Israel: hoc enim nomen interpretatur *videns De-*

um:

(a) 1. Cor. 3. 17. (b) Ibidem, idest Ps. 88. 5.

(c) In edito Augustini loco alia multa

recitantur, ex eodem Psalmo, quæ desunt in verbis illis: *Et thronum ejus sicut dies celi.*

(d) Hic nonnulla diversitas est editum inter Augustini locum, & nostrum, qui cum vulgato Eucherio sere convenit.

(e) Subsecutio require in fine ejus tit. 12, & subjuncti capite idest 13.

(f) II. Reg. 7. 10. 11.

(g) Edit. sapit.

um: cuius præmi desiderio pia per fidem vita in hac ærumnosa peregrinatione ducenda est.

Nunciante verba hæc Nathan ad David, (a) *ingressus est rex David, & sedis coram Domino.* (b) „ Quid aliud in hac sessione intelligendum est, nisi quia sedit in conspectu Domini, sive ubi erat arca testamenti, per quam sacratio, & commendatio quædam præsentia Domini accipi potest, sive quia oraturus sedit: quod non fit recte, nisi in conspectu Dei hoc est in intimis cordis. Potest enim & sic accipi, quod dictum est, *ante Dominum*, ubi nullus esset hominum, qui audiret orantem. Sive ergo propter arcam testamenti, sive propter secretum locum, & remotum ab arbitris, sive propter intimum cordis, ubi erat orantis affectus, convenienter dictum est: *sedis ante Dominum*: nisi forte quod sedens oravit, hoc movet: cum & (c) spiritus Heliz hoc fecerit, quando pluviam orando impetravit. Quibus ammonemur exemplis, non esse præscriptum, quomodo corpus constitutatur ad orandum, dum animus Deo præsens peragat intentionem suam. Nam & stantes oramus, sicut scriptum est: (d) *publicanus autem de longe stabat, & fixis genibus, sicut in actibus Apostolorum legimus, (e) & sedentes sicut, ecce David, & Helias. Nisi autem etiam jacentes oraremus, non scriptum esset in Psalmis: (f) Lavabo per singulas noctes lectum meum: lacrymis meis stratum meum rigabo.* Cum enim quique orationem querit, conlocat membra, sicut ei occurrerit accommodata pro tempore positio corporis ad movendum animum. Cum autem non quæritur, sed

„ infertur appetitus orandi, hoc est cum aliquid repente venit in mentem, quo supplicandi moveatur affectus gemitibus inenarrabilibus, quocumque modo invenerit hominem, non est utique differenda oratio, ut quæramus, quo secedamus, aut ubi stemus, aut ubi prosternamur: gignit enim sibi mentis intentio solitudinem, & sæpe etiam obliviscitur se, vel quam cæli partem, vel in qua positione corporis membra illud tempus invenerit.

„ Fecit quoque David sibi nomen cum reverteretur capta Syria in valle salinarum cæsis duodecim millibus. (g) Quid de percussa multitudine ad David in salinarum valle signatur, nisi quia Redemptor noster suæ videlicet distractionis examine, in his qui de illo prava sentiunt, stultitiam immoderati saporis extinguit.

(b) Factum est autem post hæc, ut moreretur rex filiorum Ammon, & regnaret Hanon filius ejus pro eo: dixitque David faciam misericordiam cum Hanon filio Naas, sicut fecit pater ejus mecum misericordiam. Misit ergo David consolans eum per servos suos super patris interitum. Cum autem venissent servi David in terra filiorum Ammon, dixerunt principes filiorum Ammon ad Hanon Dominum suum: putas quod propter honorem patris tui David misit ad te consolatores, & non ideo, ut investigares, & explorares civitatem, & everteres eam, misit David servos suos ad te? Tulit itaque Hanon servos David, rasique dimidiam partem barbæ eorum, & præcidit vestes eorum medias usque ad nates, & dimisit eos. Quod cum nuntiatum fuisset David, misit in occursum eorum: erant enim viri confusi surpiser valde, & mandavit eis David:

K

(a) II. 7. 18.

(b) Augustinum Magistrum hic quoque sequitur Clandius, in rem suam deducens, qua docet S. Doctor questione 4. libri 2. questionum ad Simplicianum.

(c) Edit. Sanctus Elias III. Reg. 18. 42.

(d) Luc. 18. 13.

(e) Act. 7. 59, & 20. 36.

(f) Psal. 6. 7.

(g) II. Reg. 8. 13. Deinceps Gregorium Magnum docentem exferibit Clandius. Hæc scilicet Gregorius trahit num. 45. [alias cap. 14. vel 18.] libri 3. Moralium.

(h) II. Reg. 10. 1, & seq.

*vid: manete in Jerico, donec crescat barba vestra, & tunc revertimini.* Sicut enim Hanon rex (a) Ammonitarum servos David ad se missos deturpavit, atque ludibriter sedatos ad eundem David remisit, ita & diabolus princeps hujus mundi plerisque religiosos per subripientia vitia deturpare consuevit, qui dum eorum latentia mala, in aperta & flagitiosa, perpetraque, luxuria detegit, quasi eorum indumentis usque ad nates abscessis nudos a dignitate castitatis derelinquit: & dum pristinam eorum fortitudinem eripit, velut barbam radit. Quos tamen verus David, Dominus scilicet, & Salvator noster, clementi respectu penitentiae indulgentia non excludit: quos & in Jerico (hoc est sub anathemate penitentiae), residere jubet, donec Sacramenta spiritualia, & fortitudinem mentis, quae peccando perdiderunt, satisfaciendo recipiant; & sic demum in conspectu ejus stare valeant.

(b) *Factum est, dum resurgeres David de strato suo post meridiem, & deambularet in solario domus regiae, vidit mulierem se lavantem, missisque tulit eam, & dormivit cum ea, quae concepit. Cumque cognovisset David, misit ad Joab dicens: misse ad me Uriam Esbaum. Veniens Urias ad David ..... misit epistolam David per Uriam ad Joab, ut poneret Uriam ubi fortissimum praelium erat: fecitque Joab ita: & mortuus est Urias Esbaeus.* (c) „Plerumque quaedam res per historiam, virtus est, per significationem culpa: sicut aliquando res gesta (d) in causa facta, damnatio est, in scripto autem prophetia virtutis: quod (e) utrumque citius ostendimus, cum hujus Sacrae scripturae testimonium ad utraque probanda in medium deducimus. Quis namque audiens non solum fidelium, sed etiam infidelium,

non omnimode testatur, quod David in solario deambulans, Berfabee Urix concupivit uxorem? Quem tamen a praelio revertentem ire ad domum ammonet, & pedes lavare: qui protinus respondit dicens: (f) *arcum Domini sub pellibus est, & ego in domo meo requiescam?* Quem David ad mensam propriam suscepit, eique epistolas, per quas mori debeat, tradidit. Cujus autem David in solario deambulans typum tenet, nisi ejus, de quo scriptum est: (g) *in sole posuit tabernaculum suum?* Et quid est Berfabee ad se perducere, nisi legem litterarum carnali populo conjunctam, spirituali sibi intellectu sociare? Berfabee enim puteus septimus dicitur: quia nimirum per cognitionem legis, infusione spiritualis gratiae, perfecta nobis sapientia ministratur. Quem vero Urias, nisi Judaicum populum signat? cujus nomen interpretatum dicitur: *lux mea* (b) *Dei*; Judaicus autem populus, quia de accepta legis scientia extollitur, quasi de Dei luce gloriatur; sed hinc (i) David uxorem abstulit, sibi quae conjunxit, quia videlicet manu fortis, quod David dicitur, in carne Redemptor noster apparens, dum de se spiritualiter loqui legem innotuit, per hoc quod juxta litteram tenebatur, hanc a Judaico populo extraneam demonstravit, sibi quae conjunxit, quia se per illam praedicari declaravit. Uriam tamen ad domum ire, David ammonet, pedes lavare, quia Incarnatus Dominus veniens, Judaico populo praecipit, ut ad conscientiam redeat, & sordes operum stibibus tergat, ut spiritualiter mandata legis intelligat, ut post tantam duritiam praceptorum, fontem baptismatis inveniens, ad aquam post laborem, recurat. Sed Urias, qui arcam Domini esse sub pellibus meminit,

nit,

(a) Codex perperam habet Moab.

(b) II. Reg. II. 2. (c) Hec perquirere numero 55. [alias cap. 28.] libri 3. Gregorii Moratium in Job.

(d) Edit. verum.

(e) Dominus.

(f) vers. 11. (i) In editis additur Urix.

(g) Psal. 18. 6.

nit, respondit, quod domum suam intrare non posset: ac si Judaicus populus dicat: ego mandata Dei in sacrificiis carnalibus video, & redire ad conscientiam per spiritualem intelligentiam non requiro. Quasi enim arcam esse sub pellibus dicit, quia praecepta Dei non nisi ad exhibendum ministerium sacrificii carnalis intelligit. Hunc tamen etiam redire ad domum nolentem, David ad mentem vocat: quia quamvis Judaicus populus ad conscientiam reverti contemnat, ei tamen Redemptor veniens mandata spiritualia praedicat, dicens: (a) Si crederetis Moysi, crederetis forsitan & mihi: de me enim ille scripsit. Legem itaque Judaicus populus tenet, quae ejus divinitatem loquitur, cui idem populus credere designatur. Unde & Urias ad Joab cum epistolis, ex quibus occidi debeat, mittitur, quia idem ipse Judaicus populus legem portat, quae convincente moriatur. Dum enim mandata legis (b) detinens, implere renititur, ipse nimirum desert iudicium, unde damnetur. Quid ergo per factum istud David, scelestius? Quid Uria mundius dici potest? sed rursus per mysterium quid David (c) sacrius? Quid Uria infidelius invenitur? quando & ille per vitæ culpam prophetiae signat innocentiam, & ille per vitæ innocentiam in prophetia exprimit culpam? ... Virtus namque sacri eloquii sic transacta narrat, ut ventura exprimat; sic in facto rem approbat, ut in mysterio non contradicat; sic gesta damnat, ut hæc mystice gerenda persuadeat.

(d) Ad hoc enim in Scriptura sacra virorum talium, idest David, & Petri, peccata sunt indicata, (e) ut cautela minorum sit ruina majorum: ad hoc vero utrorumque illic, & pg-

nitentia insinuat, & venia, ut spes pereuntium sit recuperatio perditionum. De statu ergo suo, David cadente, nemo superbiat: de lapsu etiam suo, David surgente, nemo desperet. Ecce quam mirabiliter Scriptura eodem verbo superbos premit, quo verbo humiles levat. Unam namque rem gestam retulit, & diverso modo superbos quidem ad humilitatis formidinem, humiles vero ad fiduciam revocavit. O inestimabile novi generis medicamentum! quod uno, eodemque ordine positum, & premeditando tumentia exsiccat, & sublevando arentia infundit. De majorum nos lapsu terruit, sed de reparatione roboravit. Sic quippe semper, sic nos divina dispensationis misericordia & superbientes reprimat, & ne ad desperationem corruamus, fulcit. (f) Sed quia exigente causa, David ad medium deducto, tanti facinoris memoriam fecimus, lectoris fortasse animus movetur, cur omnipotens Deus eos, quos in perpetuum elegit, quos ad donorum quoque spiritualium cultum assumit, illesos a corporalibus vitiis non custodit? Unde quia satisfieri citius credimus, breviter respondemus, nonnulli enim per accepta dona virtutum, per impensam gratiam bonorum operum in superbæ vitium cadunt; sed tamen (g) quomodo ceciderunt, non agnoscunt. Proinde contra eos hostis antiquus, qui jam interius dominatur, exterius etiam sequire permittitur, ut qui in cogitatione elati sunt, per carnis luxuriam prosternantur. Scimus autem quia aliquando minus est in corporis corruptionem cadere, quam cogitatione tacita, & deliberata, elatione peccare: sed cum minus turpis superbia creditur, minus vitatur. Luxuriam vero eo magis erubescunt homi-

K 2

nes

(a) Jo. 5. 46.

(b) Edit. retinens.

(c) sanctius.

(d) Subsequentia invenies

num. 23. alias cap. 12. vel 15. libri 33. Moralium.

(e) Greg. vulg. indita.

(f) Nonnulla Gregorii monita præterit Claudius, qui subsequentia ex Gregorio [num. 25.] exhibuit.

(g) Edit. quò ceciderint: lectio nostra præstat.

nes, quo simul omnes turpem noverunt. Unde fit plerumque, ut nonnulli post superbiam in luxuriam corruentes, ex aperto casu malum culpæ latentis erubescant: & tunc etiam majora corrigunt, cum prostrati in minimis gravius confunduntur: reos enim se inter minora conspiciunt, qui se liberos inter graviora crediderant. Pia ergo Domini dispensatione laxatus nonnunquam (a) malignus spiritus de culpa ad culpam trahit, & dum plus percutit, inde eum, quem cæperat, amittit: atque unde vicisse cernitur, inde superatur. Considerare libet intra munitionum gratiæ sinum, quanto Deus misericordiæ favore nos continet. Ecce qui de virtute se extollit, per vitium ad humilitatem redit. Qui vero acceptis virtutibus extollitur, non gladio, sed, ut ita dixerim, medicamento vulneratur. Quid enim virtus, nisi medicamentum? Et quid est vitium, nisi vulnus? Quia ergo nos de medicamento vulnus facimus, facit ille de vulnere medicamentum; ut qui virtute percutimur, vitio curemur. Nos namque virtutum dona retorquemus in usum vitiorum: ille vitiorum illecebras assumit in artem virtutum, & salutis statum percutit, ut servet: ut qui humilitatem currentes fugimus, (b) saluti cadentes hæreamus. Sed inter hæc sciendum est, quod plerique hominum, quo in multis corruunt, arctius ligantur: cumque eos (c) antiquus hostis ex uno vitio percutit, ut concidant, ex alio quoque ligat, ne surgant. Consideret itaque homo cum quo (d) adversario bellum gerat, & si jam (e) in se aliquid deliquisse perpenderit, saltem per culpam ad culpam pertrahi pertimescat: ut studiose vitentur vulnera,

quibus frequenter interficitur, quia valde rarum est, quod hostis noster electorum salutem etiam vulneribus servet. (f) Erudiendos enim, sicut diximus, electos suos Dominus sæpe tentatori subicit: sicut post paradisi claustra, post tertii cæli secreta, ne revelationum magnitudine Paulus Apostolus extolli potuisset, (g) ei Sathanæ angelus datus est: sed ut prefati fumus, ipsa hæc tentatione disponitur, ut qui elati perire poterant, humiliati a perditione serventur. Secreto ergo dispensationis ordine, unde seivere permittitur iniquitas diaboli, inde pie perficitur benignitas Dei, quia adversarius noster inde obtemperat nutibus supernæ gratiæ, unde exerceat iram nequissimæ voluntatis suæ.

(b) His ita gestis, misit Dominus Nathan ad David. Veniens Nathan proposuit similitudinem de divite, & paupere: *Unus habens oves, & boves, aliter tantummoda ovem unam: hanc unam ovem pauperis utilis dives. Audito David indignatus ait adversus hominem illum: vivit Dominus quoniam filius mortis est vir, qui fecit hoc. Dixit autem Nathan ad David: tu es ille vir. Et dixit David ad Nathan: peccavi Domino: dixitque Nathan ad David: Dominus quoque transulit peccatum tuum, non morieris. (i)* Si peccatum David tam detestabile Dominus transulit, quid est quod omnia quæ de eodem peccato per Prophetam Domini dicta sunt, postmodum toleravit? sed procul dubio (k) Dominus delictum sine ultione non deserit: aut enim ipse hoc homo in se penitens punit, aut hoc Deus cum homine vindicans percutit. Nequaquam igitur peccato parcitur: quia nullatenus sine vindicta laxatur. Sic David audire post confessionem meruit: *Dominus transulit*

(a) Edit. Behemot.

(b) Edit. ei.

(c) Behemot.

(d) Hæc.

(e) Jam se in aliquo.

(f) Hæc habes numero 28, alias cap. 13. [scilicet 13.]

(g) 2. Cor. 12. 7.

(h) Cap. 12. vers. 1.

(i) Hæc in Rabano perquire.

(k) Quæ subsequuntur ex Gregorii libro 9. Moralium [num. 54. cap. 34. ultim. 27.] exscribere Rabanus, &amp; Claudius.



audis peccatum, & tamen multis post cruciatibus afflictus, ac fugiens reatum culpæ, quam perpetraverat, exsolvit. Sic nos salutis unda a culpa primi parentis absolvit, sed tamen reatam ejusdem culpæ diluentis absoluti quoque adhuc carnaliter obimus, quia delicta nostra, sive per nos, seu per semetipsum refecat, etiam cum relaxat. Ab electis enim suis iniquitatum maculas studet temporali afflictione tergere, quas in eis in perpetuum non vult vindicare.

(a) Quod vero dicit, *duo homines erant in civitate una*: Urias, & David intelligitur, (b) & addicte personas. Pauperculi ovem mulierem dicit: hoc est uxorem ejus, quæ adulterata est, quæ de mensa ejus vellebatur, & de calice ejus potabatur, & in gremio ejus cubabat. Considera pauperem, incentiva pietatis habere: in divitiis autem sulcimina multa, superbiam: apud pauperes uxor, & ancilla, & ministra est: & procreat filios, & ipsa mater, & nutrix est: apud divites autem non est ita. Sed cum generavit filium, statim eum tradit foris: & pietatis insignia abscedit superbia. Erubescit fieri nutrix, quæ facta est mater. Quomodo ergo in gremio ejus cubabat? Auxit parabolam narratione pietatis. Venit ergo peregrinus homo ad regem illum. Quis itaque est peregrinus? concupiscentia videlicet. Ut ergo illius ostenderet castitatem, peregrinam concupiscentiam nominavit. Nunquam enim alienas nuptias dissipavit: neque iniquis conspexit oculis, sed percussus in illa muliere perdidit castitatem: quia paululum remissiore se reddiderat securitate pacis. Venit peregrinus; iniqua, & agrestis concupiscentia: ad illum divitem venit. Ille non accepit de gregibus, aut armentis suis, ut peregrino pararet epulas, sed misit, & rapuit ovem pauperis, quæ in

sinu ejus cubitabat, & de mensa edebat. Cum hæc igitur audisset Rex David, iratus est valde adversus hominem illum, & dixit ad Nathan: *Vivit Dominus, quoniam filius mortis est vir ille, qui fecit hoc. Ovem reddet in quadruplum, & ipse gladio punietur*. O judicii superfluentem iustitiam! non erat amoris fibra, ut iuste non diceret. Juber quidem in quadruplum secundum legem: lex enim precipit furantem quadrupli restitutione vinciri: (c). iste autem, & legem est prætergressus; juber siquidem & ipsum interimi, & quadruplum obnoxium detineri. Promptit itaque sententiam, & judicium (d) eliminatum. Cum hoc audisset Propheta, jactabat omnem umbram imaginis, & in medium profert gladium, & cum fiducia dicit: *Tu es Rex, qui hoc opus fecisti*. O secure, non gladio secans sensum doloris, sed in compendio accusationis. Cum hoc oportuit, occultavit narrationem: cum vero tempus invenit, statim percussit, & abscedit sine grandi plagæ vulnere, sed hoc solummodo dicens: *tu es Rex*: at ille velociter ad conscientiam rediens, tanquam fidelis, & idoneus servus, culpam simpliciter confitetur, & dicit: *Peccavi Domino*, & Propheta respondit: *Dominus transtulit peccatum tuum*. Velox confessio: velocior medicina: factus peccavit: verbo pœnituit: annuit Deus: & correptio facta est; vulnus aperuit, et sanitas redit; sed non fuit his Propheta contentus, nam post correptionem, post pœnitentiam, post emendationem, post peccatorum absolutionem, psalmum ob hanc causam conscripsit, ita ut etiam posteræ generationis fiat illius passio, medicina; ut illius naufragium sit alijs portus: et quibus ille vulneratus, emendavit, alii in iisdem incidentes; ipsa possint uti medicina, et emendatione sanari.

(e) *Fugiens David Absalon filium suum*

(a) Quæ sequuntur, videntur ex Augustino desumptæ, sed locum invenire non potui.

(b) Locus iste in vulgato Eucherio corruptus est.

(c) Exo. 22. 1.

(d) Illimitatum: id est superans limites legis, quæ mortem furis non precipiebat.

(e) Cap. 16.

suum, nudisque pedibus incidens transgressus est torrentem Cedron, & cunctus populus cum eo, & pervenerunt usque Baburim. Ecce egressus Semei, filius Gera de cognatione domus Saul, mittens lapides, maledicebat Regem dicens: egredere, egredere vir sanguinum, & vir Belial.

(a) „ Quisquis fidelium divinæ gratiæ illustratione compungitur, sancto desiderio de imis ad summa evehi, supernæ contemplationis penna festinat, hæc beati regis David, & aliorum sanctorum præcedentium Patrum gesta, ubi aliquid injuste perpeffi sunt, ante mentis oculos ponat, atque in eis se imitatione exercendo proficiat, & quod in presenti titillat ex vitio, vel præteritorum malorum memoria reprimat, vel donorum præcedentium consolatione restringat, vel etiam imitatione, ut dictum est, Patrum præcedentium provocetur ad melius. Quod necesse est, ut, sicut proposuimus exemplis evidentioribus, approbemus. (b) Ut enim unum de multis loquar, quatenus studiosus lector multa in uno intelligat: quisquis verborum contumeliis pressus cum virtutem patientiæ servare non sufficit, David factum ad memoriam reducat: quia cum Semei conviciis urgeretur, & armati proceres ulcisci contenderent, ait: (c) *Quid mihi, & vobis est, filii Sarvæ? Dimittite eum, ut maledicas: Dominus enim præcepit ei, ut malediceret David. Et quis est qui audeat dicere, quare sic fecit? Et paulo post. Dimittite eum, ut maledicas juxta præceptum Domini: si forte respiciat Dominus afflictionem meam: & reddat mihi bonum pro maledictione hac hodierna.* Quibus

„ profecto verbis indicat, quia perpetrato Bersabee scelere, exsurgentem contra se filium fugiens, reduxit ad animum, malum, quod perpetravit, & contumeliosa verba, non tam convicia, quam adjutoria credidit, quibus se purgari, sibi que misereri posse judicavit. Tunc enim illata convicia bene toleramus, cum in secreto mentis ad mala perpetrata recurrimus. Leve quippe videbitur, quod injuria percutimur, dum in actione nostra conspicimus, quia pejus est, quod meremur: sique sit, ut contumeliis gratia magis, quam ira debeat, quarum interventu Deo iudice, pena gravior declinari posse confiditur.

(d) „ Illud vero quid significet, quod parricida filius Absalon patrem, insequens, primo pater ejus declinans fugit ante faciem ejus securus de victoria, qui aspiciet imperium perire: quem etiam flevit magno luctu, & deploravit exitum parricidæ. Scribitur enim fugisse David a facie bellantis adversum se (e) filii. Et quoniam scriptum est de populo Hierusalem: (f) *Filios nutruvi, & exultavi, ipsi vero spreverunt me*, filius ergo ejus impius significatur tropice, idest populus Judaicus, qui eum tradidit: Absalon autem, sicut quidam interpretatur, intelligitur patris pax. Quod mirum videtur in historia quemadmodum patris pax possit intelligi, qui patrem bello persecutus est. Sed qui diligenter ad allegoriam intendunt, inspicunt Absalonem esse Hierusalem, quæ etiam & ipsa pax interpretatur, a cujus facie Christus fugit, quando eam patiendo „ de-

(a) Paterium hic exscribit Claudius, ideoque nonnulla adjungit, quæ expressissime in libro 30. Moralium, quem Paterius allegat, non invenies. An quia Paterius aliqua de suo inserit, tamen Gregorii verbis conjunctissima, ut scilicet explanationi Librorum Regum accommodet? an potius etiam quia vetusti codices a Paterio lecti nonnihil differrebant a nostris? Priorem sententiam postrema hinc præfero.

(b) Subsequentia invenies num. 37. alias cap. 10. olim 17. lib. 30. Moral. S. Gregorii. (c) vers. 10. (d) Hæc exscripsit ex Isidoro [in lib. II. Regum cap. 3.] Claudius.

(e) Edit. sibi. (f) Isa. 1. 2.

deserens, in gentibus per fidem successit. (a) Alii Abfalon, Judam traditorem accipiant, quem tantā, & tam (b) mirandā patientiā Christus pertulit tanquam bonum, cum ejus cogitationes non ignoraret: cum adhibuit ad convivium, in quo corporis, & sanguinis sui figuram discipulis commendavit, & tradidit. (c) Quod denique in ipsa traditione, & osculum accepit, bene intelligitur Christum pacem exhibuisse traditori suo, quamvis ille tam sceleratæ cogitationis interno bello vastaretur: & indeo Abfalon patris pax dicitur, quia pater habuit pacem, quam ille non habuit.

(d) Sed fortasse quis dicat, si David imaginem Christi gerebat, quo-

modo multas uxores, & concubinas habuisse scribitur: cum has res Christus, & horrescat, & damnet? hoc enim in prophetia fiebat. Multę enim uxores David, multarum gentium, & nationum imaginem indicabant, quę per fidem Christi consortio junguntur: concubinę vero ejus, significant hæreticorum Ecclesias, quę sub Christi nominis titulo manere se gloriantur. Sed quia propter carnalia, lucra sectatur Christum, non conjuges, sed concubinę vocantur. Denique nunc reges, si plures habent uxores, vel concubinas, crimen est: quia jam transierunt figurę, pro quibus uxorum, vel concubinarum venia concedebatur: at nunc, quia figurę transierunt, venia nulla datur.

Per-

(a) Vide qua tradit Augustinus num. 1. cunnationis in Psal. 3. (b) miseranda.

(c) Terruit locus iste multos ex nostris: adeo ut suspicari sint nonnulli mendosum esse locum hunc, legendumque alio modo. Sed revera retinenda est ea lectio, quam proposuimus: nam locus hic, si recte intelligatur, nullum nobis timorem incutit. Bellarminus sane locum hunc, quem ex Augustino desumptum diximus, expendit (1), monetque loqui Augustinum de figura corporis in cruce suspensi: id est de repræsentatione Dominicę passionis: eodem enim modo Augustinus Eucharistię figuram corporis vocavit, quo veteres Gręci antypa; de qua voce diximus in testimoniis Basilii. Hactenus Bellarminus, qui revera antea, id est cap. 15. lib. 2. postquam sibi obiecit Basilium in Lyrurgia [Basilio enim Bellarmini temporis tribuebatur Lyrurgia, qua Basilii nomine inscribitur] Eucharistię appellatam antypa [ἀντίτυπα] respondet corpus, & sanguinem Domini, ut sunt sub speciebus panis, & vini, signa esse ejusdem Corporis, & sanguinis, ut fuerant in Cruce: repræsentat enim Eucharistię passionem Christi. Hinc Chrysostomus homil. 17. in epistolam ad Hebræos dicit, Eucharistię esse typum, seu figuram sacrificii Crucis, & tamen ibidem asserit, nunc eundem Christum offerri, qui tunc oblatu; fuit. Cyprius porro hoc in loco argumentum hoc persequitur Bellarminus, qui etiam de eo agit sub initium fere capituli 24. ad quod Lectorem amando, hac tantum feligen; Illustrat Lanfrancus rem totam insigni similitudine. [Luca ultimo]: Dominus sinxit se longius ire, quod exponit Augustinus lib. contra mendacium cap. 13. ubi dicit, Christum ex fictione significasse, se supra omnes cęlos ascensurum. (2) Idem igitur Christus sui ipsius figura fuit, & dici rectissime posset Christus fingens se longius ire, & quodammodo Christus in cęlum ascendens. Notare hac volui, ne aut trepidaret Lector timore, ubi non est timor: aut ea in re Clandium reprobenderet, in qua utique reprobendus ille non est.

(d) Hac quoque Isidoro desumpsit Claudius, sed capite proxime superiori id est 2: ex qua quidem re suspicari licet, alium fortasse capitulum ordinem in antiquis Isidori codicibus fuisse servatum.

- (1) De Sacram. Euchar. lib. 2. cap. 24. 55. ex tomo septimo: ubi sibi obiecit hæc Augustini verba desumpta ex Commem. in Psal. 3. Christus adhibuit Judam ad Convivium, in quo corporis sui figuram discipulis commendavit.
- (2) Aliud affine, nec minus perpicuum exemplum præbet Ambrosius in Cap. 2. Lucę lib. 2. num. 61. his verbis: post triduum reperitur in templo, ut esset indicio, quia post triduum triumphalis illius passionis in sede celesti, & honore divino, fidei nostra se suscitatus offerret, qui mortuus credebatur.

(a) Percusso Absalon, cum rever-  
sus esset David in Hierusalem, dixit  
Amasæ, ut congregaret omnes viros  
Juda in diem tertium, & constitueret  
eum principem pro Joab. Morante  
Amasæ extra placitum, præcepit Da-  
vid Joab, & Abisai, ut irent, & ap-  
prehenderent Sibam filium Bochri.  
Cumque invenisset Joab in Gabaa,  
Joab tenuit manu dextera mentum.  
Amasæ, quasi osculans eum, qui  
percussit eum in latere, & mortuus  
est. (b) „ Quid est quod Joab men-  
tum Amasæ dextera tenuit, sed fini-  
stram ad gladium latenter mittens,  
ejus viscera effudit? nisi hoc, quod pa-  
tenter datur intelligi. Dextera nam-  
que mentum tenere, est quasi ex be-  
nignitate blandiri: sed sinistram ad  
gladium mittit, qui latenter ex ma-  
litia percutit.

(c) „ Sequitur Psalmus septimus  
decimus, & merito quæritur, cur  
solus iste Psalmus in libris Regum  
reperiatur conscriptus: nec immerito  
Psalmus iste regnorum libris solus in-  
venitur, quia regnum illud significatur,  
ubi adversarium non habemus. Titulus  
enim ejus est: *in die, qua eripuit eum  
Dominus de manu omnium inimico-  
rum ejus, & de manu Saul.* Quis  
enim figuratur in David, nisi ille,  
qui venit secundum carnem ex semi-  
ne David, qui utique in corpore  
suo, quod est Ecclesia, adhuc pati-  
tur inimicos? Unde ille persecutori,  
quem voce mactavit, & in suum cor-  
pus trajecit, quodammodo mandu-  
cavit: insonuit de celo. (d) *Sau-  
le, quid me persequeris?* Quando  
autem meretur eripere hoc corpus de  
manu inimicorum ejus? nisi cum &

„ illa novissima inimica destruetur mors,  
ut perveniat ad regnum Dei.

(e) *Diligam te virgus mea.* „ Di-  
ligam te Domine per quem sortis sum.  
*Domine firmamentum meum, & re-  
fugium meum, & liberator meus.* „ Do-  
mine, qui me firmasti, quia refugi  
ad te: refugi autem, quia liberaasti  
me.

*Deus meus adiutor meus, & spera-  
bo in eum.* „ Deus meus, qui mihi ad-  
jutorium prius vocationis tuæ præsti-  
tisti, ut sperare in te possim.

*Prosector meus, & cornu salutis meæ,  
& redemptor meus.* „ Protector meus,  
quia non de me præsumpsi, quasi eri-  
gens adversum te cornu superbiæ,  
sed te ipsum cornu, hoc est firmam  
celitudinem salutis inveni: quod ut  
invenirem, redemisti me.

*Laudans invocavi Dominum, &  
ab inimicis meis salvus ero.* „ Non  
meam gloriam, sed Domini quærens,  
invocabo Dominum, & non erit un-  
de mihi noceant impietatis errores.

*Circumdederunt me dolores mortis:*  
Id est circumdederunt me dolores car-  
nis. *Et torrentes iniquitatis contur-  
baverunt me.* Turbæ iniquæ ad tem-  
pus commotæ velut flumina pluvia  
cito desitura egerunt, ut contur-  
barent me.

*Dolores inferni circumdederunt me.*  
In his qui me circumdederunt, ut  
perderent, erant dolores invidiæ, qui  
mortem operantur, perducantque ad  
infernum peccati. *Prævenierunt me  
laquei mortis.* Prævenierunt me, ut  
priores nocere vellet, quod eis po-  
testa redderetur. Tales autem homi-  
nes capiunt in perditionem, quibus  
mala persuaferunt iactatione iustitiæ.

„ Cu-

(a) Cap. 20. v. 4, & subseq. (b) Subsequentia habes etiam in Paterio, qui ea desump-  
sit ex lib. 15. Moralium Gregorii Magni [num. 23.]

(c) Cap. 22. num. 2, & subseq. Et Psal. 17. Quia lineolis ad marginem appositis notan-  
tur, ex Isidoro desumpsit Claudius. Quare itaque illa in capite 6. in lib. 11. Regum. Ea etiam  
habet Rabanus Maurus: ex qua re videt, quanto in pretio Isidori commentaria haberentur.

(d) Acto. 9. 4. (e) Hac interpretatio tota desumpta est ex Augustino, cujus enar-  
rationem in Psalmum hunc [id est 17.] exscripsit Claudius.

„Cajus non re, sed nomine, adversus  
„gentes gloriantur.

„*Es in pressura mea invocavi Do-*  
„*minum, & ad Deum meum clamavi:*  
„*& exaudivit de templo sancto suo vo-*  
„*cem meam.* „Et exaudivit de corde  
„meo, in quo habitat, vocem meam.  
„*Es clamor meus in conspectu ejus.*  
„Et clamor meus, quem non in auri-  
„bus hominum, sed coram ipso intus  
„habeo, introivit in aures ejus.

„*Es commota es, & contremuit ter-*  
„*ra.* „Ita clarificato filio hominis, com-  
„moti sunt, & contremuerunt pecca-  
„tores. *Es fundamenta montium con-*  
„*turbata sunt.* Et superborum spes,  
„que in hoc seculo fuerunt, contur-  
„batae sunt. *Es commota sunt, quoniam*  
„*iratus est eis Deus.* Ut scilicet jam  
„firmamentum non haberet in cordi-  
„bus hominum spes temporalium bo-  
„norum.

„*Ascendit fumus in ira ejus.* „A-  
„scendit lacrimosa deprecatio peni-  
„tentium, cum cognovissent quid  
„minetur Deus impiis. *Es ignis a fa-*  
„*cie ejus exardescit:* Et flagrantia ca-  
„ritatis post penitentiam de notitia  
„ejus exardescit. *Carbones succensi sunt*  
„*ab eo.* Qui jam mortui erant, deserti ab  
„igne boni desiderii, ac luce justitiae,  
„& frigidis, tenebrosisque remanserant,  
„rursus accensi, & illuminati revixe-  
„runt.

„*Es inclinavit celum, & descen-*  
„*dit.* „Et humiliavit iustum, ut de-  
„scenderet ad hominum infirmitatem.  
„*Et caligo sub pedibus ejus.* (a) (Ca-  
„ligo ejus sub pedibus, quia non ea  
„claritate ab inferioribus cernitur, qua  
„in superioribus dominatur.) Impii  
„enim, qui terrena sapiunt, caligine  
„malitiae suae non cognoverunt eum:

„terra enim sub pedibus ejus tanquam  
„scabellum pedum ejus.

„*Es ascendit super Cherubim, & vo-*  
„*lavit.* „(Cherubin quippe, idest pleni-  
„tudo scientiae ascendisse perhibetur,  
„& volasse, quia majestatis ejus celsi-  
„tudinem scientia nulla comprehen-  
„dit. Volavit ergo, qui a longe in  
„altum ab intellectu nostro se ra-  
„puit) (b), ut nemo ad Deum per-  
„veniret, nisi per caritatem: (c) pleni-  
„tudo enim legis caritas est: cito  
„enim se incomprehensibilem esse mon-  
„stravit dilectoribus suis, ne illum  
„corporeis imaginationibus se compre-  
„hendere arbitrarentur. (d) *Super*  
„*Cherubin Dominus ascendit, & vola-*  
„*vit.* Quia super plenitudinem scientiae,  
„que esse in hominibus potuit,  
„Incarnationis suae gloriam exaltare di-  
„gnatus est, ut hoc ejus volare sit po-  
„tentiae suae mysterium ab intellectu  
„humano subducere: quantalibet enim  
„plenitudine scientie vita spiritali-  
„um fulgeat, apprehendere non va-  
„let, quomodo factum sit, ut qui extitit,  
„conciperetur, & ante secula au-  
„tor hominum nasceretur homo in  
„finem (e) seculorum, Deus caro esset;  
„Verbum infans fieret. Unde recte  
„& illic additur: *Volavit super pen-*  
„*nas ventorum:* quia videlicet trans-  
„scendit omnes intellectus animarum.  
„Vento quippe animam figurari, pro  
„velocitate suae cogitationis, non in-  
„convenienter accipimus.) Illa autem  
„celeritas, qua se incomprehensibilem  
„esse monstravit, super virtutes ani-  
„marum est, quibus se veluti pennis  
„ab aeternis timoribus in auras liber-  
„tatis extollunt.

„*Es posuit tenebras latibulum su-*  
„*um.* „Et posuit obscuritatem sacra-  
„L  
„men-

(a) Ea, qua hic parentesi clausi, ea quoque, qua deinceps parentesi claudam, novit Le-  
„bor, non in Augustini enarratione inveniri, sed inserta ex Gregorio allegato in locum  
„hunc a Patetio, quem, si vult, consulat Lector. (b) Ut nemo: rursus habes in Au-  
„gustino. (c) Rom. 13. 10. (d) Iterum in Gregorio hac perquire.

(e) Edit. in fine.

„mentorū, & occultam spem in cor-  
 „de credentium, ubi lateret ipse non  
 „eos deferens. (a) (Quia dum cali-  
 „gine nostræ infirmitatis obscuramur  
 „per ignorantiam nostram, nobis ab-  
 „sconditur, ne a nobis modo in æter-  
 „na, & firma caritate videatur.) (b) In  
 „his etiam tenebris, ubi per fidem ad-  
 „huc ambulamus, non per speciem,  
 „quamdū quod non videmus, spera-  
 „mus, & per patientiam expectamus.  
 „(c) (Quia vero auctor noster, nobis  
 „in hoc exilio dejectis, lucem sug-  
 „gestionis abstulit, si se nostris o-ulis,  
 „quasi in tenebrarum latibulo abscon-  
 „dit. Quas nimirum cecitatis nostræ  
 „tenebras cum studiose conspiciamus,  
 „mentem ad lamenta revocamus.  
 „Flet enim cecitatem, quam foris pa-  
 „titur, si humiliter meminit, quod in-  
 „teriori lumine privatur. Cumque  
 „tenebras, quibus circumdatur, respici-  
 „dit, splendoris intimi ardenti se de-  
 „siderio affligit, omnique intentionis  
 „nisi semetipsa concutit, & supernam  
 „lucem, quam condita deferuit, re-  
 „pulsā querit. Unde fit plerumque,  
 „ut in ipsis piis fletibus illa interni  
 „gaudii claritas erumpat, & mens quæ  
 „in tempore prius cæca jacuerat, ad in-  
 „spectionem fulgoris intimi (d), supe-  
 „rius vegetata convalescat.) In circui-  
 „tu ejus tabernaculum ejus. Conversi  
 „tamen ad ipsum ambiunt qui cre-  
 „dunt ei, quia in medio eorum est,  
 „cum omnibus æqualiter favet, in  
 „quibus, tanquam in tabernaculo, ha-  
 „bitat hoc tempore. Tenebrosa aqua  
 „in nubibus aeris. Nec propterea quil-  
 „quam in illa luce, quæ futura est,  
 „cum ex fide ad speciem venerimus,  
 „jam se esse arbitretur, si Scripturas  
 „recte intelligit. In Prophetis enim,  
 „atque in omnibus divini verbi prædi-

„catoribus obscura doctrina est (e) (quia  
 „ante adventum Domini, dum occul-  
 „tis Sacramentis grāvidi, mysteria im-  
 „mensa gestarent, intuentium oculis,  
 „eorum intelligentia caligabat.)

„*Præ fulgore in conspectu ejus*: „in  
 „comparatione fulgoris, qui est in con-  
 „spectu, manifestationis ejus. *Nubes*  
 „*ipsum transierunt*. Predicatores verbi  
 „ejus, non jam Judæe finibus continen-  
 „tur, sed transierunt ad gentes. (Uni-  
 „versa mundi spatia miraculorum cla-  
 „ritate percurrunt.) *Grando & carbo-*  
 „*nes ignis*. Objurgationis figuræ, quib-  
 „us velut grandine corda dura tun-  
 „duntur. Si autem terra culta, & mit-  
 „tis, idest pius animus exceperit, du-  
 „ritia grandinis in aquam, idest ter-  
 „ror fulguratæ, & quasi congelatæ  
 „objurgationis in doctrinam satian-  
 „tem resolvitur. Igne autem caritatis  
 „accensa corda reviviscunt. Hæc om-  
 „nia in nubibus ipsius ad gentes tran-  
 „sierunt. (Quia videlicet Sancti viri  
 „corda audientium, & terrentes for-  
 „runt, & blandientes infundunt.  
 „Nam quemadmodum seriant, Prophe-  
 „ta noster testatur dicens: (f) *Virtu-*  
 „*tem terribilium suorum dicent, &*  
 „*magnitudinem suam narrabunt: &*  
 „*quemadmodum blandientes vigent,*  
 „*secutus adjunxit: (g) Memoriam*  
 „*abundantia suavitatis suæ erubescunt.*  
 „*Et iustitia tua exultabunt.*)

„*Et innotuit de cælo Dominus.* „Et  
 „evangelica fiducia de corde iusti no-  
 „nuit Dominus. *Et Altissimus dedit*  
 „*vocem suam.* Ut haberemus eam, &  
 „in profundo rerum humanarum audi-  
 „remus cœlestia.

„*Et misit sagittas suas, & dissipavit*  
 „*eos.* „Et emisit Evangelistas pennis  
 „virtutum recta itinera transvolantes,  
 „non suis, sed ejus a quo missi sunt,  
 „vi-

(a) Quæ sequuntur, donec pervenias: in his etiam nec in Augustino, nec in Gregorio veteri.

(b) Rursus nos docet Augustinus.

(c) Tradit subsequenter Paterius, ideoque Gregorius.

(d) Ibid. v. 7.

(e) Hæc diligentissime pro more exserpsit ex

(d) Edit. suspiriis, a rina, ut arbitrat.

(f) Psal. 144. 6.

viribus. Et disperfit eos, ad quos missi sunt, ut aliis eorum essent odor vite in vitam, aliis odor mortis in mortem. *Et corruptiones multiplicavit, & conturbavit eos.* Et miracula multiplicavit, & conturbavit eos.

*Et apparuerunt fontes aquarum.* Et apparuerunt qui facti erant in predicationibus fontes (a) aquarum salientium in vitam eternam. *Et revelata sunt fundamenta orbis terrarum.* Revelati sunt prophete, qui non intelligebantur, super quos edificaretur orbis terrarum credens Domino. *Ab increpatione tua Domine:* clamantis (b): appropinquavit super vos regnum Dei: *Ab increpatione spiritus ira tue:* dicentis (c): nisi penitentiam egeritis, omnes similiter moriemini.

*Misi de summo, & accepit me.* Vocando ex gentibus in hereditatem gloriosam, Ecclesiam, non habentem maculam, aut rugam: *Assumpsit me de multitudine aquarum.* Assumpsit me de multitudine populorum.

*Eruit me de inimicis meis foris-fimis.* Eruit me de inimicis meis, qui prevaluerunt ad attingendam, & ad pervertendam istam temporalem vitam meam. *Et ab his qui oderunt me, quoniam confortari sunt super me:* quamdiu sub ipsis sum ignorans Deum.

*Prævenierunt me in die afflictionis meæ.* Priores mihi nocuerunt in tempore quo mortale, & laboriosum corpus gero. *Et factus est Dominus firmamentum meum.* Et quoniam amaritudine miseriarum firmamentum terrene (d) voluntatis contribulatum, atque convulsus est, factus est Dominus firmamentum meum.

*Et eduxit me in latitudinem.* Et quia carnales patiebatur angustias, eduxit me in spiritualem latitudinem

fidei. *Eruit me, quoniam voluit me.* Antequam illum ego vellem, eruit me de inimicis meis potentissimis, qui mihi invident jam volenti eum, & ab his qui oderunt me, quia volo eum.

*Et retribuet mihi Dominus secundum iustitiam meam.* Retribuet mihi Dominus secundum iustitiam bonæ voluntatis, qui prior præbuit misericordiam, antequam haberem bonam voluntatem. *Et secundum puritatem manuum mearum retribuet mihi.* Et secundum puritatem factorum meorum retribuet mihi, qui tribuit mihi, ut bene facerem, educendo me in latitudinem fidei.

*Quia custodivi vias Domini.* Ut in (e) latitudinem bonorum operum, quæ per fidem sunt, & longanimitas perseverando consequatur.

*Nec impie gessi a Deo meo, quoniam omnia iudicia ejus in conspectu meo sunt semper.* Quoniam omnia iudicia ejus, id est (f) per misericordiam iustorum, & penas impiorum, & flagella corrigendorum, & tentationes probandorum perseveranti contemplatione considero. *Et iustitias ejus non repuli a me.* Quod faciunt deficientes sub sarcina earum, & revertuntur ad vomitum suum.

*Et ero immaculatus coram eo, & observabo me ab iniquitate mea.* Et retribuet mihi Dominus secundum iustitiam meam. Itaque non solum propter latitudinem fidei, quæ per dilectionem operatur, sed etiam propter longitudinem perseverantiae retribuet mihi Dominus secundum iustitiam meam.

*Et secundum puritatem manuum mearum retribuet mihi in conspectu oculorum ejus.* Quoniam quæ videntur, temporalia sunt; quæ autem non videntur æterna sunt, quo pertinet altitudo spei.

L 2

Cum

(a) Joan. 4. 14.

(b) Luc. 10. 9.

(c) Luc. 13. 5.

(d) Edit. voluptatis.

(e) Edit. latitudo.

(f) Edit. &amp; præmia iustorum.

Cum sancto sanctus eris. „ Est etiam occulta profunditas, qua intellexeris cum sancto sanctus eris, quia tu sanctificas. *Es cum viro innocente innocens eris* : & quia nulli nocet, sed crinibus peccatorum suorum uniusquisque confringitur.

*Es cum electo electus eris*. „ Et ab eo quem eligis, elegeris. *Es (a) cum peruersis subuerteris*. Et cum peruerso videris peruersus : (b) ob quod eis non faves, peruersus esse videris, quoniam dicunt non est recta via Domini : & ipsorum via non est recta.

*Quoniam tu populum humilem saluum facies*. „ Hoc autem peruersum videtur peruersis, quod confidentes peccata sua saluos facies. *Es oculos superbarum humiliabis*. Ignorantes autem Dei iustitiam, & suam volentes constituere, humiliabis.

*Quoniam tu (c) illuminabis lucernam meam Domine*. „ Quoniam non est nostrum lumen ex nobis, sed tu illuminabis lucernam meam Domine. *Deus meus illumina tenebras meas*. Nos enim peccatis nostris tenebræ sumus, sed Deus meus illuminabit tenebras meas.

*Quoniam a te (d) eripiar a tentatione*. „ Quoniam non a me, sed a te, eruar a tentatione. *Es in Deo meo transgrediar murum*. Et non in me, sed in Deo meo transgrediar murum, quem inter homines, & celestem Hierusalem peccata crexerunt.

*Deus meus immaculata est via ejus*. „ Deus meus non venit in homines, nisi mundaverint viam fidei, qua veniat ad eos, quia immaculata est via ejus. *Eloquia Domini igne examinata*. Eloquia Domini igne (e)

examinationis probantur : *Protektor est omnium sperantium in se*. Et omnes, qui non in se ipsis, sed in illo sperant, eadem tribulatione non consumuntur : spes enim sequitur fidem.

*Quoniam quis Deus prater Dominum* ? „ Cui (f) servi sumus. Et quis Deus, prater Dominum, quem, post bonam servitutem tanquam hereditatem speratam filii possidebimus ?

*Deus qui praeiunxit me virtute*. „ Deus qui me praeiunxit, ut fortis sim : ne diffuentes sinus cupiditatis impediunt opera, & gressus meos. *Es posui immaculatam viam meam*. Et posuit immaculatam viam caritatis, qua ad illum veniam, sicut immaculata est fides, qua venit ad me.

*Qui perfectis pedes meos tanquam cervi*. „ Qui perfecit amorem meum, ad transcendenda spinosa, & umbrosa implicamenta huius seculi. (g) Cervos, spirituales viros appellat propter alacritatem veloci cursu : robustorum enim mentes in Deo immobiliter fixæ tanto adversa quæque despiciunt, quanto cernunt, quod contra præcepta conditoris exerceant : æternitatis quippe præmia præstolantes, vires ex adversitatibus sumunt, quia crescente pugna gloriosiores sibi non ambigunt manere victoriam. Sic itaque electorum desideria dum premuntur adversitate, proficiunt, sicut ignis statu premitur, ut crescat : & unde quasi extingui cernitur, inde roboratur. In eo namque ostendimus, quanta ad Deum cupiditate flagramus, si non solum ad eum per tranquilla, & mollia, sed etiam per aspera, & dura transimus. Bene ergo per psalmistam dicitur : *Qui perfectis pedes meos*

„ TAN-

(a) Edit. peruersus eris.

(b) Verba hæc : ob quod [idest ob hoc quod] eis non faves peruersus esse videris desunt in editis.

(c) Edit. illuminabis.

(d) Edit. eruar.

(e) Edit. tribulationis.

(f) Edit. servimus.

(g) Verba hæc : cervos, spirituales viros appellat propter alacritatem veloci cursu [idest in veloci cursu, seu si vis, veloci cursu, Claudii sunt : reliqua Gregorii Magni allegati a Patetio ex lib. 16. Moralium [ Num. 24. alias cap. 16. olim 10. ]



tanquam cervi. Cervus enim cum-  
montium iuga confendit, quæque  
aspera, quæque se obijciunt lentibus  
illigata, dato saltu transgreditur, &  
absque ullo cursus sui obstaculo, (a)  
in superioribus elevatur. Ita etiam  
electorum mentes, quæque sibi in  
hoc mundo obfistere, atque obviare  
conspiciunt, contemplationis saltu  
transcendunt: & more cervorum, de-  
spectis terrenarum rerum lentibus, in  
superna se evebunt.

Es super excelsa statuet me. Et su-  
per celestem habitationem figet inten-  
tionem meam, ut implear in (b) om-  
nem plenitudinem Dei.

Qui doces manus meas, ad prælum.  
Qui docet me operari ad superandos  
inimicos, qui nobis intercludere ce-  
lestia regna conantur. Es posuisti, ut  
arcum arcum, brachia mea. Et po-  
suisti insatigabilem intentionem bo-  
norum operum meorum.

Es dedisti mihi protectionem salu-  
tis meæ: O dextera tua suscepit me.  
Idest favor gratiæ tuæ suscepit me.  
Es disciplina tua direxit me in sa-  
nem. Et (c) correctio tua me de-  
viare non sinens, direxit, ut quic-  
quid ago, in eum finem referam,  
quo (d) coronetur mihi. Es disci-  
plina tua ipsa me docebis. Et eadem  
correctio tua me docebit pervenire,  
quo direxit.

Dilatasti gressus meos subter me.  
Nec impediunt carnales angustiae,  
quoniam latam fecisti caritatem me-  
am operantem hilariter, etiam de  
ipsis, quæ subter me sunt, mortali-  
bus rebus, & membris. Es non sunt  
infirmata vestigia mea. Et non sunt  
infirmata sive itinera mea, sive signa,  
quæ impressa sunt ad imitandum se-  
quentibus.

Persequar inimicos meos, O com-  
prehendam illos. Persequar affectus  
carnales meos, ne ab eis comprehen-

dar: sed comprehendam illos, ut ab-  
sumantur. Es non convertar donec  
deficiam. Et ab ista intentione non  
convertar ad quietem, donec defi-  
ciant qui obstreperunt mihi.

Es confringam illos; nec poterunt  
flare. Confringam illos, nec dura-  
bunt adverlum me. Cadent subter  
pedes meos. Deiciatis illis, præponam  
amores, quibus ambulo in æter-  
num.

Es precinxisti me virtute ad bel-  
lum. Et contrinxisti fluentia deside-  
ria carnis meæ, virtute, ne in tali  
pugna præpèderent. Supplantasti in-  
surgentes in me subter me. Decipi  
fecisti eos, qui me insequabantur, ut  
subter me fierent, qui super me esse  
cupiebant.

Es inimicos meos dedisti mihi dor-  
sum. Et inimicos meos convertisti,  
& dorsum mihi eos fecisti esse; idest,  
ut sequerentur me. Es odio habentes  
me, perdidisti. Alios autem eo-  
rum, qui in odio perdurarunt, disper-  
disti.

Clamaverunt nec erat qui salvos  
faceret. Quis enim salvos faceret,  
quos tu non faceres? Ad Dominum  
nec exaudivit eos. Nec ad quemli-  
bet, sed ad Dominum clamave-  
runt, nec exauditione dignos judi-  
cabit non recedentes a malitia  
sua.

Es comminuum illos, ut pulverem  
juxta (e) faciem veni. Et comminuum  
illos: aridi enim sunt, non recipien-  
tes imbrem misericordiæ Dei, ut e-  
lati, & inflati superbiâ ab ipse fir-  
ma, & inconcussa tanquam terræ  
soliditate, & stabilitate rapiantur.  
Ut lutum platearum delebo eos.  
Per latas, quas multi ambulant, per-  
ditionis vias, luxuriantes, & lubricos,  
delebo eos.

Erues me de contradictionibus po-  
puli. Erues me de contradictionibus

CO-

(a) Sic Paterius, sed in vulgata S. Gregorii libro in superiora. (b) E-b. 3. 19.

(c) Edit. correptio. (d) Edit. cohereret tibi. (e) Edit. ante.

eorum, qui dixerunt: si dimiserimus  
eum vivum (a), omne seculum post  
eum ibit.

*Constituet me in caput gentium.*  
Populus quem non cognovi, (b) ser-  
vici mibi. Populus gentium, quem  
corporali præsencia non vilitavi, ser-  
vivit mihi. In obauditu auris obedivit  
mibi. Nec oculis me vidit, sed reci-  
piens prædicatores meos in obauditu  
auris obaudivit mihi.

*Filii alieni mentis sunt mihi.* Filii  
non mei dicendi, sed potius alie-  
ni, quibus recte dicitur: vos ex pa-  
tre diabolo estis, mentis sunt mi-  
bi. Filii alieni inveteraverunt. Filii  
alieni, quibus ut renovarentur,  
novum testamentum attuli, in (c) ve-  
terem hominem remanserunt. Et clau-  
dicaverunt a semitis suis. Et tan-  
quam uno pede debiles, quia vetus  
tenentes, novum testamentum res-  
puerunt, claudi effecti sunt, etiam  
in ipsa veteri lege potius suas tradi-  
tiones sequentes, quam Dei. (d) Ca-  
lumniabantur enim de manibus non  
lotis, quia tales erant semitæ, quas  
ipsi iterant, & consuetudine trive-  
rant, aberrando ab (e) itinere præ-  
ceptorum Dei.

*Vivis Dominus, & benedictus Deus  
meus.* (f) Secundum autem carnem  
sapere, mors est. Vivis Dominus, &  
benedictus Deus meus. Et exaltetur  
Deus salutis meæ. Et non terrena  
consuetudine de Deo salutis meæ sen-  
tiam: nec terrenam ipsam salutem,  
sed in excelsis de illo sperem.

*Deus qui das vindictam mihi, &  
subdis populos sub me.* Deus qui vin-  
dicas me, subdendo sub me populos.  
Liberator meus de inimicis meis, cla-  
mantibus, crucifige crucifige, Judæis.

*Ab insurgentibus in me exaltabis  
me.* A quibus Judæis insurgentibus

in me patientem, exaltabis me resur-  
gentem. A viro iniquo (g) eripies me.  
A regno eorum iniquo (g) eripies me.

*Propterea confitebor tibi in genti-  
bus, Domine.* Propterea tibi per me  
confitebuntur gentes, Domine. Et  
nomini tuo psallam. Et latius inno-  
telses bonis operibus meis.

*Magnificans salutes regis ipsius.*  
Deus qui magnificat, ut admirabilem,  
faciat salutes, quas ejus filius dat cre-  
dentibus. Et faciens misericordiam  
Christo suo Deus qui facit miseri-  
cordiam Christo suo. David, & se-  
ni ejus usque in seculum. Ipsi libe-  
ratori manu potenti, qui vicit hunc  
mundum, & eis (h), quos in Evan-  
gelio genuit in æternum.

Quæcumque in hoc Psalmo distasunt,  
quæ ipsi non proprie Domino, idest  
capiti Ecclesiæ, congruere possunt, ad  
Ecclesiam referenda sunt. Totus enim  
Christus hic loquitur, in quo sunt om-  
nia membra ejus.

(i) *Hæc autem sunt verba novissi-  
ma, quæ dixit David filius Isai.* Verba  
novissima David non finienda dicit,  
sed perficienda, non consumenda, sed  
quæ cunctis fidelibus perfectionis pleni-  
tudinem conferant.

(k) *Spiritus Domini locutus est  
(l) super me, & sermo ejus per lin-  
guam meam.* Spiritum Domini, Spi-  
ritum Sanctum dicit: sermo Dei Christus  
filius Dei accipitur, ipse enim Christus  
est Christus Dei Jacob.

(m) *Prævaricatores autem quasi  
spina evellentur universi.* Prævaricato-  
res Judæi, atque heretici sunt velut spi-  
næ de Ecclesia, quæ est terra viventi-  
um, avulsi, atque æterno incendio com-  
busti peribunt.

(n) *Hæc nomina forisium David:  
sedens in cathedra sapientissimus prin-  
ceps inter res, ipse est quasi tenerimus  
ligni*

(a) Jo. 11. 48. in editis deest vivum. (b) Edit. servivit. Revera in explicatione habetur:  
servivit. (c) Edit. in veteri homine.

(f) Rom. 8. 6.

(g) Edit. civis.

(i) 11. Reg. Cap. 23. 1.

(k) vers. 2.

(n) vers. 8.

(d) Matth. 23. 2.

(e) Edit. itineribus.

(h) Edit. quos credentes Evangelio:

(l) Virgata: per me. (m) vers. 6.

*ligni vermiculus, qui ostingentos inter-*  
*fecit impetu uno. (a) Non Gesbaa, (b)*  
*ut quidam putant, sed ipse David est*  
*dictus quasi tenerimus ligni vermiculus.*

Per quem virtus simul bellica &  
modesta viri designatur civilitas. Quia  
videlicet sicut vermiculus ligni tener  
quidem, & fragilis toto suo corpore,  
nec non & permodicus apparet, nihilo-  
minus tamen fortissimum ligni robur  
exedens, consumit, & cariosum red-  
dit. Unde a terendo ligna, teredenis  
nomen habet: sic ille affabilis omni-  
bus domi, & quietus, atque humilis  
videbatur, at in certamine publico  
robustum se, atque intollerabilem ho-  
stibus exhibebat. Absurdum non est,  
ut hi tres fortissimi, David, & Eleazar,  
& Samaa, intelligantur Trinitas, Deys  
Pater, & Filius, & Spiritus Sanctus: ad  
quorum aequalitatem ceteri fortissimi  
non pervenerunt. (c) Item (d) ipse  
David in praelio Philistinorum cum  
sitien veraretur in bello, & aquam  
quereret: *Quis mihi potum dabit, ait,*  
*de lacu, qui est in Bethleem?* Et ad  
portas erat iter cisternæ: & David  
(e) interitus hostibus, & cum me-  
dia hostilium cinxerant septa castro-  
rum. (f) Præciderunt tres viri mul-  
titudinem adversariorum, & haue-  
runt aquam de lacu, qui erat in Be-  
thleem, & obtulerunt regi bibendam,  
sed rex noluit bibere, & (g) profu-  
dit illam Domino: *dixitque, non*  
*contingat mihi hoc facere, ut sangui-*  
*nem virorum, qui abierunt (h), ex*  
*animis illorum bibam.* Vicit ergo  
naturam, ut sitiens non bibetet, &  
exemplum de se præbuit, quo omnis  
exercitus tolerare sitim disceret. Quod

si altius velis spectare, & introspec-  
re mysterium, sciebat David, non  
aquam quæ est in Bethleem, sed o-  
riundum in eadem Bethleem ex Vir-  
gine Christum in spiritu prævidebat.  
Ergo volebat bibere, non aquam flu-  
minis, sed lavacrum ex latere Chri-  
sti (i) pluentem: hoc est; non aqua-  
rum sciebat elementum, sed sanguinem  
Christi: unde etiam non bibit aquam  
oblatam, sed Domino fudit, signifi-  
cans scire se Christi sacrificium, non  
naturæ fluentem, sed illud sacrifici-  
um, in quo esset remissio peccatorum,  
illum scire fontem æternum, non qui  
periculis quæreretur alienis, sed peri-  
cula aliena deleteret.

In hoc facto (k) cogitandum,  
summpere est, quantum ad mores ho-  
minum pertinet, ut qui se illicitæ  
meminit commisisse, a quibusdam et-  
iam licitis studeat abstinere: quati-  
nus per hoc conditori suo satisfaciatur,  
ut qui commisit prohibita, a se necip-  
so abstinere debeat etiam concessa,  
& se reprimat in minimis, qui se  
meminit in maximis (l) declinasse:  
(m) Lex certe veteris testamenti a-  
lienam uxorem concupisci prohibet,  
Regem vero fortia iubere militibus,  
vel desiderare aquam, non pœnaliter  
vetat. Et cuncti novimus, quod Da-  
vid concupiscentiæ mucrone transi-  
xit, alienam conjugem, & appetivit,  
& abstulit, cujus culpam digna (n)  
vulnera sunt secuta: & malum quod  
perpetravit, per pœnitentiæ lamenta  
correxuit. Qui cum longe post, con-  
tra hostium cuneos sederet, aquam bi-  
bere de Bethleemis cisterna ex deside-  
rio voluit, cujus electi milites inter ca-

ter-

(a) Hæc compares cum iis, quæ tradidit Bala [quæstione 9.] & manifesto perspicies Claudium  
ea ex præclarissimo hoc Ductore excepisse. (b) Gesbaam Part. I. 21. 2.  
(c) vers. 11. &c. (d) Isidorus [cap. 4. in lib. II. Reg.] subsequenti inquit.  
(e) Interclusus legendum arbitror. (f) Præcesserunt. Sed præstat nostri Codicis le-  
ctio. (g) Pertudit, ut arbitror. (h) Vulgata & animarum periculum bibam.  
Error aliqui hic inesse videtur. (i) Pluentem. (k) Subsequentia ex Patris,  
ideoque ex Gregorio desumpsit Claudius. Vide observo Gregorii humilitatem 34. in Evangelia  
[non. 15.] (l) Edit. deliquisse. (m) Exo. 20. 17. (n) Edit. verbera. Sed  
certe mucro vulnere, non verbera infligit.

„ tervas adversantium medias erumpen-  
 „ tes, aquam quam rex desideraverat,  
 „ illis detulerunt. Sed vir flagellis  
 „ eruditus, semetipsum protinus cum  
 „ periculo militum aquam desiderasse  
 „ reprehendit, eamque Domino fundens,  
 „ libavit: sicut scriptum est: *libavit*  
 „ *eam Domino.* (a) In sacrificio quip-  
 „ pe Domini effusa aqua conversa est,  
 „ quoniam culpam concupiscentiæ ma-  
 „ ctavit per penitentiam reprehensionis  
 „ suæ. Qui ergo quondam concupiscere  
 „ alienam conjugem nequaquam timuit,  
 „ postea etiam, quod aquam concu-  
 „ pisset, expavit. Qui enim se illi-  
 „ cita perperasse meminerat, contra  
 „ semetipsum jam rigidus, etiam a lici-  
 „ tis abstinerebat.

(b) Ad hanc aquam hauriendam  
 irruerunt *castra Phylistinorum* tres for-  
 tes, Abisai frater Joab, & Banajas fi-  
 lius Jojadæ. (c) Iste Banajas percus-  
 sit duos leones Moab, & ipse descen-  
 dit, & percussit leonem in media ci-  
 sterna diebus nivis. (d) „ Quomodo  
 „ sit factum, Josephus narrat apertius:  
 „ quod videlicet cisterna fuerit nimi-  
 „ um profunda, quæ tempore hyemis  
 „ cum essent omnia nivibus plena, i-  
 „ pla quoque nimio nivium aggestu  
 „ fuerit copquata, quam cum leo su-  
 „ perveniens periculi nescius incidisset,  
 „ ibidem conclusus grandi rugitu  
 „ clamaret: accurrebant homines vide-  
 „ re, quod esset, & dum cum aliis ad  
 „ tale spectaculum adveniret & Bana-  
 „ jas, desiluit statim in cisternam, &  
 „ aggressum mediis in nivibus interse-  
 „ cit leonem.

(e) Dehinc (f) textitur catalogus  
 virorum fortium in figura Sanctorum,  
 qui fortitudine virtutum boni operis,  
 & scientiæ divinx Trinitatis fulti, non

tantummodo se ipsos ab hostibus mali-  
 gnis defendunt, verum infirmos quos-  
 libet protegent.

(g) Peccat post hæc David popu-  
 lum numerando: præcipit enim David  
 Joab, ut perambulare totum Israel,  
 (h) & asseret numerum populi: & hæc  
 ideo Scriptura dicit, (i) quod furor  
 Domini cepit irasci contra Israel. (k)

„ Quod in hoc facto aliud demonstratur  
 „ nisi quod sic pro qualitatibus subdi-  
 „ torum disponuntur acta regentium,  
 „ ut sæpe pro malo gregis etiam ve-  
 „ re boni delinquat vita pastoris? Il-  
 „ le enim, Deo attestante, laudatus, i-  
 „ ste supernorum mysteriorum conscius  
 „ David Propheta, tumore repentinæ  
 „ elationis inflatus populum numeran-  
 „ do peccavit, & tamen vindictam popu-  
 „ lus, David peccante, suscepit. Cur  
 „ hoc? quia videlicet secundum meri-  
 „ tum plebium disponuntur corda re-  
 „ ctorum. Justus vero iudex peccantis  
 „ vitium ex ipsorum animadversione  
 „ corripuit, ex quorum causa pecca-  
 „ vit, sed quod ipse, sua scilicet vo-  
 „ luntate superbiens, a culpa alienus non  
 „ fuit, vindictam culpæ etiam ipse suscep-  
 „ pit. Nam ira sevens, quæ corporaliter  
 „ populum pertulit, rectorem quoque po-  
 „ puli intimo cordis dolore prostravit.  
 „ Certum vero est, quod ita sibi invicem,  
 „ & rectorum merita connectantur, &  
 „ plebium, ut sæpe ex culpa pastorum,  
 „ deterior fiat vita plebium, & sæpe ex  
 „ merito plebium mutetur vita pastorum.  
 „ Sed quia rectores habent judicem suum,  
 „ Dominus (l) æs nummulariorum su-  
 „ dit, & cathedras vendentium colum-  
 „ bas evertit: nimirum significans, quia  
 „ per

(a) Edit. sacrificium.

(b) vers. 16. &c.

(c) vers. 20.

(d) Hac docuit Beda quæst. 10.

(e) vers. 23. 24. &c.

(f) Nonnulla ex

Isidoro desumpsit Claudius, sed ita invertit, ac mutat, ut alium plane sensum ea habeant.

Vide e.g. 7. in lib. II. Reg. Isidori.

(g) II. Reg. cap. 24.

(h) vers. 2.

(i) vers. 1.

(k) Subsequentia habes in Paterio [cap. 25.] ideoque in Gregorio, ex ejus commentariis

in Job. [lib. 25. num. 35.] desumpsit Paterius. (l) Matth. 21. 12.

per magistros quidem vitam iudicat plebium, sed per semetipsum facta. examinat magistrorum: quamvis etiam subditorum vitia, quæ a magistris modo vel dissimulantur iudicari, vel nequeunt, ejus procul dubio iudicio reservantur. Igitur dum salva fides agitur, (a) virtus ex merito est, si quicquid prioris est, toleratur. Debet tamen humiliter suggeri, si fortasse valeat, quod displicet, emendari. Sed curandum summopere est, ne in superbiam transeat iustitiæ inordinata defensio; ne dum reſtitutione incaute dirigitur, ipsa magistra reſtitutionis humilitas amittatur; ne cum sibi præſe quisque despiciat, quem fortasse contingit, ut in aliqua actione reprehendat. Contra hunc tumorem superbiæ subditorum mens ad custodiam humilitatis edomatur, si infirmitas propria incessanter attenditur: nam vires nostras veraciter examinari negligimus: & quia de nobis fortia (b) credimus, idcirco eos, qui nobis prælati sunt, districte iudicamus. Quo enim nos metipſos minus agnoscimus, eo illos, quos reprehendere nitimur, plus videmus. Singula hæc mala sunt, quæ sæpe a subditis in (c) prælatis sæpe a prælatis in subditis committuntur.

tur, quia & omnes subditos hi, qui præſunt, minus quam ipsi sunt, sapientes arbitrantur: & rarum qui subiecti sunt, Rectorum suorum actiones iudicant: & si ipsos regimen tenere contingeret, se potuisse agere melius putant. Unde plerumque fit, ut rectores minus prudenter ea, quæ agenda sunt, videant, quia eorum oculos ipsa nebula elationis obscurat: & nonnunquam is, qui subiectus est, hoc cum prælatus fuerit, faciat, quod dudum fieri subiectus arguebat. Et pro eo, quod illa, quæ iudicaverat, perpetrat, saltim quia iudicavit, erubescat. Igitur sicut prælatis curandum est, ne eorum corda estimatione singulari sapientiæ locus (d) superius extollat, ita subiectis providendum est, ne sibi Rectorum facta displiceant. Si autem magistrorum vita jure reprehenditur, oportet ut eos subditi etiam cum displicent, venerentur. Sed hoc est solerter intuen- dum, ne aut quem venerari necesse est, imitari appetas, aut quem imitari despicias, venerari contemnas: subtilis etenim via tenenda est reſtitutionis, & humilitatis, ut sic reprehensibilia magistrorum facta displiceant; quantum subditorum mens a servanda magisterii reverentia non recedat.

## M

## INCI-

(a) Edit. virtutis est meritum.

(b) Edit. fortiora.

(c) Edit. prælatos = subditos.

(d) Edit. superior.

## INCIPIUNT CAPITULA

## LIBRI III.

**D**E senectute David, & successione Salomonis, & nomine ejus.

De visione, quam vidit in Gabaeon Salomon, & sapientia ei collata, & iudicio duarum mulierum.

De eo, quod scriptum est, quod Salomon tria millia parabolas ediderit, & fuerunt carmina ejus quinque millia, disputaveritque a cedro usque ad ysofum.

Quomodo Hiram rex Salomonem in opere templi juverit.

Quot operarios Salomon in opere templi habuerit.

De quo lapide templum sit factum.

Quando, vel ubi aedificatum sit templum.

Cujus mensurae sit factum.

De fenestris, & tabulis ejus pergyrum.

De ascensu, & facturis medii, ac tertii tabernaculi.

Ut parietes cedro, ac pavementum sit abiete intextum.

De distincta mensura templi ipsius, & oraculi.

Ut omnis domus sit cedro vestita, & auro.

Ut altare oraculi cedro, & auro.

De cherubin factura.

Ut paries sculptus, & pavementum sit auro vestitum.

De ingressu oraculi, sive templi.

De atriis domus Domini.

Quot annis templum sit aedificatum.

De columnis aereis.

De mare aereo.

De basibus decem, & luteribus.

Quod in regione jordanis facta sunt vasa domus Domini.

De altari utroque.

De mensis decem aureis domus Domini.

De decem candelabris.

De cardinibus hostiorum, & perfectione domus Domini.

Ubi venerunt cuncti fenex ex Israel ad regem Salomonem, & Hierusalem, & detulerunt arcam de Sion: & tulerunt sacerdotes arcam foederis Domini in oraculo templi: & post hæc dicit, quod eminerent vestes, apparentque summitates eorum foris sanctuarium ante oraculum. Dicit etiam, quod non esset aliud in arca testamenti, nisi duæ tabulae lapideæ, quas posuerat in ea Moyses in Oreb.

De nebula, quæ apparuit in domo Domini.

De classe Salomonis, atque Hiram, quæ ibat per annos singulos in Ophir deferre aurum, simias, pavos, & ligna thyina.

De throno Salomonis, & abundantia argenti, & auri Hierusalem.

De casu Salomonis, & fine malorum ejus.

## I N C I P I T

## LIBER III.

(a) **S** Ennit-David, ungiturque Salomon in Regem super omnem Israel in Gion, ut impleretur in illo illa promissio, quæ facta est ad David: (b) *Non tu ædificabis mihi domum, sed filius tuus, qui egredietur de utero tuo.* In quo quidem futuræ rei imago facta est, in eo quod templum ædificavit, & pacem habuit secundum nomen suum. (c), Salomon quippe interpretatur *pacificus*, ac per hoc illud vocabulum illi verissime congruit, per quem mediatorem ex inimicis, accepta remissione peccatorum reconciliatur Deo. Etenim. (d) *cum inimici effemus reconciliari sumus Deo per mortem filii ejus,* idem ipse est, ille *pacificus*, (e) qui fecit utraque unum, & medium pacisem maceris solvens inimicitias in carne sua, legemque mandatorum, decretis evacuans, ut duos conderet in se: in unum novum hominem faciens pacem. Et veniens evangelizavit pacem his, qui longe, & pacem his, qui prepe. Ipse in Evangelio dicit: (f) *pacem meam do vobis, pacem relinquo vobis.* His, & aliis multis testimoniis Dominus Christus *pacificus* esse monstratur. (g) Nam id quod ædificavit templum excellentissimum Domino, & ibi Christum significat, qui ædificavit domum Deo in celestibus, non de lignis, & lapidibus, sed de hominibus sanctis, hoc

est fidelibus, quibus dicit Apostolus: (b) *templum enim Dei sanctum est, quod estis vos.*

Tribus nominibus vocatum fuisse Salomonem, Scripturæ manifestissime doceant, *pacificum* idest Salomonem. Et *Ididam*, idest dilectum Domini, & (i) *Coclesib*, idest Ecclesiasten. Ecclesiastes autem græco sermone appellatur, qui cœtum, idest Ecclesiam congregat: quem nos nuncupare possumus *conciliatorem*, idest qui loquitur ad populum, & sermo ejus non specialiter ad unum, sed ad universos generaliter dirigitur. Porro *pacificus*, & dilectus Domini ab eo quod in regno ejus pax fuerit, & eam Dominus dilexerit, appellatus est: nam & Psalmus quadragesimus quarius, & septuagesimus primus: *Dilecti*, & *pacifici* titulo prænotantur, qui tamen ad prophetiam Christi, & Ecclesiæ pertinentes, felicitatem, & vires Salomonis excedant, tamen secundum historiam, super Salomonem conscripti sunt.

(k) Abiit itaque Salomon in Gabaon, & immolavit ibi holocaustum. Domino: ubi apparuit ei Dominus per noctem, & exaudivit deprecationem, quam postulavit, deditque ei sapientiam & scientiam, intantum ut nullus ante similis illi fuerit, nec post illum surrecturus sit. Post acceptam autem divinitus sapientiam, mox turpium mulierum causa de judicio tentatur. (l) Ubi notandum, quod postquam Do-

M 2

mi-

(a) III. Reg. 1. (b) II. Reg. 7. 5. 12. 13. (c) Desumpta sunt subsequenter ex enarratione Augustini in Psal. 71. [ numero ipso primo. ]  
 (d) Rom. 5. 10. (e) Eph. 1. 14. Hac exseribit Isidorus cap. 2. in III. Reg. (f) Jo. 14. 27.  
 (g) Subsequentia porro in Isidoro tantum inveni. (h) 1. Cor. 3. 17.  
 (i) Eccl. 1. 1. (k) Cap. 3. 4. (l) Hac, qua lineolis ad marginem pro more postis notavi, ex Paterio, ideoque ex Gregorio Magno Claudijs sumpsit. Vide obsecro, qua tradit ille lib. 8. Moralium [ num. 48. cap. 29. alias 17. ]

minus erroris nostri tenebras lucis sue cognitionis illustrat, mox tentationis aculeo, visitando probat, quia & accendendo corda nostra ad virtutes provehit, & recedendo concuti tentatione permittit. Si enim post virtutum munera, nulla tentatione (a) concuteretur, hoc se jam habere animus ex se ipso gloriaretur. Ut ergo ea (b) firmitas dona habeat, & infirmitatem suam humiliter agnoscat, per accessum gratiæ ad alta sustollitur, & per recessum, quid ex se ipso sit, probatur. Quod bene nobis ex historia hujus sacræ lectionis innuitur. Quia Salomon, & divinitus accepisse sapientiam, & tamen post acceptam eandem sapientiam, meretricum statim pulsatus quæstione memoratur. Mox enim, ut gratiam tantæ revelationis accepit, certamen turpium mulierum pertulit: quia nimirum sæpe cum mentem nostram concessis virtutibus respectus intimæ (c) claritatis illuminat, hanc protinus etiam lubricæ cogitationes turbant, ut quæ sublevata immenso munere exultat, etiam tentatione pulsata, quid sit, inveniat. Sic Helias, & visitatus desuper, sermone cælos aperuit, & tamen probatus, subito infirmus per deserti fugiens (d), nimum mulierem expavit. Sic Paulus ad tertium cælum (e) ducitur, Paradisi penetrans secreta considerat, & tamen ad semetipsum rediens, contra carnis bellum laborat, (f) legem aliam in membris sustinet, cujus in se rebellionem fatigari, spiritus legem dolet. Post (g) donationem ergo muneris, id circo Deus hominem probat, quia & collato munere sublevari, & abstracto paululum, ipsum sibi hominem demonstrat. Quod eo usque pro-

cul dubio patimur, quo deterfa funditus labe peccati, ad promissæ incorruptionis substantiam reformemur. (b) In isto judicio Salomonis, ubi primum habuisse judicium inter duas mulieres de pietate certantes describitur, quarum in una dilectio ardebat, in altera simulatio subripiebat, Christi figura fuit; ubi mulier illa improba plebs scilicet synagogæ vel hæreticorum vere matris, hoc est Ecclesiæ filium appetebat: quem (i) non ut reservaret, sed revera ut interimeret, cupiebat; sed sicut gladio Salomonis (k) dirimentem, propriæ matris gemitu, iste verus repertus est partus, ita & spiritu Jesu Christi docente, plerumque hi, qui a matre seducti, & capti sunt errore hæreticorum, vel synagogæ, nonnumquam merentur pro semetipsis gentem recognoscere Ecclesiam matrem: unde satis, convenienterque apparet, hanc mulierem, hæreticorum, vel synagogæ figurasse impietatem, quæ & suos nequit nutritendo, interimunt, & alienos, quousque perdant, illiciendo perluadent. Moraliter vero (l) in hac sententia, quid aliud per matrum læstantium nomina, nisi Doctorum ordo? quid vero per earum filios, nisi discipulorum persona signatur? Nam magistri nimirum vigilantes quidem scientia, sed vita dormientes, auditores suos, quos per vigilias prædicationis nutriunt, dum quod dicunt, facere negligunt, per somnium torporis occidunt, & negligendo opprimunt, quos alere verborum lætæ videbantur. Unde, plerumque, dum ipsi reprehensibiliter vivunt, & habere discipulos vitæ laudabilis nequeunt, alienos sibi attrahere conantur, quatenus dum-

(a) Edit. concutitur & mox: gloriatur.

(d) unam.

(e) raptus.

(f) Rom. 7. 21.

(g) dationem.

(h) Hæc enim Paternus, idcirco Gregorius. Quæ subsequuntur, ex Isidoro didicit Claudius: Vide cap. 2. Libri tertij Reg. v. 17.

(i) In edit. nisi ut reservaret, sed male.

(k) Diripiente, sed hoc quoque male.

(l) Rursus redit Paternus, seu Gregorius

num. 16, & 17. lib. 23. Moralium subsequencia tradens.



„ bonos se habere sequaces ostendunt ,  
 „ apud judicia hominum excusent ma-  
 „ la, quæ agunt , & quasi per subdito-  
 „ rum vitam, mortiferam tegant negli-  
 „ gentiam . Unde & illic mulier, quæ  
 „ filium extinxit proprium, quæsitivæ a-  
 „ lienum : sed tamen veram matrem Sa-  
 „ lomonis gladius invenit, quia videlicet  
 „ cujus fructus vivat, vel cujus intreat,  
 „ in extremo examine ira districti judicis  
 „ demonstrat. Ubi & illud est solerter  
 „ intuendum, quod vivens filius prius  
 „ dividi præcipitur , ut soli postmo-  
 „ dum matri reddatur : quia in hac vi-  
 „ ta quasi partiri conceditur vita di-  
 „ scipuli , dum ex illa nonnunquam  
 „ alter apud Deum meritum, alter ve-  
 „ ro apud homines laudem habere per-  
 „ mittitur. Sed falsa mater, eum, quem  
 „ non genuit, occidi non metuit; quia  
 „ arrogantes magistri, & caritatis igna-  
 „ ri, si plenissimum nomen laudis ex  
 „ alienis discipulis consequi nequeunt,  
 „ eorum vitam crudeliter insequuntur.  
 „ Invidiz enim face succensi, nolunt  
 „ aliis vivere, quos conspiciunt se non  
 „ posse possidere : Unde & illic perva-  
 „ sa mulier clamat : (a) *nec meus sis,*  
 „ *nec istius*. Ut enim diximus, quos si-  
 „ bi obsequi non vident, ad gloriam  
 „ temporalem, eos aliis invident vive-  
 „ re per veritatem. Vera autem mater  
 „ fatagit, ut ejus filius saltim apud ex-  
 „ traneam sit, & vivas; quia con-  
 „ dunt veraces magistri, ut ex eorum  
 „ discipulis alii quidem magisterii lau-  
 „ dem habeant; si tamen integritatem  
 „ vitæ iidem discipuli non amittant,  
 „ per quæ pietatis viscera, hæc eadem  
 „ vera mater agnoscitur, quia omne  
 „ magisterium in examine caritatis ap-  
 „ probatur, & sola totum recipere me-  
 „ ruit, quæ quasi totum (b) cessit :  
 „ quia fideles præpositi pro eo quod ex  
 „ bonis discipulis suis non solum aliis

„ laudem non invident, sed utilitatem  
 „ eis etiam (c) provectus exorant; ipsi  
 „ & integros, & viventes filios reci-  
 „ piunt quando in supremo examine,  
 „ ex eorum vita perfectæ retributionis  
 „ gaudia sequuntur :

„ (d) „ *Locutus est quoque Salomon*  
 „ *tria millia parabolas : & sue-*  
 „ *runt carmina ejus (e) quinque mil-*  
 „ *lia*. Quid enim per tria millia para-  
 „ bolas, nisi plenitudo fidei in lege,  
 „ & Evangelii a Christo tradita desi-  
 „ gnatur? quæ dum tota multipliciter  
 „ per allegiarum (f) sensus sub (f) mini-  
 „ sterio Trinitatis disleritur, quasi tria  
 „ millia parabolæ nuncupantur. Car-  
 „ mina autem ejus quinque millia pro  
 „ quinque sensibus corporis intelligun-  
 „ tur, quos qui in diversis virtutibus  
 „ bene (g) gerit, beatus est, & per eos  
 „ quasi quinque millia carmina Domi-  
 „ no canit.

„ (h) Disputavit autem Salomon a  
 „ cedro usque ad yfopum. Cedri nomi-  
 „ ne celsitudo gloriæ in electis accipi-  
 „ tur : sicut & Propheta testatur di-  
 „ cens : (i) *Iustus ut palma florebit,*  
 „ *& sicut cedrus, quæ est in Libano,*  
 „ *multiplicabitur*. Yfopus autem herba  
 „ est humilis, saxo hærens, qua signat-  
 „ ur humilitas Christi . Redemptor  
 „ quippe noster a cedro usque ad yfo-  
 „ pum disputavit, quia ab alta excel-  
 „ lentia celestis gloriæ usque ad carnis  
 „ humilitatem descendendo pervenit : si  
 „ quidem & cedri nomine pravorum  
 „ superba elatio designatur, sicut per  
 „ David dicitur : (k) *Vox Domini con-*  
 „ *fringentis cedros*. A cedro itaque  
 „ Christus usque ad yfopum (l) dis-  
 „ putat, quia pravorum corda, & hu-  
 „ milium iudicat. *Super ligna autem*  
 „ *disputavit*, dum in cruce pendit.  
 „ Tunc enim in cedro, sæculi arrogan-  
 „ tiam inclinavit; quam etiam ad yfopi  
 „ hu-

(a) vers. 26. (b) concessit. (c) provectus. (d) Cap. 4. 32. Subsequentia perquire  
 in Isidoro libro III. Regum commentariis illustrante. (e) Vulgata quinque & mille.  
 (f) mysterio. (g) regit. (h) vers. 33. (i) Psalm. 91. 13. (k) Psalm. 28. 5.  
 (l) Edit. disputavit. Praefero lectionem codicis nostri, nam deinceps habet iudicat.

humilitatem, idest usque ad crucis stultitiam, ac contemptibilem fidem deduxit.

(a) Sequitur (b) dehinc historia: quando Salomon edificaturus domum Domino, quesierit auxilium ab Hiram rege Tyri, qui erat amicus David omni tempore, & cum ipso quoque Salomone, postquam regno potitus est, pacem habere jam ceperat, promptumque mox Salomon ad ajuvandum se, in omnibus ejus invenerit animum, ita ut artifices illi, & ligna, & aurum, prout opus habebat, dederit: cujus beneficii gratia Salomon ei per annos singulos plurimos tritici, & olei choros in cibum domui ejus dabat. Nulli autem dubium, quod Salomon, qui interpretatur *pacificus*, & ipso nomine, & serenissimo regni sui statu illum significet, de quo dixit Isaias: (c) *Multiplicabitur ejus imperium, & pacis non erit finis*. Hiram vero, qui latine dicitur *vivens excelsus*, credentes ex gentibus, & vita simul cum fide gloriosos figuraliter exprimit. Neque aliquid prohibet, quin Hiram, qui rex erat, regalique potentia Salomonem, idest *Pacificum* in edificio domus Domini juvabat, conversos ad fidem (d) ipsos rerum Dominos typice denotet, quorum ope constat Ecclesiam saepe adjutam, ac nobiliter augmentatam, & contra haereticos, schismaticos, & paganos principalibus erectam esse decretis. Petit ergo Salomon in opere templi auxilium ab Hiram, quia cum veniens in carne Dominus, dilectam sibi domum, videlicet Ecclesiam, edificare displiceret, non de judicis tantummodo, verum etiam de gentibus, adjuutores operis elegit, nam de utroque populo ministris sermonis assumptis. Misit Hiram Salomoni praecisa de libano li-

gna cedrina, & abiegna, quae in domo Domini ponerentur, quia conversis gentilitas misit ad Dominum viros quondam ad seculum claros, secure dominicae increpationis de monte suae superbiae jam dejectos & humiliatos, qui ad normam evangelicę veritatis instituti, in edificio Ecclesiae pro suo quisque merito, vel tempore collocarentur.

Misit etiam artifices, quia conversos ad veram sapientiam philosophos, qui gratia eruditionis, populis quoque regendis jure proponerentur, Domino gentilitas obtulit, qualis ipsis Apostolorum temporibus Dionysius Areopagita, qualis deinceps doctor suavissimus, & fortissimus martyr Cyprianus, alique quamplurimi. Misit aurum: quod in eadem pene significatione accipitur. Quia nimirum viros sapientia, & ingenio praecellosos (e) ostendit, pro quibus cunctis oblationibus gentilitas a Domino dona expectat gratiae celestis: triticum videlicet verbi Dei, & oleum caritatis, atque unctionis, & illuminationis Spiritus Sancti. Convenit apte rebus Ecclesiae, quod auxilium sancti operis flagitans: ait ad Hiram Salomon: (f) *Præcipe genti, ut præcidat mibi cedros de libano, & servi mei sint cum servis tuis*: Servi quippe Hiram, qui præcidebant cedros Salomoni de libano, doctores sunt electi de gentibus, quorum officii est eos, qui in mundo hoc, rebus & gloria letabantur, a superbia fastu corrigendo sternere, atque ad obsequium sui redemptoris eorum vota transferre. Cum quibus videlicet servis, erant & servi Salomonis, ac pariter memorato inflant operi, quia primi doctores ex gentibus necesse habebant ipsorum Apostolorum, qui a Domino didicerant, eruditione in verbo fi-

dei

(a) Caput V. (b) Quae sequuntur lineolis pro more notata, in Rabano etiam sunt.  
(c) 9. 7. (d) carum rerum. (e) Ecce legendum est obtulit.  
(f) Ill. Reg. 5. 6.

dei institui: ne si absque magistris docere inciperent, magistri existerent erroris. Idcirco etenim Salomon servos Hiram cedere sibi voluit ligna de libano, quia doctiores erant servis suis ad cedendum. Sed idcirco etiam servos suos similiter adesse voluit, ut ostenderet cedentibus, cujus mensuræ ligna fieri deberent. Cujus rei figura in promptu est, quia nimirum Apostoli certius verbum Evangelii, quod a Domino audire, noverunt. Sed gentiles ab errore liberati (a) atque ad veritatem Evangelii transformati, melius ipsos gentium errores noverant: & quo certius noverunt, & artificiosius hos expugnare, atque evacuare didicerunt. (b) Paulus quidem Sacramentum Evangelii, quod per revelationem didicerat, melius novit; sed Dionysius melius revincere poterat falsa Ethnicorum dogmata, quorum cum erroribus syllogismos a puero, & argumenta cuncta noverat. Cui sensui convenit apte quod sequitur: (c) *Scis enim, quod non est in populo meo vir, qui noveris cedere ligna sicut Sidonii.* Non enim erat in populo Judæorum, ubi Dominus corporaliter præsens docebat, ullus virorum, qui tam docte nosset errores refellere gentilium, quam ipsi ad fidem conversi gentiles, & ex gentibus facti Christiani. Sidonii namque & Tyrii, quia gentilium fuerunt populi merito figura gentium accipiuntur. Quod autem servos Salomon noster in hoc opus miserit, in sequentibus mystico sermone designatur, cum dicitur. (d) *Elegit Salomon operarios de omni Israel:* (e) *Et erat inditio triginta millia virorum, miscebatque eos in libanum, decem millia per menses singulos vi-*

*cissim, ita ut duobus essent in domibus suis.* Ubi primo notandum quod non frustra Salomon operarios de omni Israel elegit; neque erat ulla portio populi, de qua non digni tanto opere viri assumerentur. Quia nimirum non de una stirpe Aaron sacerdotes eligendi, sed de omni sunt Ecclesia quærendi, qui ædificare domum Domini, vel exemplo suo, vel dicto sufficiant: & ubicumque inventi fuerint, mox in officium Doctorum absque ulla personarum acceptatione promovendi, talesque, cum ad erudiendos infideles, atque in collegium Ecclesiæ vocandos ordinantur, quasi ad cedendas in libano materias templi, viri strenui, atque electi mittuntur. Et quidem numerus triginta millium, quo iidem lignorum celos censebantur, potest ad eorum figuram apte referri, qui in fide sanctæ Trinitatis sunt perfecti, quod doctoribus maxime congruit. Verum, quia triginta millia ita erant ordinati, ut dena millia per menses singulos operi sancto instarent, magis denarii numeri sacramentum perpendere debemus. Dena namque millia virorum de Israel ad cedenda ligna in opus domus Domini mittuntur, quia quicumque doctores, atque insipientium eruditores sunt ordinandi, decem præcepta legis per omnia & ipsi observare, & auditoribus satis debent observanda monstrare; sed & præmia in cælis futura, quæ denario solent figurari, & ipsi sperare, & auditoribus suis speranda semper debent intimare. Terni autem menses, quorum distantia singulis erat lignorum cesoribus imposita, perfectionem trium vir-

(a) Additur vel conversi, quæ in Rabano ipso extant quidem, sed deest vox liberati. Eam si vult, delect Lector. (b) Haslenns Rabanus: reliqua, a quibus lincola abjunct in tantemmodo, Claudio reperi, secuto scilicet morem, quem alibi his verbis exposuit: nonnulla etiam, ut mihi visum est, infra illorum locutionem, mea studii coniungere verba, quæ utramque expositionem absque scissione conjungerent. [in epistol. ad Galat.] (c) Cap. 6. vers. 6. (d) vers. 13, & 14. (e) Rursum redit Rabanus.

„virtutum evangelicarum typice de-  
 „nuntiant, elemosinæ videlicet ora-  
 „tionis, & jejunii. (a) Harum fecit  
 „mentionem, quæ non ad hominum o-  
 „stentationem, sed ad solam interni in-  
 „spectoris gloriam essent facienda, a-  
 „liquin a fructu æternitatis vacua ma-  
 „nerent. Quibus verbis aperte docuit o-  
 „mnes virtutum fructus, his tribus quasi  
 „ramis de una caritatis radice produn-  
 „tibus insinuari. „Per elemosinam nam-  
 „que comprehenduntur omnia, quæ ad  
 „dilectionem proximi explenda beni-  
 „vole in fratres operamur: Per ora-  
 „tionem omnia, quibus per internam  
 „compunctionem nostro conditori con-  
 „jungimur. Per jejunium omnia quib-  
 „us nos a contagione vitiorum, &  
 „illecebris seculi observamus, ut li-  
 „bera mente, & corpore casto dilec-  
 „tioni valeamus inherere semper, &  
 „nostri conditoris, & proximi. Et  
 „isti sunt tres menses operariorum  
 „templi. Nam quia mensis plenitudi-  
 „ne d' erum lunaris circuli perficitur,  
 „per illum plenitudo virtutis cuiusque  
 „spiritualis ostenditur, in qua mens  
 „fidelium a Domino cotidiana illustra-  
 „tione quasi Luna a Sole respicitur.  
 „(b) Unus vero mensis, quo ligna ad  
 „opus templi cedebant, elemosina est,  
 „idest opus misericordiæ, quæ erga sa-  
 „lutem proximi, ut in unitatem sanctæ  
 „Ecclesiæ bene proficiendo perveniat,  
 „docendo, castigando, temporalia com-  
 „moda impendendo, vitæ exempla mon-  
 „strando, laboramus. Duo autem reli-  
 „qui menses, quibus in domibus suis ma-  
 „nere, ac suis necessitatibus sunt vaca-  
 „re, permitti, oratio est, & jejunium,  
 „quibus præterea ea, quæ erga necessita-  
 „tem fratrum foris operamur, nostræ sa-  
 „lutis propriæ curam intus conversa ad  
 „Dominum mente, gerimus. Et quoniam  
 „illi solum perfecte vel suæ, vel frater-

næ salutis curam gerunt, qui se Intui-  
 „tione divini gratiæ humiliter subdunt,  
 „recte sequitur. (c) „Et Adoniram erat  
 „super hujusmodi indictione. Adoni-  
 „ram namque, qui latine dicitur: Do-  
 „minus meus excelsus, quem melius,  
 „quam ipsum, quem nomine imitatur  
 „insinuat, Dominum videlicet Salva-  
 „torem? Et tunc Adoniram operariis  
 „templi præponitur, ut sua provisio-  
 „ne rite ordinet, quibus mensibus sin-  
 „guli ad operandum exeant, quibus  
 „denuo ad curandum domum suam re-  
 „deant, cum Domiaus, & Salvator  
 „noster mentes sanctorum prædicato-  
 „rum sua familiariter illustratione in-  
 „format, ad discernendum, quando opor-  
 „teat, ædificandi Ecclesiam opus inire:  
 „prædicando, vel alia pietatis officia  
 „præstando, & quando rursus conveni-  
 „at ad suam ipsorum concientiam  
 „examinandam, quasi ad inspiciendam  
 „domum suam, reverti, & hanc ora-  
 „tionibus, ac jejuniis superno inspecto-  
 „re, ac visitatore dignam reddere.

(d) Fuerunt itaque Salomoni se-  
 „ptuaginta millia eorum, qui onera porta-  
 „bant, & octoginta millia lætæorum in  
 „monte, absque præpositis, qui præcærant  
 „singulis operibus, numero trium millium  
 „trecentorum præcipientium populo, & bis,  
 „qui faciebant opus &c. „(e) Latomos  
 „dicunt lapidum cefores. Idem autem  
 „lapidum cefores, quod & lignorum ce-  
 „fores figurate designat: hoc est san-  
 „ctos prædicatores, qui mentes inspi-  
 „cientium de labore verbi Dei exercent,  
 „eosque ab ea, in qua nati sunt, tur-  
 „pitudine, ac deformitate transmuta-  
 „re contendunt: ac regulariter insiti-  
 „tutos unitati fidelium, ædificio vide-  
 „licet domus Dei, aptos reddere cu-  
 „rant. Quod autem & ligna, & la-  
 „pides in monte ceduntur, & cæsa,  
 „ac præparata utrâque materia, ad  
 „mon-

(a) Quæ notata non invenis, a vulgatis Rabani exemplaribus absunt. An quia ea Claudius de suo inseruit: an potius quia operatorum negligentia ea absint? Indicaverit Lector.  
 (b) Hæc non extant in vulgatis Rabani operibus. Cur id evenerit, Lectori dijudicandum relinquo.  
 (c) vers. 14. (d) vers. 15, & 16. (e) Rufus Rabaanus occurrat, quem docentem habes, dum lineolas ad marginem positas invenieris.

montes domus Domini transfertur, patet sensus; quia omnes homines in monte superbiz nati sumus; quia de prævaricatione primi hominis, quam superbia fecit, originem carnis traximus. Quicumque gratia Dei præordinati sumus ad vitam, excidimur catechizando, & Sacramenta fidei percipiendo, de monte superbig in montem domus Domini transferimur, qui eruti de potestate tenebrarum, ad arcem virtutum, quæ est in unitate sanctæ Ecclesiæ, pervenimus. Notandum autem, quod iidem operarii ita erant distributi, ut pars in monte lapides cederent, pars item onera portarent. Diverfa sunt namque dona spiritus, & quidam majorem dicendi, ac protervos arguendi constantiam habent, quidam mitiores ad consolandos pusillanimes, & infirmos sublevandos existunt, quidam utriusque virtutis munere præditi ad opus Domini conveniunt, quales fieri voluit eos, de quibus loquitur Apostolus dicens: (a) *Corripite inquietos, consolamini pusillanimes, suscipite infirmos, patientes estote ad omnes.* Præpositi autem, qui præerant singulis operibus, ipsi sunt sacræ conditores Scripturæ, quorum magisterio in omnibus erudimur, quomodo (b) incipio docere, & contemptores corripere: (c) quomodo nos invicem onera nostra portare, ut impleamus legem Christi, conveniat.

(d) Quanto autem quisque plus in sustentandis proximorum necessitatibus, sive in castigandis eorum erratibus laborat, tanto certiora in futuro præmia, vel quietis animarum post mortem, vel beatæ corporum immortalitatis (e) expectat. (f) „Unde recte præfati opera-

rii septuaginta millia, & octoginta millia esse perhibentur. Septuaginta millia videlicet propter sabbatismum animarum: (septimus enim dies in Sabbatum, idest requiem consecratus est.) Octoginta millia propter spem resurrectionis, quæ octava die (idest post Sabbatum) in Domino præcessit, & in nobis quoque octava die, similiter, & octava ætate futura speratur. Præpositi autem erant tria millia trecenti, propter fidem nimirum Sanctæ Trinitatis, quam sancta nobis eloquia prædicant. Quod vero pro tribus millibus trecentis præpositis, (g) in libro paralipomenon tria millia sexcenti sunt scripti, ad eandem prorsus sublimitatem virorum perfectionem respicit. Nam quia in senario numero (h) Dominus mundi ornatum, complevit, recte in eo perfecta bonorum solent opera figurari. Et quia sancta Scriptura cum fide veritatis, opera iustitiz docet habenda, recte præpositi operum templi tria millia, & sexcenti fuisse perhibentur. Nec prætereundum, quod hæc septuaginta, & octoginta millia portantium onera & latomorum cum præpositis suis, non fuerunt de Israel, sed de profelytis, idest advenis, qui morabantur inter eos. Scriptum namque est in libro Paralipomenon (i). *Numeravit igitur Salomon omnes viros profelytos, qui erant in terra Israel, post dinumerationem, quam dinumeravit David pater ejus: & inveni sunt centum quinquaginta millia, & tria millia sexcenti, scilicetque (h) eos septuaginta millia qui humeris onera portabant &c.* Profelyti autem vocabantur græce, qui ex aliis nationibus progeniti, in fidem & consortium

» PO-

(a) 1. Thessa. 5. 14.

(b) mitiores, sed præstat nostra lectio.

(c) Gal. 6. 2.

(d) Quæ lineolis ad marginem positis carent a Rabano edito absunt.

(e) Desse videtur post iudicium extremum, aut aliud ejusmodi. Quomodo locutiones illæ, quæ quietem mortuis tribuunt, accipienda sint, docet Muratorius in libro, quem de statu Mortuorum inscripsit.

(f) Redit rursus Rabanus.

(g) 2. Para. 2. 18.

(h) Desse in editis vox Dominus, quam tamen sensus exposcit.

(i) 2. Para. 2. 17.

(k) Rabanus, &amp; editio vulgata ex eis.

populi Dei accepta circumcissione transierunt. Fuerunt itaque operarii domus Domini de filiis Israel, fuerunt de profelytis, fuerunt de gentibus. De filiis videlicet Israel, trigintamillia, qui ad prædicandos de libano cedros missi sunt: de profelytis isti, de quibus nunc locuti sumus, lapidum colores. De gentibus, Hiram ipse, & servi ejus, qui cum servis Salomonis ligna cedebant de libano. Omne igitur hominum genus, per quos ædificanda erat Ecclesia, in ædificio templi præcessit: iudæi namque, profelyti, & gentiles conversi ad veritatem Evangelii unam, eandemque Christi Ecclesiam, sive recte vivendo, sive etiam docendo consunt.

(a) „Præcepitque rex, ut tollerent lapides grandes pretiosos in fundamentum templi, & quadrarent eos. Fundamentum templi nullum est aliud mystice intelligendum, quàm illud, quod ostendit Apostolus dicens:

(b) Fundamentum enim aliud nemo potest ponere, præter id, quod possumus est Christus Jesus. Qui propterea recte fundamentum domus Domini potest vocari, quia sicut ait Petrus: (c) non est aliud sub cælo datum hominibus nomen, in quo oporteat nos salvos fieri. In quod fundamentum lapides grandes, & pretiosi ponantur, cum præcipui factis, ac sanctitate viri familiari mentis sanctitate suo adhærent conditori; ut quo firmitus in illo spem suam ponunt, eo fortius aliorum vitam dirigere, (quod est latitudinem portare) sufficiant. Lapidem ergo, qui in fundamentum templi ad portandum ædificium omne ponebantur, proprie sunt Prophetæ, & Apostoli, qui verbum, & Sacramenta veritatis, sive visibiliter, sive invisibiliter, ab ipsa Dei sapientia perceperunt. (d) Unde &

nobis, qui eorum vitam, sive doctrinam studemus, pro nostro modulo imitari, fundatos dicit Apostolus (e) super fundamentum Apostolorum, & Prophetarum. Sed & generaliter quicumque, & fideliter ipsi Domino adhzrere, & impositas sibi fratrum necessitates fortiter ferre didicerunt, hi possunt lapidibus grandibus, ac pretiosis indicari. (f) „Qui bene lapides primo quadrari, ac sic in fundamento poni iubentur: quadratum namque omne, quocumque vertitur, stare fixum consuevit. Cui nimirum figuræ corda adsimilantur electorum, quæ ita in fidei firmitate consistere didicerunt, ut nulla occurrentium rerum adversitate, nec ipsa etiam morte a sua rectitudine possint statu declinari. (g) Quales videlicet Doctores Ecclesiæ, non solum de Judæa, verum etiam de gentibus per plures suscepit. Unde bene de lapidibus hujus mundi grandioribus pretiosis, & quadratis subditur:

(b) „Quos dolaverunt cementarii Salomonis, & cementarii Hiram. Dolantur namque lapides pretiosi, cum electi quique præcedentium sanctorum instructione, & instantia, quicquid in se habent noxium & inane, relinquunt, atque ante conspectum sui conditoris solam insitæ justitiæ regulam, quasi stabilem quadraturæ formam ostendunt. Dolaverunt autem lapides non solum cementarii Salomonis, sed & cementarii Hiram, quia ex utroque populo fuerunt nonnulli, qui ipsorum quoque Doctorem sublimium, immo Doctores existarent. (i) Et quasi quadrantes eos ad sublevandum domus Domini ædificium pararent. Neque enim soli Hieremias, & Isaias, & ceteri ex circumcissione Prophetæ, verum etiam beatus Job cum filiis suis, qui erant de gentibus, maximam vitæ, sive patientiæ formam

(a) vers. 27. (b) 1. Cor. 3. 11. (c) Ath. 4. 12. (d) Quæ lineolis notata non sunt, a Rabano abijunt. (e) Eph. 2. 20. (f) Hac versus Rabani verbo fit. (g) Quæ notata non sunt, in edito Rabani non leguntur. (h) vers. 18. (i) Desunt hac quoque in Rabano.

mam; doctrinæ salutaris præconia sequentis xvi Doctores ministrant: quo abiectis verbis, actibus, cogitationibus supervacuis, ad portandum onus sanctæ Ecclesiæ digni, & apti inventi sunt.

(a) Porro Glibii præparaverunt ligna, & lapides ad ædificandam domum. Glibos est civitas in Syria, Pheniciz, a quo Glibii sunt vocati, cujus meminit Ezechiel dicens: (b) Sapientes tui Tyre, facti sunt gubernatores tui: Senes Glibii, & prudentes ejus. Pro quo in Hebræo continetur: Gobel, sive Gebal, quod interpretatur diffiniens, sive discerniens. Quod vocabulum apte convenit eis, qui corda hominum ad ædificium spiritale, quod ex virtutibus animæ constituitur, parant: sic etenim solum suos auditores fidem, & opera justitiæ sufficiens docere, dum ipsi prius sacris paginis edocti, diligenter, quæ sit fides tenenda, quo virtutum calle incedendum, certa diffinitione veritatis didicerunt. Nam frustra sibi officium doctoris usurpat, qui discretionem catholicæ fidei ignorat, neque sanctuarium Domino, sed ruinam sibi ædificant, qui docere alios regulam, quam ipsi non didicerunt, conantur. In ædificando ergo domum Domini primo sunt ligna, & lapides cedendi de monte, quia eos, quos in fide veritatis instituere querimus, primo necesse est, ut abrenuntiare diabolo, ac de sorte primæ prævaricationis, in qua nati sumus, doceamus renascendo erui: deinde querendi sunt lapides pretiosi, & grandes, atque in fundamentum Templi ponendi, ut meminerimus, abdicata conversatione priori, eorum in omnibus vitam, moreque inspicere, eosque nostris auditoribus imitandos proponere, quos per virtutem humilitatis specialiter Domino adherere noverimus.

mus. (c) Quos invincibili mentis stabilitate, quasi quadratos quodam modo, atque ad omnes tentationum incursum, immobiles perdurare conspiciamus, quos pretiosos, & grandes merito, ac famam comperimus. Post fundamentum vero talibus, ac tantis lapidibus compositum, ædificanda est domus Domini, præparatis diligentius lignis, ac lapidibus, ac decenti ordine collocatis. Quæ olim de præfco suo situ, (d) (vel radice) fuerant abstracta, quia post prima fidei rudimenta, post collocata in nobis juxta exemplum sublimium virorum fundamenta humilitatis (e), addendus est in altum paries operum bonorum, quæ si super impositis sibi invicem ordinibus lapidum (f) ad ambulandum, ac proficiendum de virtute in virtutem. Vel certe lapides fundamenti grandes pretiosi, & quadrati, primi sunt, ut supra diximus, Ecclesiarum magistri, (g) qui ab ipso Domino verbum audierunt salutis. Superpositi autem ordines lapidum, sive lignorum, sequentes suo quoque tempore sacerdotes, quorum vel prædicatione, ac ministerio fabrica crevit Ecclesiæ, vel (h) ordinatur virtutibus. Quales autem colore fuerint lapides, quibus factum est templum, in libro Paralipomenon aperte declaratum est, dicente David ad Salomonem, cum ei impensas templi, & quæ paraverat, ostenderet. (i) Omnem pretiosum lapidem, & marmor parium abundantissime præparavi. Marmor autem parium marmor candidum dicitur, quale eadem insula gignere consuevit. (k) Unde poeta de illa: Olearon, niveamque paron, sparsasque per æquor Cyclada, sed crebri legimus freta concisa venis (l).

Nivea ergo paron dicitur, eo quod candida

N 2 di-

(a) En iterum Rabanus. (b) 37. 8. (c) Quia lineolis carent, in Rabano non extant. (d) Verba hæc: vel radice aliam lectionem indicant; nolui tamen demere. Demat, si vult Lector. (e) Subsequentia in Rabano reperies. (f) Psal. 83. 8. (g) Eob. 2. 20. (h) ornatur. (i) 1. Para. 29. 2. (k) Quia lineolis carent, Rabanus minime habet. (l) Virgil. 3. Æne.

didissimi generis marmor mittat. „ Est  
 „ autem una de cycladibus insulis, quo  
 „ videlicet lapide templum fuisse fa-  
 „ ctum Josephus insinuat dicens: *Ele-  
 „ vocit itaque templum usque ad ca-  
 „ meram ex lapide albo constructum:*  
 „ (a) *altitudo fuit vigintiquinque cu-  
 „ bitorum, & centum.* Nec mysterii  
 „ sensus in abdito est; cuius etenim  
 „ patet, quia marmor candidum, ex  
 „ quo domus Domini constructa est,  
 „ mundam electorum actionem, simul  
 „ & conscientiam ab omni nro cor-  
 „ ruptionis castigatam designat, qua-  
 „ les esse voluit sapiens ille Architectus  
 „ eos, quos super fundamentum Chri-  
 „ sti locabat, lapides pretiosos, auro  
 „ argentoque redimitos. (b) *Charrissimi*  
 „ inquit *mundemus nos ab omni in-*  
 „ *quinamento carnis, & spiritus, perfi-*  
 „ *cientes sanctificationem in timore Dei.*  
 „ (c) *Edificium in superiore huius voluminis*  
 „ *parte habes a Beato Beda expositum (d).*  
 „ (e) *Venerunt cuncti senes ex Is-*  
 „ *rael ad regem Salomonem in Hierusa-*  
 „ *lem, ut deferrent arcam fœderis Domini*  
 „ *de civitate David, idest de Syon, &*  
 „ *rulerunt Sacerdotes arcam fœderis Domi-*  
 „ *ni, insuleruntque eam in locum suum in*  
 „ *oraculo templi in sancta sanctorum subius*  
 „ *alas cherubin: siquidem cherubin expan-*  
 „ *debant alas suas super locum arce, prote-*  
 „ *gebantque arcam, & vestes ejus desuper.*  
 „ *Cumque eminerent vestes, apparerentque*  
 „ *summitates eorum foris sanctuarium ante*  
 „ *oraculum, non apparebant ultra extrin-*  
 „ *secus: qui & fuerunt ibi usque in pra-*  
 „ *sentem diem.* „ Hoc (f) mani-  
 „ festius in Paralipomenon volumine  
 „ scribitur. (g) *Vestium inquit, qui-*  
 „ *buss portabant arcam, quia paululum*  
 „ *longiores erant, capita patebant ante*  
 „ *oraculum. Si vero quis paululum fuis-*

„ *set extrinsecus, eos videre non possi-*  
 „ *rant.* Ubi notandum, quia & si ca-  
 „ pita vestium accedentibus propius, ac  
 „ diligentius intuentibus apparebant  
 „ ante oraculum, non tamen fieri po-  
 „ terat, ut ipsa eorum capita ante  
 „ oraculum emerent, quia nimirum  
 „ necesse erat, ut clauso oraculo, &  
 „ appenso ante ostia velo, ipsi quo-  
 „ que vestes toti cum arca, & che-  
 „ rubin abderentur interius; quod fie-  
 „ ri non poterat, si prominentes ultra  
 „ vestes producendis ad claudendum  
 „ ostiis locum non darent. Quorum  
 „ positionem vestium Scriptura non  
 „ sine causa, sed magni intuitu Sacra-  
 „ menti tam diligenter expedire cura-  
 „ vit: conflat enim, quod domus tem-  
 „ pli exterior, peregrinantem in terris  
 „ Ecclesiam: sancta sanctorum autem  
 „ internam supernæ patriæ felicitatem  
 „ designat. Item illata in sancta san-  
 „ ctorum arca, assumptam Christi hu-  
 „ militatem, & intra velum regis ce-  
 „ lestis inductam: vestes vero, quibus  
 „ eadem arca portabatur, prædicatores  
 „ verbi, per quos ipse mundo innouit,  
 „ typice denuntiant. (b) Apparebant  
 „ enim summitates vestium foris ante  
 „ oraculum non semper, sed cum ostia  
 „ ejusdem oraculi aperiri contingeret,  
 „ neque hoc omnibus, sed iis solum-  
 „ modo, qui propius accedentes atten-  
 „ tius ea, quæ intus erant, satagebant  
 „ intueri. Ipsa autem arca, qualis &  
 „ quomodo esset posita, (i) solum eis,  
 „ qui oraculum intrassent, videre lice-  
 „ bat, quia nullus sanctorum adhuc vi-  
 „ tra positus, tamen multum in alti-  
 „ tudine se mentis attollens, sed soli  
 „ illius patriæ cives gloriam inibi sui Re-  
 „ demptoris (k) plane contuentur.  
 „ Sunt & vestes cum arca in oraculo  
 „ re-

(a) Editus Rabanus: altitudo fuit sexaginta cubitorum

(b) 2. Cor. 7. 1.

(c) Hactenus etiam Rabanus.

(d) Plurima omittit codex noster, quæ habet vulgatus Eucherius ex Beda desumpta; ad quem quidem idem codex Lectorum allegat. Hic aliqua certe desunt, quæ notantur in serie capitum.

(e) Cap. 8. 1. & 2. Para. 5. 2.

(f) Ibi. vers. 9.

(g) Beda cap. seu questione 13. quæ sequuntur lineolis notata, tradit. Rabanus hæc pariter habet. (h) Nonnulla, quæ vulgatis Bedæ, & Rabani libris leguntur, prætermittit hic Claudius. An quia parum idonea iis, quæ sibi explicanda proposuerat? judicaverit Lector. (i) solis iis. (k) plene.



reconditi, quia absconditi sunt etiam nunc perfecti quique electi, qui nos præcederunt de mundo in addito vultus Dei, a conturbatione hominum, quorum tamen summitates vestium nonnunquam aperto oraculo his, qui appropiant, visuntur: cum perfectioribus quibusque, atque oculum sui cordis tota intentione purificantibus, divina gratia aliquid extremum de supernorum civium gaudio contemplandum donaverit. Quæ nimirum contemplatio his, qui paulo longius recesserunt, minime conceditur, quia quanta exterius mente vaga remanent, tanto minus, quæ sint interna gaudia, vident.

(a) Deinde sequitur: In arca autem non erat aliud, nisi dua tabula lapideæ, quas posuerat in ea Moyses in Oreb, quando cepigit sedes Dominus cum filiis Israel, cum egredierentur de terra ægypti. Quæri potest quomodo hic dicat quod in arca non esset aliud, nisi duæ tabulæ testimoniis, cum Apostolus Paulus, magister gentium in fide, & veritate, Hebræis, idest filiis Israel, scribat dicens: (b) Tabernaculum enim factum est primum, in quo erant candelabra, & mensa, & propositio panum, quæ dicitur sancta. Post velamentum autem secundum, tabernaculum, quod dicitur sancta sanctorum: aureum habens stibidulum, & arcam testamenti circumsectam ex omni parte auro, in qua erat urna aurea habens manna, & virga Aaron, quæ fronduerat, & tabula testamenti. Ecce teste Apostolo didicimus, quod & ista ibidem fuerunt: non enim ausus est aliud eis scribere, nisi quod certum tenebant illi: omnia hæc in ipsa arca fuisse, sed non plenus apparet, quando intromissæ ibidem sint: excepto quod in libro Numeri scriptum est: (c) Propulsi Moyses omnes virgas de conspectu

Dominus ad cunctos filios Israel: videruntque, & receperunt singuli virgas suas. Dixitque Dominus ad Moysen, refer virgam Aaron in tabernaculum testimonii, ut servetur ibi in signum rebellionis filiorum Israel: & quiescant querelæ eorum a me, ne moriantur. Denique & de manna, ita in Exodo scriptum est: (d) Dixitque Moyses ad Aaron, sume vas unum, & mitte ibi man, quantum potest capere Gomor, & repone coram Domino ad servandum in generationes vestras, sicut præcepit Dominus Moysi. Posuitque illud Aaron in tabernaculo servandum. Erat autem in arca urna aurea habens manna, quia in homine Christo habitat (e) omnis plenitudo divinitatis corporaliter. Erat autem virga Aaron, quæ excisa denuo floruerat, (f) quia potestas omnis iudicandi penes eum est, cui iudicium in humilitate, passionis videbatur esse sublatum. Erant & tabulæ testamenti, quia in illo sunt (g) omnes thesauri sapientiæ, & scientiæ absconditi. Adhærebant ei velles, quibus portabatur, quia Doctores, qui quondam laborabant in verbo Christi, nunc præsentis visionis gaudent gloriæ Christi: quod enim unus eorumdem dixit: (h) Cupio dissolvi, & cum Christo esse, de omnibus utique sui operis consortibus intelligendum reliquit.

(i) Factum est cum existent Sacerdotes de sanctuario, nebula implevis domum Domini: & non poterant Sacerdotes stare, & ministrare propter nebulam: impleverat enim gloria Domini domum Domini. (k) Gloria Domini intelligitur Christus, cuius fide repletus est universus mundus. De qua gloria, (l) cum pro adorato vitulo Dominum deprecaretur Moyses, ut parceret populo peccatori, respondit Dominus: propius ero illis, ve-

31111111

(a) vers. 10. (b) Hebr. 9. 2. (c) Num. 17. 9, & 10. (d) Exo. 16. 33-34.  
(e) Coloss. 2. 9. (f) Joan. 5. 22. 27. 30. & c. (g) Coloss. 3. 3.  
(h) Philip. 1. 23. (i) Cap. 8. 10. (k) Quæ sequuntur, illustrantque locum  
hunc, desumpta sunt profus ex capite 2. Isidori in librum III. Regum.  
(l) Num. 14. 19. 20. & c.

„*tumamen vivo ego, & vivis nomen*  
 „*meum, quia implebitur gloria mea om-*  
 „*nis terra.* Et septuagesimus primus  
 „Psalms canit: (a) *Implebitur gloria*  
 „*ejus omnis terra.* Unde & angeli cla-  
 „mabant pastoribus: (b) *Gloria in*  
 „*excelsis Deo, & in terra pax homi-*  
 „*nibus bonae voluntatis.* Quod autem  
 „nebula implevit domum Domini, &  
 „non poterant Sacerdotes ministrare,  
 „propter nebulam, hæc sententia su-  
 „perbos Judæorum Pontifices, ac Do-  
 „ctores insinuat, qui dum Nativitatis  
 „Christi Sacramenta investigare despi-  
 „ciunt, debitum fidei lux ministerium  
 „per erroris nebulam perdiderunt. Ita  
 „enim eorum mentes infidelitatis cali-  
 „go replevit, ut exigentibus propriis  
 „meritis, non agnoscant cultum cre-  
 „dulitatis.

Post perfectum omne opus domus  
 Domini & longam orationem Salomonis,  
 (c) & divina ad eum oracula facta in-  
 ter cetera refert Scriptura, (d) quod  
 classem navium fecerit rex Salomon,  
 in Aſyongaber. Aſyongaber portus est  
 maris rubri, (e) & fuit tricesima prima  
 mansio filiorum Israel, quando profecti  
 sunt de Ægypto: ipso etiam loco post  
 (f) classis Josaphat, ut Scriptura testatur,  
 vi tempestatis attrita est. Classis sunt na-  
 vigia maris: classis etiam dicta navium  
 multitudo.

(g) Post hæc iterum refert Scriptu-  
 ra, quod venerint servi Hiram cum ser-  
 vis Salomonis in eisdem navibus in O-  
 phir, sumptumque inde aurum quadrin-  
 gentorum viginti talentorum detulerunt  
 ad regem Salomonem in Hierusalem.  
 Ophir, unde, sicut jam diximus, au-  
 rum afferbatur Salomoni, fuit unus  
 de posteris (h) Heber nomine.  
 Ophir, ex cujus stirpe venientes a-  
 fluvio Copenhæ usque ad regionem In-  
 diz, quæ vocatur Hieria, eos habitasse

refert Josephus, a quo & regio ipsa tale  
 vocabulum est consecuta. Unde septua-  
 ginta interpretes derivato vocabulo non  
 Ophir, sed *Ophira* translulerunt.

(i) Sed & regina Saba audire,  
 fama Salomonis, in nomine Domini  
 venit tentare eum in enigmatis.

Sicut enim hæc regina venit a fi-  
 nibus terræ, idest India, ut quidam  
 dicunt, audire sapientiam Salomonis,  
 ita venit Ecclesia post multa secula ad  
 Redemptorem, & eruditorem suum, ut  
 de stultitia erroris, doctrinam perciperet  
 veritatis. Hæc est illa regina, de  
 qua ad Dominum dicitur: (k) *Assirit*  
*regina a dextris tuis, in vestitu deau-*  
*rato circumamicta varietate.* Idest di-  
 versarum circumdata pretioso decore  
 virtutum: hæc etiam omnium creden-  
 tium mater est, quæ natos ad mortem,  
 regenerat ad salutem: per quam Chris-  
 tus plus restituit in gratia, quam pe-  
 riit in natura: & Adæ transgressoris de-  
 generem prolem in adoptionem divi-  
 næ paternitatis assumpsit, & de para-  
 diso exhereditatis, cæli reddidit cives.  
 Hæc post synagogam quidem vocata,  
 sed ante synagogam promissa. Hæc e-  
 nim jam in primo homine præfigurata  
 est. Nam sicut ex Adæ latere fabrica-  
 ta est Æva: ita ex Christi corpore, &  
 vulnerem redempta crevit Ecclesia.

(l) Ingressa regina Saba Hieru-  
 salem cum multo comitatu, & divi-  
 tiis, cum camelis portantibus aromata,  
 & aurum infinitum nimis, & gemmas  
 pretiosas, venit ad Salomonem, & lo-  
 cura est ei universa, quæ habebat in cor-  
 de suo.

Ergo in figura reginæ hujus, Ec-  
 clesia venit ex gentibus, & finibus ter-  
 ræ imponens finem cupiditatibus, vitiis-  
 que terrenis, audire sapientiam Salo-  
 monis, idest viri pacifici Domini no-  
 stri Jesu Christi (m), qui fecit utraque  
 unum

(a) vers. 19.

(b) Luc. 2. 14.

(c) III. Reg. 9. 3.

(d) Ibid. 11. 26.

(e) Num. 33. 35.

(f) III. Reg. 22. 49.

(g) Ibid. 9. 27. 28.

(h) Gen. 10. 25. 29.

(i) III. Reg. cap. 10. 1.

(k) Psal. 45. 10.

(l) Cap. 10. vers. 2.

(m) Eph. 2. 14.

vinum solvens inimicitias inter Deum, & hominem in carne sua. Venit post veteres, & profanas superstitiones audire, & discere de fidei illuminatione, & judicio futuro: de animæ immortalitate, de spe resurrectionis, & gloria. Venit ergo in Hierusalem cum multo comitatu: idest, non jam cum tantum genie Judæorum, sicut prius synagoga solos habuit hebræos, sed totius mundi gentibus, diversisque nationibus. Venit ergo exhibens munera digna Christo, aurum, & gemmas pretiosas, & hoc camelis portantibus aromata, idest ex gentili populo venientibus, qui fuerant prius vitiorum seditate distorti, & malorum onere curvi, ac peccatorum pravitate deformes. Cum his tanquam muneribus regina hæc ingreditur ad pacificum regem Christum, exhibens secum aromata fidei, aurum puritatis, incensum pretiosum, splendoreque gemmarum, morum scilicet insignia, ornamenta virtutum. (a) *Es locuta est ei universa, quæ habebas in corde suo:* Idest aperuit ei cor suum, manifestavit ei occultam conscientiam suam in confessione, & penitentie præcedentium delictorum. Videamus quid agat hæc regina.

(b) *Videns autem regina Saba, omnem sapientiam Salomonis, & domum quam edificaverat, & cibos mensa ejus, & holocausta, quæ offerebas in domum Domini, non habebas ultra spiritum.*

Quid erat rationis, ut præpotens regina domum, expensas, & cibos regis tanto opere miraretur? Ergo hoc in loco aliqua majora nos oportet inquirere. Vidit ergo Ecclesia ex gentibus congregata sapientiam Christi, idest post carnalia instituta gentilium, post humanam, & animale doctrinam philosophorum, accepit intellectum salutis, & vitæ, inspicit spiritalia mirabilia bonorum, agnovit ve-

rum fabricatorem cæli, ac terræ, & potentissimum humani generis conditorem. De cujus sapientia dicitur: (c) *Omnia in mensura, & pondere, & numero constituisi.* Vidit & domum, quam edificaverat, idest incarnationem hominis assumpti. De qua domo dicit Apostolus: (d) *In quo habitat omnis plenitudo divinitatis corporaliter.* Vidit & cibos Salomonis, videlicet illos, de quibus dicebat: (e) *Meus cibus est, ut faciam voluntatem patris ejus, qui me misit.* Cibus Christi est salus nostra, reficitur cælestibus epulis, profectibus nostris. Cibus ejus sumus, dum adquisiti ab Ecclesia, in membra ejus, corpusque transimus: vel cibus ejus altaris Sacramenta cælestia, de quibus dicitur: (f) *Pancam cæli dedisti eis, Pancam Angelorum manducavit homo.* Vidit & holocausta ejus: orationem sine dubio, supplicationumque mysteria, & oblituit. Ibi vidit inestimabiles divitias Domini sui.

(g) *Dixitque ad regem: verus es sermo, quem audieram in terra mea, super sermonibus tuis, & super sapientia tua: & non credebam narranti; donec ipsa veni, & vidi oculis meis, & probavi, quod media pars nuntiata mihi non fuisset. Majora sunt sapientia, & opera tua, quam rumor, quem audivi.* Cum ergo pervenit hæc, sive Ecclesia, sive quæque anima sancta in æternam Hierusalem, idest visionem pacis, & ingressa fuerit beatam requiem, & gloriam cælestium promissorum, multo plura, & magnificentiora perspiciet, quam ei sunt in hac terra per sacra eloquia, per Prophetas, atque Apostolos nuntiata. *Nunc enim tanquam in speculum in enigmate:* tunc autem oculis suis videbit: *idest facie ad faciem.* (b) Cum inquam, unaquæque anima fidelis, & sancta in illo seculo plena bonorum operum fructibus, divinis fuerit præsentata conspectibus, exhibens in se, immo se ipsam

(a) III. Reg. 10. 2, & 2 Para. 9. 1.

(b) Jo. 4. 34.

(c) 1. 7. 77. 24, & Jo. 6. 50. & c.

(d) 1. Cor. 2. 9.

(e) 1. Cor. 2. 9.

(f) 1. Cor. 13. 12.

(g) 1. Cor. 13. 12.

ipsam xenium Deo suo, proferens dig-  
na cælo, & valitura cælum multiplicia  
munera, gemmas misericordiæ, justi-  
tiæ margaritas, diversorum ornamenta  
meritorum, idest aromata compunctio-  
nis, & suave olentis balsama castitatis  
proferens, sicut dixi, aurum infinitum  
nimis, idest integrum in se re-  
consignans pio inestimabile pretium Re-  
demptori, spiritualibus cordis, & corpo-  
ris oblationibus placitura, ut possit cæ-  
lestium mirabilibus inserta, vocem pro-  
phetice exultationis adsumere: (a) *In-  
trabo domum suam in holocaustis.* Tunc  
beata, & illustris anima inter stupen-  
das remuneratoris sui constituta divi-  
tias, ineffabilibus reginæ hujus verbis  
ui ad Deum poterit dicens: *Verus est  
sermo, quem audiui in terra mea super  
sermonibus tuis. Majora sunt opera tua,  
quam rumor, quem audiui.* Hoc est di-  
cere: o Domine de iribulationibus me-  
is magna quidem sperare præsumpsi:  
sed majorem percepi veniam. Manife-  
sta, quam cerno, dulcedinis magnitudi-  
nem cogitationis meæ sensum superat ex-  
pectationis effectus. (b) Et revera id, quod  
parat Deus diligentibus se, fide non  
comprehenditur, spe non attingitur,  
caritate non capitur, desideria, & vo-  
ta transgreditur, adquiri potest, æsti-  
mari non potest. Videbit homo merita  
sua insuspensibili retributionum largitate  
succrescere, habebit de perceptione fru-  
ctum, non habebit de satietate fasti-  
dium.

*Fecit etiam rex Salomon thronum  
de ebore grandem, & vestivit eum au-  
ro fulvo nimis, qui habebat sex gradus,  
& summus throni rotunda erat in  
parte posteriori. Thronus eburneus æter-  
nam judicis potestatem auro divinitatis*

fulgentem, quam (c) Dominicus homo  
a Patre accepit, figuram gestasse non du-  
bium est. Sex gradus hujus throni omnem  
creaturam visibilem, & invisibilem, quæ  
sex diebus facta est, & Christo Domino  
a Patre subiecta typicè demonstrabant.  
Quod autem ipse thronus in postero-  
rem sui partem rotundus esse describi-  
tur, hoc procul dubio datur intelligi,  
quia præsens mandus, qui per metas tem-  
porum volvitur, in sua extremitate a  
Domino sit judicandus. At vero duode-  
cim leunculi per sex gradus bini stan-  
tes, Sanctorum Apostolorum significant  
potestatem, quibus dictum est a Do-  
mino: (f) *Sedebitis super duodecim se-  
des judicantes duodecim tribus Israel.*

Post aliquanta iterum refert Scri-  
ptura: (d) *Quod fecit Salomon, ut tan-  
ta esset abundantia argenti in Hieru-  
salem, quanta lapidum.* Hæc locutio  
tropica, non propria est: tale est qua-  
le in Genesi legimus, ubi dixit Deus ad  
Abraham. (e) *Faciem semen tuum quasi  
pulverem terre.* Quod ea locutione dictum  
est, quam græci vocant hyperbolem:  
quæ utique tropica, non propria est:  
quem tamen modum, ut ceteris tropis  
uti solere Scripturam, nullus qui eam  
didicit, ambigit. Hæc autem tropus, i-  
dest modus locutionis, fit, quando id  
quod dicitur, longe est amplius, quam  
quod eo dicto significatur. Quis enim  
non videat, quod erat incomparabiliter  
amplior lapidum numerus, quam argen-  
ti pondus in civitate Hierusalem?

(g) *Rex autem Salomon amavit  
mulieres alienigenas multas: filiam quo-  
que Pharaonis, & Moabitidas, & Am-  
monitidas, Idumæas, & Sidonias, & He-  
thæas: de gentibus, super quibus dixit Do-  
minus filiis Israel, non ingrediamini ad  
eas:*

(a) Psal. 65. 13.

(b) remunerationis pretium. Sic vulgatus Eucherius.

(c) Locutio hæc per se Nestoriana est: sed miseri illa potest ad eum modum, quo mite-  
runt nonnulla Patrum locutiones hujus similes, ideo liberiores, quia ante exortum Nes-  
torii errorum prolata. Ceterum ex iis [nisi fallimur] est locutionibus, quæ in Clavaro  
reprensæ sunt, ique non temere Nestorii assensum numerant. (d) vers. 27.

(e) 13. 16.

(f) Matth. 19. 28. (g) Cap. 11.

eas: neque de illis ingrediuntur ad vo-  
 stras: certissime enim avertent corda vo-  
 stra, ut sequamini Deos earum. His ita-  
 que copulatus est Salomon ardentissimo  
 amore, fueruntque ei uxores quasi regi-  
 nae septingente, & concubinae trecentae,  
 & averterunt mulieres cor ejus. Am-  
 monendi sunt quibus hoc seculum pro-  
 speratur, qui nulli adversitatibus hujus  
 mundi feriuntur, quod Salomon post  
 acceptam sapientiam, usque ad idola-  
 triam cecidisse describitur, quia nihil  
 in hoc mundo, priusquam caderet, ad-  
 versitatis habuisse memoratur, sed con-  
 cessam sapientiam funditus deseruit: eo  
 quod cum nulla saltem minima tribula-  
 tionis disciplina custodivit, nisi post-  
 quam Deum deseruit, & se a Deo de-  
 sertum esse cognovit. (a) Jam ve-  
 ro de ceteris operibus ejus quid dic-  
 cam? Eum vehementer arguit sancta  
 Scriptura, atque condemnat, & ni-  
 hil de penitentia ejus, vel in eum  
 indulgentia Dei, omnino com-  
 memorat. Nec prius occurrit, inter  
 (b) posteriora ejus male gesta, quod  
 saltem in allegoria boni aliquid si-  
 gnificent: hinc ejus flenda submer-  
 sitio; nisi forte quis dicat mulieres a-  
 lienigenas, quarum amore deceptus  
 est, significasse electas Ecclesias de  
 gentibus. Posset enim fortasse hoc  
 non absurde intelligi, si illarum propter  
 Salomonem desererent Deos suos, &  
 colerent Deum ejus. Cum vero ipse  
 propter illas offendit Deum suum, &  
 coluit Deos earum, non est quid  
 inde boni conjici possit; nec tamen  
 nihil arbitrandum est boni aliquid  
 significare potuisse, sed malum; ap-  
 pareret enim in persona hujus Salomo-  
 nis mira excellentia, & subversio  
 terribilis. Quod igitur in illo diver-

sis temporibus extitit, prius bonum, &  
 posterius malum, hoc in Ecclesia in  
 isto adhuc seculo simul, & uno tem-  
 pore ostenditur. Nam bono illius, bo-  
 nos Ecclesiarum, malo autem illius, ma-  
 los Ecclesiarum significatos puto, tan-  
 quam in unitate arearum. Sic in illo  
 uno homine bonos in granis, malos  
 in paleis, aut certe in unitate unius  
 segetis bonos in tritico, malos in  
 (c) zizania.

(d) Factum est igitur in tempore  
 illo, ut Hieroboam egredereetur de Hierusa-  
 lem, & inveniret eum Abias Silonites  
 Propheta in via, operans pallio novo: e-  
 vans autem duo tantum in agro. Appre-  
 hendensque Abias pallium suum novum,  
 quo operans erat, scidis in duodecim par-  
 tes, & ait ad Hieroboam: Tolle tibi decem  
 scissuras, hæc enim dicit Dominus Deus  
 Israel: Ecce ego scindam regnum de  
 manu Salomonis, & dabo tibi decem  
 tribus: porro una tribus remanebit ei  
 propter servum meum David, & alia  
 tribus propter Hierusalem, quam elegi  
 ex omnibus tribubus Israel.

(e) Illud vero, quod post mor-  
 tem Salomonis decem tribus a tem-  
 plo separatæ sunt, & duæ relicte,  
 satis indicat, quod de tota ipsa gente  
 Apostolus ait. (f) Reliquis per electio-  
 nem salvæ factæ sunt.

Quod vero unitas pallii Prophetæ  
 in duodecim partes scissa est, ex quibus  
 scissuris Hieroboam decem accepit, hoc  
 figurasse videtur, quod concordia Ec-  
 clesiarum ab hæreticis confisssa, ipsi magi-  
 stri erroris, a quibus unitas divisa est,  
 plebem in decem tanquam errores a ca-  
 tholicis dividunt, & tyrannice sibi sub-  
 ditam detinent.

Post multa alia refert Scriptura li-  
 bri Regum, & dicit: (g) Reliqua au-  
 tem

(a) Hæc perquirere cap. 6. Isidori in III. Regum: in commentariis quoque Rabani in locum  
 hunc. (b) Edit. occurrit, quid saltem in allegoria. (c) Edit. zizaniis.

(d) Cap. 11. 29. (e) Desumpta sunt hæc ex cap. 7. Isidori in lib. III. Reg.; & fortasse  
 etiam subsequencia ex eodem Isidoro desumpta sunt; sed periit porro, nisi fallimur, reliqua  
 pars Commentariorum Isidori, quæ hic allegatur. (f) Rom. 11. 5. (g) 11. 41.

tem verborum Salomonis, & omnia, quæ fecit, & sapientia ejus: ecce universa scripta sunt in libro verborum dierum Salomonis.

In libro Paralipomeaon, quem græco vocabulo taliter nuncupamus, quem nos latine præteritorum possumus dicere, ita de Salomone scriptum est: (a) Reliqua vero operum Salomonis primorum, & novissimorum scripta sunt in verbis Nathan Propheta, & in libris Abia Silonitis: in visione quoque Addo Vidensis contra Hieroboam. Hos libros hodie nusquam, neque apud ipsos hebræos inveniri posse asseverant; sicut nec librum bellorum Domini, cujus in libro Numerorum mentio est: (b) neque librum Iustorum: (c) neque carmina Salomonis: neque disputationes

ejus sapientissimas de lignorum natura, herbarumque omnium, itemque jumentorum, voluerum, reptilium, & piscium, vel quod jam ex libro verba dierum protulimus, ubi dicit: Reliqua vero opera Salomonis priorum, & novissimorum scripta sunt in verbis Nathan Propheta, in libris Abia Silonitis, in visione quoque Addo vidensis contra Hieroboam filium Nathan, & multa hujusmodi volumina, quæ Scriptura quidem probat, sed hodie constat non esse. Vastata namque a Chaldeis Judæa, etiam bibliotheca antiquitus congregata inter alias provinciarum opes hostili igne consumpta est, ex qua, pauci qui nunc in sancta Scriptura continentur libri, postmodum Ezræ Pontificis, & Prophetæ sunt industria restaurati.



INCL.

(A) 2. Paral. 9. 29.

(B) 21. 14.

(C) 3of. 10. 13.

## INCIPIUNT CAPITULA

## LIBRI IV.

**D**E Propheta Domini, qui venit ad Hieroboam in Bethleel, & Pseudopropheta, qui eum decepit, propter quod & mortuus est.

De Achab rege, & Hiezabel uxore ejus.

De Hierico edificatione, quam fecit Achiel de Bethel.

De Helia, & virtutibus ejus.

De morte filii mulieris viduæ, quem suscitavit Helias.

De manifestatione Heliz ad Achab, & Sacerdotibus idolorum, & altare, quod extruxit Helias, & igne a Deo misso, nec non & largitate pluviæ.

De nequitia Jezabel adversus Heliam, & fuga ejus.

De adventu ejus ad montem Dei Oreb.

De egressione ejus in Damascus, & unctione Afabel regis in Syria: & Hieu filii Namfi regis super Israel, & Heliseo Propheta post se in Israel.

De eo, quod scriptum est: *hoc faciant mihi Dii, & hoc addant, si suffeceris pulvis Samariæ pugillus, universi populi, qui sequitur me.*

De visione Michez Prophetæ, ubi vidit Dominum sedentem super solium excelsum: & mendacio falsorum Prophetarum.

De morte Achab, & successione filii ejus.

De duobus quinquagenariis cum militibus suis igne combustis.

De consabulatione Helig cum Eliseo, & raptu ad cælum.

De Heliseo, ubi Hierico steriles, & malignas aquas sanavit.

De parvulis ab eo maledictis, & ab uris devoratis.

De muliere, cujus filii a creditore diripiebantur, sed per Heliseum liberati sunt.

De viro, & muliere, qui transeunte Heliseo frequenter in domo sua eum recipiebant.

De resurrectione pueri, ubi per servum suum baculum misit, & mortuus non revixit.

De emundatione Naaman Syri a lepra sua.

De ferro a ligno exilienti, & in profundo demerso, & consilio regis Syriæ, ut comprehenderet Heliseum.

De fame, quæ facta est in Samaria obsidentibus Assiriis, quando caput asini octoginta argenteis vendebatur.

De unctione regis Joas filii Azariæ, quem Jojadas Pontifex constituit regem, & operibus ejus.

De Amasia rege Juda, qui percussit Edom in valle Salinarum.

De Hieroboam rege Israel, qui restituit terminos Israel.

De his, qui in Samariam a rege Assyriorum adducti sunt.

De Ezechia rege Juda, & Senacharib rege Assyriorum, & blasphemia Rapsaces, atque percussione exercitus Senacharib.

De ægitudine regis Ezechiz, & quindecim additis annis.

De divitiis ejus Chaldejis morbo jaſtantiz offenſis. (a)

De Manasse, & malitia ejus.

De Joſia Rege, & Cholda (b) prophetiſſa, & operibus ejus.

De Nabuchodonosor, & exercitu ejus, & malo regum Juda, propter quod tradita est Hierusalem in manu Chaldecorum ad vastandum.

(a) An aliquid hic deſſi?

(b) Vulg. Hotham.

# INCIPIT TEXTUS

## LIBRI IV.

**P**ost divisionem regni Israel inter Roboam, & Hieroboam, postquam recessit Israel a domo David, sequitur Scriptura, & dicit: (a) Factum (b) est autem cum audisset omnis Israel, quod reversus esset Hieroboam, miserunt, & vocaverunt eum, congregatoque cœtu constituerunt eum regem super Israel. (c) Non est (d) utique dubitandum voluntati Dei, qui in cœlo, & in terra omnia quæcumque voluit, fecit, & qui etiam illa, quæ futura sunt, fecit, humanas voluntates non posse resistere, quo minus faciat ipse, quod vult, & cum vult, (e) nisi forte, ut ex multis, ista de Hieroboam sufficiat, quando Deus voluit ei propter peccatum Salomonis regnum dare. Sic erat in potestate Israelitarum subdere se memorato regi, sive non subdere: quod utique in eorum erat positum voluntate, ut etiam Deo valenter resistere. Qui tamen hoc non fecit, nisi per ipsorum hominum voluntates, sine dubio habens humanorum cordium, quo placeret inclinandorum omnipotentissimam potestatem. (f) Sic ergo cum voluerit reges in terra Deus constituere, magis habet in potesta-

te voluntates hominum, quam ipsi suas.

(g) Deinde refert Scriptura, quod venerit Propheta de Juda in Bethel ad Hieroboam regem sacrilegum, objurgare eum propter sacrilegia idolorum, quæ fecerat, unde avertit filios Israel a Domino Deo patrum suorum, iussusque est, ibi non manducare, neque bibere: qui, pro eo quod deceptus est a Pseudo-propheta, & inobediens fuit verbo Domini, a leone in via interemptus est. (b) Quid est homo cujuslibet sit meriti, si conditoris sui protectione deseratur? quæ nimium protectio minus necessaria creditur, si semper habeatur. Sed utiliter plerumque subtrahitur, ut sibi melius homo, (i) quia sine illa nihil sit, ostendatur. Manus igitur Domini aliquando nos nobis per adversa insinuat, quæ etiam nescientes nos in prosperis portat, quia destituti dum cadere incipimus, & ramen adjuti retinemur, & doctrina fit, quod in lapsum trepidavimus, & custodia, quod in statu permabeamus. Nemo ergo se alicujus virtutis æstimet, etiam cum quid fortiter (h) poterit: quia si divina protectio deserit, ibi repente ener-

viter

(a) Ex hoc loco constat multo diversam ab ea, quam nunc servamus, librorum Regum fuisse olim propositam divisionem. Claudius enim IV. Regum hic incipit, quando quidem nos hac habemus versiculo 20. capitis 12. libri III. Regum. Oportet tamen, dum Claudium edimus, eam divisionem retinere, quam ille proposuit.

(b) III. Reg. 12. 20. (c) Ista ad magnam partem invenies cap. 14. alias num. 45. libri de Correctione, & gratia. (d) Edit. Itaque. (e) Augustinus hac habet:

Nisi forte, ut ex multis aliqua commemorem, quando Deus voluit Sauli Regnum dare, sic erat in potestate Israelitarum subdere se memorato viro, sive non subdere &c. Hac nonnihil immutavit Claudius, ut Jeroboam applicaret, quod de Saule dixerat Augustinus. (f) Nonnulla hic ab Augustino inferuntur, quæ omisit Claudius, utpote rei suæ minime opportuna. (g) Cap. 13. (h) Hac perquire in Patetio, idcirco in Gregorio Magno, cujus librum 23. Moralium consule. [num. 53, & 54.]

(i) Id est quod, Edit. quam. (k) potest.



viter obruitur, ubi se valenter stare  
 (a) gloriatur. Quid est enim quod  
 vir Dei contra altare Samariæ ad prophe-  
 tandum directus, præfente rege  
 auctoritatem liberæ vocis exercuit,  
 ejusdemque regis extensum brachium  
 in (b) rigorem mirabiliter astrinxit,  
 quod tamen mox misericorditer salu-  
 ti restituit? Cujus in domum invi-  
 tatus comedere noluit, qui ne in  
 via comederet, prohibitionis domi-  
 nicæ præcepta servavit, qui tamen  
 in eadem via, & seductus comedit,  
 & passus interiit. Qua in re,  
 quid subtili consideratione colligimus:  
 quid, ut ita dixerim, formidandum  
 suspicamus, nisi quod forsitan apud  
 semetipsum tacitus, & pro præceptis  
 dominicis regem se contempsisse (c)  
 gloriatus, ad interna mox soliditate  
 quassatus est. Et inde in opere culpa  
 surripuit, unde gloria in corde  
 (d) surrepsit. Unde falsa Prophetæ  
 verbis deceptus disiceret, quia nequa-  
 quam propriæ fortitudinis fuerit, quod  
 ad regis verba restitisset. Bene autem  
 ex ejus ore mortis sententiam accepit,  
 cujus seductione vitæ præcepto  
 deviarat, ut inde penam veraciter ad-  
 sumeret, unde negligenter culpam ad-  
 misisset. Sequitur.

(e). *Hæc (f) dicit Dominus, quia  
 inobediens fuisti ori Domini, & non  
 custodisti mandatum, quod præcepit  
 tibi Dominus Deus tuus, & reversus  
 es, & comedisti panem, & bibisti  
 aquam in loco, in quo præcepit tibi ne  
 comederes panem, neque biberes aquam,  
 non inferretur cadaver tuum in sepul-  
 chro patrum tuorum; & reliqua.*

Quanti hæc pæna pendenda sit,  
 si secundum Evangelium cogitemus,  
 ubi post corpus oculum nihil metu-  
 endum esse didicimus, ne membra  
 (g) exanimata patiantur, nec pæna

dicenda est. Si autem humanum erga  
 suam carnem consideremus affectum,  
 potuit inde terri, vel contristari vi-  
 vus, quod sensurus non erat mortu-  
 us. Et hæc erat pæna, quoniam do-  
 lebat animus, id de suo corpore  
 futurum, quamvis cum fieret, non do-  
 leret: hæc enim voluit Dominus  
 servum suum plectere, qui non sua  
 contumacia spreverat præceptum ejus  
 implere, sed aliena decipiente falla-  
 cia obedire se credidit, quando non  
 obedivit. Neque enim putandum est,  
 ita fuisse interemptum morsu bestię,  
 ut ad supplicium tartareum, ejus deinde  
 anima raperetur, quando quidem ipsum  
 ejus corpus idem leo qui occiderat,  
 custodivit, jumento etiam, quo ve-  
 hebatur, illæso, & simul cum illa  
 immani fera intrepida præsentia ad  
 sui Domini funus adstante, quo mi-  
 rabili signo apparet hominem Dei  
 coercitum potius temporaliter usque  
 ad mortem, quam punitum esse post  
 mortem. De qua re Apostolus cum  
 propter (h) quorundam offensas,  
 commemorasset infirmitates, mortel-  
 que multorum: (i) si enim nos me-  
 ipsos, inquit, judicaretur, a Do-  
 mino non judicaretur: cum judica-  
 mur autem, a Domino corripimur, ut  
 non cum hoc mundo damnemur. Eum  
 sane ipse, qui deceperat (k) in mo-  
 numento proprio satis honorifice se-  
 pelivit, seque sepeliendum juxta ejus  
 ossa, curavit: ita sperans parcel-  
 se ossibus suis, cum veniret tempus,  
 quando secundum illius hominis Dei  
 prophetiam, (l) Josias rex Juda in  
 illa terra multorum eruit ossa mortu-  
 orum, eisdemque ossibus sacrilega  
 altaria, quæ sculptilibus fuerant con-  
 stituta, funestavit: pepercit quippe  
 illi monumento, ubi jacebat Prophe-  
 ta, qui ante annos amplius quater-  
 cen-

(a) gloriabatur.

(e) 12. 21.

(f) Subsequentia lineolis in margine pro more positæ notata tradidit

Augustinus cap. 7. alia num. 9. libri de cura Mortuorum: [ alia de cura gerenda pro Mortuis ].

(k) vers. 30.

(g) Edit. exanima.

(h) II. Reg. 23. 16. 17.

(c) gloriabatur ei.

(d) surrexit.

(i) 1. Cor. 11. 31. & 32.

(j) quidam.

centos ista predixerat: & propter ipsum nec illius, qui eum seduxerat, sepultura violata est. Affectu namque illo, (a) quo nemo unquam carnem suam odio habet, providerat cadaveri suo qui occiderat mendacio animam suam. Ex hoc igitur, quod carnem suam quisque naturaliter diligit, & illi pena fuit addiscere, non eum futurum in sepulchro patrum suorum, & huic cura prospicere, ut parceretur ossibus suis, si juxta eum jaceret, cujus sepulchrum nemo violaret. Hunc affectum martyres Christi certantes pro veritate, vicerunt. Nec mirum quod contempserunt, quod non fuerant peracta morte sentiri, qui non potuerunt eis, quos viventes sentiebant, cruciatibus vinci. Poterat utique Deus, qui leonem prophetæ corpus, quod ipse occiderat, ulterius non permisit attingere, & fecit de peremptore custodem: poterat, inquam, a suorum interfectis corporibus, canes, quibus fuerant projecta, prohibere: poterat, & ipsorum hominum innumerabilibus modis tenere sævitiam, ne cadavera incendere, nec (b) in aera dispergere auderent: sed hoc quoque experimentum multiplici varietati tentationum deesse non debuit, ne sortitudo confessionis, quæ immunitati persecutionis pro corporis salute non cederet, pro sepulchri honore trepidaret; postremo ne fides resurrectionis consumptionem corporum formidaret. Debuervat ergo & ista permitti, ut etiam post hæc tanti horroris exempla, martyres in Christi confessione serventes, huius quoque testes fierent veritatis, in qua didicerant, eos, a quibus sua corpora, interficerentur, postea nihil habere, quod facerent: quoniam quicquid mortuis corporibus facerent, utique nihil facerent, quando in carne omni vita carente, nec aliquid sentire

posset qui inde migravit, nec aliquid inde perdere, qui creavit.

Prætermissa multa libri Regum: historia, ad Achab scelestissimi regis, & sacrilegæ uxoris ejus Jezebel temporum cursum tendimus, ut de virtutibus sanctorum Prophetarum Heliz, atque Helisei saltem tenuiter aliquid disseramus.

(c) Interea refert Scriptura, quod Achab filius Zambri mortuo patre super Israel regnaverit, in Samaria viginti, & duobus annis, feceritque malum in conspectu Domini super omnes, qui fuerunt ante eum: nec satis fuit ei, ut ambularet in peccatis Hieroboam filii Nabat, in super duxit uxorem Hiezabel filiam (d) Moabbaal regis Sidororum, abiitque, & servavit Baal in templo, quod edificaverat in Samaria, & plantavit illic lucum; & addidit Achab in opere suo irrisare Dominum Deum Israel super omnes reges Israel, qui fuerant ante eum.

Lucus, locus est silvester spissus, dictus ab eo, quod parum luceat: locus multus vestitus arboribus: locus amœnus, ubi multæ arbores sunt. Dictus lucus per (e) catachresin, quia caret luce præ nimia nemorum umbra densis arboribus septus, solis lucem detrahens. Potest & a conlucendo crebris luminibus dici, quæ ibi propter religionem gentilium, cultumque fiebant. Solebant autem Pagani in lucis his demones consulere, & responsa ab illis, in signis, & vocibus accipiebant, unde & a fando sana sunt appellari. Cum enim in diebus Heliz, scisso jam inter duas partes populo Judæorum, Achab percussione inveniens regni Israelitarum, apicem obrineret, Hiezabel externæ sëmianæ gentis, & profanæ mentis duxit uxorem: cujus cura, atque instantia idolorum ita profecerat cultus, ut ad sacrilegum ritum rex pariter traduceretur, & populus. Crassabatur in injuriam Dei diabolus antiquus artifex tyrannidis, multimodam Dei religionem

(a) Eph. 5. 29. (b) Drest in edit. in aera, sed habetur: ne cineres dispergere.

(c) III. Reg. 16. 28.

(d) Ethbaal.

(e) Antitrafum.

gionem destruere satagens. Crassabatur in corde mulieris, cujus instinctu divina lex, & ejus sacerdotum spernebatur. Occidebantur Prophete, & altaria tollebantur, stupebant omnia, & tantum commissum facinus perhorrebant, mundum dico in omnibus tasefcentem; quod membris speciebusque suis nomen creatoris ascriberet error humanus. Sed queris forte, ut tibi probetur utrum peccantibus hominibus metuant elementa; audi Hieroniam magnificum prophetarum divino ore clamantem. (a) *Exparuit, inquit, calum in istum, & terra commota est, quia duo mala fecit populus meus: me dereliquerunt fontem aqua viva, & foderunt sibi lacus contritos, qui non possunt aquam continere.* Turbata ergo erant elementa, turbata non officio, sed affectu, quod unicum, ut dixi, Deitatis nomen, hominum eis error imponeret, famulatumque debitum conditori ceca devotione praeberet. Erat hic Elias medius in tanto discrimine animarum, erat medius in ipso mandi naufragio, quod non aquarum inundatio, sed penalis, & ceca diaboli zmulatio invexerat orbi terrarum. Solus enim hic, latentibus ceteris, velut lucerna ardens offerebat se his quos videbat profundae noctis merfos caligine, nunc monendo, nunc arguendo, nunc curando, nunc etiam comminando (b). Sed nunc lumen, cæco, nec furdo prodest inferri sermonem. Crescebat in dies singulos error insauus & omnem creaturam, mortis umbra contexerat: ad omnem formam, omniemque speciem inclinabatur miserum hominum genus. Quid enim de Sole, Luna, ac Stellis, de terra, ac maris principalibus dicam, & clarissimis elementis? Cunctis animantibus volatilibus, quadrupedibus, & reptilibus, muscis quoque, & vermibus, æterni,

& singularis Dei prosternebatur imago. Quemadmodum igitur ferret illa mens, tota pietatis, & fidei, Helia dico Prophete, & tantam ruinam, tantamque perniciem animarum? jacebat populi illius corpus regio morbo constrictum, & velut ex animo jam, & sine sensu discerptis membris, & per rupes, & scopulos, per nemora, lucosque jactatis, nullas in se divinæ imaginis reliquias possidebat. Nullum huic poculum, nullum medicamenti genus proderat, si daretur, quia membra, si quod apponeret propellebant: ferro erat utendum, vulnus cruore sanandum: consequenter tamen ut creverat, a capite, inquit Isaias, usque ad pedes. (c)

(d) In diebus autem regni Achab, edificavit (e) Achiel de Bethel Hierico: in Abiram (f) primogenito suo fundavit eam, & in Segub novissimo suo posuit portas ejus. Patet sensus, quia cum prætate conditor urbis, fundamenta illius ponere inciperet, primogenitus ejus, qui vocabatur Abiram, mortuus est: & cum Urbe edificata portas manire tentaret, novissimum filiorum suorum, cognomento Segub, amisit: quod ita futurum Josue (g) cum eam destruxit anathemati traderet, inprecando prædixit: *Maledictus, inquit, vir coram Domino, qui suscitavit, & edificavit civitatem Hierico. In primogenito suo fundamenta illius (h) jactet, & in novissimo liberorum ponat portas ejus.* Quia vero Achiel (i) uniens Deo: Bethel interpretatur domus Dei, Achiel de Bethel, destructa a Josue, atque anathematizata Hierico mania, restituit. (k) Cum quis eorum, qui in Ecclesia habitum religionis assumpserat, ad agenda scelera, quæ ei Do-

mi-

(a) Jer. 2. 13.

(b) 1. 6.

(c) Cap. 16. 34.

(d) Subsequentia invenies in

Beda questionibus 30. in libros Regum: questione 16.

(e) Hiel.

(f) primitivo.

(g) Jos. 6. 26.

(h) Edit. jaceat.

(i) vivens.

(k) Notat hic Cornicius a

Lapide eadem, qua noster scriptor, quem Eucherius putat, appellatque, tradere Angelorum. Sed quam multa cum nostro scriptore communia habet Angelorum!

minus Iesus in die baptismatis, donaverat, (a) reddit, quasque ipse anathematizaverat, diaboli pompas, luxuriose vivendo repetit: cum errorum dogmata, vel gentilium fabulas a veritate Ecclesiastica, qua imbutus est, quasi de Bethel egrediens, ruinas Hierico resuscitat: meritoque talis coram Domino maledictus, & primum filiorum in fundatione nefariz civitatis, & novissimum in portarum positione amittit; quia & fundamenta fidei, a quibus bona edificia inchoare, (b) & claustra bonæ actionis, quibus perfici debuerat (c) perdidit. Hæc & allegorico sensu exposui, ut reminiscaris, quam sit verus Apostoli sermo, qui dicit: (d)

*Quia omnia in figura contingebant illis, scripta sunt autem propter nos.*

Sequitur. *Dixitque Helias Thesbites de habitatoribus Galaad ad Achab, vivit Dominus Deus Israel, in cuius conspectu sto.* (e) Sciendum est quod duobus modis in conspectu Domini venimus, uno quidem, quo hic peccata nostra subtiliter perpendentes, in ejus nos conspectu ponimus, & flendo diducamus, alio vero modo in conspectu Domini venimus, cum in extremo judicio ante tribunal judicis adfistimus: nam quotiens conditoris nostri potentiam ad sensum reducimus, totiens in conspectu illius stamus. Unde recte nunc per virum Dei Heliam dicitur: *Vivit Dominus Deus Israel, in cuius conspectu sto.*

(f) Helias jam, non ut solebat lenis, ac immitis, sed immitis, ac severus accedit ad ipsum corporis caput, accedit ad regem Achab, & dicit ei: *Vivit Dominus Deus virtutum Deus Israel, in cuius conspectu adsto, si fueris pluvia, aut ros in*

*bis annis, nisi in oris meis sermone.* Magna vis prophetica dignitatis: humanus sermo est, & divinus effectus: in terris homo loquitur, & imperio ejus celestes obediunt potestates. Commovet omnem creaturam unus sermo Prophetæ, & miro modo humi sonans, æra concussit. Turbatus est humani ministerii ordo, & a sæculis instituta elementorum harmonia contabuit, cum sicco humidum, callido frigidum negaretur: sed elementa penam suam læta suscipiunt, dummodo vel in salutem hominum, vel in honorem proficiant conditoris. Jubetur Helias secedere, ac latere: ab avibus cibis ei cælitus ministratur: siccatur deinde torrens, deficient pocula. Procedens enim velut ignis sententia ipsa quodammodo terræ vitalia penetravit, confestimque omnia arefecit. Nulla agrorum gratia: pratorum nulla venustas: ripæ quoque virgultis, quondam florentibus præteritæ fœtore tuppilimo satiscabant, cum fontes aquis, flumina cursibus privarentur. Migrat inde Propheta, & ex Dei præcepto transit ad præparata cellaria, totiusque affectionis oblitus, de se cogitat solo: non commoveatur humanitate, nec ulla flectitur pietate: non respicit ad ipsa jura naturæ, non parvulum sub sicco ubere matris exhalantem: Senum ac juvenum profunda inde nece fessa, non jam corpora, sed cadavera turbido præterit vultu, non exoranti colono, non supplicanti respondet agricolæ: sed crudelior feris, & bellus effectus immanior, humanum omne despicit genus.

*Et factum est verbum Domini ad Heliam dicens: (g) Recede hinc, & vade contra orientem, & abscondere in torrente Carib, qui est contra Jordanem, & ibi de torrente bibes: corvisque*

*pra-*

(a) condonaverat: (b) domum: (c) perdit: (d) I. Cor. 10. 11:

(e) Hæc habes in Paterio, qui hæc desumpsit ex libr. 11. Moralium Gregorii [ann. 49.]

(f) Est in exemplare vox Christus, qua prorsus inepta est. Deinceps vero aut, aliqua ex parte, exscriptis veterem translationem bomilia Chrysostomo tributa, quaque legitur in editione Montfauconii pag. 730, & seq. Tom. 2, & inscribitur in Petrum Apostolum, & in Heliam Prophetam, aut ad eam certe respexit Claudius. Vide num. 2. illius, quam dixi, bomilia. (g) Ill. Reg. 17. 3.

*præcepi, ut pascam te tibi. Abiis ergo, & fecit juxta verbum Domini. Corvis quoque deserebans ei panem, & carnes mane: similiter panem, & carnes vespere: & bibis de torrente. Post dies autem ficatus est torrentis, non enim pluerat super terram.*

Helias igitur recte Dei filio assimilatus est, cui & auctoritas, & nomen veridice congruit; Helias enim Deus mens interpretatur: quod nomen substantialiter Dei filio inest: auctoritatem sibi videlicet faciendi, quod velit originaliter vindicans: quoniam omnia, quæ sunt Patris, sua quoque esse testatur est: thesbitas autem captivans, sive convertens interpretatur. De Domino hoc Psalmista ait: (a) *Ascendens in altum captivam duxit captivitatem.* Et iterum: (b) *Convertere Domine captivitatem nostram, sicut torrentis in austro.* Ac ne forsitan moveat quempiam, quod Heliam Dei comparaverim filio, legat epistolam ad Hebræos, & id Apostolum protulisse reperiet dicendo: (c) *Quodammodo hic Melchisedech assimilatus filio Dei permanet in æternum Pontifex: sine patre, sine matre, sine genealogia, neque initium dierum habens, neque finem.* Quod utique nulli hominum, nisi Dei filio olim congruere potuit, qui ex quo, vel unde originem trahat, Scriptura penitus non indicat. Id ipsum etiam, & de Helia Scriptura testatur, cum subito nomen illius introducit, & a qua tribu, vel familia ortus sit, minime profertur. Torrentis Corvis, qui interpretatur Divisio, sive confisio, judaico populo congruere certissimum est: qui populus torrenti merito comparatur, quia quod ad observandum per legem ei fuerat divinitus traditum, opportuno tempore Incarnationis dominicæ finiendum erat, quando umbræ, & imagines legis expletæ noscuntur. (d)

„Pascitur deinde Helias tempore famis  
„a corvis mane afferentibus panem.,  
„& ad vespem carnes: & Manichei  
„non intelligunt jã illis libris Chri-  
„stianam, cui quodammodo salutem no-  
„stram esuriendi, consentient peccatores  
„(e) fidei primitias spiritus nunc  
„habentes, in fine autem, velut ad  
„vesperam seculi etiam carnis resurre-  
„ctionem percipientes? Potest & per  
„panem, & carnem, quas mane, & vespere  
„corvi Helix afferre, Scriptura pronun-  
„ciat, intelligi in panibus opera pietatis,  
„quæ in peregrinis, & indigentibus,  
„sibi testatus est Dominus dari. (f) In  
„carnibus autem castigatio intelligenda  
„est corporis, sive cruciatus, quos pro  
„divino amore, vel cultu, Sancti omnes  
„sibi intulisse, vel a persecutoribus per-  
„tulisse mane, & vespere, idest sub ve-  
„teri testamento, & evangelica prædica-  
„tione, leguntur.

(g) Postquam vero exsiccatus est torrentis, dicitur Helix a Domino: Surge, & vade in Sareptam Sidoriorum, & manebis ibi: præcepi enim ibi mulieri viduæ, ut pascas te. Surrexisti, & abiisti in Sareptam. Cumque venisset ad portam civitatis, apparuit ei mulier vidua colligans ligna, & vocavit eam: dixitque ei: da mihi parvillum aquæ in vase, ut bibam. Cumque illa pergeret, ut afferret, clamavit post tergum ejus dicens: offer mihi & bucellam panis, obsecro, in manu tua; quæ respondit: vivit Dominus Deus tuus, quia non habeo panem, nisi quantum pugillus capere potest farina in bidria, & parvillum olei in lecytho. En colligo duo ligna, ut ingrediar, & faciam illud tibi & filio meo, ut comedamus, & moriamur. Ad quam Helias ait, noli timere: sed vade, & fac sicut dixisti. Veruntamen primum fac de ipsa farina parvillum panem parvulum, & offer mihi; tibi  
P autem

(a) Psal. 67. 19. (b) Psal. 125. 4. (c) Hebr. 7. 3. (d) Subsequentia notata desumpta  
Clementis ex cap. 34. lib. 12. contra Faustum, & Isidoro cap. 8. in III. Reg. id ipsum tradente.  
(e) Edit. fidem. (f) Matth. 10. 4. (g) Cap. 17. 7. 8, & subseq.

autem, & filio tuo facies postea. Hæc autem dicit Dominus Deus Israel: hydrya farina non deficiet, nec lecythus olei minuetur, usque ad diem, qua daturus est Dominus pluviam super faciem terra. Quæ abiit, & fecit juxta verbum Helias, & comedit & ipse, & illa & (a) filius ejus, & ex illa die hydrya farina non defecit, lecythus olei non est imminutus, juxta verbum Domini, quod locutus fuerat in manu Helias. (b) Ut interim omittam, quid intrinsecus lateat Sacramenti, quod de terra Israel ad Sidoniam mittitur regionem, unde caput omnium, & causa malorum Jezabel orta fuit: illud breviter perstringatur, quod pergit ad viduam penuria laborantem, & in ipso vitæ, mortisque confinio constitutam, quæ exierat, ut ligna colligeret, & tam sibi, quam parvulis extremam victus substantiam procuraret. At Helias videns mulierem squallore confectam, non movetur, non cunctatur, non revocat pedem, sed ingerit se, & immergit, fitque ei ipse gravior fame: & dicit ad eam: *Da mihi parum aquæ, ut bibam.* O, si tibi beate homo, vidua respondisset: & juxta te voce repellens diceret: Quid petis a me, quod omnibus abstulisti? Quid queris a muliere, quod mundo negasti? hæc omnium necessitas, & hæc penuria, oris tui auctoritate prolata est. Ego a te debeo satiari; & tu venis ad me? Sed nulla horum mulier, nec corde, nec ore usa sermone est. Mox devota mens, & evangelicè non indigna mercedis, frigidæ poculum prophetæ deserti sientis. Addit quoque Helias, & dicit: *Affer mihi etiam parvis bucellam in manu.* At illa: *Vivis Dominus Deus tuus, si est mihi panis,*

nisi manus plena farina in hydrya. Eam colligo duo ligna, ut ingrediar, & faciam illud mihi, & filio meo, & manducabimus, & moriemur. Sed quid? Ad hæc Helias: *confide*, inquit, & *fac secundum verbum meum.* Sed prius fac mihi inde subcinericium, tibi autem, & filio tuo facies postea. (c) O mirabile mentis propositum! O vere venerabile per sæculum factum! porum petit, mox offert. Et quod regibus forsitan jam deerat, quod divites non habebant, hoc vidua ex abundantia erogabat. Poscit panem ab ea, quæ cum filio erat die postero moritura. Nec habere se negat, quem fatetur simpliciter, nec metuit prodere veritatem. Et non tam postulanti, quam quodammodo exigenti, omnem causam pandit in medium: quantitatem victus, & numerum personarum, ut hospitum non minus velit habere, quam judicem. Non dixit, non possum facere, quod jubes, nec ait: considera viduam, non tam de se, quam de filio tabescentem. Considera parvulorum chorum, nec me illis auferas, nec matrem patiaris tanta orbatam prole derelinqui. Non ait: tu es utique, qui Orbem terræ, famis sententia condemnasti. Te, omne hominum genus irascente, depereit. Deinde transiisti patriam: terram omnem pene gentis tuæ, & provinciam peragrasti: nusquam locuples obviavit, qui esurientem susciperet, & reficeret jejunantem. Ego tibi sola occurri, aut ego jam sola remansi, quæ præter pecuniam egestatem, etiam mole opprimor filiorum, quæ tantam natorum plebem plaga ipsa patior graviorem. Exeo domum, non ut spicas colligam, sed ligna, non ut alimoniam deferam, sed fomenta. Quos a fame liberare non possum, con-

(a) domus ejus. (b) Suspicio multa ex Augustino ad hujus loci explicationem desumpta esse; sed locum quem indicem, nondum reperi. An sermonem aliquem consuluit Claudius, quo nunc deservitur? Judicet Lector. (c) Quæ sequuntur, comparæ opto cum numero 3. illius hominæ, quæ in SS. Petrum, & Heliam inscribitur, & inter dubia Chrysostomi opera posita est a Montfauconio pag. 729. tom. 2. plura enim desumpta ex ea sunt, sed cum aliqua diverſitate: ex qua quidem re, liquido constat, jam dudum fuisse eam hominam latinitate donatam, & fuisse in eorum numero esse, quas transiisse Cassiodorum, discimus.

nor saltim a frigore defendere. Certe, quia tam crudelis es, ut non confideres, quod injungas, illo sane contentus esse debueras, ut nobiscum pariter ederes quod remansit, vel prius sineres parvulos satiari; tunc tibi quod remansisset, offerri, sed singulariter tibi præcipis fieri cibos, & non solum singulariter, sed te vis primitus, satiari: nulla te miserorum convenit cura, nec ipsa naturæ religio interpellat. Parvulis, & lactantibus extremum de ipsis dentibus auferre vis cibum: sed illa horum nihil aut egit, aut dixit; quinimmo intrepida currit, & imperata consummat. Erat in illo tempore spectaculum angelis hominibusque gratissimum: (a) quod inter gentes, & in terra profana, vidua mulier jam tunc esset filia Abrahæ, multo hospitalior ipso parente, multo humanior fidei genitore. (b) Erat quidem Abraham hospitalis, & erga peregrinos magno detentus affectu, sed erat vere opulens, erat dives, aderat ei posse quod vellet, quia minor erat animus, quam facultas, nec census animum superabat: hæc vero, quæ non solum marito, sed & facultatibus viduata, non solum natalibus tenuis, sed & temporis malo conficta, ad tantam devenerat paupertatem, ut in domo nihil, nisi quod augeret famem, possidere poterat, parvulorum turba ipsa inedia gravior est, sed in his omnibus malis liberalis animus, & mens devota præstabat. Pergit, & ut præceperat homo Dei, fideliter complet, sulcipit Prophetam, & recipit. Quo ergo ore, quibus vocibus hanc seminam laudem? „Nihil mihi dignum occurrit, quod tantæ virtutis animum valeat exæquare. Consi- dero enim, quemadmodum studio hu-

manitatis omnem inde despexit naturæ affectus, non de se, non de parvulis: nihil eam a mentis proposito revocaverit, nec proprii sexus infirmitas, nec materna erga parvulos viscera pietatis. Occidit naturæ officia hospitalitatis intuitu, & effectus est devotus erga hospitem matris animus, filiorum (c) crudele sepulchrum. Quantum enim ad illam spectat, mortui sunt parvuli, & genetricis quodammodo manibus strangulati, atque sepulti. Quantum autem ad Dei misericordiam, non mortui sunt vere, nec fame, vel inedia consumpti: quia soli ceteris pereuntibus, convalescerunt. Confestim siquidem, & Propheta tantam fidem divina mercede remunerans ait: *Vivis Dominus, quia hydra farinae suæ non deficiet, & vas olei non imminuetur.* Facta est igitur manus viduæ perenne torcular, & mola jugiter fundens: Et quid dico mulieris manum? In verbo Prophetæ tota domus viduæ piorum cellarium facta est, non ibi ros, non pluvia, non veris aura, non calidi soles, non nimbus necessarius, non aratum, non agricola, non colonus, sed omnia, & in omnibus sermo Prophetæ assatim viduæ ministrabat. Sciendum tamen quod in LXX. interpretibus hæc vidua, non unum tantum filium, sed plures habuisse narratur. (d) Mulier vero, quæ fuisse in *Sarepta* scribitur, Ecclesiæ typum gestabat, quæ a suo diutius conditore deserta, populum rectæ fidei nescivit, quasi pauperem egenam sipe nutriebat, idest verbo fructum expertem docebat, donec adveniret sermo propheticus, qui ex siccato vellere Israelis, P 2 sue-

(a) Subsequentia fere omnia, sed cum aliqua diversitate ex homilia in SS. Petrum, & Heliam in rem suam transiit Claudius. (b) Gen. 18. 2. &c. (c) Hæc habet interpretatio Montfauconii. Videre erat viscera projecta, & Prophetam susceperat: totam filiorum turbam sepulchrum effecit; quantum enim fuit viduæ in proposito, illi mortui sunt, sed Dei benignitate factum est, ut viverent, & incolumes essent. (d) Multa bis affinis docet Berengandus in Apocalypsim ad ea verba, Et cum aperuisset sigillum quartum.

utpote clausa celi janua, fame periclitabatur in Iudæa: quæ ob hoc dicta est vidua, quia utpote gentilis, nec dum fuerat divino cultui mancipata, nec sacre legis habebat notitiam; Sæpe autem civitas, quæ interpretatur: *incendium*, sive *tribulatio panis*, vel *panis angustia*, præfens accipiendus est Mundus, in quo incendium pessima conflagratur cupiditatis: ubi rebus supervacuis acquirendis quasi aucupandi cura impendebatur. Ubi diræ cupiditatis incendium, panisque spiritualis antea fiebat angustia. Ergo, ut de Helia Scriptura pronunciat, Dominus noster ad nationum Ecclesiam veniens, & eam extra portam civitatis, patrium videlicet innotum errorem reperiens, non eam signis, & mirabilibus, maximisque portentis, ut Israeli fecerat, ad confessionem sui nominis provocavit, sed verbo eidem tantummodo imperavit dicens: *Da mihi paucillum aqua in vase, ut bibam, & buccellam panis in manu tua*. Aqua enim in vase, fides accipienda est cordis, (a) *qua creditur ad iustitiam*. Buccellam vero panis in manu, misericordie est intelligendum opus, quo fides, & opera vinculo sibi quodam indissolubili connectuntur. Ubi enim una defecerit, altera penitus nequaquam stabit. Quod antea Jacobus ait Apostolus: (b) *fides sine operibus mortua est*. Et opera, sine fide, inania redduntur, & frivola. Ecclesia ergo in typo illius mulieris viduæ, juxta Domini præceptum ad afferendum eidem aquam pergendo, quodammodo fidem sui cordis præparatam, ostendit Domino. Panem, sibi confitentur, nec dum fuisse, condigna, videlicet opera divinæ culturæ, sed modicum se testatur habere farine in hydra, & paululum olei in lecytho. Pugillum farine in hydra, naturalem indicat legem, quæ divina largitione humane naturæ insita est, per quam discernitur bonum, vel malum, & ut quod

sibi quisquam fieri non vult, (c) alii ullo tempore non faciat. Paululum vero olei in lecytho, rationabilis accipiendus est intellectus, per quem creatura intelligit creatorem, & piis operibus eidem placere studet: quæ idcirco dixit: se parum habere, quia nec dum per baptismi Sacramentum spiritualis gratiæ acceperat donum. Ibi tamen farina, oleumque, ore prophetico benedicuntur: id est fructus, & hilaritas caritatis, sive gratia corporis dominici, & chrismatis unctio indefectivo verbo cœlestis munere secundatur. Cujus hæcenus in vasis oleum gaudii spiritualis, & benedictionis farina non defecit, ceteris, quæ non credunt, gentibus, inopia panis divini, & venatui deditis inutili. Quod autem ait, duo se ligna colligere, ex quibus modicum farine coqueret quod habebat, & cum filiis suis comedens, mortis jam exitum expectaret, ita accipiendum est: in duobus lignis non solum ligni nomine, fed etiam numero lignorum crucis mysterium præsignabat; per quam sibi, & filiis suis, id est populo, qui Christo fuerat crediturus, panem vitæ perpetuæ dari credebatur, præteritis peccatis per lavacrum baptismi mori: illo videlicet genere, quod Dominus in Evangelio predicavit: (d) *Beati qui non viderunt, & crediderunt*. Per panem vero subcineritium, parvulum illud jam præfigurabat, quod in exordio fidei observare gentes per epistolam Apostoli decrevisse leguntur: (e) *Ut ab idolatria se tantummodo cultu, & fornicatione, ac suffocatis abstinerent*. Hæc enim, quæ rudibus adhuc, & seris hominibus ab Apostolis consilio sapienti indulta sunt, ad comparationem evangelicæ prædicationis, ad quam postmodum introducti sunt, valde exigua, & parva fuisse noscuntur. Quod autem ait: *mibi, primis facito*, hoc voluit ad omnes credentes ex gentibus, ut non suis meritis adscriberent, quod obdura-

to,

(a) Rom. 10. 10.  
(d) Jo. 20. 29;

(b) 2. 26.  
(e) Act. 15. 20.

(c) In exemplari est: alii tempore non faciat.



eo, spretoque Israele ipsi salvati sunt; sed sibi, qui ut crederent, eisdem misericors extitit. Quod autem dictum est ad Cain non (a) recte offert, qui non recte dividit, hoc est: qui non Deo, sed sibi omne bonum, quod habet, ascribit: sive aliter, panis subcinericius historia accipienda est legis, quæ spirituale intelligentiæ operam continebat litteræ. Per fermentatum vero panem, Evangelii intelligenda est prædicatio, cujus veteris testamenti tanquam fermentum inserta sunt testimonia. Quod autem pascentem se pavit Helias, ita intelligendum est: universi enim vero fideles, licet sua fide, & piis operibus Deum pascant, tamen, ut hoc habeant, ab illo eisdem condonatur. Omne enim datum optimum, (b) ut scriptum est, & omne donum perfectum desursum est, a luminis patre descendens. Divina enim munera metuens Deum nequaquam penitus minuentur. Rursus aliter: per panem subcinericium, quem sibi verus Helias Dominus noster, a nationum Ecclesia ad vescendum præcipit exhiberi, quod aliud accipiendum est, nisi penitentium satisfactio? Id ipsum palmographo sub persona penitentis canente cum dicit: (c) Quia cinerem sicut panem manducabam, & potum meum cum fletu temperabam. His enim satisfactionibus Dominus se pasci hortatur.

Factum est autem post verba hæc: agrosavit filius mulieris matris familie, & erat languor fortissimus, ita ut non remaneret in eo balneus. Quæ dixit ad Heliam: Quid mihi, & sibi vir Dei? Ingressus es ad me, ut rememorarentur iniquitates meæ, & interficeres filium meum? Cui ait Helias: da mihi filium tuum. Quem tollens de sinu ejus portavit in cenaculo quo manebat, & posuit eum super lectum suum, expanditque se, ac mensus est super puerum tri-

bus vicibus. Et conversus est anima pueri ad eum, & revixit, depositumque de cenaculo tradidit matri suæ & ait: en filius tuus vivit. Quæ responsio: in isto cognovisti, quoniam vir Dei es tu, & verbum Dei in ore tuo verum est.

Quod enim dicit filium mulieris nimio languore detentum, ad mortem usque fuisse perductum, hanc intelligentiam habere dinoscitur. Post perceptam enim quis divinam cognitionem, seu evangelicam prædicationem, perceptoque bonorum operum gustu, pro commissis facinoribus, & præteritis erroribus, in gravissima langueat afflictione, necesse est; quia, ut scriptum est: (d) qui addit scientiam, addit (penitentiz salutem) dolorem: castigatio assidue vim facit perditioni suæ, ut evadere valeat perpetuum mortem, & vitam consequatur beatitudinis sempiternæ: hoc ipsum Paulo Apostolo confirmante, cum dicit: (e) se non esse dignum vocari Apostolum, eo quod persecutus fuerit Ecclesiam Dei, & expugnaverit illam: in descensu enim fontis, originali peccato, ac pristinis vitiis per baptismum, qui Christo crediderit, moritur. Unde sublatu ad sacri Altaris opusculum, per unctionem chrismatis, & invocationem Patris, ac Filii, & Spiritus Sancti, communionemque Corporis, & Sanguinis Domini, vivificari manifestum est: & tunc ab omni Ecclesia, cujus pueri hujus mater figuram gerebat, illa profertur confessio: quia Dominus Jesus verus Dei filius est, & in gremio Patris, vel dextera sit constitutus, rursusque depositus de altari, cæui fidelium, tanquam matri, redditur vivus. Sive aliter: postquam enim fidelis quis pristinis vitiis per penitentiam, & satisfactionem, sua mortificaverit membra, sublatu a terrenis cupiditatibus, & carnalibus desideriiis, per meditationem legis, ac proph-

(a) Gen. 2. 7. ex veteri versione Septuaginta, quam sequitur Augustinus 15. De Civit. cap. 10.

(b) Jacob. 1. 27.

(c) Psal. 101. 10. & laborem.

(d) 1. Cor. 15. 3.

(e) Eccl. 1. 18. qui addit scientiam, addit

phetarum, evangelicaque predicatione vivificari meruerit, templumque fuerit divinum effectus, illuc intentionem animi contendit dirigere, ubi Christus est *ad dexteram Patris sedens*, & in carne adhuc habitans, conversationem jam nititur habere in cælis. Sed quantumlibet quis homo ad Deum contendat erigere mentem, & per excessum quendam, theozis se gaudeat in supernis Christo Domino adherere, corporis tamen compellente natura, cui anima juncta est, ut de supernis ad inferiora rursum retrahatur, necesse est. Quod autem dicit, Heliam se super puerum expandisse, tribusque vicibus mensum fuisse, hoc ipsum explelle Dominum manifestum est, cum per legem, & prophetarum vaticinia, seu propria predicatione salutem protulit gentium populo. Superiora jam figuraliter exposita verba Helix de vidua, multo aliter apud antiquas translationes reperiuntur, in quibus Helias Domino supplicat dicens. (a) „O Domine testis bujus vidua, cum qua ego inhabito apud ipsam, tu male fecisti, ut occideres filium ejus. Nihil in hoc dicto moveret animam, si vera pronuntiatio servaretur. Vox est enim non credentis, quod tam male faceret Deus cum ea vidua, quæ tam pie prophetam susceperat, eo præsertim tempore, quo ibi erat, cui protulerat illa totum victum suum tam exiguum in tam magna, & summa inopia. Ita ergo dictum est, ac si diceret: O Domine testis bujus vidua, cum qua ego inhabito apud ipsam: tu ne male fecisti, ut occideres filium ejus? Ut subintelligatur, quod utique Dominus testis cordis illius mulieris, videbat quanta esset pietas, unde etiam Heliam ipsum ad eam miserit, non male faciendi causa mortificaverat filium ejus, sed exhibendi miraculi ad gloriam nominis sui: quo tan-

rum prophetam, & tunc viventibus, & posteris commendaret, sicut dicit Dominus (b), non ad mortem mortuum fuisse Lazarum, sed ut glorificetur Deus in filio suo. Et hoc consequentia probant; ex ipsa etiam fiducia, qua credidit Helias, non ad hoc illud contigisse, ut acerbo luctu hospita ejus affligeretur, sed potius ad hoc factum, ut Deus magnificentius ostenderet viduæ, qualem Del famulum suscepisset. Sequitur Scriptura, & dicit: *Es infusus pueri tuo, & invocavit Dominum, & dixit: Domine Deus meus, reverteratur nunc anima pueri bujus in eum, & factum est sic.* Hæc ergo deprecatio, qua petiit Helias tam breviter, & tam fideliter, ut resurgat puer, satis indicat, quo affectu dicta sint superiora. Et ipsa mulier ostendit, ad hoc mortificatum fuisse filium suum, ad quod Helias factum esse præsumplerat, cum illa verba non confirmando, sed renuendo enuntiaverat. Cum enim vivum recepiisset filium suum ait: (c) *Ecce cognovi, quoniam homo Dei es tu, & verbum Dei in ore tuo certissimum est.* Multa autem sunt in Scripturis, quæ nisi illo modo (d) ponantur, in contrariam sententiam recidunt, sicuti est: (e) *Quis accusabit adversus electos Dei? Deus qui justificat.* Si quasi confirmans respondere, vides quanta perversitas oritur, sic ergo pronuntiandum est, ac si diceretur: Deusne qui justificat? ut subaudiatur, non utique. Ac per hoc apertam puto esse illam Helix sententiam, quam non servata pronuntiatio faciebat obscuram.

(f) *Factum est verbum Domini ad Heliam: vade: & ostende te Achab, ut dem pluviam super faciem terra. Qui perrexerit: & occurrit in itinere Abdia dispensatori regis Achab, & ait: vade*

mun-

(a) Quæ deinceps posita sunt, tradidit Augustinus ad questionem 5. libri 2, de diversis questionibus ad Simplicianum. (b) Joan. 11. 4. (c) vers. 24. (d) pronuntiatur.

(e) Rom. 8. 33. (f) III. Reg. cap. 18. 1. 7. &c.

minis Achab: adest Helias, qui abiit  
 & nuntiavit ei: venis in occursum  
 ejus, & ait ad Heliam. Tunc es qui  
 comburas Israel? Ad quem Helias, non  
 turbavi, inquit, Israel: sed tu & domus  
 patris tui, qui dereliquisti mandatum  
 Domini, & secuti es Iis Babalim. Ve-  
 rumtamen misce nunc, & congrega ad  
 me universum Israel in montem Carme-  
 li, & Prophezas Babal quadringentos  
 quinquaginta, prophezasque lucorum,  
 qui comedunt de mensa Jezabel. Misce  
 itaque Achab ad omnes filios Israel, &  
 congregavit Prophezas in montem Carme-  
 li. Accedens autem Helias ad omnem  
 populum ait: usquequo claudicatis in  
 duas partes? Si Dominus est Deus, se-  
 quimini eum. Sin autem Babal, sequi-  
 mini illum; & non respondit ei populus  
 verbum. Ad quos rursum ait Helias: e-  
 go remansi Propheza Domini solus. Pro-  
 pheta autem Babalim quadringenti quin-  
 quaginta viri sunt. Denur ergo nobis  
 duo boves, & illi eligant bovem unum,  
 & in frustra cedentes ponant super ligna:  
 ignem autem non subponant. Ego quo-  
 que faciam bovem alterum, & im-  
 ponam super ligna, ignemque non sub-  
 ponam. Invocent illi nomina deorum suo-  
 rum, & ego invocabo nomen Domini:  
 & Deus qui exaudierit per ignem, ipse  
 sis Deus. Responditque omnis populus,  
 & ait: Optima propositio. Dixitque  
 Helias Propheza Babal: elige bovem  
 unum, & facite vos primum, quia plu-  
 res estis. Et fecerunt ita: invocabantque  
 nomen Babal de mane usque ad meri-  
 diem, & non erat vox, nec qui respon-  
 deret.... Incidebantque se secundum ri-  
 tum suum cultris, & lanceolis, donec  
 perfunderentur sanguine. Cumque tran-  
 sisset merides, & tempus adesset jam  
 quo sacrificium (a) verum offerri debe-

ret, dixit Helias ad populum: accedite  
 ad me, & accedente ad se populo, cu-  
 ravit altare Domini, quod destructum  
 fuerat, & tulit duodecim lapides juxta  
 numerum tribuum filiorum Jacob, & a-  
 edificavit altare in nomine Domini: fe-  
 citque aqueductum quasi per duas ara-  
 tiunculas in circuitu altaris, & im-  
 posuit ligna, & ait: implete quatuor hy-  
 drias aqua, & effundite super holocau-  
 stum, & ligna. Quod cum fecissent, id-  
 ipsum, etiam secundo, & tertio fieri  
 iussit, repletaque est fossa, & aquedu-  
 ctus, aqua.

(b) Vide cur Helias etiam hoc fa-  
 cit, & diligenter adverte. Habebat bea-  
 tus Helias, & per gratiam prophetice  
 dignitatis, & per divini cultus studi-  
 um, peritiam omnium, quæ in templis  
 demonum agebantur, (c) scientiam.

11 Noverat inter cetera inepta potius  
 12 commenta, quam callida, etiam hu-  
 13 juscemodi compositam fraudem, qua  
 14 facilius irriterentur animæ miserorum,  
 15 ut arx eorum non simpliciter ante  
 16 pedes delubri statueretur, sed pendens  
 17 crepido supra quam structa est, ro-  
 18 gus subteranea fornice bajuletur, ad  
 19 quam ex adversa parte concavi pa-  
 20 rietis occultu aditu descendatur, ac  
 21 per patulas cavernas, præparatos ignes  
 22 doli minister, sacrificii tempore, clan-  
 23 destinis officiis subministret. Quo at-  
 24 tonitus miserorum animus, dum nul-  
 25 las desuper videt adhibitas flammæ,  
 26 hostiamque cernit ex improvise com-  
 27 buri, per invisibilem potestatem ig-  
 28 nes cælo credat esse delatos.

11 Ne ergo hoc incredulæ mentes  
 12 etiam de divinis suspicarentur altari-  
 13 bus, vallum quod fieri præceperat, aqua  
 14 iussit impleri: ut, si qua esset sub al-  
 15 tario fovea, proderetur, vel descen-  
 16 dens

(a) Nescio cur addita sit vox hæc verum, nisi forte respiciat ad sacrificium legitimum, quod  
 princeps Deo oblaturus erat. De qua re vers. 36.

(b) Quæ sentiantur reperti  
 cum aliqua, sed levi varietate in bomilia, quæ in SS. Petrum, & Heliam inscri-  
 buntur, posteaque est, ut jam dixi, a Montfauconio inter dabias Chryseismi bomilias  
 [ pag. 729. tom. 2. ] Vide obsecro numerum 4. ejusdem bomilias pag. 737.

„ dens deorsum aqua, latentes utique,  
 „ ignes exstingeret. Nec vero sufficit  
 „ semel rigasse locum: tertio id agitur:  
 „ sed nec hoc est Propheta contentus,  
 „ ipsa altaris ligna præcipit inundari,  
 „ ut omnis fraudis suspicione submota,  
 „ divinæ potestatis esse virtutem, nec  
 „ rex, nec populi, nec ipsi dubitarent  
 „ Demonum sacerdotes.

(a) Cumque jam tempus esset, ut  
 holocaustum offerretur, accessit Helias ad  
 altare; & exclamavit dicens: Domine  
 Deus meus exaudi me hodie in igne, si-  
 cut exaudisti me in aqua, ut cognoscat  
 populus hic, quoniam tu es Dominus De-  
 us Israel, & ego servus tuus, & pro-  
 pter te feci opera hæc. Exaudi me Do-  
 mine: exaudi in igne, & cognoscat popu-  
 lus hic quia tu es Dominus Deus, & tu  
 conversisti cor populi hujus retrorsum. Et  
 ecce clamante eo, cecidit ignis de celo,  
 devoravitque holocaustum, ac ligna, &  
 lapides, pulverem quoque & aquam,  
 quæ erat in fossa aquaductus, lambens.  
 Quod cum vidisset omnis populus, cecidit  
 in faciem suam, & ait: Dominus, ipse  
 est Deus. Domine ipse est Deus: dixit-  
 que Helias ad eos, apprehendere omnes  
 Prophetas infames, & ne unus quidem  
 effugiat de illis. Quos apprehendentes  
 continuo duxit eos Helias ad torrentem  
 Cison, & ibi eos trucidare præcepit.

Clementissimus enim Deus, qui non  
 obliviscitur misereri, nec in ira continet  
 miserationes suas, rursum ad Israellem fi-  
 lium suum dignatus est mittere, ut eil-  
 dem pluviam evangelicæ prædicationis  
 tribueret. Tres enim anni famis, scien-  
 tiam sanctæ Trinitatis populo Judæo-  
 rum, vel in toto mundo, defuisse præ-  
 gnabant. Achab vero, cujus nomen in-  
 terpretatur frater patris, a quo etiam  
 Dei Prophetas interfectos pronuntiat  
 Scriptura; principum Sacerdotum ty-  
 pum gerebat. Quod autem dicit Achab

ad Heliam: (b) Tu ne es ille, qui con-  
 turbas Israel? hoc ipsum & de Domi-  
 no, Sacerdotum principes dixisse Pila-  
 to leguntur: (c) Invenimus hunc subver-  
 tentem gentem nostram. Hi enim, ut  
 Dominus eis legitur exprobrasse, filii  
 fuere patris sui diaboli, cujus opera  
 facere studuerant, ut vitæ suæ aucto-  
 rem crucifigendum impie proclamarent:  
 Vos enim (ait Dominus) (d) de diabolo pa-  
 tre estis, & opera patris vestri facere  
 vultis. Ille enim homicida est, & ab ini-  
 tio mendax: (e) & in veritate nunquam  
 fletis. Abdias autem cujus nomen inter-  
 pretatur servus Domini, qui etiam, eo  
 tempore, quo Achab Prophetas Domini  
 præceperat trucidari, centum Prophe-  
 tas in speluncis celaverat, victum eif-  
 dem cotidie administrans, illos quod-  
 ammodo præsignabat, qui ex principi-  
 bus Judæorum occulti discipuli Domini  
 erant, (f) hoc est Nicodemus, & ceteri,  
 quos Evangelista pronuntiat. Prophe-  
 tæ Baal, & prophetæ Lucorum, scri-  
 barum, & Phariseorum typum ge-  
 rebant, qui sacræ Legis negligentes præ-  
 cepta, populum propriis traditionibus  
 pervertebant, quibus *Va* futurum Do-  
 minus legitur prædixisse. Carmelus vo-  
 ro mons qui interpretatur scientia cir-  
 cumcisionis, Christi præfigurabat Eccle-  
 siam, in qua non præputii circumcisio,  
 sed qualiter circumcisio accipienda sit,  
 scire præcipitur: per circumcisionem e-  
 nim præputii, carnis libidinem luxuræ, at-  
 que luxuriam sciendum est abscinden-  
 dam. Per cordis vero circumcisionem, im-  
 munde cogitationes intelligendæ sunt am-  
 putandæ. Bovem vero, quem Helias ma-  
 etavit in holocaustum, atque in frustra  
 concidit, vetus intelligendum est testa-  
 mentum, ex quo ad confutandas Judæi-  
 cas superstitiones, ea quæ de illo scripta  
 fuerant, multis in locis excussisse Domi-  
 num Jesum evangelica prædicatione ma-  
 nife-

(a) vers. 36, sed multo cum discrimine vulgatum inter, & interpretationem hanc: sed in-  
 homilia, quam inter Chrysostomi dubias esse dixi, & hic fere exhibetur, hac interpreta-  
 tio allegatur. (b) Hæc omnia sunt in superiori Scriptura loco, sed exant v. 17.

(c) Luc. 23. 2.

(d) Joan. 8. 44.

(e) Epist. Jo. 3. 8.

(f) Joan. 19. 38.

nifestat, cum dixisse scribitur: (a) *Non legistis, quod dictum est, lapidem quem reproboverunt adificantes, hic factus est in caput anguli? Et intellexerunt, inquit, scribae, & pharisaei quod de illis diceret* &c. quæ in Evangelio reperitur. Bovem vero alterum a falsis Prophetis electum, populum significat reprobum, per phariseos, atque scribas, seu hereticos, non Deo, sed Diabolo auctori eorum, ab ipsis oblatum. Transactum meridiei tempus, vergentis mundi significabat cursum, in cujus vespere Dominus Iesus Christus in verum sacrificium, quod ipse est, se ipsum Patri ad deponenda humani generis delicta obtulit. Altare quod ab Helia curatum est, & ex duodecim lapidibus restauratum, Sanctæ Trinitatis accipienda est confessio, quæ in Judæis olim, vel in hæreticis destructa fuit, a Domino per Apostolos in Ecclesia reformata est. Ligna vero, quæ super Altare composita fuerant, crucis patibulum præsignabant, in qua dominicum adhibitum est corpus, quod verum, & acceptabile Deo Patri fuit holocaustum. (b) Quatuor hydries repletæ aqua, totidem numero significabant Evangelia, in quibus baptismi Sacramentum, quod in nomine Sanctæ Trinitatis datur, habetur præceptum. Ignis quoque, qui lapides altaris, & quæ super eum fuerant, nec non & aquam voravit, Sanctum præsignabat Spiritum, qui non solum Apostolos, sed cunctos credentes per lavacrum regenerationis in Dei sacrificium adsumit, & sanctificat. Falsi vero Prophetæ, qui ab Helia interfecti leguntur, adverbis accipiendæ sunt potestates, de quibus Dominum in cruce pronuntiavit Apostolus triumphasse, sive illi accipiendi sunt, qui adversum Dominum impie proclamasse leguntur: (c) *Sanguis ejus super nos, & super filias nostras*. Quod utique temporibus Vef-

pasiani, & Titi expletum, qui legit Josephum historiographum, non habebit ambiguum.

Deinde historia sequitur, & dicit: (d) *Ascendit Helias in verricem Carmeli, & pronus in terram posuit faciem suam inter genua; (e) & exorabat Dominum: dixitque ad puerum suum, ascende, & circumspice contra mare septem vicibus. Quod cum fecisset, septima vice apparuit nubecula parva quasi hominis vestigium ascendens de mare, & subito contenebrati sunt celi, & facta est pluvia grandis*. Quod enim Helias exorat, ut pluvia tribuatur a Deo, hoc quoque Dominum fecisse pro suis discipulis, & qui per verbum illorum credituri erant, Evangelista pronuntiat.

Ministrum Helig, cui iustum est contemplari contra mare, omnium prophetarum, qui ante Salvatoris adventum fuerunt, typum gestasse non dubium est, quibus in gratiam Spiritus Sancti per omne tempus, quod ante adventum Salvatoris præcessit, incarnationem illius præstolare datum est. Nubecula parva, quæ velut vestigium hominis ascendit de mari describitur, Dominus, ac Redemptor noster accipiendus est: sicut enim vestigium extremum corporis membrum est, ita quoque Dominus Iesus humilis, & parvus, ac pauper in mundo existere voluit, qui nos a peccato mundaret. Celi contenebrati sunt, quia sancti prædicatores divini Verbi occulti Sacramenti sunt repleti: *pluvia facta est magna*, quia evangelicus imber per Apostolorum prædicationem totius mundi rigavit fines. Currus Achab, quem Helias accinctis lumbis præibat, Diaboli accipienda potestas est, cui a Domino dicitur: (f) *Vade retro Satanas; non tentabis Dominum Deum tuum*. In tantum enim Diaboli potestas in adventu Domini inanis extitit, & infirma, ut nec in porcos dominandi haberet

(a) Matth. 21. 42. (b) vers. 34. Implete quatuor hydrias aqua. (c) Matth. 27. 25.

(d) vers. 42. sed cum aliquo discrimine vulgarum inter, & hanc interpretationem.

(e) Verba hæc exorabat Dominum, in vulgata non erant. (f) Matth. 4. 10.

ret licentiam : nisi ei fuisset permis-  
sum.

(a) Nuntiata sunt, inquit, Jeze-  
bel cuncta, quæ gesserat Helias, & quem-  
admodum Prophetas occidisset Babel.  
Quæ statim nuntium misit ad eum di-  
cens: hæc mihi faciant Dñi, & hæc  
addant, nisi hac hora cras ponam ani-  
mam tuam sicut animam unius ex illis.  
Quod audiens Helias timuit valde, &  
abiit quocumque eum ferebat voluntas,  
venitque in Bersabee Judæ, & illic reli-  
quit puerum suum. Ipse autem perrexerat in  
desertum locum, viam unius diei. Cum-  
que venisset illic, & sedisset subter u-  
nam juniperum, ait: sufficit mihi Domi-  
ne, tolle animam meam.

(b) Sancti viri, qui sublevante  
spiritu ad summa rapiuntur, quam-  
diu in hac vita sunt, ne aliqua elat-  
tione superbiant, quibusdam tenta-  
tionibus reprimuntur; ut nequaquam  
tantum proficere valeant, quantum  
volunt; sed ne extollantur superbia,  
fit in eis, ipsarum quædam mensura  
virtutum. Hinc est enim quod  
Helias, dum tot virtutibus in al-  
ta profecisset, quadam mensura  
suspensus est, dum Jezebel postmo-  
dum, quamvis Reginam, tamen mu-  
lierculam fugiit. Pendo quippe  
hunc mixtæ virtutis virum, ignem  
de celo trahere, & secundo quin-  
quagenarios viros cum suis omni-  
bus petitione subita concremare: ver-  
bo cælos a pluviis claudere: ver-  
bo cælos ad pluvias aperire, susci-  
tantem mortuos, ventura quoque  
prævidentem: & ecce rursus animo  
occurrit, quo pavore ante unam  
mulierculam (c) fugit. Confidoro  
virum timore percussum de manu  
(d) Domini mortem petere, nec  
fugiendo vitare. Quærebat enim

mortem, dum fugeret, dicens. *Suf-  
ficis mihi, tolle animam meam,  
neque enim melior sum quam patres  
mei.* Unde ergo sic potens, ut tot  
illas virtutes faciat? Unde sic infir-  
mus, ut ita terram pertimescat?  
nisi quia dispensatione luperni nu-  
tus mensura occulti libraminis appen-  
duntur, ut ipsi sancti Dei homines,  
& multum valeant per potentiam  
Dei, & rursum quadam mensura  
moderati sunt per infirmitatem suam?  
In illis virtutibus Helias quid de-  
(e) Domino acceperat, in istis in-  
firmitatibus quid de se esse poterat,  
agnoscebat. Illa potentie virtus fuit:  
illa infirmitas cultus virtutis.

In illis virtutibus ostendebat  
quid acceperat: in illis infirmitati-  
bus hoc quod acceperat, custodie-  
bat. In miraculis monstrabatur He-  
lias: in infirmitatibus servabatur.  
Post hæc sequitur: (f) projecitque se,  
& dormivit in umbra juniperi. Et ec-  
ce Angelus Domini tetigit eum, dixit-  
que illi: surge, & comede. Respexitque  
& vidit ad caput suum subcinerium  
panem, & vas aquæ. Comeditque, ac  
bibit, ac rursus dormivit. Tetigitque  
eum secundo Angelus, & dixit: surge, &  
comede: grandis enim tibi restat via.  
Consurgenque comedis, & bibis, &  
ambulabis in fortitudine cibi illius qua-  
draginta diebus, & quadraginta nocti-  
bus usque ad montem Dei (g) Orepb.  
Quid igitur Jezebel? hæc faciant mi-  
hi Dñi, & hæc addant; nisi posuero  
animam tuam, sicut animam unius ex  
illis. Et audivit Helias, & fugit viam  
dierum quadraginta (b) O violentiam  
verbi! O formidinis eminentiam! audi-  
to mulieris verbo, fugit Helias, & fu-  
git non una, non duabus, non tribus  
diebus, sed ingressus est in eo sermo  
mulieris, & quid ageret, nesciebat,  
tanti

(a) Cap. 19. (b) Subsequentia tibi præbet Paterinus, idcirco Gregorius lib. 19. Moral.  
num. 9, & 10. (c) fugerit. (d) Dei. (e) Dno. (f) 10. 5.  
(g) Ficti. (h) Que sequuntur habes numero 2. ex libro allegato Bonifacii in SS.  
Petronii, & Heliani, sed Bonifacii aliquando transgreditur, ut patet ex libro in notis.

tanti itineris spatio, metu exagitante, jactatus, velut cum Zephiri flatibus cursu impulsæ navis arborem violentus ex adverso turbo corripuit, impletumque reflexit, ita Prophetæ animam virtutum velis navigantem mulieris perculit sermo, totamque ejus navem per omnes formidinum fluctus turbato rectore jactavit, quid ergo tu Helias? tu enim es, qui verbo clauferas cælum, & fraudaveras imbres, qui mandaveras acri, & divinos ignes eduxeras, qui falsos salubriter interfici jussuras sacerdotes, qui constanter in faciem exprobraveras Regi, quod ipse, & domus sua populum evertentes Israel: qui dixerat: vivit Dominus: *Si eris pluvius, aut ros nisi in verbo oris mei*: qui domum viduæ, spicarum aream, & torcular feceras olei, qui omnibus imperaveras elementis, sermonem nunc meretricis audiens, expavisti, & una muliercula profugum fecit, timorisque capivum. O rem stupendam! Vide duos istos, Petrum & Heliam, magnificos viros, & cæteris clariores, velut duas civitatum arces in sublime porrectas, a mulieribus fatigari. Petrus timet puellam: Jezabel deterrēt Heliam. Et quia ejusdem culpæ vitio uterque subiacuit, amborum naturalis infirmitas unum sortita est proditorem. Fugit ergo Helias viam quadraginta dierum. Ubi est zeli tui ardor incontinenens, ubi constantis flamma? Ubi auctoritas libertatis, cum dicebas: *vivit Dominus, si eris pluvius super terram*, vel cum Regem cominus arguebas, tantaque mirabilia faciens unum adulteræ non tulisti sermonem? Sed considera, quid in his ostendatur. Quid scilicet, quamdiu homini Domini gratia cooperatur, omnia secunda sunt, omnia fida: elementa serviunt, & principes prosternuntur, reges adorant, populi venerantur. Si vero se, semel perfectionis, vel correptionis causa supernum ab homine suspendat au-

xilium, confestim fragilitas naturæ monstratur: mox insurgunt quæ videbantur esse subjecta: quæ prius ut Dominum metuebant, incipiunt esse terroci. Jezabel, quæ interpretatur *fluxus vultus*, Sinagoge gestavit typum, quam vanis superstitionibus serviens, in Evangelica prædicatione credere noluit, & auctorem vitæ *persequens*, sicut & Jezabel Heliam, extinguere magis, quam credere maluit. Puer Helix, qui in Bersabee, qui interpretatur *puteus juramenti*, dimissus est, Sacerdotale accipiendum est ministerium, quod templo Domini in Hierusalem, cultui exhibebatur divino. Desertum vero, ad quod via unius diei Helias legitur pervenisse, & sub arbore juniperi quievisse, universus accipiendus est mundus, qui propter dæmonum cultum in maligno fuerat positus, ad quem Dominus relicta Judæa, per prædicatores suos transire dignatus est, & ibi quasi dormit, dum per fidem in cordibus fidelium requiescit. Arbor vero juniperi aggressis, atque inculca, Ecclesiæ præsignabat ex gentibus, quæ sacrarum Scripturarum nequaquam fuerat exculpreceptis, ad quam Israeliticum Regnum transiturum Dominum prædixisset, Evangelista pronuntiat. (a) *Auferetur a vobis (Judæis) Regnum*, inquit, & dabitur genti facienti voluntatem Dei. Viam vero unius diei, quam Helias egisse legitur, unitas intelligenda est Trinitatis, quam evangelica prædicatione cunctis nationibus introduxit. Pannis subcinericiis, & vas aquæ, quid aliud indicant, nisi gentium penitentiam, & lacrymarum effusionem, quibus Dominus valde reficitur?

(b) *Post hæc pervenit*, inquit, *Helias ad montem Dei* (c) *Oreph, & mansit in spelunca. Et ecce sermo Domini ad eum dixitque illi. Quid hic agis Helias? at ille respondit: zelatus sum pro Domino Deo exercituum, quia dereliquerunt pactum Domini, filii Israel.*

(a) *Matth. 21. 43.*(b) *vers. 8. 9. &c.*(c) *Horeb:*

*fracta, altaria tua destruxerunt, & prophetas tuos occiderunt gladio: & derelictus sum ego solus, & quærunt animam meam, ut auferant eam.*

(a) „Fugiens ergo Helias venit ad quemdam locum, & obdormivit ibi, & venit ad eum Dominus. Dominus scilicet ad servum & ait. (b) *Quid tu hic Helias? velut notans eum timoris, & fugæ.* Quid tu, inquit, hic Helias? putasne fugisti? & furor te unius mulierculæ profugum fecit? Ubi est illa constantia? ubi libertas? Disce de cætero non tibi ipsi confidere, nec propriæ, cum res, secundo cursu feruntur, imputare virtuti. Verumtamen Helias respondet, & dicit: aliud quidem mente retinens, aliud ore depromens: (c) *Domine Prophetas tuos occiderunt: altaria tua demolierunt; & ego relictus sum solus, & quærunt animam meam.* Hoc est, hæc cogitatio, quæ tantum Prophetam de ipso deiecit fastigio meritorum, communeque hominem demonstravit. Denique mox cum corripit sermo divinus. Non ita, inquit, est Helias: falleris, & humanæ cogitationis laqueis irretiris. Non ideo fugisti, nec te ideo, quod solus esses, Regina perterruit. Nec enim tu es tantummodo, qui non adoraveris Bahal: sunt mihi fideles famuli, sunt multi amici, & septem millium virorum electorum electissima virtus, quam nec error humanus inclinare, nec inanis gloriæ cogitatio potuit elevare. (d) *Hi omnes non curvaverunt genua ante Bahal;* sed in stabili poplite ad instar cælestis exercitus me semper adorant. Fugisti ergo, non quod in te solo furor adulteræ defæviret, sed quod tibi hanc electionem genuerit magnitudo virtutum, ut tam arrogantem serres de genere humano sententiam, easque

paulisper mea gratia deferendus, & nisi tibi tantæ elationis fræna laxassem, lapsum incurreres graviorem, & disceres bona facta non tuz virtuti adscribere, sed divinæ. Non igitur alia ex causa fugisti, nisi quod, secedente gratia mea mulier te minaci sermones deterruit. Consideremus ergo quanta vis fuerit in adulteræ sermone, gratia recedente, quanta fortitudinis magnitudo. Quadraginta diebus oberrat fugiens Helias per invia, & deserta, tantique ingenii vir metu consternatus non sentit esuriam. Quid agis Helias? ubi est, ut sæpe jam memini, illa omnibus supenda fiducia? ubi os illud metuendum? ubi lingua terribilis æternis imperans elementis? Sed hæc tibi, ut dixi, constabant gratia ministrante. Vide ergo quemadmodum levitate culpæ permittitur jacere tantus Propheta, ut emendatus elationis vitio, atque correptus, integro vestiatur moderationis, & clementiæ indumento.

„Jam ergo cruditi sumus, & docti in Petro, atque Helia, quemadmodum eos Dominus nostri causa patitur circumscribi delicto: quemadmodum illos fidei, pietatisque signiferos, & generis humani columnas, permiserit metu dominante quassari, ut populorum essent exemplum, a Deo sibi non peccandi gratiam minime condonatum, ne cum ipsi a culpis essent, ac vitis alieni, peccatoribus diri existerent, & crudeles; sed cum forte quis fuerit delicto præventus, non statim abiciant, non condemnent jacentis affectum: sed impariantur viscera caritatis, porrigant manum, & erigant lapsum, spem ei divinæ clementiæ promittentes, sicque etiam se vivere exemplo ipsorum commendent magistro-

(a) *Hæc quoque habes numero 4. crebro allegata homilia de SS. Petro, & Helia.*

(b) *III. Reg. 19. 13. (c) vers. 14. (d) vers. 18.*



strorum. Hæc autem ideo diximus, non iustos culpando, sed peccatores ad spem erigendo protulimus. Et primo quidem virtutes eorum extulimus: nunc culpas intulimus, ut & iustis formam cautelæ, & peccatoribus salutis portum fidelissimum monstraremus.

Merito quaeritur quomodo licite sacrificaverit Helias extra templum. Dei, quando & ignem de celo impetravit, & prophetas dæmoniorum convicit. Quod mihi non videtur alia ratione defendi, quam illa, qua descendit & Abraham factum, quando filium Deo iustus voluit immolare. Cum enim jubet ille, qui legem constituit aliquid fieri, quod in lege prohibuit, iussio ipsa pro lege habetur, quoniam auctor est legis. Non enim deesse possent miracula alia præter sacrificium, quibus superarentur, & convincerentur prophetae lucorum: sed Spiritus Dei, qui fuerat in Helia, quicquid in hac re fecit, contra legem esse non potest, quia dator est legis.

Alia adhuc insuper quaestio animum pulsatur: quare interpellaverit Helias Dominum, quod Israel derelicto Deo prophetas (a) occiderit, & ejus destruxerit altaria, cum in lege olim iussum fuisset, non eos posse amplius habere altaria, quam unum, primum in tabernaculo, deinde in templo; nisi quod liquide datur intelligi, quod postquam decem tribus a domo David excise, & a templo, & Hiernsalem sunt separatae, illi, qui in decem tribus, quæ vocabantur Ephraim, cultores divini nominis erant: & ut putandum est ad illa altaria recurrerant, quæ olim crexerant Patriarchæ. Abraham, Isaac, & Jacob, locis competentibus, ubi esse Deus apparuerat, ad hoc altaria cultores divini nominis, & si non ad sacrificandum, tamen ad orandum.

Deum patrum suorum recurrerant. Hæc videntes sacrilegi Israelitæ, & Idolorum cultores, destruebant, ut nec ibi locus esset, ubi veri adoratores Dominum precarentur; & hoc est, quod in superiori parte jam præmissum est, quod instauraverit Helias altare Domini, quod destructum fuerat.

(b) Dixitque Dominus ad Heliam: *Egrede & sta in monte coram Domino, & ecce Dominus transiit, & Spiritus grandis, & foris subvertens montes, & contereus petras ante Dominum.*

Quod autem ait ante Dominum, præcessisse spiritum grandem &c. ejus adventum significat ad corda credentium quibuldam occultis, & ineffabilibus signis esse profuturum. Nam, quod ait: *Subvertens montes & contereus petras ante Dominum*, hoc est quod Apostolus ait: (c) *Arma militiæ nostræ nos carnalia, sed spiritualia, ad destructionem munitionum, & omnem astutiam exsolentem se adversus scientiam Dei.*

(d) *Non in spiritu Dominus, & post spiritum commotio: non in commotione Dominus, & post commotionem ignis: non in igne Dominus, & post ignem sibilus auræ tenuis.* (e) „ Spiritus ante Dominum evertit montes, & petras conterit, quia pavor, qui ex adventu ejus irruit, & altitudinem cordis nostri dejicit, & duritiam liquefacit. Sed spiritui commotionis, & igni non inesse Deum, dicit: In sibilu vero auræ tenuis inesse non negat: quia nimirum mens cum in contemplationis sublimitate suspenditur, quicquid perfecte conspiciere prævalet, Dominus non est. Cum vero subtiliter aliquid conspicit: hoc est quod de incomprehensibili substantia æternitatis audit: quasi enim sibilum auræ tenuis percipimus.

(a) Altaria destruxerunt, prophetas tuos occiderunt. (b) vers. 11. (c) 1. Cor. 10. 4. 5. (d) vers. 11. 12. (e) Subsequentia usque dum pervenias ad ea verba: stetit in ostio speluncæ, lineolis notata perquire in Paterio, idcirco in Gregorio cuius librum 5. in Job consule [num. 66. aliam cap. 36. olim 26.]

mus, cum saporem incircumscrip-  
 veritatis contemplatione subita sub-  
 tiliter degustamus. Tunc ergo ve-  
 rum est, quod (a) Deum cognosci-  
 mus, cum (b) plene nos aliquid  
 de illo cognoscere non posse senti-  
 mus: unde bene illic subditur: *Quod*  
*cum audisset Helias; operuit vultum*  
*suum pallio, & egressus stetit in o-*  
*stio speluncae.*

(c) Quid est quod Propheta cum  
 vocem Domini secum loquentis au-  
 dired, in speluncæ suæ ostio stat, &  
 faciem velat? nisi quia dum per  
 contemplationis gratiam vox super-  
 næ intelligentiæ fit in mente, to-  
 tus homo jam intra speluncam non  
 est, quia (d) animum carnis cura  
 non possidet, sed stat in ostio, quia  
 mortalitatis angustias exire medita-  
 tur. Sed jam qui in ostio speluncæ  
 consistit, & verba Dei in aure cor-  
 dis percipit, necesse est, ut faciem  
 velat, quia dum per supernam gra-  
 tiam ad altiora (e) intelligentiæ  
 ducimur, quanto subtilius levamur,  
 tanto semper per humilitatem nos-  
 metipsos intellectu nostro premere  
 debemus, (f) nec conemur *plus sa-*  
*pere, quam oportet sapere, sed sa-*  
*pere ad sobrietatem*; ne dum nimis  
 invisibilia discutimus, aberremus,  
 ne in illa natura incorporea corpo-  
 rei luminis aliquid queramus: au-  
 rem enim intendere, & faciem ope-  
 rire, est vocem interioris substantiæ  
 audire per mentem, & tamen ab  
 omni specie corporea oculos cordis  
 avertere, ne quid sibi in illa corpo-  
 reale animus fingat, quæ ubique to-  
 ta, & ubique incircumscripta est.

(g) *Et dixit Dominus ad Heliam,*  
*vade revertere in viam tuam per de-*  
*sertum in Damascus. Cumque perve-*  
*neris, unges Azazel Regem super Sy-*

*riam, & Hieu filium Namsi unges Re-*  
*gem super Israel, & Heliseum filium*  
*Saphat qui est de Abelmela, un-*  
*ges Prophetam pro te. Et eris, qui-*  
*cunque fueris gladium Azazel, occi-*  
*dis eum Hieu: Et quicumque fueris*  
*gladium Hieu, interficies eum Helisus.*  
 (b) *Abelmela* urbs est una (i) de  
 principibus Salomonis. Est autem nunc  
 vicus, (ut in locorum libro legimus)  
 in Auleone, decimo ab Scythopoli millia-  
 rio distans contra australem plagam,  
 & nunc dicitur (h) *Besula*. „Dama-  
 cus enim, qui interpretatur *sanguinem*  
*bibens*, sive *propinans*, totius Mundi  
 typum gerebat, in quo habitatores, il-  
 lius, immolandi dæmonibus filios suos  
 sanguinem bibere, ac propinare non  
 est ambiguum. Sanguis enim pro pec-  
 cato, ac morte ponitur in Scripturis:  
 quam non solum sibi infelices videban-  
 tur inferre, sed & suis imitatoribus  
 propinabant. Azazel vero, qui inter-  
 pretatur *factura Dei*, univærsum gen-  
 tium continebat figuram, cui valde  
 congruit interpretatio: *Dei factura*. O-  
 pus enim divinum fuit, ut obdurato  
 Israele, & signis, atque virtutibus Do-  
 mini penitus nequaquam credente, na-  
 tionum populi cum omni mentis ala-  
 critate crederent in crucifixum. Sive  
 aliter *factura Dei*, idest *imago Dei*  
 per fidem Christi gentibus constituta,  
 nulli poterit esse dubium. Nam,  
 ut in Jacob, & Esau figura præcesse-  
 rat majoris quondam filii, primatus,  
 ac benedictio ad juniorem fratrem trans-  
 lata, ita etiam in istis, Azazele vi-  
 delicet, & Hieu, divina dispensatione  
 intelligimus geri, ut gentium populus,  
 qui fuerat junior, per Azazelem præ-  
 ponatur in persona Hieu primogenito,  
 ut scriptum est, Israele, & juxta Scrip-  
 turæ testimonium, populus, qui erat in-  
 capite, propter pravitationes affiduus,

(a) de Deo. (b) plane: sed præstat plene.

(c) Hac quoque in Gregorio inven-

nies; sed alibi tradita; scilicet num. 18. homilie 1. in Ezechiel.

(d) animam.

(e) intelligenda.

(f) Rom. 12. 3.

(g) vers. 15.

(h) Vide librum Hie-

ronymi de locis bebraicis.

(i) de præcipuis.

(k) Bethaula, alii Bethnulia.

*Et piaculum, quod insulis Domino, factus in cauda est, translatoque ab eodem regno, ut Dominus fuerat protestatus, datum est gentium populo, Dei voluntatem videlicet exequenti. Sed quia divinæ pietatis est omnes homines salvos fieri, sicuti Esau, licet juniori fratri subiectum, nequaquam benedictione privavit, ita quoque & hic Helig a Deo prædicatur: relinquam mihi septem millia virorum, quorum genua non sunt curvata ante Babel. Relinquam enim, ad futurum tempus pertinere, intelligi voluit, quod in Domini adventum constat fuisse expletum. Illud pro certo extitit intelligendum est, quod qui ex omni Israel per apostolos Christi fidem susceperunt, septiformi spiritus Christi uncti sunt. Hieu vero, cuius vocabulum interpretatur ipse, vel est, filius videlicet Namsi, qui interpretatur adretractans, vel palpans, Apostolorum specialiter præfigurabat personam: illis quippe horum nominum valde congruis interpretatio. Beati enim Apostoli semper esse pro certo est, qui pro Trinitatis confessione, & veridica prædicatione, Deo & universo Orbi perpetuo vivunt. Joannes quoque in epistola sua cum de verbo virg, hoc est de Dei filio, qui carnem assumpsit, scriberet, ita effatus est: (a) quem nostris oculis vidimus, & auribus nostris audivimus, & manus nostræ tractaverunt. Quod autem dicitur Helig, Heliseum filium Saphat de Abelmuela unges prophetam pro te: ita intelligendum est: Heliseus enim interpretatur Dei mei salus, Saphat autem iudicans. Abelmuela vero luctus parturiens: Dei enim filius, qui est vera fidelium salus, (b) & cui omne iudicium tradidit pater, in quo iudicio impiis, & incredulis erit luctus parturiens, Gehennæ videlicet cruciatus, qui in substantiæ suæ splendore, atque virtute non pote-*

rat ab omnibus contemplari, ex deitate, ut Apostolus ait (c) suam inanens maiestatem; In Helisei præfiguratione, Servi dignatus est suscipere formam, qui verus homo ex virginis utero procreatus, Sanctoque Spiritu unctus. Quod autem ait historia, qui effugeris gladium Azazel, occides eum Hieu, & qui effugeris gladium Hieu, occides eum Heliseus, hoc modo intelligi potest. Gladius enim Azazel Syri, illorum doctrina accipienda est, qui ex gentibus dominicæ Incarnationis, & Passionis, ac Resurrectionis vates inspirati divinitus extiterunt, ad confutandos videlicet judæorum doctores, qui hoc mysterium populis occultabant. Gladius vero Hieu, qui super Israel unctus est, prædicatio intelligenda est Joannis Domini præcursoris, qui Saduceos, & Phariseos venientes ad baptismum suum, increpans dixisse scribitur: (d) *Gemina viperarum: quis vobis ostendit fugere a ventura ira?* Gladius præterea Helisei, evangelica accipienda est prædicatio, de qua Dominus dixisse scribitur: (e) *Non veni pacem mittere in terram, sed gladium: quia fideles, & iustos quodammodo dividit, ac separat ab infidelibus & iniustis, & quia in cordibus credentium cupiditates interemit noxias, & vitia universa, atque peccata.*

Interea ait Dominus ad Heliam: *Reliqui mihi septem millia virorum, qui non curvaverunt genua ante Babel, & omne os quod non adoraverit eum, osculans manum.*

(f) Certum est, quod cordis sui oculum per elationis tenebras „extinguit, qui cum recte agit, considerare meliorum merita negligit. „At contra magno humilitatis radio semetipsum illuminat qui aliorum, „bona subtiliter pensat, quia dum, „ea, quæ ipse fecerit, facta foris, & ab aliis

(a) Joan. Epist. I. 1. 3.

(b) Joan. 4. 22.

(c) Thip. 2. 7.

(d) Enc. 3. 7.

(e) Matth. 10. 35.

(f) Vide Paterni caput 12. in lib. III. Regum: Lat. porro ille dicitur: sit ex Gregorii lib. 31. in Job. [num. 127.]

„ aliis conspicit, eum, qui de singula-  
 „ ritate intus erumpere nititur, super-  
 „ bix tumorem premit. Hinc est, quod  
 „ vocem Domini ad Heliam solum se-  
 „ gregantem dicitur: *Reliqui mihi sep-*  
 „ *tem millia virorum, qui non curva-*  
 „ *verunt genua ante Babel.* Ut dum  
 „ non solum se remansisse cognosceret,  
 „ de elationis gloria, quæ ei de singula-  
 „ ritate (a) surgebat, declinaret. Ut  
 „ pheta nempe erat, & sepe mysteria  
 „ superna cognoverat. Quid ergo dis-  
 „ ficile fuit agnoscere in hoc mundo  
 „ (b) fideliter Deo famulos & alios re-  
 „ mansisse? Sed hinc solerter intuen-  
 „ dum est, oculum cordis elatio quam  
 „ nequiter claudat, quia qui (c) hu-  
 „ miler & occulta Dei (d) noverat,  
 „ elatus & aperta nesciebat.

Post hæc enim inquit (e): *Helias*  
*reperis Heliseum filium Saphat, ara-*  
*ntem in duodecim jugis boum.* Es ipse  
*in duodecim jugis boum arantibus unus*  
*erat.* Cumque venisset Elias ad eum,  
*misit pallium suum super eum, qui reli-*  
*ctis statim bobus cucurrit ad Heliam, &*  
*ait: Osculer, oro te patrem meum, &*  
*matrem meam, & sic sequar te.* Cui di-  
 „ xit Helias: *revertere, quod enim meum*  
 „ *erat, feci tibi.* Reversus itaque Helise-  
 „ us tulit par boum, & mactavit illos,  
 „ & in aratro boum coxis carnes eorum,  
 „ deditque populo ad comedendum.

Duodecim juga boum, vigintiqua-  
 „ tuor veteris testamenti figuratiter acci-  
 „ piendi sunt tibi. Duodecim vero ara-  
 „ tores duodecim intelligendi sunt Aposto-  
 „ li: sed in omnibus illis Dominus exis-  
 „ stere dignatus est operator, qui dixit:  
 „ (f) *Sine me nihil potestis facere.* Of-  
 „ culum patris, reconciliationis dinosci-  
 „ tur signum. In duobus enim bobus lex  
 „ accipienda est, & prophetia, quarum  
 „ umbras, & imagines Dominus noster,  
 „ per incarnationis suæ, ac passionis my-

sterium occidit in littera, & in crucis suæ  
 coxit aratro, nec non ad comedendum  
 fidelibus præbuit, ut jam non vivant se-  
 cundum litteram, sed secundum spiritum.

(g) Post hæc refert Scriptura,  
 quod Benedad rex Syriæ obsidens, &  
 impugnare incipiens Samariam ait: *Hæc*  
*faciant mihi Dii, & hæc addant:*  
*si succeris pulvis Samariæ pugillis om-*  
*nium populi, qui sequitur me.*

Hunc habet sensum. (h) „ Sama-  
 „ ria juxta morem civitatum habebat  
 „ terram interior (i) propter muros  
 „ pene ipsi muris equalem, ne videli-  
 „ cet eos sine subsidio terræ adiacen-  
 „ tis erectos, creber insistente manu  
 „ hostili, deiceret ictus arietis (k).  
 „ Extrinsecus autem murorum altitu-  
 „ do longe super faciem terræ transcen-  
 „ derat, maxime cum in montis ver-  
 „ tice, ut Scriptura refert, fuerit urbs  
 „ eadem posita. Ait ergo Rex super-  
 „ bus obsidem terrens civitatem, quod  
 „ tantam haberet secum exercitus mul-  
 „ titudinem, ut si quisque militum  
 „ ejus, solummodo lapidem, vel calpi-  
 „ tem, vel stipitem ad construendum  
 „ contra urbem, aggerem adportasset,  
 „ tam sublimis ex eo posset agger  
 „ exurgere, qui superficiei civitatis  
 „ ipsius, quæ erat intra muros, esse  
 „ videretur æqualis: ita ut ex equo  
 „ pugnantes contra civitatem, tela vel  
 „ facies mittere possent. Cujus teme-  
 „ ritatem arrogantæ modesto sermone  
 „ compescens Rex Israel ait: (l)  
 „ *Dicite ei. Ne glorietur accinctus æ-*  
 „ *que ut discinctus.* (m) Alius est au-  
 „ tem accinctus, alius discinctus, alius  
 „ non accinctus. Accinctus nanque est  
 „ qui cingulo circumdatus incedit,  
 „ discinctus qui cingulum nuper depo-  
 „ suit: verbi gratia, vel balneum in-  
 „ traturus, vel lectum ascensurus, vel  
 „ alteram sorte tunicam induturus.

„ Non

(a) Surgere poterat, declinaret.

(b) fideles.

(c) humilis.

(d) Additur

judicia. (e) 19. 19.

(f) Jo: 15. 5.

(g) 20. 10.

(h) Locis hujus ex-

plicationem excerpti Claudius a  
 Beda quasi 17. libri 30. questionum in libros Regum e-  
 m proponente.

(i) prope.

(k)

Murorum enim altitudo longe &c. Scd præstat  
 nostri codicis lectio.

(l) vers. 11.

(m) aliud, & sic deinceps.

Non accinctus, qui super tunica indutus, nec dum se addita zone circumpositione munivit. Sic ergo, & in expeditione castris qui positus est, recte *accinctus* nominatur, id est armis indutus. Qui pugna confecta victor domum rediit, jure *discinctus* vocatur, quia nimirum depositis armis optatæ pacis otium gerit. Qui vero necdum pugnare, neque se ad certamen parare jam ceperat, merito *non accinctus* esse dicitur. Ait ergo Rex Israel Regi Syriæ glorianti, (a) quasi jam cepisset Samariam, quam obsidere ceperat. (b) Negligetur accinctus, eque ut discinctus; ac si aperte dicat: Noli gloriari, quasi jam victor bellici discriminis, qui adhuc in acie positus, quem victoria sequatur, ignoras. Et verum profecto dicebat: nam mox inito certamine, Benadab non victis adversariis triumphans, sed cæso suo exercitu fugiens domum rediit. Benadab Regem Syriæ typum habuisse diaboli, qui princeps est hujus mundi, non dubium est: qui cum (c) triginta, & duobus Regibus, hoc est omnibus vitiis suis adversum humanum genus pugnare, non desistit: Ahab vero qui interpretatur *frater patris*, hoc in loco personam gessavit Judæorum, cum quibus diabolus prius confictum habuit.

(d) Interea sequitur Scriptura de visione Michæ Prophetæ, ubi ait ad Achab. *Vidi Dominum sedentem super solum suum, & omnem exercitum cæli a dextris; & a sinistris ejus, & dictum est: In quo decipiam Achab, ut ascendat, & cadat in Ramoth Galaad? Et dixit unus verba hujusmodi: & alius aliter. Et egressus unus dixit: ego decipiam Achab. Et dictum est ei: in quo decipies? qui respondit dicens: egrediar, & ero mendax spiritus in ore omnium propheta-*

*rum ejus. (e)* Quid per solum Domini, nisi angelicas potestates accipimus, quarum alis præsidens inferius cuncta disponit? Et quid exercitus cæli, nisi ministrantium angelorum multitudo describitur? Quid est ergo quod exercitus cæli a dextris, & a sinistris ejus stare perhibetur? Deus enim, qui ita est intra omnia, ut etiam sit extra omnia, incircumscriptus est: & veritas illa, æterna beatitudo, quæ dextera ejus dicitur, sinistram non habet, quia nihil est quod displiceat, quia simul omnia contuetur, simul cuncta aspicit; ea autem, in quibus & bonus spiritus vivit, & malus, exercitum cæli a dextris, & a sinistris ejus habere describitur. Unde per dexteram intelligimus angelos electos: per sinistram vero spiritus reprobus. Non enim ministrant Deo solummodo boni, qui adjuvant, sed etiam mali qui probant, non solum quia a culpa redeuntibus sublevant, sed etiam quia redire nolentes gravant. Nec movere debet quod exercitus cæli etiam repulsi angeli vocantur, quia & ipsi quamvis ab æthereo cælo expulsi sint, adhuc tamen in æreo cælo demorantur: quas enim suspendi in ære novimus, aves cæli nominamus. Et de eisdem spiritibus Paulus dicit: (f) *Contra spiritualia nequitia in caelestibus*. Quorum caput enuntians ait: (g) *Secundum principem potestatis aeris hujus*. Ad dexteram ergo, & sinistram exercitus stat, quia voluntas electorum spirituum divinæ pietati concordat, & reproborum sensus suæ malitiæ serviens, judicio distractionis ejus obtemperat: unde & mox spiritus fallax in (h) medio prolisse describitur, per quem Achab Rex exigentibus suis meritis

(a) quod: præstat nostra lectio: (b) Ne gloriatur. (c) vers. 6. Reges triginta duo cum eo. (d) 22. 19. (e) Subsequentia habet Paterius, ideoque Gregorius [libro 2. Moralium n. 38. cap. 20. olim 21.]; sed multum inest discriminis inter ea, quæ allegatus Gregorius liber exhibet, & noster habet eodem, cuius lectionem sequor. Philatam, cuiuslibet lector. (f) Eph. 6. 12. (g) Eph. 2. 2. (h) medium.

ritis decipiatur: neque enim fas est credere bonum spiritum, fallacis deservire voluisse, ut diceret: *Egre dior, & cre mendax spiritus in ore omnium prophetarum ejus*; sed quia Achab Rex peccatis præcedentibus dignus erat, ut tali debuisset deceptione damnari, quatenus qui sæpe volens ceciderat in culpam, quandoque nolens caperetur ad poenam; occulta justitia, licentia malignis spiritibus datur, ut quos volentes in peccati laqueo strangulant, in peccati poenam etiam nolentes trahant. (a) Sed quomodo Deus hæc agat ubique prærens, & ubique totus, ac semper prærens, & quomodo ejus simplicem, & incommutabilem, æternamque veritatem consulat sancti Angeli, omnesque ab eodem creati sublimes, & mundissimi spiritus, atque id quod in eo semperne justum vident, pro congruentia rerum inferarum, temporaliter peragant: quomodo etiam lapsi spiritus, qui in veritate non steterunt propter immunditiam, & infirmitatem concupiscentiarum, & poenarum suarum non valentes præsentem intrinsecus contueri, & consulere veritatem, signa forinsecus per creaturam exspectent, eisque moveantur, sive ad faciendum aliquid, sive ad non faciendum: quove modo cogantur æterna lege, qua universitas regitur, vincti, atque conficti, vel sinente Deo operari, vel cedere jubenti, & complecti arduum, & explicare longissimum est.

(b) Post mortem Achab regnare cepit Ochozias filius ejus pro eo, de quo refert Scriptura: (c) *quod cecidit per cancellos cœnaculi sui, quod habebat in Samaria, & egrotavit.*

Ochozias Rex Samariæ, qui se a domo David separavit, & per cancel-

los decidit, hoc significare videtur, quod hæretici, sive seismatici, & si aliquam bonæ actionis arcem consendere videntur, quia tamen compagem Ecclesiæ unitatis non habent, quasi patentibus, & non solidis laterum prædiis ad victiorum semper infima relabuntur, dum divino destituti auxilio, sive pertinacis fastu intereunt.

(d) Deinde refert Scriptura eadem, quod idem Ochozias miserit duos principes quinquagenarios ad Heliam, quem quia procaciter eum hominem Dei vocaverunt, illo orante, cœlesti igne consumpti sunt: tertius autem missus salvatus est. Figuraliter autem. (e) quinquagenarius numerus confessio penitentis est, (f) per quam declaratur remissio peccatorum. Judæi enim nolentes Christum Deum esse verum, nec principem (g) indulgentiæ largitorem, dicunt ei: (h) *quingenta annos nondum babes, & Abraham (i) vidisti* Hi tales futuro divini ignis incendio extinguuntur, tertius autem (k) quinquagenarius, qua conversus ad fidem Trinitatis, demonstrat penitentis Sacramenta, idcirco ad indulgentiam meruit pervenire. (l) Sciendum est quod Scriptura Sacra duobus modis maledictum memorat: aliud videlicet quod approbat, aliud quod damnat: aliter enim maledictum proferitur judicio justitiæ, aliter livore vindictæ. Maledictum quippe judicio justitiæ ipso primo homine peccante prolatum est, cum audivit: (m) *Maledicta terra in opere tuo.* Maledictum justitiæ judicio proferitur, cum ad Abraham dicitur: (n) *Maledicam, maledicensibus tibi.* Rursum quia maledictum non judicio justitiæ, sed

(a) Hæcenus Gregorius: subsequencia porro verba Claudii esse videntur, non vetustioris scriptoris. (b) 22. 40. 52. & seq. (c) IV. Reg. 1. 2. (d) IV. Reg. 1. 9.

(e) Isidorus cap. 1. in lib. IV. Regum, qua hic tradit Claudius, expressissime docet.

(f) qua. (g) penitentis dicunt &c. (h) Joan. 8. 57. (i) nostri?

(k) cognovit. (l) Qua sequuntur omnia ad loci hujus explanationem de sumptis Claudius ex cap. 1. alias num. 2. libri 4. Moralium S. Gregorii. (m) Gen. 3. 17.

(n) Gen. 12. 3.

livore vindictæ præmitur, voce Pauli prædicantis ammonemur, qui ait: (a) *Benedicite, & nolite maledicere.* Et rursum idem: (b) *Neque maledicti regnum Dei possidebunt.* Deus ergo maledicere dicitur, & tamen maledicere hominem prohibet, quia quod homo agit malitia vindictæ, Deus non facit, nisi examine, & virtute iustitiæ. (c) Nam & sancti viri cum maledictionis sententiam proferunt, non ad hanc ex voto ultionis, sed iustitiæ examine erumpunt. Iustus enim subtile Dei iudicium aspiciunt, & (d) male foras exurguntia, quia maledictio debeant ferire, cognoscunt; & eo in maledictio non peccant, quod ab interno iudicio non discordant. Hinc est quod Petrus in offerentem sibi pecunias Simonem sententiam maledictionis intorsit dicens: (e) *pecunia tua secum sis in perditionem;* qui enim non ait *est*, sed *sis*, non indicativo, sed optativo modo se hoc dixisse significavit: hinc Helias duobus quinquagenariis ad se venientibus dixit: *Si homo Dei sum, descendat ignis de celo, & consumat vos.* Quorum utique sententia quanta veritatis ratione convaluit, terminus causæ monstravit. Nam & Simon eterna perditione interiit, & duos quinquagenarios desuper veniens flamma consumpsit. Virtus ergo subsequens testificatur, qua mente maledictionis sententia promittitur, cum & maledicentis innocentia permanet, & tamen eum, qui maledicatur, usque ad interitum maledictio absorbet. Itaque ex utriusque partis fine colligitur, quia ab uno, & intimo iudice interitum sententia sumpta jaculatur. (f) Quod enim abstrahendus Helias, atque elevandus ad celum, iussit Heliseo, ut resideret in Galgalis: aut

in *Bethel*: aut *Hierico*: sive *Jordane*: & ille semper juraverit per Dominum, quod non relinqueret eum, hoc figurasse videtur, quod Apostolorum in se habuerit figura, qui ab ipsa revelatione fidei, (sic enim interpretatur Galgala) Christo Domino individue adherentes usque in diem ascensionis ejus in celum ab ejus comitatu non recesserunt. Cumque transissent Jordanem, (g) dixit Helias ad Heliseum: *Postula quod vis, ut faciam tibi, atquequam tollar a te.* Dixitque Heliseus: *obsecro, ut fiat duplex spiritus tuus in me.*

Secundum historię fidem duplex spiritus Heliz Heliseo conlatus est, quia multo plures virtutes Heliseus, quam Helias operatus est. Tropologice vero duplex spiritus Heliz, Heliseo attributus est, quia post ascensionem Domini per adventum Spiritus Sancti duplex intelligentiæ donum, hoc est veteris, ac novi testamenti, Apostolis est collatum.

(b) Cumque pergerent, & incedentes sermocinantur: ecce currus igneus, & equi ignei diviserunt utrumque: & ascendit Helias per turbinem in celum. Heliseus autem videbat, & clamabat: *Pater mi, pater mi, currus Israel, & auriga ejus: & non vidis eum amplius.*

Currus Israel, hoc est mente videntium Dominum, non incongrue Dominus Jesus Christus accipitur, qui electos suos patienter tolerando, velut in curru portat, atque per prædicationem, & disciplinam suam sicut auriga agit. Moraliter autem. (i) Quid est quod Helias currus Israel, & auriga dicitur: nisi quia auriga agitatur, & currus portat? Doctor ergo, qui mores populi, & per patientiam sustinet, & sacri eloquii verbis docet, & currus dicitur, & auriga. Currus, quia tolerando portat: auriga, quia populum bonis

(a) Rom. 12. 14.

(b) I. Corin. 6. 10.

(c) Cum vero.

(d) mala.

(e) Acta. 8. 20.

(f) cap. 2. vers. 2. 4. &amp;c.

(g) ibid. vers. 9.

(h) ibid. vers. 11.

(i) Subsequentia habet primo quidem num. 15. Komilia 7. in Ezzeiel. 1. num. 5, &amp; 6. homil. 29. in Evang.

„ bonis ammonitionibus exercet. (a)  
 „ Quid est quod Helias ad celum rap-  
 „ tus esse dicitur? Numquid nam eum  
 „ adhuc in hac carne corruptibili po-  
 „ situm, ad illius summe quietis sinum,  
 „ ante resurrectionem, ascensionemque  
 „ Domini, credimus esse perductum?  
 „ Sed aliud est celum aereum, aliud  
 „ etherum: celum quippe aereum ter-  
 „ rae est proximum, unde & *ovis cy-  
 „ li* dicimus, quia eas volitare in ae-  
 „ re videmus. In celum itaque aereum  
 „ Helias sublevatus est, ut in secreta  
 „ (b) quadam terrae regione repente  
 „ duceretur, ubi in magna jam carnis,  
 „ & spiritus quiete viveret, quousque  
 „ ad finem mundi redeat, & mortis de-  
 „ bitum solvat. Sublevatus namque He-  
 „ lias ascensionem dominicam designa-  
 „ vit: ille enim mortem distulit, non  
 „ evasit. Redemptor autem noster, quia  
 „ non distulit, sed superavit, eamque  
 „ resurgendo consumpsit, (c) aeternae  
 „ resurrectionis suae gloriam ascendendo  
 „ declaravit. Notandum quoque est,  
 „ quod Helias in euru legitur ascendisse,  
 „ ut videlicet aperte monstraretur,  
 „ quia purus homo adiutorio egebat  
 „ alieno. Per angelos quippe illa facta,  
 „ & ostensa sunt adjumenta, quia nec  
 „ ad celum (d) quidem aereum per  
 „ se ascendere poterat, quem naturae  
 „ suae infirmitas gravabat. Redemptor  
 „ autem noster, non curru, non ange-  
 „ lis sublevatus legitur, quia is, qui  
 „ fecerat omnia, nimirum super omnia,  
 „ sua virtute ferebatur: illuc etenim re-  
 „ vertebatur, ubi erat, & inde redi-  
 „ bat, ubi (e) manebat, quia cum  
 „ per humanitatem ascenderet in ce-  
 „ lum, per divinitatem suam & terram  
 „ pariter continebat, & celum. (f)  
 „ Neque enim arbitrandum est Heliam vel  
 „ sic esse jam, sicut (g) erunt sancti, quando  
 „ peracto operis die, denarium pariter ac-

cepturi sunt (h): vel sic quemadmo-  
 dum sunt homines, qui ex ista vita non-  
 dum emigrarunt, de qua ille tamen  
 non morte, sed translatione migravit.  
 Jam itaque aliquid melius habet, quam  
 in hac vita posset, quamvis non-  
 dum habet, quod ex hac vita recte  
 gesta in fine habiturus est: (i) pro-  
 nobis enim meliora providerunt, ne  
 sine nobis perfecti perficerentur. Aut  
 si quisquam putat hoc Heliam mereri  
 non potuisse, si duxisset uxorem, fi-  
 liosque procreasset: (creditur enim non  
 habuisse, quia hoc Scriptura non dixit,  
 quamvis & de celibatu ejus nihil  
 dixerit:) quid de Enoch respondebit,  
 qui filius genitis Deo placens, non  
 mortuus, sed translatus est? (k) Cur  
 ergo & Adam, & Eva, si iuste viven-  
 tes, caste filios procreassent, nonne eis  
 posset translatione, non morte succe-  
 dentibus cedere? Nam si Enoch, & He-  
 lias in Adam mortui, mortisque pro-  
 paginem in carne gestantes, quod de-  
 bitum ut solvant, creduntur etiam re-  
 dituri ad hanc vitam, & quod tandem  
 dilatatum est, morituri: nunc tamen in  
 alia vita sunt, ubi ante resurrectionem  
 carnis, antequam animale corpus in  
 spirituale mutetur, nec morbo, nec se-  
 nestute deficiunt: quanto iustius, atque  
 probabilius primis illis hominibus pra-  
 staretur, sine ullo suo, parentumve pec-  
 cato viventibus, ut in meliorem aliquem  
 statum filius genitis cederent, unde se-  
 culo finito cum omni prosperitate san-  
 ctorum, in angelicam formam non per  
 carnis mortem, sed per Dei virtutem  
 multo felicius mutarentur.

(l) *Apprehenditque, vestimenta sua,  
 & scidis illa in duas partes, & levavit  
 pallium Helias, quod cecideras ei.* Heli-  
 seus enim Domini, ac Redemptoris no-  
 stri figuram gestavit. Vestimenta vero  
 illius veteris testamenti accipiendo sunt  
 Scri-

(a) *Hactenus hom. 7. in Ezech. ex hom. in Evan.* (b) *secretam regionem.* (c) *& re-  
 surrectionis.* (d) *quod cit.* (e) *remanebat.* (f) *Hactenus Gregorius loco citato.*  
*Reliqua habet ab Augustino tradita cap. 6. num. 11. libri 9. de Genesi ad litteram 2.*  
*(g) Edit. sunt.* (h) *Matth. 20. 20.* (i) *Hebr. 11. 40.* (k) *Gen. vers. 21. 24.*  
 (l) *W. Reg. vers. 12, & 13.*



Scriptura, quæ tunc scissæ, hoc est, revelatæ hominibus sunt, quando per passionem, & resurrectionem, sive ascensionem ipsius in celos, expletæ sunt. Pallium vero Helig ab Heliseo collectum, virtus accipienda est Verbi, quam ad glorificandam carnem suam mundo reliquit.

(a) *Habituanti Heliseo in Hierico, venerunt ad eum viri civitatis, & dixerunt ei: ecce habitatio civitatis hujus valde optima est, ut ipse, tu Domine, perspicias, sed aqua pressima sunt, & terra sterilis. At ille ait: offerre mihi vas novum, & mittite in eo sal. Quodcumque attulissent, egressus ad fontem aquarum misit in eum sal, & ait: hæc dicit Dominus: sanavi aquas has, & non erit in eis mors, neque sterilitas. Sanata sunt ergo aqua usque ad diem hanc, juxta verbum Helisei, quod locutus est.*

(b) Civitas Hierico mandî hujus præsignabat figuram, cujus habitatio secundum conditoris creationem, non simpliciter tantum, sed valde, ut ab omnibus cernitur, optima est: aquæ vero illius pessimæ, doctrina est accipiendæ philosophorum, & poetarum, hominum videlicet mentes ad dæmonum cultus, & libidinem, atque luxuriam provocans. Terra vero sterilis omne indicat hominum genus: qui relicto creatore Deo, obscuratis sensibus deserviebant omnibus creaturis. Quem enim in hoc facto miraculo, nisi Dominum Jesum Christum, præfiguraverat, qui postquam Verbum caro factum est, atque per ministrum in Jordane fluvio baptizari dignatus est, aquas Hierico steriles, hoc est hujus mundi, convertit in lavacri secunditatem: ut quicquid ex eis regeneratum fuisset, talem acciperet spiritum. In sale quippe sapientia: in vase vero rudi, caro; Domini intelligitur.

(c) *Ascendit Heliseus in Bethel.*

Cumque ascenderet per viam, pueri parvi egressi sunt de civitate, & illudebant ei dicentes: ascende calve, ascende calve; quibus maledictis in nomine Domini, continuo egressi sunt duo viri de saltu, & laceraverunt ex eis quadraginta & duos pueros. Es abiit exinde in montem Carmeli.

(d) Heliseus, qui interpretatur Dei salus, personam Salvatoris gestasse non dubium est, qui Salvator ascendens in Bethel, hoc est ad domum Dei ecclesiam, a Judæis, quasi a pueris insipientibus, subannatus est: clamantibus iisdem Judæis: *Ascende calve, ascende calve: Crucifige, crucifige in Calvariæ loco, ob cujus piaculi facinus plebs Judæorum decursis duobus, & quadraginta annis post resurrectionem Salvatoris, & ascensionem in celum, a Principibus Romanorum, Vespasiano videlicet, & Tito, quasi a duobus uris consumpta est; Mons vero Carmelus, Ecclesia intelligenda est, ad quam, ipse Israelæ, suum Dominus transtulit regnum.*

(e) *Mulier quædam, inquit, de uxoribus Propherarum venit ad Heliseum, & ait: servus tuus vir meus, mortuus est, & tu nosti quia timens eras Deum. Es ecce nunc veniens creditor meus duos filios meos vult tollere in servitium tibi. Cui dixit Heliseus. Quid habes in domo tua? Indica mihi: & illa, modicum, inquit, olei, quo ungat: ad quam Heliseus, vade, & pene tibi vasa non pauca: & ingressa cubiculum tolle de ipso oleo, & mitte in vasis: tu infunde, & filii tui offerant vasa. Cumque impleta fuerint, vende, & redde creditori tuo: tu autem, & filii tui vivite de reliquo. Que abiit, & fecit sicut ei vir Dei præceperat.*

(f) *Mulier hæc vidua, antiquam Sanctorum Patrum, qui sub lege fuerant, significavit Ecclesiam, quæ in adventu Sal-*

(a) vers. 19, & subsequæ. (b) Explicationem hanc excepit ab Isidoro Claudius, sed verborum ordinem nonnihil immutavit. Vide caput 2. Isidori in lib. 11. Regum.

(c) 11. 23.

(d) Hanc quoque explicationem desumpsit ab Isidoro, Claudius, nonnullis tamen immutat.

(e) cap. 4. Paterini, idcirco Gregorius, quem consule.

(f) Similem hujus explicationem habes

Salvatoris, a legalibus præceptis, quasi a legitimo viro destituta, cum duobus superstitibus filiis, idest gemino populo derelicta est. Creditor hujus Ecclesiæ, diabolus intelligendus est, qui humanum genus ante adventum Salvatoris per originale delictum, & cotidiana peccata obnoxium tenebat, quia gratiam evangelicæ prædicationis intra litteram legis, & prophetiam veteris testamenti non revelatam apud se continebat. Postquam vero ad cognitionem veri Helisei, hoc est Salvatoris nostri, pervenire promeruit, ejus consilio a vicinis suis plurima vasa vacua petiit, quia post Apostolorum prædicationem multitudinem credentium ex diversis gentibus intra domum fidei ad se collegit.

De oleo quoque, quod apud se habebat, in cetera vacula transfudit, quia gratiam spiritualem per ora prædicatorum in cunctis gentibus mutavit. De quo oleo, idest divina gratia, filios suos redemit, quia per donum Spiritus Sancti, atque caritatis unionem a perpetua servitute peccati semetipsam cum cunctis fidelibus liberavit.

(a) *Factum est autem, ut Heliseus transiret, & erat ibi mulier magna, quæ tenuit eum, ut comederet panem. Cumque frequenter inde transiret, divisebat ad eam, ut comederet panem, quæ dixit ad virum suum. Animadvertere quod vir Dei sanctus est iste, qui transiit per nos frequenter. Faciamus ergo cenaculum parvum, & ponamus in eo lectum, & mensam, sellam, & candelabrum, ut cum veneris ad nos, maneat ibi, &c.*

Mulier ista Sunamitis typum Ecclesiæ representabat, quæ priusquam verum Heliseum, hoc est Salvatorem nostrum, per fidem suscipere, sterilis fuit. Postquam vero eundem Dominum in hospitio cordis sui suscipere promeruit, populum fidelem, quasi unicum filium.

genuit. In cenaculo, altitudo fidei: in lectulo vero, quies spiritualis, atque contemplationis otium præfiguratur. In mensa autem, unitas fidei, & concordia prædicationis innuitur. In sella vero, docendi potestas: in candelabro, illuminatio fidei, sive claritas virtutum exprimitur.

Post hæc refert Scriptura (b) de filio Sunamitis, quem puer Helisei missus cum baculo non resuscitavit: per semetipsum vero veniens, atque ad ejus membra se colligans, huc illucque deambulans, & in ore mortui septies aspirans, hunc ad redivivam lucem protinus per mysterium compassionis animavit. Quia videlicet (c) „auctor „humani generis Deus quasi mortuum „puerum doluit, cum extinctos nos „iniquitatis aculeo miseratus asperxit. „Et quia per Moysen, terrorem legis „protulit, quasi per puerum virgamm „misi: per legem quippe, virgam Deus tenuerat cum dicebat: si quis hæc, „vel illa fecerit morte moriatur (d). A „peccati igitur morte timor nos suscitare non valuit, sed (e) tantum vitæ aspirata mansuetudinis gratia erexit. Sed puer cum baculo mortuum „suscitare non valuit, quia Paulo attestante (f) nihil ad perfectum adduxit se. Ipse autem per semetipsum veniens, & super cadaver se humiliter sternens, ad exequanda mortui membra se collegit, quia (g) cum in forma Dei esset non rapinam arbitratus est esse se equalem Deo, sed semetipsum exinanivit, formam servi accipiens, in similitudinem hominum factus, & habitum inveniens ut homo. Huc, illucque deambulavit, quia & Judæam „juxta, & longe positas gentes vocat. „Super mortuum septies (b) inspiravit, quia per aperitionem divini nominis „gratia septiformis Spiritus in peccati „morte jacentibus aspirat; moxque

„vi.

(a) vers. 8. (b) vers. 20, & seq. (c) Subsequentia desumpta sunt ex Paterio, id est ex Gregorio hæc tradente n. 63. cap. 40. lib. 9. Moral. (d) Hebr. 7. 19. (e) ad statum. (f) Philip. 2. 6. (g) aspirat.

„vivens erigitur, quia is quem terris virga suscitare non potuit, per amoris spiritum puer ad vitam rediit.

(a) Jam nunc historia Naaman Syri persequenda est. Superius ostendimus Heliseum typum habuisse Domini Salvatoris. Naaman vero princeps militie Syrie, qui leprosus erat, & suggerente ancilla ad Beatum Heliseum sanandus advenit, populum gentium figuravit. Puella vero parvula, quæ de terra Israel ab Afsiris capta, & in Syriam ducta, uxori Naaman servitium exhibebat, & dominæ suæ suggererat, quod si ad Beatum Heliseum pergeret, sanitatem consequeretur, legis accipienda est fama: id circo videlicet parvula nuncupata, quia ut Apostolus ait: *nulum ad perfectum perducere valuit*: (b) omnis enim perfectio in Domino Jesu Christo est: fama quippe eorum, quæ in lege de castitate, & sobrietate, patientia, justitia, hospitalitate, pietate, ceterisque virtutibus habebant Scripturæ, ad universas pervenerat nationes: quia licet in tempore illo in sola Judæa prophetia floruerit, fieri tamen non poterat, nisi ut etiam ad alias vicinas gentes beata ejus noticia perveniret. Et quamquam eandem custodire contenderent, tamen velut captiva eisdem serviebat, quia idolatriæ cultui deditæ erant. Tamen audivit Naaman puellam, & venit ad Heliseum sanandus a lepra: & populus gentium, qui audivit famam legis, & prophetiam, veniens ad Christum, ab omnium peccatorum lepra purgandus. Quid tamen dixit Beatus Heliseus per nuntium ad Naaman, videamus. Ait enim ei: (c) *Vade, inquit, lavare sepius in Jordane*. Quod cum audisset Naaman, tantum ut lavaretur sepius in Jordane, (d) indignatus est, & volebat renuere, sed ab amicis suis consilio accepto acquievit ut lavaretur, & purgatus est: Hoc

significavit, quia populus gentium, antequam Christus crucifigeretur, ipse per se Christo loquenti non credidit: sed postea dicentibus Apostolis, ad Sacramentum baptismi fideliter venit. Heliseus namque in præfiguratione futurorum Naaman Syrum videre noluist, & tamen minime despexit: sic nimirum Dominus Jesus Christus populum gentium, qui cum carnalibus oculis minime vidit, exterum a sua salute non fecit. Dixit ergo Heliseus ad Naaman: *ut lavaretur sepius in Jordane*. Notandum quod sicut Heliseus mittit Naaman ad Jordanem fluvium, ita a Christo populus gentium missus est ad baptismum. Quod autem Heliseus non per se ipsum Naaman aut tetigit, aut baptizavit, hoc significatum est, quod Christus, non per seipsum venit ad populum gentium, sed per Apostolos suos, quia illis dixit: (e) *Ite, & baptizate omnes in nomine Patris, & Filii, & Spiritus Sancti*: & hoc attendendum est, quia Naaman, qui populum gentium figurabat, in illo fluvio sanitatem recepit, quem postea Christus suo baptismo consecravit. Quod audiens Naaman, ut lavaretur sepius in Jordane indignatus est, dicens: (f) *Nunquid non meliora sunt flumina regionis meæ, flumina Damasci Abana, & Pharphar, ut in ipsis laver, & munder? Hæc illo dicente consilium dederunt servi sui, ut acquiesceret Prophetæ consilio*.

Quid autem hoc significet, intuentum est. (g) Sanctus Heliseus, sicut diximus, typum habebat Domini Salvatoris: Naaman figurabat populum gentium; quod vero de suis fluminibus sanitatem se recepturum esse credebatur; hoc indicabat, quod genus humanum de libero arbitrio, & de propriis meritis præsumebat: sed propria merita sine gratia Christi libertatem habere possunt, sanitatem recipere omnino non possunt. Unde

(a) cap. 9. (b) Hebr. 7. 19. (c) vers. 10. (d) vers. 11, & seq. (e) Mathe. 28. 19. (f) vers. 11, & 12. (g) Heliseum suis typum quemdam Domini Jesu, in ceteris præteream, expressissime tradidit Augustinus num. 11. alias cap. 9. sermonis 11. de verbis Apostoli: [in nova serie 26.]

Unde nisi ad exemplum Naaman humanum genus consilium Helisei audisset, idest per Christi gratiam donum baptismatis humiliter exceperisset, ab originali, & actuali lepra liberari non posset. Sive aliter flumina Damasci, quarum aquas Naaman Syrus meliores aquis Jordanis esse opinabatur, hujus mundi significant sapientiam, quam populus gentium, priusquam fidem Christi perciperet, pro magno habens, evangelica praecepta negligens, contemnebat. *Lavare*, inquit, *septies* dixit propter septiformem gratiam Spiritus Sancti, quæ in Christo Domino requievit. Denique quando in eo fluvio Dominus baptizatus est, Spiritus Sanctus in columbæ specie super eum venit.

Cum ergo in figura baptismi Naaman fluvio descendisset, facta est, inquit Scriptura, (a) *caro ejus tanquam pueri parvuli*. Hanc similitudinem in populo Christiano compleri videmus, quia omnes qui baptizantur, sive senex, sive juvenis, omnes tamen infantes appellantur, quia per Adam, & Evam veteres nascuntur, per Christum, & Ecclesiam novi regenerantur. Prima generatio perducit ad mortem: secunda generatio perducit ad vitam. Prima generatio filios iræ facit: secunda generatio vasa misericordiæ: sicut Apostolus dicit: *In Adam omnes moriuntur, in Christo omnes vivificabuntur*. Quomodo ergo Naaman senex septies lavando factus est velut puer, sic populus gentium cum esset peccatis veteribus senex, & multis iniquitatum maculis, velut lepra, perfusus, per gratiam baptismi ita renovatur, ut in eo, nec originalis, nec actualis lepra peccati remaneat, & qui fuerat criminum ponderibus curvus, ad exemplum Naaman, salutaris lavacro renovatur, ut parvulus, & prima stola induitur. De qua Aposto-

lus ait: *Quicumque in Christo baptizatus estis, Christum induistis*. In emundatione Naaman Syri decima virtus ponitur Helisei. Denarius enim numerus consummationem, sive perfectionem demonstrat, quia in fine mundi Dominus legitur advenisse, in quo universis gentibus lepra infidelitatis adpersus salus cognoscitur attributa. Quod vero, posteaquam mundatus est Naaman, munera obtulit Beato Heliseo, & ille accipere noluit, Christi in hoc gratia figuratur, quæ ideo gratia dicta est, quia gratis datur. Sic enim ipse Dominus in Evangelio discipulis suis dixit: (b) *infirmos curate: mortuos suscite: leprosos mundate: demones ejcite: gratis accepistis: gratis date*.

Dixitque interea Naaman ad Heliseum: (c) *Obsecro concede mihi servo tuo, ut tollam onus duorum burdonum de terra: non enim facies ultra servus tuus holocaustum, aut victimas diis alienis, nisi Domino soli*.

Onus terræ duorum burdonum, Incarnationis Christi prætendebat Sacramentum, cujus mysterium uterque populus ex circumcissione videlicet, & præputio, ob spem æternæ beatitudinis portare non renuit.

Post hæc refert Scriptura eadem, quod interrogavit Heliseus Giezi puerum suum. (d) *Unde venis Giezi? qui respondit: Non ivi servus tuus quoquam. Es ille ais: Nonne cor meum in presenti eras, quando reversus est homo de curru suo in occursum tuum? Nunc ergo accepisti argentum, & accepisti vestes, ut emas oliveta, & vineas, & oves, & boves, & servos, & ancillas: sed & lepra Naaman adhaerebit tibi, & semini tuo usque in sempiternum*.

(e) „ Si enim Propheta Heliseus „ puerum suum Giezi absens corpore, „ vidit accipientem munera, quæ de- „ dit illi Naaman Syrus, quem Pro- „ pheta

(a) vers. 14.

(b) Matth. 10. 8.

(c) vers. 17.

(d) vers. 25.

(e) Quæ pro more linearis notata sunt, desumpsit Claudius ex Augustino hoc tradente capite 29. libri 22. de Civitate.

pheta memoratus a lepræ deformitate mundaverat, quod servus nequam domino suo non vidente, latenter se fecisse putaverat: quanto magis in illo corpore spiritali videbunt sancti omnia, non solum si oculos claudant, verum etiam unde sunt corpore abientes? Tunc enim erit perfectum illud, de quo loquens Apostolus ait: (a) *Ex parte*, inquit, *cognoscimus, & ex parte prophetamus. Cum autem venerit quod perfectum est, evacuabitur quod ex parte est.* Deinde, ut quomodo posset, aliqua similitudine ostenderet, quantum ab illa, (b) quam facturus est, distet hæc vita, non qualiumcunque hominum, verum eorum qui præcipua hic sanctitate sunt præditi: *Cum essem* (inquit) (c) *parvulus, quasi parvulus sapiebam, quasi parvulus loquebar, quasi parvulus cogitabam. Cum autem factus sum vir, evacuavi ea, quæ parvuli erant. Videmus nunc per speculum in enigmate, tunc autem facie ad faciem. Nunc scio ex parte, tunc autem cognoscam, sicut & cognitus sum.* Si ergo in hac vita, ubi hominum mirabiliū prophetia ita comparanda est illi vitæ, quasi parvuli ad juvenem, vidit tamen Heliseus accipientem munera servum suum, ubi ipse non erat: ita ne, cum venerit quod perfectum est, nec jam corpus corruptibile (d) aggravat animam, sed incorruptibile nihil impedit, illi sancti ad ea, quæ videnda sunt oculis corporis, quibus Heliseus abiens ad servum suum videndum non indiguit, indigebunt? Nam secundum interpretes septuaginta, ista sunt ad Giezi verba Prophetæ: (e) *nonne cor meum* (f) *secum, quando* (g) *conversus est* (b) *vir de curru in* (i) *obviavi tibi:* (k) *& accepisti pecuniam* &c. Sicut autem ex Hebræo in-

terpretatus est Hieronymus presbyter: *Nonne cor meum*, inquit, *in presenti erat, quando reversus est homo de curru suo in occursum tui?* Corde suo ergo se dixit hoc vidisse Prophetæ, adiutus quidem mirabiliter, nullo dubitante, divinitus, sed quanto amplius tunc omnes munere isto abundabant, (l) *cum* (m) *Dominus erit omnia in omnibus?* Habebunt tamen etiam illi oculi corporei officium suum, & in loco suo uterque erit illis spiritus per spirituale corpus. Neque enim ille Prophetæ, quia non eis indiguit, ut videret abientem, non eis usus est ad videnda præsentia; quæ tamen spiritu videre posset, etiam si illos clauderet, sicut vidit absentia, ubi cum eis ipse non erat. Absit ergo ut dicamus illos sanctos in illa vita, Deum clausis oculis non visuros, quem spiritu semper videbunt. Sed utrum videbunt, & per oculos corporis, cum eos apertos habebunt, inde questio est. Si enim tantum (n) poterunt in corpore spirituali, eo modo utique etiam ipsi oculi spirituales, quantum possunt isti, quales nunc habemus, procul dubio per eos videri Deus non poterit. Longe itaque alterius erit potentie, si per eos videbitur incorporea illa natura, quæ non continetur loco, sed ubique tota est. Giezi minister Helisei, qui cupiditate argenti deceptus, pecuniam a Naaman Syro accepit, & post paululum lepræ contagione est percussus, Judæ proditoris typum gessisse non dubium est. Sicut enim Giezi ideo serviebat beato Heliseo, ut pecuniam posset acquirere, ita & Judas propterea adhaererat Domino Salvatori, ut fraudem faceret, & terrenas divitias congregaret. Denique sic de illo in Evangelio scriptum est. (o) *Quia fur erat, & loculos habebat,*

(a) 1. Corin. 13. 9, & 10. (b) quæ futura est. (c) *ibid.* 11, & 12.  
 (d) aggravabit. (e) *vers.* 26. (f) *Additur erat.* (g) *reversus.*  
 (h) homo. (i) in occursum. (k) *Hæc desunt in editis.* (l) Deus.  
 (m) 1. Corin. 15. 18. (n) poterunt. (o) Joan. 12. 6.

*Et ea, que mittebantur, exportabat.* Nam Giezi, qui gratiam magistri potuerat promereri, sicut Dominus suus confectus fuerat Beati Helisei, cupiditate victus meruit in æternum crudeli lepra perfunctus: Judas vero per amorem pecunie, & apostolatus gratiam perdidit, & laqueo vitam finivit: ac sic intelligimus omnes malos sacerdotes intra Ecclesiam intus in anima peccati lepra fuisse perfunctos, qui contra dominica precepta ministerium, quod gratis acceperunt, gratis non ministrant: et pro omni opere, quod in Ecclesia gerunt, non futuram mercedem, sed præsentem querunt retributionem.

Potest enim Giezi Judæorum populum figurari, qui eo tempore peccati lepra percutitur, quo ab eo gentium populus liberatur. Denique sic infideles Judæi in passione Domini clamaverunt: *(a) Sanguis ejus super nos, & super filios nostros.* Tunc enim peccati lepra perfuncti meruerunt, quando super celestem medicum ore sacrilego clamaverunt: *(b) tolle tolle: crucifige eum.* Ergo eo tempore in illis remansit lepra, quo ad eos transiit gratia. Denique sic & Apostolus Paulus ad eos locutus est, dicens: *(c) Vobis, inquit, oportuit primum loqui verbum Dei: sed quia vos indignos judicatis æternæ vitæ, ecce convertimur ad gentes.* Quando doctrina Apostolorum ad gentes transiit, tunc in miseris Judæis peccati lepra remansit.

*(d)* Post hæc refert Scripturæ, quod eunte Beato Heliseo cum filiis prophetarum ad jordanem fluvium, dum sibi ligna conciderent, ceciderit securis in aqua: & ille, de cujus manu corruit, clamaverit ad Beatum Heliseum: *(e) benè heu, & hoc ipsum mutuo acceperam.* Post hæc in loco, ubi securis illa ceciderat, Beatus Heliseus misit lignum, & natavit ferrum.

*(f)* „ Dominus Jesus Christus,

„ cujus figuram Heliseus gestavit, cum  
 „ per præsentiam corporis sui Judæo-  
 „ rum impietatem, tamquam infructuo-  
 „ sam arborem succidere vellet, quia  
 „ de illo Joannes dixerat: *(g) Ecce securis  
 „ ad radicem arborum posita est.*  
 „ Item interveniente passione, cor-  
 „ pus illud velut manubrium defe-  
 „ruit, & in inferni profunda descendit.  
 „ Quod in sepultura positum, ad vitam,  
 „ tamquam ad manubrium suum spiritu  
 „ redeunte surrexit. „ Sive aliter: He-  
 „liseus namque typum habuisse Domini  
 „ Salvatoris frequenter supra jam dixi-  
 „mus. Sed in puero illo filio prophæ-  
 „tæ, cujus securis de manu lapsa est,  
 „ non incongrue Christus Dominus intel-  
 „ligitur: securis illa, quæ cecidit, A-  
 „dam, sive totum genus humanum signi-  
 „ficasse videtur. Tenebat ergo filius  
 „ prophetæ securam in manu sua: &  
 „ Dominus, ac Salvator noster humanum  
 „ genus, quod creaverat in manu poten-  
 „tiæ suæ: sed quomodo securis illa de  
 „manu prophetæ, & in profundo corruit,  
 „ ita & genus humanum cum de manu  
 „ Dei omnipotentis per superbiam se ex-  
 „cussit, cecidit in fluvium luxuriæ, &  
 „ omnium peccatorum gurgite se submer-  
 „sit. Securis ergo illa in profundo jace-  
 „bat, quia genus humanum in omnium  
 „ criminum abyssu, infelici ruina corru-  
 „erat, sicut scriptum est: *(b) Infixus  
 „ sum in limo profundi.* Iterum *(i) de-  
 „veni in altitudinem maris, & tempe-  
 „stas dimeris me.* Fluvius enim ille, ubi  
 „ securis cecidit, significat præterfluentem,  
 „ & fugitivum, & descendentem in volup-  
 „tatem, vel luxuriosū seculi hujus cursum:  
 „ fluvius enim a fluendo nomen accepit.  
 „ Et quia omnes peccatores transitoriis  
 „ voluptatibus inherentes fluere dicuntur:  
 „ ideo securis illa in fluminis limo jace-  
 „bat oppressa. Veniens vero Heliseus,  
 „ misit lignum, & natavit ferrum. *(h)*  
 „ Quid est, lignum mittere, & ferrum  
 „ in

*(a)* Mt. 27. 25.

*(b)* Joan. 19. 15.

*(c)* Act. 13. 16.

*(d)* 6. A. 5.

*(e)* IV. Reg. 6. 5.

*(f)* Prior pars hujus explicationis ex Isidori commentariis in IV. Regum desumpta est.

*(g)* Matth. 3. 10.

*(h)* Psalm. 63. 2.

*(i)* Ibid. 3.

*(k)* Subsequentia videntur vetustam explicationem ex alio Scripturæ desumptam propungere.

in lucem producere? nisi patibulum crucis ascendere, & de profundo inferni humanum genus eripere: ac de omnium peccatorum immo, per crucis mysterium liberare. Postquam vero natavit ferrum, misit manum Propheta, & recepit illud, & reddidit ad utilem usum domini sui. Ita & de nobis factum est, qui de manu Domini superbiendo cecideramus, per crucis lignum ad manum, vel potestatem Domini reddimur. Item moraliter: (a) „ ferrum in manubrio, est donum intellectus in corde: lignum vero per hoc cedere, est prave agentes increpare. Quod nonnunquam dum fluxe agitur, dum lapsus vanæ gloriæ in accepta eadem scientia non vitatur, ferrum in aqua perditur, quia ex dissoluto opere intelligentia fatiatur. Quam profecto intelligentiam ad hoc novimus dari, ut ante dantis oculos ex bona debeat actione restitui. Unde & recte is, qui ferrum amiserat, clamabat: *heu, heu, Domine mi, & hoc ipsum mutuo acceperam*: habent enim hoc electi proprium, ut si quando eis in sua scientia furtiva vanæ gloriæ culpa subripitur, ad cor velociter redeant, & quidquid in se ante stricti iudicis oculos damnable inveniunt, lacrymis insequantur. Qui flentes non solum caute inspiciunt, quæ mala commiserunt, sed ex accepto munere quæ reddere etiam bona debuerunt: quia nimirum tanto se amplius peccatores sentiunt, quanto ex neglectis bonis, quæ agere poterant, debitores tenentur. Recte ergo, qui ferrum perdidit, clamabat: *heu, heu, heu, & hoc ipsum mutuo acceperam*, ac si dicat: illud per dissolutionem negligentiae perdidit, quod ut per bona opera redderem, ex gratia creditoris acceperam. At nunquam Deus

mentem deserit, quæ in peccatis se veraciter agnoscit. Unde & mox Heliseus veniens, lignum deorum mittit, & ferrum in superficiem attulit: quia videlicet Redemptor noster, pie nos respiciens, cor peccatoris humiliat, & ei (b) qui amiserat, intelligentiam reformat, lignum mergit, & ferrum (c) levat, quia cor assigit, & scientiam reparat. Unde bene in alia translatione dicitur quod (d) *infregit lignum, atque iactavit, & sic ferrum iussit*. Lignum namque confringere est, cor elatione conterere. Lignum ad ima iactare, est (e) elevatum cor in (f) cogitatione, ut diximus propriæ infirmitatis humiliare, atque illico ferrum (g) in superficiem redit, quia (b) adversum exercitationis pristinam intelligentiam recurrit. Igitur quoniam donum intellectus, quod accipitur, vix cum tot difficultatibus custoditur, curandum valde est, ne otio torpeat, curandum ne in exercitatione operis virtio elationis evanescat: sancti namque viri minime exultant, cum cognoscunt quæ (i) faciunt: sed cum faciunt quæ (k) cognoverunt: & si intelligendo largiores congaudent munere largitoris, merentes tamen considerant debitum operis: ut videlicet actione persolvant, quod eis (l) prorogatum est in (m) cogitatione. Stultus namque est debitor, qui gaudens pecuniis mutuas accipit, & tempus quo reddere (n) debet, non attendit. Moderatur autem letitia accipiendi, quando solerti providentia etiam constitutum tempus reddendi cogitatur.

(o) *Rex autem Syria pugnabat contra Israel, consiliumque misit cum servis suis dicens: in loco illo, & illo ponamus insidias: & reliqua.* Rex Syriæ Samariam obfidens, diaboli gestabat ry-  
S 2 dzo-

(a) Subsequentia tradidit Gregorius Magnus num. 9, & 10. alias cap. 5. libri 22. Moralium, eoque allegat etiam Taterius.

(b) quam. (c) relevat. (d) contigit.

(e) elatum. (f) cognitione. (g) ad. (h) ad usum pristinum.

(i) faciunt. (k) cognoverant. (l) prerogatum. (m) cognitione.

(n) debeat. (o) vers. 8.

pum, qui ante adventum Salvatoris Judæorum populum sua obsidione concluderat, cuius sevitig, atque occultę infidiz, quas humano prætendebat generi, veri Helisei, hoc est Domini Salvatoris præscientia, atque virtute frustratę sunt. Exercitus regis Assyriorum, qui ad capiendum Heliseum ab eo missus est, scribarum, & pharisæorum habuerunt typum, qui instinctu diaboli ad persequendum Deum instigati sunt, & per virtutem ejusdem Domini, et Salvatoris nostri, justo judicio obsecrati sunt: & rursum per misericordiam illius, pane verbi Dei sunt pasti, & aqua scientiæ refecti. Merito movet, quomodo potuerint Syri isti ire in Samariam, si tali erant egcitate percussi, ut omnino nihil viderent. Hac aurasia (a) & illi percussi sunt, qui quærebant ostium Loth; hoc enim modo sua calamitate turbati, amentes facti sunt, usque dum irent in Samariam, & ulterius Prophetam tali modo comprehendere non quæsiuerunt.

(b) *Factum est autem post hac congregavit Benadab rex Syria universum exercitum suum, & ascendit, & obsedit Samariam. Facta est autem fames magna in Samaria, & tandem obfessa est civitas, donec venundaretur capus asini octoginta argenteis, & quarta pars cabi stercoris columbarum quinque argenteis* &c. Fames Samariz illata inopiam significat verbi Dei, sive egestatem fidei, per quam diabolus ante adventum Salvatoris Dei populum concluderat. Caput asini octoginta argenteis venundatum, significat superbiam, quæ initium est omnis peccati. Per asinum enim, quod immundum est animal, omnia vitia diaboli præfigurasse non dubium est, quorum ut dictum est, caput est superbia. Hanc reprobi omnes neglecto decalogo legis, atque ogdoada Evangelii, in qua imago est Dei, in cibum sibi maluerunt absumi, quam pacem verbi Dei. Quarta vero pars ca-

bi stercoris columbarum, quod quinque argenteis emptum, in cibum sumi dicitur, hoc figurasse videtur, quod populus reprobus, relicta cultura Dei, atque quinque corporis sensibus subditus, per idolorum culturam, & simulationem, velut quodam fetore peccatorum, pasto, diabolo satisfaciebant. Dux mulieres, quarum una famis inopia coctum filium suum comedit, reprobam plebem ex Judæis significasse non dubium est, quæ omne bonum, quod in se originaliter habere potuit, inopia fidei consumpta consumpsit: alia vero, quæ in tale facinus consensum præbere renuit, electam plebem procul dubio figuravit.

(c) *Quatuor ergo viri erant leprosi juxta introitum portæ, qui dixerunt ad invicem. Quid hic esse volumus donec moriamur? &c.* Quatuor leprosi, qui extra civitatem positi futuram Israelii (d) defensionem pronunciant, illos indicasse videntur, qui ex populo Judæorum inmunditiam peccatorum suorum prius ceteris confessi sunt, & ad tantam pervenire meruerunt gratiam, ut victum, atque fugatum diabolum per victoriam crucis Christi ceteris adnuntiarent. Quinque equos, qui in Samaria præ inopia famis tantummodo remansisse dicuntur, carnalem Judæorum populum sub quinque libris legis derelictum figurasse certum est. Dux ille, qui futuram frumenti abundantiam per Heliseum venturam audiens, credere noluit, scribarum, atque pharisæorum gestavit figuram, qui fertilitatem fidei in Ecclesia divinitus collatam vidit, & quia credere noluit, ob hoc in impetate sua mortuus, a fidelibus conculcatus est.

(e) *Heliseus autem locutus est ad mulierem, cujus vivere fecerat filium, dicens: surge, vade &c.* Mulier Sunamitis, quæ ob inopiam famis, consultu Helisei de Judæa ad terram Philistiim transivit, primitivam Ecclesiam, quæ per Apostolos ex circumcisione in Chri-

sto

(a) Num corruptus nonnihil sit locus iste, alii videntur. Codex habet: has auras, (b) v. 24, & seq. (c) cap. 7. 3. (d) Arbitrur liberationem. (e) cap. 8.



fio credidit, przsignavit. Quæ Ecclesia ob infidelitatem Judæorum, atque inopiam verbi Dei, quæ illos obtinuit, revelante sibi divino spiritu ad populum gentium transmigravit: hæc enim in fine mundi, postquam plenitudo gentium introierit, ad priorem populum revertens, prædicante Helia, electos ex eadem plebe quasi pristinam patronorum suorum possessionem in proprio jure recipiet, & tunc omnis Israël salvus fiet.

(a) Anno septimo misit Joada, & assumens centuriones, & milites... præcepit illis, dicens... Tertia pars vestrum introeat sabbato, &c. (b) Quod ait Jojada Pontifex Sacerdotibus, & Levitis in templo, & proferens Joas filium Azariæ, quem sex annis, quibus regnavit Athalia, clam nutriebat in templo: Tertia pars vestrum introeat sabbato, & observet excubium domus regis, tertia autem pars sit ad portam Seir, & tertia pars ad portam, quæ est post habitaculum scutariorum. Custodieris excubium domus Messæ. Duæ vero partes e vobis omnes egredientes sabbato custodiant (c) excubium domus Domini circum regem, & vallabitis eum habentes arma in manibus vestris &c. Quæ ibidem dicta, vel facta commemorantur, melius intelliguntur, si de locis templi, in quibus actum est, latius aliqua replicentur. Templum quidem ipsum, exceptis porticibus, quibus omni ex parte sibi adherentibus circumdabatur, habebat intra parietes (hæc est enim mensura prima, quam verba dierum nominant) sexaginta cubitos longitudinis, viginti autem latitudinis. Cujus omnis ambitus atrio tres cubitis alto erat circumdatus, habente introitum a

parte orientis, cujus in Libro Regum ita meminit Scriptura: (d) Et edificavit atrium interius tribus ordinibus lapidum politorum, & uno ordine lignorum cedri. Interius videlicet hoc appellans atrium, eo quod alia circa hoc exteriora sint facta. Porro in verbis dierum ita: (e) Fecit etiam atrium Sacerdotum, & basilicam grandem, & ostia in basilica, quæ texit are. Atrium videlicet Sacerdotum hoc nominans (f), quia nimirum ad hoc erat factum, ut ab ingressu templi ceteros arceret, solisque hoc Sacerdotibus licere designaret. Erat autem hoc idem atrium ab australi, occidentali, & septentrionali parte vicinior muro templi. Porro ad ortum solis, unde & introitum per gradus habebat, in magnam se prolixitate a templo protendebat, utpote quod in illa sui parte altare holocausti, in illa luteræ bisquinos, in quibus hostiæ lavarentur, in illa mare æneum, in quo intraturi ad ministerium sacerdotum lavarentur: in illa Sacerdotum immolantium, & psallentium habebat choros leuitarum. Circumdabatur autem hoc atrium undique versum a (g) longa æde præmaxima in quadrum, cujus interior paries, (idest, qui templum a quatuor mundi partibus respiciebat) inferius erat per totum in arcubus constructus, ulterior vero firma soliditate fundatus. Et januas habens æreas, ut supra dictum (h) memoravimus; & ostia in basilica, quæ texit ere; quæ etiam porticibus communita maximis, & opportunis erat discreta cœnaculis. Et rursus extra hanc eodem in gyro (i) altera simili schemate facta (k): sed & tertia nihilominus circa illam eodem.

» OF-

(a) cap. 11. 4. (b) Explicationem loci hujus prorsus exceptis Claudius a Beda 18. explicatione in Libros Regum hæc tradente. (c) Excubias.  
(d) III. Reg. 6. (e) 2. Paral. 4. (f) Edix: hoc tantum habent: quod ingredi Sacerdotibus licere designaret. Præstat nostri codicis lectio. (g) longe.  
(h) commemoravimus. (i) altare. (k) scilicet.

ordine facta per gyrum, interiora omnia longe, lateque circuibat: In hoc tantum a prioribus distans edibus, quod orientalis, & septentrionalis ejus paries ostia minime habebat, eo quod uterque eorum ad muros pertineret civitatis. Hęc autem sunt atria, de quibus canitur in Psalmis: (a) *Qui stas in domo Domini, in atrii domus Dei nostri: & quoniam ipsa domus Domini in editiore loco constructa erat, fiebat, ut atria, quanto exteriora (b) fuerint, tanto altiores haberent parietes, utpote inferius fundamenta habentes, adeo ut ultima quadrigentos in altitudine cubitos haberent, nec tamen equandę templi altitudini aliquantulum propinquarent. Quorum omnium in libro Paralipomenon (c) ita generalis fit mentio: Dedit autem David Salomoni suo descriptionem porticus, & templi, & cellariorum, & cęnaculi, & cubiculorum in adyis, & domus propitiacionis, necnon & omnium quę cogitaverat, atriorum, & exedrarum per circuitum in thesauro domus Domini, & in thesauris Sanctorum. Sed & Josephi Scriptura (d), vel pictura ab antiquis formata, plenius, quo sint hęc ordine facta, distinguit. His vero ita compositis, in Sancta Sanctorum summi tantum Sacerdotis erat semel in anno cum sanguine hostiarum ingredi, in sanctuario ante oraculum Sacerdotes tantum purificati introibant. In atrio interiore Sacerdotes omnes, & Levitę. Circa hoc atrium sub (e) divo, vel si tempestas arcebat, in edibus circumpositis viri Israelitę ad orandum, sive ad audiendum verbum Dei (f) conveniebant. In tertio ordine atriorum stabant ad orandum mulieres Israeliticę sub (g) divo: vel si tempestas non sinebat, proxima circumpositarum adium te-*

sta subibant. Porro in ultimo ordine atriorum gentiles, qui ad orandum forte conveniant, intrabant. Ubi etiam post tempora dispersionis ii, qui de gentibus nuper advenerant Israelitę, (b) diebus septem purificati, sic tandem, interiora sanctorum petebant. Quę autem intra atria, vel in atrii erant pavimenta, lapide vario sunt omnia strata. Ita vero ostia in edibus contra invicem posita erant, ut ii etiam, qui in ultimis consistebant, templum possent intueri. Erant autem sortes viginti quatuor, & Sacerdotum, & Levitarum, & Janitorum, qui per totidem septimanas sibi ex ordine succederent, fabato nova turma intrante ad officium, & post Sabbatum ea, quę proxima septimana ministraverat, domum redeunte. Sed hic pontifex proponit necessitatem augendi circa novum regem exercitus, & eos, qui intrandi septimanam habebant ordinem, suscepit, & illos, qui jam suam septimanam ministrando impleverant, ne abirent, retinuit. Qui alios quoque Levitas de cunctis urbibus Juda simul, & principes familiarum Israel, missis in hoc centurionibus Hierosolymam, congregaverat, ut *Verba dierum* narraret, (i) quos edućturus filium regis tali ratione distinxit, ut omnes, qui impleverant sabbatum, & egressuri erant, in duas divisi partes regem in interioribus atrii locis armati circumstarent: reliqua vero multitudo, idest qui non erant de stirpe Levi, exteriores atriorum januas contra furorem reginę, si quid forte adversi moliretur, custodirent. Porro hic qui nuper ad sabbatum venerant Sacerdotes, Levitę, & Janitores in tres divisi partes, domum regis, idest palatium, observarent: ne vel hoc regina collecto, exer-

(a) Psalm. 133, &amp; 134.

(b) fierent: sed scilicet.

(c) Paral. 28.

(d) Antiq. 8. 2.

(e) dio.

(f) convenire solebant.

(g) dio.

(b) Dreef

in edis diebus septem. (i) 1. Paral. 23.

exercitu contra regem, defenderet :  
 Servarent & portam habitaculi scutariorum, per quam de templo ad palatium descendebatur, sicut infra (a) dicitur: duxeruntque regem de domo Domini, & venerunt per viam portæ scutariorum in palatium, & sedit super thronum regum, ubi etiam porta (b) Siref, & domus Messa, quæ cum porta scutariorum nominatur, esse videntur. Scutarios autem tutores (c) Regum appellat, testante libro Paralipomenon: (d) quia cum Roboam scuta ærea pro aureis celsissæ commemorasset, adiecit: *Es tradidit illa principibus scutariorum, qui custodiebant vestibulum palatii*: in quo videlicet libro distinctius hæc cuncta replicantur: Tertia pars vestrum, qui veniunt ad sabbatum Sacerdotum, Levitarum, & Janitorum eris in portis; tertia vero pars ad domum regis, & tertia in porta, quæ appellatur fundamenti; omne vero reliquum vulgus sit in atrio domus Domini, nec quisquam alius ingrediatur domum Domini, nisi Sacerdotes, & qui ministrant de Levitis: ipsi tantummodo ingrediantur, (e) qui sanctificati sunt, & omne reliquum vulgus observet custodias Domini. Levitis autem circumdant regem, habentes singulis arma sua, &c. (f) Quod sequitur de eodem: (g) *Produxitque filium regis, & posuit super eum diademam, & testimonium, in diademate insigne capitis regium*: in testimonio designat decreta legis Dei, quibus quid agere rex debeat, & qualiter vivere, præcipitur. Denique in libro verborum dierum apertius: (b) *Es imposuerunt, inquit, ei diademam, dederuntque in manu ejus tenendam legem*. Et magnæ utique erat, salutariisque prudentiæ, ut per tyrannicæ,

impiæque reginæ necem, succedente in regnum filio regis legitimi, cum ipso (i) regum habitu, simul disciplina legis Dei servanda committeretur, & qui se prælatum populo regendo videret, ipse se regendum, divinis legibus subdi debere meminisset.  
 (k) *Es non fiebat ratio his hominibus, qui accipiebant pecuniam &c.*  
 (l) Quod instaurantibus templum. Domini tempore præfati regis Joas dicitur: *Es non fiebat ratio his hominibus, qui accipiebant pecuniam, ut distribuere eam artificibus, sed in fide tractabant eam, devotionem ostendit eorum, de quibus sermo est, qui tantum studii in religione habuerint, ut nullus dubitaverit, quin pecuniam Domini sine alicujus fraudis suspitione tractarent: & hanc de ærario sublatam fideliter artificibus, ad muniendam domum, prout singulis opus esset, offerrent.*

(m) *Post hæc mortuus est, inquit, Heliseus, & sepelievunt eum. Latrunculi vero de Moab venerunt in terram ipso videlicet anno. Quidam autem sepelientes hominem viderunt latrunculos, & projecerunt cadaver in sepulchro Helisei, quod cum retigisset ossa Helisei: continuo revixit homo, & stetit super pedes suos.*

Latrunculi enim Moab figuraliter dæmones intelligendi sunt, qui ad incestum, & omne opus execrabile vitiis stimulis perurgent infelicitium mentes. Qui vero mortuum sepeliebant, ii accipiendi sunt, qui, ut Apostolus Jacobus ait: (n) *impios, & peccatores ab errore viæ suæ assidua exhortatione convertunt ad tramitem pictatis, & castitatis, animasque eorum salvantes a perpetua morte, cooperiunt multitudinem peccatorum.*

Sive

(a) dicitur. (b) seir. (c) Regis. (d) 2. Paral. 23. (e) quia. (f) vers. 12.  
 (g) Hujus quoque, & subsequentis loci explicatio ex Beda desumitur. [ Ibidem num. 20. & 21. (b) 2. Paral. 23. 11. (i) regni. (k) cap. 12. 13.  
 (l) Hæc pariter ex Beda desumpsit Rabanus. (m) 13. 20. (n) 5. 19.

Sive aliter. Sepelientes mortuum, ac latrunculos fugientes illi merito appellandi sunt, qui pie vivere volentes in Christo, fugiunt, ac declinant vitia universa, atque peccata, quæ mortem videlicet operantur, corporaque in fontem projiciunt baptismi, in quo secundum Apostolum credentes *sepeliuntur cum Christo* (a), utper communionem corporis, & sanguinis ejus deinceps possint vivere cum Christo.

(b) *Ipsæ* (videlicet Amasias) *percussit Edom in valle Salinarum decem millia* &c. Quod dicitur de Amasia rege Juda: *ipse percussit Edom in valle Salinarum decem millia, & apprehendit petram in prælio, vocavitque nomen ejus* (c) *Jesbel*. (d) Vallis Salinarum erat, ubi sales faciebant, vel sæno videlicet saluginis, ut multis in locis deciso, exsiccato, & incenso, vel aquis puteorum sale servatis, & usque ad salis firmitatem coquendo perductis, vel alio quolibet ordine, quo sal fieri consuevit. in quo etiam loco Joab duodecim millia Idumæorum percussisse legitur. Nec prætereundum quod pro valle Salinarum vetus editio quasi nomen regionis (e) Gemela posuit. Petra autem civitas est Arabiz nobilis in eadem terra Edom, quæ in libro Numerorum Recem dicitur, & ab Assyriis hodie usque sic appellatur. (f) Jesethel vero, quod Amasias victor ei nomen imposuit, interpretatur cætes Dei, vel auxilium Dei, agente eo fideliter, ut perenni inderetur memoriz, quod hanc, vel cætes populi Dei, vel Deo adjuvante, cepit.

(g) *Ipsæ restituit terminos Israel ab introitu Emath* &c. (h) Quod dicitur de Hieroboam rege Israel: *ipse restituit terminos Israel ab introitu Emath usque ad mare solitudinis*, E-

math, quæ nunc *Epiphania* dicitur, septentrionalis erat terminus Israelis: Mare autem solitudinis, quod hebraice dicitur *Araba*, mare mortuum designat, quod in longitudine per stadia DLXXX. usque ad (i) Zoaras Arabæ in latitudine per centum quinquaginta usque ad vicina Sodomorum (k) prætenditur.

(l) *Et unaquæque gens fabricata est Deum suum* &c. Quod dicitur de his, quæ in Samariam a rege Assyriorum adductæ sunt, nationibus, & unaquæque gens fabricata est Deum suum, posueruntque cum in sanis excelsis, quæ fecerant (m) Samaritæ gens, & gens in urbibus suis, in quibus habitabant. Viri enim Babilonii fecerunt *Socoth Benoth*: Viri autem Cutheni fecerunt *Nergel*. Et viri de (n) Emeth fecerunt *Asima*. Porro Hevæi fecerunt (o) *Nebaaz*, & *Thartha*. In libro quidem locorum legitur, quod *Benoth*, & *Nergel* fuerunt civitates, quas construxerunt in regione Judææ Samaritanæ, qui de Babilonia transfugerant. Asima quoque oppidum quod edificaverunt, qui ad eam venerant de Emath. Nebaaz etiam, & (p) *Thartha* civitates, quas Hevæi in eadem Judææ terra condiderunt. Videtur autem juxta consequentiam sermonis, etiam idolorum, quibus (q) hæc gentes prius in terra sua servierunt, hic posse vocabula intelligi, (r) quia cum dictum esset, *et unaquæque gens fabricata est Deum suum*, quasi ad expletionem sententiæ lubjunctum est: *Viri enim Babilonii fecerunt Socoth Benoth*, idest tabernacula *Benoth*. Et melius, ni fallor, faceret interpretes, si Socoth latine in tabernacula verteret, & nomen idoli *Benoth* absolute poneret: & sicut in

(a) Rom. 6. 4. Coloss. 2. 12. (b) 1. 4. 7. (c) Jesethel. (d) Hæc habet Bæda questione 21. inter 30. quæstiones in Libris Regum. (e) Gemelach. (f) 1. 4. 25. (g) Hæc pariter, & subsequens Bæda desumpta sunt. (h) Zoaros. (i) k. progreditur. (j) 17. 29. (m) Samaritas. (n) Hemath. (o) Nebaaz, & Thartha. (p) Thartha. (q) hæc. (r) quod cum.

sequentibus manifeste dicitur: (a) *hi autem, qui erant de Sepharvaim, com-  
burebant filios suos igni Adramelech,  
& Anamelech diis Sepharvaim: ubi  
ostenditur Adramelech, & Anamelech  
idola fuisse urbis Sepharvaim: ita  
videtur consequens, ut etiam Nerget  
Cuthenorum, Alima Emathenorum,  
& Nebahaz, & Tharthac idola fuerunt  
Eztorum.*

(b) *Anno quartodecimo regis Eze-  
chia ascendit Sennacherib rex Assyriorum  
super omnes civitates Juda munitas,  
& cepit eas, &c. Historia manife-  
sta est, & interpretatione non indiget.*

(c) *In verbis autem Rablaci arrogan-  
tia consideranda est, quæ velut quædam  
contraria fortitudo imitatur consuetudi-  
nem prophetarum, ut quod illi solent  
in prologis ponere: hæc dicit Dominus,  
quo auctoritatem, & magnitudinem lo-  
quentis ostendunt, iste nunc dixerit:  
Hæc dicit Rex Magnus, Rex Assyrio-  
rum. Consideremus verba Rablaci,*

(d) *ac primum quod dicit: (e)  
Confidis super baculum avundineum,  
contractum istum, super Egyptum,  
falsum est: nulla enim narrat histo-  
ria, quod Ezechias ad Egyptios mise-  
rit, & Pharaonem auxilium postula-  
rit, quodque insert (f) Si responde-  
ris mihi, in Domino Deo nostro confi-  
dimus, verum est: sed rursus jungit  
mendacium veritatis, quod (g) abstule-  
ris Ezechias excelsa illius, & altaria:  
hoc enim non contra Dominum, sed  
pro Domino fecerat, ut idolatria, &  
veteri errore destructo, juberet Do-  
minum adorari in Hierusalem, ubi e-  
rat templum ejus. Quodque paucita-  
tem obsequiorum volens ostendere, (h)  
equeorum duo millia pollicetur, quo-  
rum Ezechias ascensores præbere non*

posset, non de imbecillitate venit po-  
puli Judæorum, (i) qui equitandi  
carebat scientia, sed de observatione  
mandatorum Dei, qui per Moysen su-  
per regem præceperat Israel: (k) *Non  
multiplicabis sibi equos, & uxores plu-  
rimas non habebit. Ad id autem,  
quod dixerat: (l) Si responderis mi-  
hi, in Domino Deo confidimus &c.  
callide, prudenterque respondit, se  
non sua voluntate, sed Domini ve-  
nisse præceptis. (m)*

*Et dixit Heliachim, & ceteri ad  
Rablacem: (n) Loquere ad servos suos  
Syra lingua, siquidem intelligimus  
eam &c. Acculatio Rablaci Ezechig  
testimonium est, quod capitis cunctis  
Judææ urbibus, confusus in Domino sit  
(o), dixeritque ad populum: (p) No-  
lite timere, nec paveatis regem Assy-  
riorum, & universam multitudinem,  
quæ est cum eo: maled enim plures  
nobiscum sunt, quam cum illo; Cum  
illo enim esset brachium carneum: no-  
biscum Dominus Deus noster, qui au-  
xiliorum est nostri, pugnatque pro no-  
bis. Et confortatus est, inquit, popu-  
lus, hujusmodi verbis Ezechie. Un-  
de Rablaci destruere vult, quod ille  
construxerat, & loquitur ad populum:  
(q) Non seducat vos Ezechias, & non  
vobis tribuat fiduciam super Domi-  
no Deo. Rursusque adjiciens commi-  
nationem, & terrorem, ut (r) co-  
medant, inquit, stercora sua, & bi-  
bant urinam pecudum suorum (s) vo-  
biscum. Per quæ ostendit fame eos,  
& penuria, sitique esse capiendos, si-  
mulque illecebras jungit formidini,  
ut quos terrore non vicerat, repro-  
missionibus, & persuasionem decipiat  
dicens: (t) Facite mecum quod est  
utile. Ergo sensus est: facite (inquit)  
quod*

(a) 17. 31. (b) 18. 15. (c) vers. 19. Hæc dicit Rex Magnus, Rex Assyriorum:

(d) Hæc, quæ tradidit Claudius, Rabanus in locum hunc pariter tradidit.

(e) An speras in baculo &c.

(f) vers. 22. (g) ibid. (h) vers. 23.

(i) quasi equitandi ignavi.

(k) Deuter. 17. 16, & 17.

(l) vers. 22.

(m) vers. 25. Nunquid sine Domini voluntate &c.

(n) vers. 26.

(o) vers. 13.

(p) 2. Para. 32. 7.

(q) IV. Reg. 18. 29.

(r) vers. 27.

(s) Vulgata legit

urinam suam. (t) vers. 31.

„ quod vobis proſit, & in benedi-  
 „ cione proficiat veſtram. Sive hoc di-  
 „ cit: benedicite regi Aſſyriorum, &  
 „ laudate eum: ut Dominum confi-  
 „ temini, ut præmia conſequamini: &  
 „ donec revertar de Ægypto, ſive ca-  
 „ pta Lomna redeam, habitare in urbe  
 „ veſtra, & rebus veſtris fruimini: po-  
 „ ſtea autem: (a) Veniam, & tran-  
 „ ſferam vos in terram, quæ ſimilis eſt  
 „ terræ veſtræ. Quidam putant terram eis  
 „ Mediæ repromitti, quæ habebat terræ  
 „ Jude ſimilitudinem, tam in ſitu, quam  
 „ in ſtragibus. (b) Quodque inſert: *Ubi*  
 „ *eſt Deus Emath, & Arphad, & Sephar-*  
 „ *vaim, Ana, & Ava? Numquid libera-*  
 „ *verunt Samariam de manu mea?* Offen-  
 „ dit harum omnium civitatum, ſive gen-  
 „ tium diis ſerviſſe Samaritas, & quia  
 „ non erant dii, ſed idola, merito cultor-  
 „ es vanitatis, ut decebat, eſſe (c) ſub-  
 „ merſos. Eſt autem Emath urbs Cele-  
 „ ſyriæ, quæ nunc *Epiphania* dicitur:  
 „ juxta (d) Emefan, ut ſupra monui-  
 „ mus. (e) Arphat urbs Damafci, quam  
 „ expugnatam a rege Aſſyriorum etiam  
 „ Hieremias ſcribit: (f) Sepharvaim,  
 „ quod numero plurali *libros*, vel *litteras*  
 „ ſonat, nomen eſt locorum, de quibus  
 „ Aſſyrii tranſmigrantes habitaverunt  
 „ in Samaria, ut in locorum libris in-  
 „ venimus. Verum in Iſaia hoc quoque  
 „ vocabulum eſſe civitatis apparet, ubi  
 „ aperte dicitur: (g) *Ubi eſt Deus urbis*  
 „ *Sepharvaim?* tametſi pluraliter di-  
 „ ctum, ut Thebarum, Athenarum.  
 „ Pro Ana, & Ava vetus editio quaſi  
 „ unius urbis nomen (b) Ana, & Ava  
 „ poſuit. Et quidem in Hebræo ita ſcri-  
 „ ptum eſt: verum quia ſyllaba *u*, quæ  
 „ in medio nominis poſita eſt, con-  
 „ junctionem apud eos ſignificat, po-  
 „ teſt etiam ita diſtingui, ut dicantur  
 „ Ane & Gave, ut Aquila tranſlu-

„ lit, ſive Anua & Avua, ut noſter ver-  
 „ tit interpres.

(i) *Tacuitque omnis populus, & non reſpondis ei quidquam. Siquidem præceptum regis acceperant, ut non reſponderent.* (k) „ Vere juſtus Ezechias agebat cuncta fideliter, & univerſa cum conſilio: ideo enim juſſerat blaſphemanti Aſſyrio non reſpondere, ne eum ad majores blaſphemias provocaret.

(l) *Et ingreſſus eſt Heliachim, & ceteri cum eo ad Ezechiam ſciſſis veſtibus.* „ Perſpicua relinquentes, ea tantum, in quibus latens ſenſus eſt, diſſeramus. Scindit veſtes, quia Raſfacen audierant blaſphemantem. (m) Scindit & ipſe rex veſtimenta ſua, quia peccatorum ſuorum, & populi eſe credebat, quod Raſfacer uſque ad portas Hieruſalem venerit, & contra Dominum talia ſit locutus. Pro regio ergo cultu obvolutus eſt ſacco, & de palatio ad templum gradiens, Heliachim pontificem, & (n) Sobnam ſcribam, & (o) ſeniores de Sacerdotibus miſit ad Iſaiam filium Amos Prophetam. In quo regis conſideranda eſt humilitas, atque prudentia. Ipſe pergit ad templum, principes populi, & ſenes Sacerdotum non ſolis Sacerdotalibus, ſed ciliicis coopertos mittit ad Iſaiam Prophetam filium Amos.

(p) *Dixerunt, inquit, ad eum: hæc dicit Ezechias: Dies tribulationis, & correptionis, & blaſphemia dies hæc. Tribulationis noſtræ, correptionis Dei, blaſphemiarum hoſtium, ponitque ſimilitudinem parturientis mulieris, & dolentis, quod venerit filii uſque ad partum, & vires non habet parturiendi.* (q) „ Hæc juxta litteram peccatis facientibus videmus, quia cum

„ ho-

(a) verſ. 32. (b) Hallenus Rabanus: ſubſequentia præbet Beda quaſi. 24. in libros Regum; & ruſſus Rabanus. (c) ſubverſos. (d) Acmeſam. (e) Arphad. (f) Hier. 4. 47. (g) Iſai. 36. 19. (h) Ancumgava. (i) verſ. 36. (k) Rabanus, & ſubſequentia tradit ad litteram ſere. (l) verſ. 37. (m) cap. 19. 1. (n) Sobnam. (o) verſ. 2. (p) verſ. 3. (q) Hallenus Rabanus: ſubſequentia a Paterio, ideoque a Gregorio Magno deſumpta ſunt: ſed locum Gregorii, quem allegat, Paterius non indicat.

hostes irruunt, defensores (a) nostri  
 preparantur, sed nullatenus ad præ-  
 parata convalescunt. Scriptum nam-  
 que est: (b) *Requiescet super eum  
 spiritus confilii, & fortitudinis*, quæ  
 utraque sibi necessario iuncta sunt,  
 quia neque virtus sine consilio esse uti-  
 lis valet, neque consilium sine vir-  
 tute. Quid igitur profuit, qui per  
 consilium preparantur, dum ad præ-  
 lium per fortitudinem non procedunt?  
 Afflictus ergo, atque turbatus Eze-  
 chias rex loquitur dicens: *Dies tri-  
 butationis, & blasphemie dies iste,  
 venerunt filii usque ad partum, & vi-  
 res non habet parturiens*. Filii quip-  
 pe usque ad partum veniunt, quan-  
 do apta consilia usque ad desiderium  
 efficiendi operis procedunt, sed vir-  
 tutem non habet parturiens, quia  
 dum infirmus quisque concipit consi-  
 lia, hæc ad utilitatem aliquam per  
 partum operis non producit. „ Se-  
 quitur:

(c) *Si forte audias Dominus Deus  
 tuus universa verba Rabfacis, quem  
 misit rex Assyriorum Dominus tuus*. Non  
 enim audemus Dominum omnium no-  
 strum Dominum dicere, quo irascen-  
 te tanta patimur: sed *tuum* dicimus  
 Dominum, & hanc habemus ultionis  
 fiduciam: quoniam vivens Deus blas-  
 phematur a cultore idolorum mortuo-  
 rum.

Cumque venissent servi regis Eze-  
 chiaz ad Iliam, prævenit eos Isaias:  
 eodem enim spiritu, quo futura nosce-  
 bat, etiam absentem regem audierat, &  
 dicit quid respondere deberent domino  
 suo, humilitate mixta fiducia conscientie.  
*Dicite*, inquit, *Domino vestro*, qui  
 vester est Dominus meus: etenim *Hæc  
 dicit Dominus: (d) Nolite timere ver-  
 ba, quibus non tu, sed ego sum bla-*

*sphematus. Ecce ego immistam ei spiri-  
 tum, & audiet nuntium, & revertetur in  
 terram suam, & deiciam eum gladio in  
 terra sua*. Ut duo pariter Ezechias, quæ  
 optabat, audiret; se de obfisione, & peri-  
 culo liberandum: & inimicum, iratum  
 que regem in sua terra esse moriturum.

(e) *Reversus est autem Rabfacis,  
 & invenit regem Assyriorum expugnan-  
 tem (f) Lomna, &c. (g) „ Pugnas-  
 se autem Sennacherib regem Assyriorum  
 contra Ægyptios, & obsedisse Pelu-  
 sium, jamque extructis aggeribus ur-  
 be capiendam, venisse Thracam re-  
 gem Æthiopum in auxilium: & una  
 nocte juxta Hierusalem centum octo-  
 ginta quinque millia exercitus Assy-  
 rii, pestilentia corruisse: & narrat He-  
 rodotus, (b) & plenissime (i) Be-  
 rosus Chaldaicæ scriptor historiæ.*

(k) *Itaque cum accepisset Ezechias  
 litteras de manu nuntiorum, & legis-  
 set eas, ascendit in domum Domini, &  
 expandit eas coram Domino, &c.* Con-  
 tra Sennacherib Regis blasphemias,  
 solita Ezechias arma corripuit, rursum  
 quæ pergit ad templum; & epistolæ e-  
 jus expandit coram Domino, audacter  
 Dominum deprecatus, & solum Deum  
 asserit esse viventem, per quem idola  
 intelligimus imagines mortuorum.

Misit (l) autem Isaias ad Ezechiam  
 dicens: *Hæc dicit Dominus Deus Israel:  
 quia deprecatus es me super Sennacherib  
 rege Assyriorum, audivi. Iste est sermo,  
 quem locutus est Dominus de eo: Sprevis-  
 te, & subsannavisti te, virgo filia Sion:  
 post vergum tuum caput movisti, filia Hieru-  
 salem. (m) „ Quia tam audacter E-  
 zechias Dominum deprecatus est, nec  
 misit ad Isaiam, ut prius miserat, non  
 ipse Propheta pergit ad eum, sed mit-  
 tit nuncios, qui ei dicerent verbum  
 Dei super Sennacherib contra quem*

† 2

„ 10-

(a) Edit. vestri. (b) Isai. 11. 2. (c) vers. 4. (d) vers. 6. 7. (e) vers. 8.  
 (f) Lobnam. (g) Rufus Rabanus hæc ipsa nos docet, qui tamen hæc tantum tra-  
 dit: Urbe capiendam [fortasse Urbis capiendam]. Venisse Thracam Regem Æthiopum in  
 auxilium narrat Herodotus. (b) lib. 2. cap. 141. sed intermixtis fabulis.  
 (i) Desistimus propterea his libris. (k) vers. 14. 15. (l) vers. 20. (m) Sub-  
 sequentia fere docet etiam Rabanus.

rogas, Domini ista sententia est. *Virgo filia Sion, & filia Hierusalem*, quæ ideo virgo appellatur, & filia, quia ex cunctis gentibus simulacra adorantibus, hæc sola conservat castitatem religionis Dei, & unius divinitatis cultum. *Subjannavis te, atque despexit*. Et quæ, ne te ad majores blasphemias concitaret, *præsenti* non respondebat. *Post, te abeunte, movet caput suum*. Certa de ultione, secuta de pœna, & hæc locutus est: non contra me, sed contra Dominum superbisti, nec ipse per te, sed per servos tuos, ut major esset arrogantia blasphemantis. (a) *Dixisti enim quod in quadrigarum tuarum multitudine ascenderis in altitudinem montium, & juga libani excelsa succideris*. Cedros, atque abietes illius, quæ vel de cunctis gentibus metaphorice de principibus earum debemus accipere: vel Hierusalem, quæ in terpretatur *libanus*; ut cedros ejus, atque abietes ad potentes quoque, & optimates, altitudinem vero summities illius, saltumque Carmeli referamus ad templum. Quodque insert: *Ego fodi, & bibi aquam, & exsiccaui vestigia pedis mei, omnes rivus aggregum*: Hoc intelligi potest juxta historiam, quod pro multitudine exercitus omnia fluentia siccaverit, ut puteos sibi fodere sit compulsus: juxta translationem, quod omnes populos, qui sub aquarum nomine interdum scribuntur, suo vastaret exercitu.

(b) *Numquid non audisti quæ olim fecerim? ex diebus antiquis ego plasravi illud, & nunc adduxi: eruntque in columnam, collum pugnantium civitates munita. Et qui sedent in eis, humiles manu, contremuerunt, & confusi sunt quasi senum agri, & virens herba sectorum, quæ arefacta est, antequam venires ad maturitatem. Habiraculum tuum, & egressum tu-*

*um, & introitum tuum, & viam suam ego præscivi, & furorem tuum contra me, insanisti in me, & superbia tua ascendit in aures meas.*

Hæc ex persona Domini contra verba Assyrii sentienda sunt, quod ad blasphemiam ejus sic responderit Dominus. Num ignoras, quod hæc, quæ fecisti, mea feceris voluntate, & ego hæc futura prædixerim, ac per te facienda mandaverim? Itaque quod olim decreveram, hoc est expletum tempore, ut colles, (idest principes) qui inter se pugnant, & civitates munitissimæ me contrahente manum meam, nec solum auxilium præbente eradicarentur, & contremiscerent, ac perirent, & compararentur non olivæ, & vineæ, fructuosique arboribus, sed fræno, & gramine, herbisque domatum, quæ frugibus impedita sunt, & ante marcescunt, quam ad maturitatem perveniant. Itaque sessionem, & egressum, & introitum tuum ante cognovi, & insaniam, qua contra me debachaturus eras, prophetis vaticinantibus sum locutus, per quos olim dicturum esse te noveram. (c) *In celum ascendam, super sydera celi ponam thronum meum, eroque similis Altissimo*. Itaque furor tuus, & superbia tua pervenit in aures meas, & nequaquam te ultra portabo, ut intelligas quod potuisti, non ruis potuisse te viribus, sed meo arbitrio. Merebantur enim impiæ gentes, & (d) infructuosæ arbores, ut per te quasi securim, & terram meam, succiderentur, & caderent.

(e) *Ponam itaque circulum in naribus tuis, & camum in labiis tuis*, ut blasphemantium ora constringam, & nequaquam ultra talia loqui audeas, frenumque injciam labiis tuis, quod tuam ferociam domet, & te reducat in Assyrios.

Tibi autem (Ezechia) hoc erit signum. Comede hoc anno quæ repereris,

23

(a) vers. 23, sed hic, & deinceps nonnihil differens a vulgata interpretatio proponitur.

(b) vers. 25.

(c) Isai. 14. 14.

(d) Edit. κινουοισ, sed perperam.

(e) vers. 28.



„ & in anno secundo quæ sponte nascuntur. Porro in anno tertio seminate, & merite: plantate vineas, & comedite fructum earum.

„ Omnia hæc Propheta per nuncios ad Ezechiam loquitur, quid Senacherib dixerit, quid ei Dominus responderit: non ad ipsum sermonem facit, ne forsitan dubitet ventura, quæ dicta sunt. Et idcirco illi maxime prophete apud populum sermonum suorum habebant fidem, quia non solum de his, quæ multa post sæcula futura erant, sed etiam quæ in continenti, & post non grande temporis spatium essent implenda, memorabant, & quod intra biennium, & rex Assyriorum interiret, & urbi Hierusalem securitas redderetur; hoc eris, inquit, signum eorum, quæ futura pronuncio, quod hoc anno ea comedas quæ reperiis: anno autem secundo quæ sponte nascuntur: in anno autem tertio, fugato iam Assyrio, & obsidione laxata, seminate, & merite: plantate vineas, & fructus earum comedite. Siquidem (a) urbis hujus reliquæ, quæ nunc hostili vallantur exercitu, & evasuras esse non credunt, tantam recipient rerum omnium abundantiam, ac felicitatem, ut instar arboris alta radice fundatæ, pomis densissimis implentur.

(b) „ Et quodcumque reliquum fueris de domo Juda, mittere radicem deorsum, & faciet fructum sursum. Quid hoc loco radicem nomine, nisi latentes cogitationes accipimus, quæ in occulto prodeunt, sed in ostentatione operis per apertum surgunt? Radicem ergo deorsum mittere, est cogitationem bonam in adbitis multiplicare, fructum vero sursum facere, est efficacia operis recta, quæ cogitavit,

ostendere. Mittere ergo radicem deorsum, ut faciat fructum sursum. Ac si aperte diceretur: in imis cogitatio nascitur, ut in summis, retributio reddatur.

(c) „ De Hierusalem enim, & de montie Syon egredientur reliquæ, & implebunt terram Judæam, non suo merito, sed Dei misericordia, immo zelo quod adversus impios zelatus est populum suum. Quod autem ad extremum infert: (d) Prosegam urbem hanc, & salvabo eam propter me, & propter David servum meum: illud significat, quod non merito suo, sed Dei clementia conserventur, immo patris eorum David memoria, in quo admonetur, & suæ negligentie, & illius fidei, atque justitiæ, & quod in tantum justitiam diligat Deus, ut etiam posteros sanctorum hominum, non suo merito, sed majorum virtute tueatur.

(e) „ Factum est ergo in nocte illa, venit Angelus Domini, & percussit (f) castra Assyriorum centum octoginta quinque millia. De hoc quoque in Paralipomenon legitur: (g) Et misit Dominus Angelum, qui percussit omnem virum robustum, & bellatorem, & principem exercitus regis Assyriorum, reversusque est cum ignominia in terram suam. Centum octoginta quinque millia, fortissimorum virorum ab uno Angelo una nocte ceduntur, & absque vulneribus occisorum mors sæva discurrit, excludens a corporibus animas Domini voluntate: & ipse rex Assyriorum idcirco servatus est, ut sciret potentiam Dei blasphemantia ora comprimere, fierique testis illius majestatis, quem paulo ante contemperat. (h) De talibus autem rebus agit omnipotens Deus

(a) parvæ Urbis reliquæ. (b) Vers. 30. Hæc etiam Rabanus: desumpta sunt subsequencia ex Taterio, ideoque ex Gregorio. Vide n. 8a. alias caput 48. libri 8. Moralium. (c) vers. 31. En iterum nos docet Rabanus. (d) vers. 34. (e) vers. 35. (f) in castris. (g) 2. Para. 32. 21. (h) Hic etiam quoque Rabanus; quæ sequuntur ad magnam partem exceptis ab Augustino Claudius; qui tamen nonnulla immutavit, ut in rem suam verteret. Consule obsecro, quæ tradidit Augustinus num. 22. [cap. 13.] lib. 15. de Trinit.

„Deus multa per angelos, non ut ipse  
 „ab eis discat, sed ut ab illo ipsi per  
 „verbum ejus agant, aut nuncient sine  
 „corporali sono etiam, quod volue-  
 „rit, ab eo missi, ad quos volue-  
 „rit, totum ab illo per illud verbum  
 „ejus audientes, idest in ejus veritate  
 „invenientes, quid sibi faciendum,  
 „quid, quibus, quando nunciandum sit.  
 „(a) *Sed tamen non ex angelis homi-  
 „nes beatificat, sed ex se ipso, sicut  
 „angelos.* (b) Nec aliqua ex aliquo  
 „tempore (vel ab angelis, vel ab ho-  
 „minibus) cognovit, ut nosset, sed  
 „futura omnia temporalia, atque in-  
 „eis etiam, quid, & quando ab illo  
 „petituri sueramus, & quos, & de qui-  
 „bus rebus, vel exauditus, vel non  
 „exauditus esset, sine initio præci-  
 „vit. Univerſas autem creaturas suas,  
 „& spirituales, & corporales, non quia  
 „sunt, ideo novit, sed ideo sunt, quia  
 „novit.

(c) *Cumque diluculo surrexisset, vi-  
 „dit omnia corpora mortuorum, (d) & fren-  
 „dens abiit, & reversus est Sennacherib  
 „rex Assyriorum, & mansit in Ninive.  
 „Cumque adoraret in templo (e) Neesrach  
 „Deum suum, Adramelech, & Sarasar  
 „filii ejus percusserunt eum gladio: suge-  
 „runtque in terram Armeniorum, & regna-  
 „vit pro eo (f) Aforathan filius ejus.*

(g) „Cum enim rex iste reversus  
 „esset Niniven urbem (h) sedem re-  
 „gni sui, & adoraret in templo Ne-  
 „sach Deum suum, quasi victoriam  
 „de hostibus reportaret, & delubrum  
 „idoli sui triumphans, & gratulabun-  
 „dus ingrederetur, contemtor veri  
 „Dei, in fano falsi numinis truci-  
 „datur. Nec angelico perit gla-  
 „dio, quod erat commune cum plu-  
 „ribus, sed paricidio filiorum, qui  
 „sugerunt in terram Ararath, in qua

„Scriptura Aforathan filium ejus, qui  
 „regnavit pro eo testatur misisse ha-  
 „bitatores Samariæ, ne terra remane-  
 „ret inculta. Ararath autem regio Ar-  
 „meniorum campestris, per quam Ara-  
 „xis fluvius fluit, incredibilis est ubertati,  
 „ad radices Tauri montis, qui usque  
 „illuc extenditur. Ergo & arca, in qua  
 „liberatus est Noe, cum liberis suis, ces-  
 „sante diluvio, non ad montes gene-  
 „raliter Armeniæ delata est, quæ ap-  
 „pellatur Ararath, sed ad montes Tau-  
 „ri altissimos, qui *Ararath* imminet  
 „campis.

(i) „*In diebus illis egrotavit E-  
 „zechias usque ad mortem, & venit  
 „ad eum Iſaias filius Amos, propheta,  
 „dixitque ei, hæc dicit Dominus: præ-  
 „cipe domui tuæ: morieris enim tu, &  
 „non vives.*

„*Quem (k) diligit Dominus cor-  
 „ripit, & castigat omnem filium, quem  
 „recipit.* Ne elevaretur cor Ezechiz  
 „post incredibiles triumphos, & de-  
 „media captivitate victoriam, infirmi-  
 „tate corporis visitatur, & audit se  
 „esse moriturum, ut converſus ad Do-  
 „minum flectat intentum ejus. (l)  
 „Sed nulla, quæ in hoc mun-  
 „do hominibus eveniunt, absque  
 „omnipotentis Dei occulto consilio  
 „fiunt. Nam cuncta Deus (m) fu-  
 „tura præſciens, ante secula decre-  
 „vit qualiter per secula disponan-  
 „tur. Statutum quippe jam homini  
 „est, vel quantum hunc mundi pro-  
 „ſperitas sequatur, vel quantum unum-  
 „queque adversitas feriat, ne electos  
 „ejus aut immoderata prosperitas ele-  
 „vet, aut nimia adversitas gravet: fla-  
 „tutum quoque est (n) in æterna  
 „veritate, quantum in (o) ista vita  
 „mortali (p) unusquisque temporali-  
 „ter vivat: (q) quia etſi annos quin-  
 „decim

(a) 7. de Civit. cap. 30. (b) Hæc prorsus exceptis ex loco allegato libri 19. de Trinitate.  
 (c) vers. 35. (d) recedens. (e) Nesroch. (f) Asarhaddon. (g) Redit  
 Rabanus. (h) primam. (i) cap. 20. (k) Prov. 3. 12. (l) Hieronymus Ra-  
 banus: subsequenter exceptis Claudius a Patetio, idcirco a Gregorio hæc tradente n. 2. lib. 12.  
 Moral. (m) ſecutura. (n) Desunt verba hæc in æterna veritate, quæ ex nostro  
 exemplari addi debent. (o) ipsa. (p) deſt unusquisque. (q) nam.

decim Ezechie regi ad vitam addidit omnipotens Deus, tamen cum eum mori permittit, tunc eum præcivit esse moriturum. Quia in re questio oritur, quomodo ei per Prophetam dicatur: *Dispone domui tue, quia morieris tu* & non vives: cui mortis sententia dicta est, sed protinus ad ejus lacrimas est addita vita, sed per Prophetam Dominus dixit, quo tempore mori ipse merebatur. Per largitatem vero misericordie, illo eam tempore a morte disulit, quo ante sæcula ipse præcivit: nec Propheta igitur fallax, quia tempus mortis innotuit, quo vir ille mori merebatur, nec dominica (a) instituta convulsa sunt, quia ut ex largitate Dei anni vite crescerent, hoc quoque ante sæcula præfixum fuit, atque spatium vite, quod inopinante foris est additum, sine augmento præcientie fuit intus statutum.

(b) *Convertitisque Ezechias faciem suam ad parietem.* (c) Quia ad templum ire non poterat, ad parietem templi, juxta quod Salomon palatium extruxerat: vel absolute ad parietem, ne lacrimas suas asidentibus sibi, ostentare videretur: (d) & ait: *Obsecro Domine, memento quæso, quomodo ambulaverim in conspectu tuo in veritate, & in corde perfecto, & quod placitum est coram te, fecerim.* Perfectionem cordis in eo nunc dicit, quod idola destruxerit, templi valvas aperuerit, serpentem æneum comminuerit, et cetera fecerit, quæ Scriptura libri Regum, & Paralipomenon commemorat. *Flevitque fletu magno propter promissionem Domini ad David, quam videbat in sua morte perituram.* Eo enim tempore Ezechias filios non habebat: post tertium enim annum

concessæ vite Manassem genuit. Ergo iste omnis est fletus, quia desperaverat Christum de suo semine nasciturum. (e) Plerumque enim iusti aliquibus necessitatibus afflicti suæ opera coguntur fateri: sed cum eorum dicta iniusti audiunt, hæc per elationem potius, quam per veritatem existimant prolata. Ex suis enim cordibus verba iustorum pensant, & dici humiliter posse vera bona non existimant. Sicut enim gravis culpa est, sibi hominem arrogare, quod non est, sic plerumque culpa nulla est, si humiliter bonum dicat, quod est. Unde sæpe contingit, ut iusti, & iniusti habeant verba similia: sed tamen cor semper longe dissimile. Et ex quibus dictis Dominus ab iniustis offenditur, in eisdem quoque a iustis placatur. Nam Phariseus ingressus templum dicebat: (g) *Jejunio bis in sabbo: decimas de omnibus, quæ possideo.* Sed iustificatus magis publicanus, quam ille exiit. Ezechias quoque rex cum molestia corporis affligens ad extremitatem pervenisset vite, in oratione compunctus dixit: *Obsecro Domine: memento quomodo ambulaverim coram te in veritate, & corde perfecto.* Nec tamen Dominus hanc confessionem perfectionis ejus despexit, aut reuit, quem mox in suis precibus exaudivit. Ecce Phariseus se iustificavit in opere. Ezechias iustum se asseruit etiam in cogitatione, atque unde ille offendit, inde iste (b) Domino placuit. Cur itaque hoc? Nisi quia omnipotens Deus singulorum verba, (i) ac cogitationes pensat, & in ejus auribus superba non sunt, quæ humili corde profertur.

(k) *Ex factum est verbum Domini.*

(a) statuta. (b) vers. 2. (c) *Ex iterum Rabanus.* (d) vers. 3. *Adduntur hæc in vulgato Rabano:* aut recte juxta Jeremiam, ad cor suum, qui circum, id est parietem cor appellat, ut tota mente Dominum precaretur. *Alia nonnulla postea etiam adduntur, quæ a nostro exemplari abijunt.* (e) *Subsequentia docuit ex Gregorio lib. 12. Moral. n. 36. Taterius.* (f) existimant. (g) Luc. 18. 12. (h) Dominum placavit. (i) a cogitationibus. (k) vers. 4, & 5.

ni ad Isaiam dicens: revertere, & dic. Ezechias duci populi mei: audiui orationem tuam: & vidi lacrimas tuas. Ecce ego sanavi te, die tertio ascendes templum Domini. Vocatusque est Ezechias dux populi, & Filius David, cuius opera sectabatur, fecerat enim rectum juxta omnia, quæ fecit David pater ejus, & auditur ejus oratio: videnturque lacrimæ, quoniam ambulaverat coram Domino, in veritate, & corde perfecto, & fleverat fletu magno, & quod placitum est in oculis ejus, lecerat.

(a) Et addam diebus tuis quindecim annos: sed & de manu regis Assyriorum liberabo te, & civitatem hanc, & protegam urbem istam propter me, & propter David servum meum. (b) Secundum quasdam causas futurorum moriturus erat Ezechias, cui Deus addidit quindecim annos ad vitam, id utique faciens, quod ante constitutionem mundi fæ futurum esse præsciebat, & in sua voluntate servabat. Non ergo id fecit, quod futurum non erat, hoc enim magis futurum erat, quod fæ futurum esse præsciebat: tamen illi anni additi non rebus dicerentur, nisi ad aliquid adderentur, quod se aliter in aliis causis habuerat. Secundum aliquas igitur causas inferiores jam vitam finierat, secundum illas autem, quæ sunt in voluntate, & præscientia Dei, qui ex æternitate noverat, quod illo tempore facturus erat, & hoc vere futurum erat, tunc erat finiturus vitam, quando finivit vitam. Quia etsi oranti concessum est, etiam sic eum oraturum, ut tali orationi concedi oporteret, ille utique præsciebat, cuius præscientia falli non poterat, & ideo quod præsciebat, necessario futurum erat. Quindecim anni, qui ab ægrotatione, Ezechiaz regi, miserante Deo, ad vitam ei protelati sunt, mysticè figu-

rant, quia quicumque utriusque testamenti plenitudinem custodiunt, æternæ salutis præmium consequuntur, ac per legis consummationem, & Evangelii plenitudinem ad vitæ æternæ transeunt beatitudinem.

(c) Dixitque Isaias: efferte mihi massam ficorum. Quam cum attulissent, & posuissent super ulcus ejus, curatus est. Ac per hoc non spernendam esse medicinam, quæ usu constet, & experimento, quia & hanc fecerit Deus. Post hæc ait Isaias: (d) Hoc erit signum a Domino, quod facturus sis Dominus sermonem, quem locutus es. Vis ut ascendas umbra decem lineis, an ut revertatur totidem gradibus? Et ait Ezechias: facile est umbram crescere decem lineis, nec hoc volo, ut fiat, sed ut revertatur retrorsum decem gradibus. Invocabis itaque Isaias propheta Dominum, & reduxis umbram per lineas, quibus jam descenderat in horologio Achaz, retrorsum decem gradibus.

(e) Idem nomen graduum, quod & linearum significat, idest distinctionem horarum, quas duodecim per diem in horologio notare soleamus. Sive ut Hieronymus dicit, ita erant extructi gradus arte mechanica, ut per singulos umbra descendens, horarum spatia terminaret. Erat autem hora diei decima, quando hæc regi loquebatur. Vis ergo, inquit, ut ascendant umbra decem lineis procedente Sole super terram per boreales plagas usque ad orientem, (f) quod sub terram quotidiana consuetudine cursus sui erat facturus: an, ut revertatur umbra totidem gradibus conversa retrorsum facie Solis, ipsoque per australem plagam ad orientem regresso? At rex: Facile est, inquit, umbram crescere decem lineis, nec hoc volo, ut fiat, sed ut revertatur retrorsum decem gradibus. Vidit namque, quia

(a) vers. 6. (b) Hæc ex Augustino desumpta sunt, ea docente num. 28. cap. 17. lib. 6. de Genesi ad litteram. (c) vers. 7. (d) vers. 9. (e) Quæ sequuntur ad hujus loci explicationem posita tradit Beda [quæst. 24. in libros Regum.] (f) quæ substat.

„ majoris miraculi esse poterat si Sol  
 „ contrarium suo mori cursum ageret,  
 „ quam si consueto processu incedens,  
 „ tametsi multo altius, idest super  
 „ (a) translatus ad orientem, quasi se-  
 „ cundi diei mane, nulla interveniente  
 „ nocte facturus advolaret. Nam & hoc  
 „ qui in insula Thyle, quæ ultra Brit-  
 „ tanniam est, vel in ultimis Scytharum  
 „ finibus degunt, omni ætate diebus  
 „ aliquot fieri vident; quia Sol cetero  
 „ orbi in occasu, & sub terra positus,  
 „ nihilominus tota nocte supra terram  
 „ appareat. Et quomodo a parte occi-  
 „ dentis ad orientem humilis (b) redit,  
 „ manifeste videatur, (c) donec tem-  
 „ pore opportuno denuo toti orbi com-  
 „ muni exortu reddatur: sicut & vete-  
 „ rum historiæ, & nostri homines ævi,  
 „ qui illis de partibus adveniunt, a-  
 „ bundantissime produunt. Nunquam au-  
 „ tem ii, qui interiora austri incolunt,  
 „ vident Solem per meridianas plagas  
 „ ad orientem ab occasu redire.

Ut manifestiorem enim sensum  
 legentibus faceret, quod signum, & præ-  
 sentis temporis, & futuri typus erat, ut  
 quomodo Sol revertebatur ad exordium  
 suum, ita & Ezechie vita addita annos  
 redderet, nobis quoque in hebdomade, &  
 octoadæ viventibus, per resurrectionem  
 Christi vitæ spatia protulerentur. „ (d) Vel  
 „ certe decem gradus in descensu Solis,  
 „ temporum ordines sunt, per quos um-  
 „ bra figurarum Christi descenderat, &  
 „ per quos iterum Sol iustitiæ Christus  
 „ post resurrectionem ascendit. Primus  
 „ itaque gradus descensionis de Deo in  
 „ angelo fuit: (e) in quo ad antiquos  
 „ patres apparere dignatus est, quia  
 „ magni consilii nuncius erat. Denique  
 „ & ad Jacob sic loquitur. *Et dixit,*

„ inquit, *Angelus Dei: Ego sum Deus*  
 „ *cui unxisti titulum, & vocasti vo-*  
 „ *tum, ut & Angelum, & Deum offen-*  
 „ *deret.* Secundus gradus descensionis in  
 „ Patriarchis fuit, quia in omnibus, ut  
 „ ait Apostolus, *ipse est operatus.* Ter-  
 „ tius in legis datione: quia & in lege  
 „ ipse locutus est. Quartus gradus in  
 „ Jesu Nave, qui populum in terram re-  
 „ promissionis introduxit. Quintus in  
 „ Judicibus, quia eundem populum per  
 „ eos ipse regebat. Sextus in regibus Ju-  
 „ dæorum, quia in eis ipse regnabat. Se-  
 „ ptimus in Prophetis, quia per eos est  
 „ nuntiatus. Octavus in Pontificibus,  
 „ quia ipse summus Sacerdos est Patris.  
 „ Nonus in homine. Decimus in passio-  
 „ ne. Per hos enim decem gradus, quos  
 „ ipse per umbram legis præfixæ Chri-  
 „ stus descendit, ac rursus post resur-  
 „ rectionem suam Sol iustitiæ Christus  
 „ per eosdem gradus (f) rursus ascen-  
 „ dit in celum, & omnem illam um-  
 „ bram legis veritatis radiis illustra-  
 „ vit, obscuræ revelans, clausa referans,  
 „ & omnia tecta denudans.

(g) In tempore illo misit (h) Me-  
 rodach Baladan rex Babylonis litteras,  
 & munera ad Ezechiam: audierat enim  
 quod ægrotaffet Ezechias. (i) „ In  
 „ tempore illo; hoc est in eodem anno,  
 „ quo hæc gesta sunt, quæ superius nar-  
 „ rantur, misit Merodach filius Bala-  
 „ dan rex Babylonis litteras, & mune-  
 „ ra ad Ezechiam, quia apud eos astro-  
 „ rum observantia est, stellarumque cur-  
 „ sus longo usu, & exercitio cogni-  
 „ tus, quod & in Domini natiuitate  
 „ monstratur. Intellexerunt Solem re-  
 „ versum diei spatia duplicata, servire ei,  
 „ quem Deum solum (k) putabant: cum-  
 „ que causas hujus miraculi, rationem-  
 „ que

(a) terras elatus. (b) redeat. (c) Verba hæc: donec tempore opportuno denuo toti orbi communi exortu reddatur desunt in editis. (d) Quæ deinceps legis, ab Istorio cap. 6. in libros Regum mutuatus est Claudius. (e) Verba hæc: in quo ad antiquos patres apparere dignatus est in editis desunt: per errorem utique. (f) titulum, præfate videtur nostra lectio. (g) 20. 12. (h) Berodach. (i) Pleraque in Rabano extant. Claudius tamen nonnulla a Rabano sensus expostita, paucioribus tradidit. (k) Additur, idest Solem.

que perquirent, fama per omnes gentes volitante, didicerunt propter ægotationem regis Judæ etiam cursum signi clarissimi commutatum: quod etiam liber Paralipomenon plenissime testatur dicens: (a) *Ipsè est Ezechias, qui fecit in omnibus suis prospere quæ voluit. Attamen in legatione principum Babylonis, qui missi fuerunt ad eum, ut interrogarent de portento, quod acciderat super terram, reliquit eum Deus, ut tentaretur, & nota fierent omnia, quæ erant in corde ejus.* Id circo autem tentationi relictus est, quia post tantam victoriam, & Solis regressum, & congratulationem regni potentissimi, cor illius elatum est. Denique in eodem volumine scribitur: (b) *Multi descerebant hostias, & sacrificia Domino in Hierusalem, & munera Ezechie regi Judæ: & exaltatus est post hæc coram cunctis gentibus.* (c) *In diebus illis agrotavit usque ad mortem: & oravit Dominum, & exaudivit eum, & dedit ei signum.* Sed non juxta beneficia, quæ acceperat, retribuit, quia exaltatus est cor ejus, & factum est contra eum ira, & contra Juda, & Hierusalem. Rursusque Scriptura sancta elationem cordis ejus dicit penitentia mitigatam, inserens: *& humiliatus est postea, eo quod exaltatus est cor ejus, transiit ipse, quam habitatores Hierusalem: & idcirco non venit ira Domini super eos in diebus Ezechie.*

(d) *In diebus illis Ezechias letatus est in adventu legatorum Merodach Baladan: quem patrem fuisse Nabuchodonosor Hebræi autumant, & in oblatione munerum, & congratulatione sanitatis suæ. Ostenditque eis domum aromatum suorum, & thesauros argenti, & auri, & odoramentorum, & unguenti optimi, & omnes thesauros vasorum suorum: non fuit*

*res; quam non ostenderit eis in domo sua, & in omni potestate sua: Unde iram Dei iustissime merebatur, quod non solum thesauros suos, atque palatii, sed & templi ostenderet, quod certe fuit potestatis ejus, de cujus valvis aureas laminas ante jam tulerat.*

(e) *Intravit autem Isaias Prophetæ ad Regem Ezechiam. Rursusque post corporis sanitatem, & signi magnitudinem, ostendi videmus aliam occasionem superbie, quam ut prudens, & Dei cultor vitare debuerat, nec mostrare alienigenis divitias suas, quas Deo tribuente possederat, ex quo juxta leges quoque tropologiz discimus, non mittendas margaritas ante porcos, nec dandum sanctum canibus.* (f) *Qui enim fidelis est, spiritu abscondit negotia, & quicumque hoc non fecerit, omnis virtus illius enervatur,* (g) *per id quod posteritas, amissio virili robore in muliebrem redigitur molliitudinem. Ingressitur ergo Isaias ad regem, & quasi nescius sciscitatur, quid dixerunt viri isti? & unde venerunt? Duo interrogat, quid locuti sunt, & unde venerunt: ille ad unum respondit, altero prætermisso.* (h) *De terra longinqua venerunt ad me, de Babylone.* Quod quanto terra longior sit unde venerunt, tanto iste rex gloriosior, propter quem venerunt: *Et venerunt, inquit, ad me, qui debuerat dicere: venerunt ad glorificandum Deum, pro signi magnitudine de Babylone, quæ urbs in toto orbe potentissima est.* Rursusque Isaias: *Quid, inquit, viderunt in domo tua?* Et ille respondit ex parte verum, quod omnia viderint in domo illius, nec fuerit res, quam non ostenderit eis in thesauris suis, sed alterum tacuit, de quo verebatur ostentam: quod ostenderit eis cuncta, quæ haberet in potestate sua: haud

, du-

(a) 2. Paral. 32. 30.

(b) ibid. vers. 23.

(c) vers. 24.

(d) IV. Reg. 20. 13. & c.

(e) vers. 14.

(f) Marc. 7. 6.

(g) peritque.

(h) vers. 14.

dubium, quoniam, & templi supellectilem ostenderit: propter quæ Isaias Dei sermone profert sententiam: (a) *Audi verbum Domini exercituum.* Veniet tempus, quando omnia hæc, quæ in domo tua sunt, & non tuo, sed patrum tuorum labore quæsitæ, in Babylonem transferantur, & de semine tuo fiant eunuchi in aula regis. Ex quo Hebræi volunt Daniele, Ananiam, Misabelem, & Azariam, qui fuerunt de regio semine, factos esse eunuchos, quos in ministerio Nabuchodonosor fuisse non dubium est. (b) Eunuchos enim, idest abscissos, non negamus aliquos fuisse de semine regio in palatio regis Babylonis, juxta prophetiam beati Isaiæ, sed de Daniel, & sociis ejus credendum nullo modo est: quia si essent, de pulchritudine corporis, & aspectu illorum non timeret dux ille, (c) qui eos adhuc pueros erudiebat, quia species faciei solet deperire in pueris abscissis. Fuit autem consuetudo apud antiquos eunuchos vocare cubicularios, & custodes palatii, qui uxores habebant, & abscissi corpore non fuerunt.

(d) Dixitque Ezechias: *Bonum verbum Domini, quod locutus est: fiat tantum pax in diebus meis.* (e) In quo ab Hebræis reprehenditur, cur non sit imitatus bonitatem Moysis, qui locutus est ad Deum: *aut dimitte eis hanc noxam, aut si non facies, dele me de libro, quem scripsisti.* (f) Quid hoc loco Prophetæ sententia contra Ezechiam regem, nisi arrogantium hypocritarum cogitationes suas in exquirenda hominum admiratione significat? Per omne enim quod hypocritæ faciunt, quia occultis cogitationibus laudes hominum requirunt, quasi radices scirpi in acervum petrarum mittunt:

operaturi quippe laudes suas cogitant: laudati autem has secum taciti in cogitationibus versant: gaudent se præcipuos in humana estimatione claruisse. Cumque inflati favoribus apud semetipsos intumescunt, sepe mirantur taciti etiam ipsi quod sunt. Vident quotidie semetipsos altiores cupiunt, ac miris (g) inventionibus in opere excresecunt: quia sicut (h) virtutes omne vitium enervant, sic arrogantia roborat. Cogit namque mentem juvenescere, & contra vires valere, quia & quod negat vigor valetudinis, (i) imperat amor laudis. Unde & factis suis, ut diximus, arbitros inquirunt: si vero operi testes deesse contingant, narrant ipsi quæ gesserint. Cumque efferrî favoribus egerint, sepe eisdem suis operibus, quæ (k) egisse se referunt, mentiendo aliquid adjungunt. Cum vero & vera dicant, hæc dicendo aliena faciunt, quia quæsitæ (l) remuneratis favoribus (m) a vera, & intima retributione vacuantur. In eo enim, quod bona sua patefaciunt, ostendunt malignis spiritibus, quasi insidiantibus hostibus, quæ prædentur. Horum ergo vitam, illa cunctis notissima Ezechiae culpa figuravit. Qui postquam una prece, & sub unius noctis spatio, centum (n) octuagintaquinque millia hostium, angelo feriente prostravit, postquam occasui proximum ad altiora celi spatia Solem reduxit: postquam vitam propinquantem jam termino coarctatam in tempora longiora protelevit, susceptis Babylonicis regis nuntiis bona omnia, quæ possidebat, ostendit, sed Prophetæ voce protinus audivit: *Ecce dies veniunt, & auferentur omnia, quæ in domo tua sunt*

V<sup>a</sup>

in

(a) vers. 16. (b) Dan. 1. 6. 7. Haslenus etiam Rabanus. Reliqua docet Claudius. (c) ibid. vers. 10. (d) vers. 19. (e) Panta hæc rursus Rabanus tradit. (f) Quæ sequuntur omnia Paterius, ideoque Claudius ex Gregorio desumpsit num. 81. & 82. lib. 8. Moralium hæc tradente. (g) intentionibus. (h) virtus humilitatis enervat. (i) impetret. (k) peregrille. (l) remunerati. (m) ab eorum iniuria. Praestat nostra lectio. (n) octoginta.

in Babylonem, & non relinquetur quicquam, dicit Dominus. Sic nimirum hypocritæ, postquam magnis virtutibus excrescunt, quia cavere malignorum spirituum insidias negligunt, & celari in eisdem virtutibus nolunt, bona sua ostendendo, hostium faciunt, & prodentes subito amittunt quicquid diutius studentes operantur. Hinc per Psalmistam dicitur: (a) *Tradidit in captivitatem virtutes eorum, & pulchritudinem eorum in manus inimici*. Virtus quippe, & pulchritudo arrogantia, inimici manibus traditur, quia omne bonum, quod per concupiscentiam (b) laudum ostenditur, oculi adversarii viri mancipatur. Hostes namque ad rapinam (c) provocant: quia suas eorum notitiz divitias (d) denudant. Quousque enim ab æternæ patriæ securitate disjungimur, (e) in latronum insidiantium iter ambulamus. Qui ergo in itinere prædatori formidat, abscondat necesse est bona, quæ portat. O miseri, qui affectantes laudes hominum, in semetipsis dissipant fructus laborum: cumque se ostendere alienis oculis appetunt, damnant quod agunt. Quos nimirum maligni spiritus, cum ad jactantiam provocant, eorum, sicut diximus, opera captivantes denudant. (f) Hinc est enim, quod per Evangelium veritas dicit: (g) *Nescias sinistra tua quid faciat dextera tua, ut sis elemosyna tua in abscondito, & pater suus, qui vides in abscondito, reddes tibi*. Hinc est, quod de electorum Ecclesia per Psalmistam dicitur: (b) *Omnis gloria ejus filie regis ab intus*. Hinc Paulus ait: (i) *Gloria nostra hæc est, testimonium conscientie nostræ*. Filia quippe regum Ecclesie, quæ in bono est opere spiritualium principum prædicatione ge-

nerata, gloriam intus habet, quia hoc quod agit, in ostentationis jactantia non habet. Gloriam suam Paulus testimonium conscientie memorat, quia dum favores oris alieni non appetit, vitæ suæ gaudia extra semetipsum ponere ignorat. Occultanda sunt ergo quæ agimus, ne hæc in hujus vitæ itinere incaute portantes, latrocinantium spirituum incurfione perdamus.

(h) *Duodecim annorum erat Manasses cum regnare cepisset, & quinquaginta quinque annis regnavit in Hierusalem. Fecitque malum in conspectu Domini juxta idola gentium, quas deleverat Dominus a facie filiorum Israel. Conversusque est, & edificavit excelsa, quæ dissipaverat Ezechias pater ejus: & erexit aras Baal, & fecit lucos, sicut fecerat Achab rex Israel, & adoravit omnem milisiam cæli, & coluit eam. Et extruxit aras in domo Domini, de qua dixit Dominus: (l) in Hierusalem ponam nomen meum. Et extruxit altaria universæ milisie cæli in duobus atriis templi Domini. Et traduxit filium suum per ignem: & ariolatus est, & observavit auguria, & fecit (m) phytiones, & aruspices multiplicavit, ut faceret malum coram Domino, & irritaret eum.*

Hæc ergo omnia, idest sive auguratio, sive auspiciu, sive quælibet imolatio, sive etiam sortitio, aut quicumque motus avium, vel pecudum, & inspectio quæcunque fibrarum, aut aliquid quod de futuris videatur ostendere, in operatione demonum fieri non dubito, dirigentium vel avium, vel pecudum, vel si fibrarum motus, aut forium secundum ea signa, quæ docuerunt iidem demones observari ab his, quibus artis hujus scientiam tradiderunt: a quibus omnibus is, qui homo Dei est, & in portione Dei numeratur, penitus debet esse

(a) Psal. 77. 71. (b) laudis. (c) provocat. (d) qui denudat. (e) per. (f) Multis interiectis addit subsequens. Atque ex hoc quidem loco constat Claudium plane sequi Patrum, qui id ipsum agit. (g) Matib. 6. 3. (h) 44. 14. (i) II. Corin. 1. 12. (k) 21. 1. (l) II. Reg. 7. 10. (m) phytiones.



esse alienus: nec aliquid in his habere commune, quæ occultis machinis demonum operantur, ne forte rursus per hæc demonibus societur, atque eorum spiritu, & virtute repleatur, & ad idolorum cultum denuo (a) reparetur.

Post aliquanta (b) dicitur, quod miseris Josias nuntios ad Holdam prophetissam, uxorem Sellum, quæ habitabat in Hierusalem in Secunda propter librum legis divinæ, qui inventus fuerat.

(c) Quid hoc sit, quod dicit, quod habitaverit in Secunda: in superiori parte (d) libri hujus scribitur de Rege Ezechia, edificavit quoque, agens industriè, omnem murum, qui fuerat dissipatus. Et extruxit turres desuper, & forinsecus alterum murum. Meminit hujus loci Sophonias dicens: (e) Vox clamoris ad portam piscium, & ululatus ad Secundam: pro qua vetus editio quasi proprium nomen loci transtulit in (f) Masana. Masana quippe interpretatur Secunda. Quod ergo dicitur hæc prophetissa habitasse in Secunda: in secundi muri parte (g) intelligere debemus.

(b) Regi autem Juda, qui misit vos, ut consuleretis Dominum, sic dicetis: Hæc dicit Dominus Deus Israel: Pro eo quod audistis verba voluminis, & perterritum est cor tuum, & humiliatus es coram Domino, audistis sermonibus contra locum istum, & habitatores ejus, quod videlicet fierent in stuporem, & in maledictum: & scidisti vestimenta tua, & flevistis coram me, & ego audivi, dicit Dominus: Idecirco colligam te ad patres tuos, & colligeris ad sepulchrum suum in pace, ut non videant oculi tui omnia mala, quæ inducitur sum super locum istum. (i)

„ Territus iste Dei comminationibus fleverat, & sua vestimenta conciderat, & sit omnium malorum futurorum de præparata morte securus, quid ita requieturus esset in pace, ut illa omnia non videret. Ibi ergo sunt spiritus defunctorum, ubi non vident quæcumque aguntur, aut eveniunt in ista vita (k) hominum. Quomodo ergo vident tumulos suos, aut corpora sua, utrum objecta jaceant, an sepulta? quomodo inter sunt miseræ vivorum, cum vel sua ipsi mala pariantur, si talia merita contraxerunt: vel in pace requiescant, sicut huic Josiæ promissum est, ubi mala nulla, nec patiendum, nec compatiendum iustineant, liberati ab omnibus malis, quæ patiendum, & compatiendum, cum hic viverent, sustinebant? Dixerit aliquis: Si nulla est mortuis cura de vivis, quomodo ille dives (l), qui apud inferos torquebatur, rogabat Abraham patrem, ut mittat Lazarum ad quinque fratres suos nondum mortuos, & (m) agat cum eis, ne (n) veniant & ipsi in eundem tormentorum locum? Sed nunquid quia hoc ille dives dixit, ideo, quid fratres agerent, vel quid paterentur, illo tempore, scivit? Ita illi fuit cura de vivis, quamvis quid agerent, omnino nesciret, quemadmodum est nobis cura de mortuis quamvis quid agant, utique nesciamus. Nam si nihil de mortuis curaremus, non utique pro illis Deo supplicaremus. Denique Abraham, nec Lazarum misit, & Moysen, ac prophetas hic eos habere respondit, quos audire deberent, ut ad illa supplicia non venirent. Ubi rursus occurrit, quomodo „ quid

(a) legendum arbitror retrahatur.

(b) Cap. 22. 14.

(c) Exlicationem loci huius

Beda exhibet, quasi. 26.

(d) Iste II. Para. 32. 5. Et revera Beda, ex quo, ut diximus, desinit Claudi, hæc habet, in libro Paralipomenon declaratur, ubi scriptum est de crastino Rege Ezechia.

(e) cap. 1. v. 10.

(f) Masana.

(g) intellige.

(h) IV. Reg. 22. 18.

(i) Quæ sequuntur tradidit Augustinus num. 16. & seqq. cap. 13. & seqq. Libri de cura mortuorum.

(k) hominibus.

(l) Luc. 16. 27.

(m) ageret.

(n) venirent.

„ quid hic ageretur Abraham pater  
 „ ipse nesciebat, ubi sciebat esse Moy-  
 „ sen, & Prophetas, idest libros eorum,  
 „ quibus homines obediendo, torma-  
 „ ta inferna vitarent. Denique nove-  
 „ rat divitem illum in deliciis, paupe-  
 „ rem vero Lazarum in laboribus (a)  
 „ vixisse. Nam & hoc illi ait: (b)  
 „ *Memento fili, quia receperisti bona in*  
 „ *vita tua: Lazarus autem mala.* Scie-  
 „ bat ergo hæc, quæ utique apud vi-  
 „ vos, non apud mortuos gesta fuerunt.  
 „ Verum, non cum agerentur in vivis,  
 „ sed cum eis mortuis potuit, Lazaro in-  
 „ dicante cognoscere, ne falsum sit quod  
 „ ait propheta: (c) *Abraham nescivit*  
 „ *nos.* Proinde fatendum est nescire  
 „ quidem mortuos, quid hic agatur,  
 „ sed dum hic agitur: postea vero au-  
 „ dire ab eis, qui hinc ad eos morien-  
 „ do pergunt, non quidem omnia, sed  
 „ quæ sinuntur indicare, qui sinuntur  
 „ etiam ista meminisse: & quæ illos  
 „ quibus hæc indicant, oportet audire.  
 „ Possunt & ab angelis, qui rebus,  
 „ quæ aguntur hic, præsto sunt, audire  
 „ aliquid mortui, quod unumquem-  
 „ que illorum audire debere, judicat,  
 „ cui cuncta subiecta sunt. Nisi enim  
 „ quibus angelis, qui possent interire,  
 „ & vivorum, & mortuorum locis, non  
 „ dixisset dominus Iesus: (d) *Consi-*  
 „ *git autem mori inopem illum, & as-*  
 „ *ferri ab angelis in Sinum Abrahe.*  
 „ Nunc ergo hic, nunc illic esse po-  
 „ tuerunt, qui hinc (e) illum, quem  
 „ Deus voluit, abstulerunt. Possunt e-  
 „ tiam spiritus mortuorum aliqua, quæ  
 „ hic aguntur, quæ necessarium est  
 „ eos nosse, & quos necessarium est  
 „ ea nosse, non solum præsentia, vel  
 „ præterita, verum etiam futura, spi-  
 „ ritu Dei revelante, cognoscere. Sicut  
 „ non omnes homines, sed prophetæ,  
 „ dum hic viverent, cognoscebant, nec

„ ipsi omnia, sed quæ illis esse reve-  
 „ landa, Dei providentia iudicabat.  
 „ Mitti quoque ad vivos aliquos ex  
 „ mortuis, sicut e contrario (f) Paulus  
 „ ex vivis in paradysum raptus  
 „ est, divina Scriptura testatur. Nam  
 „ (g) Samuel propheta defunctus (b)  
 „ vivo regi Sauli etiam futura prædi-  
 „ xit. Quamvis nonnulli, non ipsum  
 „ fuisse, qui potuisset magicis arti-  
 „ bus evocari, sed aliquem spiritum  
 „ tam malis operibus congruentem, il-  
 „ lius existiment similitudinem figu-  
 „ rasse. Hæc per excessum idcirco  
 „ protulimus, ut noverint homines æter-  
 „ nam veritatem querere, qui volunt salva-  
 „ ri, a quo creati sumus, (i) *in quo*  
 „ *vivimus, per quem movemur, & sum-*  
 „ *us.* Animas autem sanctas, eas esse  
 „ credimus, & non humanis miseris in-  
 „ teresse, sicut dicit Isaias, qui erat fi-  
 „ lius Abrahæ, ad Deum: (k) *Tu domine*  
 „ *pater noster es: Abraham nescivit nos:*  
 „ *et Israel non cognovit nos.*

„ Post hæc sequitur historia de  
 „ gestis Josiæ, ita dicens. (l) *Contra-*  
 „ *minavis quoque Topheth, quod est in*  
 „ *convallē filii Ennon, ut nemo con-*  
 „ *secraret filium suum, aut filiam per*  
 „ *ignem Moloch.* (m)

„ Frequens est in Scripturis ho-  
 „ rum mentio locorum, maxime in li-  
 „ bro Regum, & Jeremiæ Prophetæ.  
 „ Est autem vallis Ennon, sive filii  
 „ Ennon, juxta murum Jerusalem.  
 „ contra orientem, in qua nemus pul-  
 „ cherrimum, Siloe fontibus irrigatur.  
 „ Topheth autem (n) erat locus in  
 „ eadem convallē juxta Piscinam ful-  
 „ lonis, cujus meminit Scriptura, &  
 „ juxta agrum (o) *Abeldanach*, qui  
 „ utque hodie monstratur ad australem  
 „ plagam montis Sion. Solebant  
 „ autem in Topheth, quia locus erat  
 „ amœnissimus, (p) hodieque hortorum  
 „ præ-

(a) additur doloribusque. (b) Iud. 25. (c) Is. 63. 16. (d) Luc. 16. 22. (e) Il-  
 luc. (f) II. Corin. 12. 2. (g) II. Reg. 28. 15. (h) Editio: vivo Sauli etiam  
 Regi. Præstat nostra lectio. (i) Ait. 17. 28. (k) Is. 63. 16. (l) Cap. 23. 10.  
 (m) Hæc omnia tradidit Beda questione 27. 28. 29. & 30. (n) In editis additur si-  
 ve Thaphet: utrumque enim scribitur. (o) Abeldana. (p) unde usque hodie.

præbet delicias, posita ara sacrificare dæmonibus, nefandoque igne suos consecrare liberos, sive holocaustum offerre, sicut in libro verborum dierum de Achaz rege scriptum est: (a) *Ipsè est, qui adolevis incensum in valle Benennon, & lustravit filios suos in igne Benennon*: siquidem filium Ennon significat. Vallis autem Ennon hebraice dicitur (b) Gebenn, cujus nomine in novo testamento pœna inferorum gehenna cognominatur: quia nimirum, sicut in convalle Ennon, qui idolis servierunt, in ea prophetis attestantibus perierunt, ita peccatores ex his, quæ peccaverunt, æterna damnatione (c) puniuntur. Denique Hieremias cum referret præcepisse sibi dominum, ac dixisset: (d) *Egredere ad vallem filii Ennon, quæ est juxta introitum portæ scilicet*, paulo post dicit: *Et non vocabitur locus iste amplius Topherb, & vallis filii Ennon, sed vallis occisionis: & dissipabo consilium Juda, & Hierusalem in loco isto, & subvertam eos gladio.* (e) Isaias quoque manifestissime Topheth infernum appellat, qui cum perpetuo diaboli interitum sub nomine Assur describeret, dicens: *a voce enim Domini pavebis Assur virga percussus: Et erit transitus virgæ fundatus, quam requiescere faciet Dominus super eum*, statim quomodo, & ubi esset periturus subdit, dicens: *Præparata est enim ab heri Topherb a rege præparata, profunda, & dilatata.* Pulchre ait, & dilatata, quia Topherb dicitur latitudo: *numimenta inquit ejus, ignis, & ligna multa: sicutus Domini sicut torrens sulphuris succendens eam.* Contaminavit autem Josias Topheth, vel ossa mortuorum ibi, sicut in sequentibus de aliis idolorum locis fecisse

legitur, vel aliqua quælibet immunda dispergens, quatenus abominationi potius, quam delectationi aptus, omnibus, qui aspicerent, locus appareret.

Quod sequitur de eodem rege Jolia: (f) *Abstulit quoque equos, quos dederant reges Juda Soli, in introitu templi Domini.* Et paulo post: *Currus autem Solis combussit igni, ostendit (g) omnium gentium idolatriæ, & superstitioni Judæos eo tempore fuisse mancipatos, ita ut in venerationem Solis, quem more Gentilium Deum esse credebant, simulacro ejus, quod fecerant, currus, equosque subdidit, & hoc in atris templi Domini.* Sic enim solent gentiles pingere, vel facere simulacrum Solis, ut puerum imberbem in curru ponentes, equos eidem, quasi curru cælum petentes subjungent. Cui propterea pueri aptant imaginem, quia Sol, velut quotidie novo ortu natus, in nullum per secula senium incidit. Ut autem eidem currus, & equos tribuant, de miraculo sumptum Helix propheta, quia curru igneo, & equis igneis est raptus ad cælum, Johannes Constantinopolitanus Episcopus æstimat. (h) Quia enim græce ἥλιος dicitur Sol, sicut etiam Sedulius, cum de Helix ascensu caneret, ostendit dicens:

*Quam bene fulminei præluens semina cali*  
*Convenit Helix, merito qui & nomine fulgens,*  
*Hac ope dignus eras! nam si sermonis Achivi*  
*Una per accentum (i) muretur littera, Sol est:*  
*audientes græci ab (k) Hraelitis, quos divinas habere litteras famæ prodebat, prædicari, quod Helias curru*

(a) Para. 28. 5. (b) Gehennon. (c) puniuntur. (d) Hier. 19. 2. (e) Isa. 30. 31. (f) 2. 11. (g) omni generi idolatriæ, & superstitionis. (h) quod. (i) muretur. (k) Hraelitis.

„ curru igneo, & equis sit igneis ad  
 „ cælestia translatus: vel certe hoc  
 „ ipsum inter alia depictum in parie-  
 „ te videntes, crediderunt vicinia de-  
 „ cepti nominis, Solis hic transitum  
 „ per cælos esse designatum, & mira-  
 „ culum divinitus factum commutave-  
 „ runt in argumentum erroris huma-  
 „ na stultitia commendatum. Quos imi-  
 „ tati ipsi Judei satagerunt, ne in  
 „ aliquo Gentilium stultissimis minus  
 „ stulti parerent.

Quod paulo post de eodem rege dici-  
 tur: (a) *Excelsa quoque, quæ erant in Hieru-  
 salem ad dexteram partem montis of-  
 fensionis, quæ edificaverat rex Salomon  
 Astaroth idolo Sidoriorum, et Chamos  
 offensionis Moab, et Moloch abominationi filiorum  
 Ammon, polluit rex, et contri-  
 vit statuas, et succidit lucos, replens-  
 que loca eorum ossibus mortuorum.*

„ Luce est clarius, quod excelsa  
 „ nominare solet Scriptura loca in-  
 „ collibus posita frondentibus, in qui-  
 „ bus vel dæmonibus immolabant, vel  
 „ etiam Domino, locorum aménitate  
 „ allekti, contra interdictum, relicto  
 „ altari, quod erat in templo, hostias  
 „ offerebant. Unde sæpius in hoc li-  
 „ bro de Regibus, qui minus perfecte  
 „ iusti fuere, dicitur: *verumtamen ex-  
 celsa non abstulit. Montem autem of-  
 fensionis montem idoli dicit, quia  
 „ nimirum consuetudinis est Scriptura-  
 „ rum offensionem, idola nuncupare,  
 „ quia vel in illis offenditur Deus,  
 „ vel offensionum, & ruinam suis (b)  
 „ afferunt cultoribus: sicut in hac ipsa  
 „ sententia (c) subsequenter intima-  
 „ tur, dum dicitur: (d) *quod edificaverat  
 „ Salomon rex Israel, Astaroth idolo Si-  
 „ dioniorum, et Chamos offensionis Mo-  
 „ ab: et Moloch abominationi filiorum  
 „ Ammon.* Ubi hoc quoque, ni tal-  
 „ lor, palam ostenditur, quod utinam*

„ non ostenderetur, quia videlicet Sa-  
 „ lomon de admissio idololatricæ sce-  
 „ lere nunquam perfecte pœnituit.  
 „ Nam si *fructus pœnitentiæ dignos fa-  
 „ ceres*, satageret ante omnia, ut  
 „ idola, quæ edificaverat, de civitate  
 „ sancta tollerentur, & non in scan-  
 „ dalum stultorum, quæ ipse, cum  
 „ fuisset sapientissimus, erronee fecerat,  
 „ quasi sapienter, ac recte facta reli-  
 „ quisset. Meminit supra, & hujus  
 „ loci Scriptura dicens: *Tunc edifica-  
 „ vit Salomon sanum Chamos idolo Mo-  
 „ ab in monte, qui est contra Hierusa-  
 „ lem, et Moloch idolum filiorum Am-  
 „ mon.* Nec videri debet contrarium,  
 „ quod ibi mons, in quo facta sunt  
 „ hæc idola, contra Hierusalem, hic  
 „ in Jerusalem esse posius asseritur,  
 „ quia nimirum in tanta erat urbis  
 „ vicinia positus, ut ad ipsam perti-  
 „ nere, (e) & ipsam quoque sordi-  
 „ bus, quæ in eo congregabantur, at-  
 „ tingere videretur.

(f) *Translatis (Nabuchodonosor) om-  
 nem Jerusalem, & universos principes:  
 translatis quoque Joachim in Babylonem,  
 & Judices terræ duxit in captivitatem  
 de Jerusalem in Babylonem, et omnes  
 viros robustos &c.* Quod refert de Na-  
 buchodonosor, quia translulerit omnem  
 Hierusalem, & universos principes, &  
 omnes fortes exercitus, decem millia,  
 in captivitatem, addidit Scriptura di-  
 cens: (g) *& omnem artificem, & clu-  
 sorem.*

„ Hoc est quod supra eidem popu-  
 „ lo Israel Philistini regnantes fecisse  
 „ narratur, cum dicitur: (b) *Porro sa-  
 „ ber ferrarius non inveniebatur in o-  
 „ mni terra Israel: caverant enim  
 „ Philistini, ne forte facerent Hebræi  
 „ gladium, aut lanceam.* Sicut enim  
 „ tunc illi caverunt, ne habentes fabros  
 „ ferrarios Hebræi, qui arma ad repu-  
 „ gnant-

(a) v. 13 & 14. (b) assert. Præstat nostra lectio. (c) subsequenti. Præstat nostra lectio.  
 (d) III. Reg. 11. 7. (e) & ipsa quoque sordibus, quæ in eo congregaban-  
 tur, attingere videretur. Præstat videtur nostra lectio. (f) 2. 14, & 15.  
 (g) v. 16. (h) I. Reg. 13.

gnandum facerent: ita nunc Chaldei  
(a) destruxit Hierusalem, & vastata  
omni terra repromissionis (b) fata-  
gerunt, ut nullus in ea (c) remane-  
ret artifex, nullus clusor, qui vel  
sedata urbis moenia componere, vel  
possit relascire (d) diruta: quin-  
potius quicquid apud gentem exter-  
minatam, artis invenerant, totum  
Babyloniam transferunt, ut vel ad  
nihilum ultra valeat, vel illius ci-  
vitatatis utilitatibus proficiat. Cujus  
tam desolendae historiae, quae multum  
negligentiae nostri temporis congruit,  
non opinor allegoriam esse reticen-  
dam. Constat namque, quia Hieru-  
salem, & terra Israel civitatem Chri-  
sti, idest Ecclesiam Sanctam: Baby-  
lon autem, & Chaldaei, sive Phylis-  
tizi civitatem diaboli, idest omnem  
malignorum, sive hominum, sive An-  
gelorum multitudinem designat: ser-  
vitque Israel Philistaeis, sive Chaldaeis,  
cum fideles quique nomine tenus in  
Ecclesia consistentes, ceterum ab in-  
mundis vel spiritibus, vel hominibus  
decepti, aut avaritiae, aut luxuriae,  
aut alteri cuilibet peccato mentis col-  
la submittunt. Abducit autem Na-  
buchodonosor Hierusalem, & univer-  
sos principes, fortisque exercitus de-  
cem millia in captivitatem, cum &  
magistros populorum, & eos qui in-  
vincibili animo Domino servire, ac  
decalogum legis fideliter in Dei, ac  
proximi videbantur amore conserva-  
ri, subito sive illecebris mundi, seu  
adversitatis subacti, (e) aut majori-  
bus polluant se facinoribus, aut certe  
in haereseis declinando, aperte ap-  
ostasiae (f) nomen incidunt. Arma  
vero, quibus contra diabolum repu-  
gnantes, libertatem a Deo nobis do-  
natam defendimus, (g) quid sunt  
alii, nisi eloquia Scripturarum, in  
quibus & ipsius Domini, & Sancto-  
rum ejus exemplis, quo ordine bella

victiorum superari debeant, luce cla-  
rius discimus? Sed Phylistizi filios Is-  
rael fabris armorum privant, cum  
maligni spiritus animos fidelium a  
meditatione sacrae lectionis, secularia  
illis negotia inferendo, retardant:  
ne vel ipsi per hujus exercitium resi-  
stendi fiduciam fumant, vel alios for-  
te, qui legere nesciunt, ad resiten-  
dum vitiiis, exhortando, aut corrip-  
endo accendant. Tollunt fabros ar-  
morum, quum eos, qui sacra eloquia  
norunt, in tantum sceleribus obru-  
unt, ut dicere bona, quae (b) didi-  
cerint, prorsus erubescant. Transfe-  
runt omnem artificem, & clusorem  
in Babyloniam de Hierusalem, cum  
eos, qui multifaria virtutum opera-  
tione pluribus prodesse, & civitatem  
Dei contra irruptiones temptationum  
munire solebant, a proposito desce-  
dunt, atque ingenium, quod tuitio-  
ni sanctae Ecclesiae impendere debe-  
rant, ad voluntatem potius regis vi-  
tiorum, dispensare compellunt. Quod  
si clusorem hoc loco, non hostiorem,  
sive murorum, sed auri potius, gem-  
marumque intelligere voluerimus, ad  
unum profecto, eundemque spiritualis  
expositio finem respicit. Disum-  
quippe est de Sapientia: (i) *Quia*  
*aurum est, & multitudo gemmarum:*  
atque ideo clusores horum, non alios  
aprios, quam doctores intelligere vo-  
lemus, qui quamdiu recte vivunt, ac  
docent, in ornatum sanctae civitatis  
industriam suae artis impendunt. At  
si forte erraverint, quid nisi a rege  
Chaldaeorum captivi Babyloniam tran-  
sferuntur? Artificem, & clusorem ab  
Hierosolymis Babyloniam transfuga-  
re, est talentum verbi rectius acce-  
ptum in terra desolati, idest scien-  
tiam spiritualem ad peccatorum ope-  
ra converti.

Post haec reuert Samaritae, & quod  
fugientem regem Sennacherib ab exerci-  
tu.

(a) vastata Hierusalem, & omni terra. *Pressare videtur abba ista.* (b) diruta. (c) remaneat. (d) disrupta: (e) a: praevalentibus. (f) apostasiam. (g) Quae. (b) didicerant. (i) Prov. 22. 2. 23. 4. & 26.

tu Chaldæorum, apprehensumque duxerunt ad regem Babylonis in Reblatha, qui locutus est cum eo iudicium: filios autem Sedechiæ occidit coram eo, & oculos ejus effodit, vinxitque eum catenis, & adduxit in Babylonem.

(a) „Dum Scriptura sacra Sedechiæ captivitatem narrat, ordinem captivitatis internæ denuntiat: Rex quippe Babylonis est antiquus (b) possessor intimæ confusionis, qui prius filios ante intuentis oculos trucidat, quia sæpe pie bona opera interficit, ut hæc se amittere ipse, qui captus est, dolens cernat. Nam (c) gemit plerumque animus, & tamen carnis suæ delectationibus victus, bona, quæ genuit, amans perdit, & quæ patitur damna considerat, nec tamen virtutis brachium contra regem Babylonis levat: sed dum videns nequitie perpetratione percutitur, ad hoc (d) quoque peccato superducitur, ut ipso quoque rationis lumine privetur. Unde Babylonis rex, exstinctis prius filiis, Sedechiæ oculos eruit, quia malignus spiritus subductis prius bonis operibus, post intelligentiæ lumen tollit, quod recte Sedechias in Reblatha patitur. Reblatha quippe, multa hæc, interpretatur. Ei enim, quandoque & lumen rationis (e) claudetur, qui pravo usu ex iniquitatis suæ multitudine gravatur.

(f) Sicut enim quarta die cælum in initio creaturarum luminaribus ornatum exstitit, ita quarta ætate mundi Israeliticus populus cælesti fide inclutus, a Prophetis, quasi a stellis illuminatus, regno David, & Salomonis gloriosus, templi etiam sanctissimi altitudine, toto est nobilitatus in orbe. Sed accepit vespem, quando crebrescentibus peccatis regnum illud a Chaldæis

dissipatum, templum dirutum, & tota gens illa est in Babyloniam translata. (g) Quæ quarta sæculi ætas a David usque ad transfmigrationem Babylonis, habet annos juxta Hebraicam veritatem quadringentos septuaginta tres: (h) juxta septuaginta Interpretes aliquid amplius. Generationes juxta utrosque codices septemdecim: quas tamen Evangelistæ Matthæus certi mysterii gratia, quatuordecim ponit, a qua juvenili ætate in populo Dei Regum tempora cæperunt. Hæc namque in hominibus ætas apta, ad gubernandum solet existere. Sedechias autem superscriptus filius Josiæ regnavit annis undecim: hujus undecimo anno, regum autem Babylonis octavo, secundum dies lunares mense quarto, quinta die mensis, juxta solares vero dies, octavo kalendas Julij, luna quinta, quem illi quintum diem, computant, tercia septima, aperta est civitas, & ingressi sunt omnes principes regum Babylonis, possederuntque civitatem, & captivum transtulerunt populum in Babylonem. Et inde postea Nabuzardan princeps militiæ exercitus Babylonis mense quinto, decima die mensis lunaris, solaris vero quinto kalendas Augusti, luna decima, quam Hebræi decimum diem quinti mensis vocant, (i) destructi sunt muri civitatis, & templum pariter incensum, atque vastatum est, anno, ex quo fundari cepit, quadringentesimo, & trigésimo. Si vero a me queratur per quid sciam hoc: aut quomodo potuit hoc fieri, ut talibus diebus, vel comprehensa fuerit civitas, vel incensa: respondeo, quia ipso anno decimo kalendas Aprilis exstitit, secundum dies lunares, anni principium, & primi mensis initium. Jam ipsa in Babyloniam transfmigratio, quo etiam per Hieremiam Prophetam spiritus Dei jubet, ut per-

(a) Subsequentia lineolis notata Paterius ex Gregorio desumpsit, ideoque etiam Claudius. Conside num. 37. cap. 13. olim 16. libri 7. Moral. (b) Additur: hostis.

(c) bona gignit. (d) quandoque peccati usu. (e) clauditur.

(f) Quæ sequuntur lineolis minime notata in nullo vetusto scriptore inveni: Augustiniani tamen styli nonnihil habent. (g) Vide quæ tradit Augustinus cap. 43. libri 16. de Civitate. (h) Edit. octuaginta tres. (i) hic aliquid deest.

pergant, & orent pro eis ipsis, in quorum regno peregrinantur, quod in illorum pace etiam pax esset istorum, & ædificarent domos, & novellarent vineas, & plantarent hortos, quis non agnoscat quid præfiguraverint, qui attenderit veros Israelitas, in quibus dolus non est, per apostolicam dispensationem cum evangelico Sacramento ad regnum gentium transmigrasse? Unde nobis Apostolus tanquam Hieremiam replicans dicit: (a) *Volo ergo primum omnium fieri deprecationes, orationes, interpellationes, gratiarum actiones pro omnibus hominibus, pro regibus, & his, qui in sublimitate sunt, ut quietam, & tranquillam vitam agamus in omni pietate, & castitate: hoc enim bonum, & acceptum est coram Salvatore nostro Deo, qui omnes homines vult salvos fieri, & in agnitionem veritatis venire.* Ex hoc quippe etiam illis credentibus constructa sunt domicilia pacis, Basilicæ Christianarum congregationum, & novellatæ vineæ populorum fidelium, & plantati horti, ubi etiam inter omnia olera granum illud sinapis regnat, sub cujus umbraculis longe, lateque porrectis, etiam altipetax superbia gentium, tanquam in cæli volatilibus confugiendo, requiescit. Nam quod etiam post septuaginta annos secundum ejusdem Hieremæ prophetiam reditur ex captivitate, & templum renovatur, quis fidelis Christi non intelligat, post evoluta tempora, quæ septenarii dierum numeri repetitione transcurrunt, etiam nobis, i-

dest Ecclesiæ Dei ad illam celestem. Hierusalem ex hujus sæculi peregrinatione redeundum? per quem? nisi per Jesum Christum, vere Sacerdotem magnum, cujus figuram gerebat ille Jesus Sacerdos magnus illius temporis, quo templum ædificatum est, post captivitatem, quem Propheta Zacharias vidit in sordido habitu, devictoquo diabolo, qui ad ejus accusationem stabat, ablatam illi lordidam vestem, & datum indumentum honoris, & gloriæ: sicut corpus Jesu Christi, quod est Ecclesia, ad versario in fine temporum per judicium superato, a luctu peregrinationis in gloriam sempiternæ salutis assumetur. Quod etiam in Psalmo dedicationis domus Dei apertissime canitur: (b) *Convertisti plantum meum in gaudium mihi: conscidisti saccum meum, & accinxisti me lætitia, ut caneret tibi gloria mea, & non compungar.* Quis potest ex occasione alterius operis omnia, quæ in illis veteribus legibus, & Prophetarum libris figurate Christum annuntiant, quanta libet perstringere brevitate, nisi forte quis putet ingenio fieri, ut eaque rerum ordine sua tempora cucurrerunt, ad Christi significationes interpretando vertantur? Hoc sorte Judæi possunt dicere, sive Pagani. Eis autem, qui se Christianos putari volunt, premit cervicem apostolica auctoritas dicens: (c) *Omnia hæc in figura contingebant illis.* Et hæc omnia figuræ nostræ fuerunt.

*Explicit tractatus Libri Regum Quartus.*

(a) 1. Timoth. 2. 1.

(b) Psalm. 29. 12.

(c) 1. Corin. 10. 6.

## CLAUDII EPISCOPI.

**Q**uia igitur jam fautore Deo, in superioribus libris quibusdam interrogationibus tuis satis factum esse puto, frater charissime Theotimire, nunc autem quasdam questiones tuas, in fine libri hujus connectere studemus, quia superfluum mihi visum est, ut nudas litterarum questiones inter, spirituales permiscere debuissim allegoriarum flores. Quædam vero remanent indiscussæ, quia nec in antiquis translationibus aliquid exinde translatum reperi, nec in majorum nostrorum opusculis aliquid expositum legi. Et hæc me ignorare fateor, quia nec quispiam me aliquid exinde legisse reminiscor. Et ideo de imperitia non erubesco, quia lectione non doceor; nec de periculo formido, quia, quæ non intelligo, docere non præsumo. Et dum questiones tuas in manibus meis tenerem, finitis jam superioribus libris, ut respondendo aliquid exinde scripserem, perveni ad manus meas epistola ex Aquis, regio directa palatio, qualiter tu librum tractatus mei, quem tibi ante biennium præstisti, in epistolas ad Corinthios, Episcoporum judicio, atque Optimatum damnandum, ad eundem jam dictum palatium præsentari feceris. Quem tractatum ibidem non damnandum, sed scribendum, amici mei non solum (a) humiliter, sed etiam amabiliter susceperunt. Ignoscat tibi Dominus testis vitæ meæ, & largitor operis mei, qui non timuisti sermonibus detrudere veritatis, & sedens adversum me loqueris mendacium, & adversus filium matris Ecclesiæ posuisti scandalum, mortemque, quam Oza pro illicita præsumptione pertulit in corpore, (b) si ita vives, gestas in mente.

(a) humaniter, ut puto.

(c) cap. 25. 7.

(b) sic.

(c) I. Reg. 1. 18.

(d) cap. 2. 18.

**I.**  
(c) **D**E eo quod scriptum est: *Vultus ejus quoque non sunt amplius in diversa mutari*: ita a septuaginta interpretibus scriptum habetur. *Et abiit mulier in viam suam, & intravit in hospitio suo* (idest adhuc in Sylo), *& manducavit cum viro suo, & bibit, & facies ejus non concidit amplius*: idest, quia postquam precem suam effudit ex toto animo in tabernaculo Domini, & dixit ad illam Heli Sacerdos: *vade in pace. Deus Israel des tibi petitionem tuam, quam petisti a Domino*, confisa de Domini bonitate, & Pontificis oraculo, non anxia sicut antea, sed læta de Domini confidentia, reversa est in domum suam. Et hoc est quod dicit: *Et facies ejus non concidit amplius*.

**I I.**

(d) De eo quod scriptum est: *Samuel autem ministrabat ante faciem Domini puer accinctus ephor lineo*. Ephor autem quod est in Exodo, (c) *super humerale* dicitur. Non autem omnes Sacerdotes talem utebantur super humeralem, qualem summus Pontifex, sicut Aaron, & posteri ejus, quod esset ex auro, & jacynto, & purpura, & cocco, atque bilio. Aliud est enim, ex supra dictis coloribus ex auro habere contextum, aliud in similitudine sacerdotum simplex, & lineum: hoc autem genus vestimenti, quod *super humerale* nos dicimus, scimus apud Hebræos ephor appellari, & iolis convenire Pontificibus. Sed hic statim illud occurrit, quod Samuel, qui Levita fuit, scribitur habuisse ætatis adhuc puerilis,



lis ephod, idest superhumerales, lineam factum illi ab ejus matre. Non erat utrique tale, quoniam cum datus est nutriendus adhuc puer, non erat summus Sacerdos. Sed hoc in libro formationum litterarum, & spiritus in tractatu, videlicet Exodi, quem ante aliquos annos exposuimus, sufficienter a nobis expostum est.

## I I I.

(a) Interrogatus etiam quid sit *Habel magnum*, super quem posuerunt arcam Domini, quando reversa est de terra Philistij, quærens quæsi cum multa diligentia in diversis translationibus, & non repperi *Habel magnum*, sed lapidem magnum, super quem imposuerunt arcam testamenti Domini (b).

## I V.

(c) Quæris & illud, quare de Samuel scribitur, quod *judicaveris Israel cunctis diebus vite sue*: & in vita sua amiserit principatum. Judicium enim non semper ad dominationem, sed ad doctrinam pertinet. Et ideo judices *doctores populi* appellantur. Sicut Debora scribitur, quod (d) *judicaveris Israel*: idest docuerit, & ideo Samuel judicavit Israel omnibus diebus vite sue, quia viam mandatorum Dei docuit Israel, omnes dies vite sue.

## V.

(e) De eo quod scriptum est: cum unxisset Samuel Saul regem, ait ad eum: Cum abieris hodie a me, invenies duos viros juxta sepulcrum Rachel in finibus Benjamin solientes magnas foveas, & liberabis populum Domini de manu inimicorum ejus. Magnæ foveæ significabant afflictionem, & dejectionem, atque tribulationem Israelitarum, quæ patiebantur ab Ammonitis, & Allo-

phylis, & ceteris hostibus, qui in circuitu eorum erant. Duo vero viri transfiliantes eas, prælagium erant magnarum victoriarum, quas Dominus egit per magnum Saul de Naas rege Ammonitarum, & Satrapis Philistinorum.

## V I.

Quæris etiam, cur Saul bis ungatur in regem, & David tertio, cum hoc non ita sit, ut Saul bis unctus fuerit, sed semel & David bis. David tamen legitur unctus esse a Samuele, (f) primum in domo patris sui, (g) deinde post in Hebron super domum Judæ, tertio in Hierusalem. David, qui interpretatur *foris manu*, sive *desiderabilis*: figuram gestasse Domini Salvatoris, non dubium est. Qui quasi in domo paterna unctus est, quoniam tantum per legem, & Prophetas (h) in *Judæa* notus erat, & *Israel magnum ejus habebatur nomen*. Sed postea in Hebron super omnem Judæam denuo unctus est, quoniam per prædicationem Evangelicam & Apostolicam, in universa terra admirabile factum est nomen ejus, idest in Ecclesia, ubi vera confessio fidei est, quia *Judas* interpretatur *confessio*. Tertio ungetur noster David, idest Dominus Jesus Christus in corpore suo, quod est Ecclesia, in Hierusalem, idest in *visione pacis*; quando devicta morte (i) *absorbebitur mors in victoria*, & *mortale hoc induet immortalitatem*. (k) *Quoniam absterget Deus omnem lacrimam ab oculis Sanctorum*, & *mors non erit ultra, neque luctus, neque clamor, sed nec dolor ullus. Sed erit Deus omnia in omnibus*. Hanc tertiam unctionem, percipiet noster David, idest Dominus Jesus Christus, in corpore suo, quod est Ecclesia, in fine seculi, (l) *quando tradideris regnum Deo, & Patri, & evacuaveris principatus*. (m)

## VII.

(a) 6. 18. (b) Rabanus Abel magnum Urbem esse ait in termino Israel. (c) 7. 15.  
(d) Judit. 4. 4. & 5. (e) 10. 2. (f) I. Reg. cap. 16. 13. (g) II. Reg. 5. 3.  
(h) Psalm. 75. 2. (i) I. Corin. 15. 54. (k) Apoc. 7. 17. & 21.  
(l) 1. Cor. 15. 24. (m) Deest itaque solutio questionis, qua respicit Saul.

## V I I.

(a) Queris etiam, cum Dominus misisset Saul percutere peccatores Amalech, (b) cur pepercit Chineo, dicens post pauca: Tu enim fecisti misericordiam cum omnibus filiis Israel, cum ascenderent de Aegypto. Et inde queris quis fuerit hic Chineus, & ubi legitur, hanc fecisse misericordiam. Chineus dictus est familia populi descendens ex stirpe Hietro socii Moysi, qui & alio nomine Ragubel dictus est: hi enim propter honorem Dei cæli, cujus mirabilia per Moysen cognoverunt, & ipsi per annos quadraginta in deserto viderunt. Circa quem desertum ipsi habitaverunt, & idcirco familiares, & benevoli, atque amici filiis Israel, populo videlicet Hebræo semper fuerunt, & ipsa a Samuele, Saul recordata est misericordia, quam filiis Israel, quando exierunt de Aegypto, exhibuerunt. De hac stirpe fuit (c) Aber Chineus vir sanctæ mulieris Jabel, (d) quæ in tentorio suo occidit Sifaram hostem filiorum Israel, ducem regis (e) Gabini.

## V I I I.

Inquiris adhuc, cur Samuel Agag regi dixerit: (f) Siccine separat amara mors? Cum hoc non Samuel Agag, sed Agag occidendus Samueli dixerit. Verbum hoc, quod inquiris, quid sit siccine? non natura sui in ipsa historia, sed interpretis voluptuositas fecit obcurum. Tale est enim, quod dicit: siccine: velut si diceret: sic separat, aut taliter separat amara mors? Tale quod & in cantico Deuteronomii (g) scriptum reperitur, inter cetera ait: Generatio prava, atque perversa hæc cecine reddis Domino? dum in antiqua translatione decentius, & clarius scriptum habetur: Hac Domino retribuisti populus stultus, & insipiens?

## I X.

Addimus, & quod tu rogasti, quod non dixit Deus ad Samuel: (b) vade, & unge mihi David: sed vade, & unge mihi de filiis Isai &c. cur dubie, & non specialiter David nominavit? Ne scilicet pateretur David, quod passus est Joseph. (i) Sicut enim illi ad discendum futurum sibi olim regem, aut Dominum insidiati sunt, & post multas injurias vendiderunt, sic formidinis dandum erat, ne & isti hæc eadem perpetrarent, unde ignorantia cautelæ effecta est mater.

## X.

(k) De eo quod scriptum est: quod David contra Philistæum pergens ad præliandum arma Saul portare noluit, sed quinque lapides de torrente in peram misit, tamen unum solum projecit: veniens enim David de pascuis ovium, postquam unctus est unctione Dei oleo benedictionis, ministerio quidem hominis, sed Dei nutu, quod superpositus capiti ejus cornu chrisimatis omni diademate, & purpura (l) potiorum, & sic perrexit habens divinam in capite unctionem, non lorica indutus, non protectus clypeo, non telis munitus, sed habens benedictionem Dei omnium potentiorum. Quod ergo opus erat, quia non credebatur rex, coactus est jam virtutes exponere suas: Dixitque David ad regem: (m) Pascebat servus meus patris sui gregem, & veniebat leo, vel ursus, tollebatque arietem de medio gregis, & sequebar eos, & percutiebam, eruebamque de eorum ore prædam, & illi consurgebant adversum me, & apprehendebam mentum eorum, & suffocabam, interficiebamque eos. Eris igitur & Philistæus hic incircumcisus, quasi unus ex eis. Credidit rex signi magnitudine provocatus, & dixit ad David: In-

(a) cap. 15. 2.

(b) vers. 6.

(c) Haber Cineus:

(d) Jud. 4. 17.

(e) Jabin Regis Azor.

(f) I. Reg. 15. 32.

(g) 32. 5.

(h) 16. 1.

(i) Gen. 37. 5, &amp; seq.

(k) I. Reg. 17. 39. 40, &amp; 49.

(l) potius, ut arbitror:

(m) I. Reg. 17. vers. 34. 35, &amp; 36.

*Induere armatura mea, & sic egredere.* Quod cum fecisset, juxta morem progredi non valebat, quia non permittebat hoc fieri Deus. Scilicet ut nudus vinceret, & non arma Saulis virtutem victoriæ partirentur: ne diceret rex, quoniam arma vicerunt mea, projecit arma, & induit fiduciam. Egreditur inermis, & loricator fide egreditur pastor, & miles: jactat lapidem non natura corporis fixus, sed virtute fidei, & uno rotatu fundæ in fronte percussit blasphemum: quo corruente cucurrit, & accepto gladio ejus amputavit caput illius, ut compleretur illud quod scriptum est: (a) *In operibus manuum suarum comprehensus est peccator.* Et sic in nomine Domini reportavit ex hoste victoriam: & abstulit in tempore illo opprobrium a filiis Israel. Quid tamen ista significant, in libro primo operis hujus ex dictis majorum nostrorum, ut Dominus dedit, & invenire potuimus, jam expositum est.

## X I.

Jam nunc illud quod in priori parte operis hujus prætermisimus, quod nec tu interrogasti, paulisper proponendo aggrediar. *Quare dixerit Dominus nimirum, præscius futurorum:* (b) *inveni David filium Jesse virum secundum cor meum: qui faciat omnes voluntates meas:* cum talia, & tanta homo ipse commiserit. Quod quidem si de ipso David, qui reprobato Saule, & extincto, fuit rex Israel, dictum intelligamus, patet profecto, quia Deus præscius futurorum est, qui prævidit in eo tantam pietatem, tamque veracem penitentiam, ut esset in eorum numero, de quibus ipse dicit: (c) *Beati quorum remissa sunt iniquitates, & quorum reſta sunt peccata.* Beatus vir, cui non imputavit Dominus peccatum. Cum ergo præsciret cum Deus peccatum, & peccata sua pia humilitate, & sincera peniten-

tia deleturum, cur non diceret: *inveni David virum secundum cor meum*, cui non erat imputaturus peccatum, tam multa bona facienti, & cum tanta pietate viventi, & in ipsa pietate pro peccatis suis sacrificium contriti spiritus offerenti? Propter hæc omnia verissime dictum est: *inveni David secundum cor meum*, qui licet secundum cor suum, non ellet quod peccavit, tamen secundum cor suum fuit, quod pro peccatis suis congrua poenitentia satisfacit. Hoc ergo solum in illo secundum cor non fuit, quod illi Deus non imputavit. Hoc itaque ablato, idest non imputato, quid remansit nisi unde verissime diceretur: *inveni David secundum cor meum*? Si autem hoc propheticè dictum de Christo velimus accipere, nullus nodus quæstionis occurrat. Nisi forte, ut quæratur a nobis quomodo Christum recte isto nomine vocare potuerit? Sed respondemus: propter *semen David*, ex quo carnem. Christus assumpsit. Nec sine exemplo rationem hujus in Christo nominis reddidimus: invenimus quidem apertissime Christum Jesum, ac prophetam ab Ezechiel *David* esse appellatum, ubi legitur ex persona Dei Patris: (d) *Et suscitabo super pecora mea pastorem unum, qui pascat ea, servum meum David, & ipse pascet ea, & ipse erit bis in Pastorem.* Ego autem Dominus ero eis in Deum. *Et servus meus David princeps in medio eorum:* ego Dominus locutus sum. Et alio loco: (e) *Et rex, inquit, unus eris omnibus imperans, & non erunt ultra duæ gentes, nec dividuntur amplius in duo regna. Neque polluentur ultra in idolis suis, & abominationibus suis, & in cunctis iniquitatibus suis. Et salvos eos faciam de universis sedibus suis, in quibus peccaverunt: & mundabo eos, & eris mihi populus, & ego ero eis Deus. Et servus meus David rex super eos.* Et Pa-

(a) Psal. 9. 17.

(b) Act. 13. 22.

(c) Psal. 31. vers. 1.

(d) 34. 23

(e) 37. 22.

*Pastor unus erit omnium eorum.* Osee quoque propheta cum pronuntiaret tempus Judaeorum quale nunc habent, & in Christum eos postea credituros, eundem Christum David nomine prophetauit dicens: (a) *Quoniam diebus multis sedebunt filii Israel sine rege, sine principe, sine sacrificio, sine altari, sine sacerdotio, sine manifestationibus:* sicut nunc esse Judaeum ambigit nemo. Sed quod ait Apostolus Paulus Gentibus loquens: (b) *Sicut enim vos aliquando non credidistis Deo: nunc autem misericordiam consecuti estis in illorum incredulitate.* Sic & ipsi nunc non crediderunt in vestra misericordia: ut & ipsi misericordiam consequantur: hoc propheta iste tanto ante praedicans securus adjunxit: (c) *Et post reverrentur filii Israel: & inquirent Dominum Deum suum, & David regem suum, et stupefcent in Domino, et in bonis ipsius in novissimis diebus.* Ecce hic per David nomen, prophetatus est Christus, quoniam quando ista prophetabatur, ille David rex Israel jam olim ante dormierat. Dominus autem Jesus ex ejus semine fuerat in carne venturus, propter quod propheticum loquendi modo appellabatur *David*. Videtur autem Apostolus Paulus hoc testimonium ita posuisse in actibus Apostolorum, ut non nisi de illo rege David, qui Sauli successit, possit intelligi. Nam & inter cetera exinde inquit: (d) *postulaverunt regem, & dedit illis Deus Saul filium eis virum de tribu Benjamin in annis quadraginta, & amato illo suscitavit illis Deus David regem.* Cui & testimonium perbibens dicit: *Inveni David filium Jesse virum secundum cor meum, qui faciet omnes voluntates meas.* Sed quoniam securus adjungit, & dicit: *hujus Deus ex semine, secundum promissionem adduxit Israel Salvatorem Jesum,* altius significavit in Domino Jesu potius esse intelligendum

illud testimonium, qui vere facit omnes voluntates patris Dei, quam in illo rege David, qui licet secundum superiorem disputationem remissis peccatis propter piam quoque poenitentiam non immerito dici possit *inventus secundum cor Dei*; tamen omnes voluntates Dei quomodo fecit? qui cum excellentissime laudaretur, quando ejus tempora, & facta, Scriptura narravit, notatus est tamen, (e) quod non destruxit excelsa ubi sacrificabat populus Dei contra praeceptum Dei, quia tantummodo in tabernaculum testimonii sibi sacrificari jusserat, quamvis, & in iisdem excelsis eidem sacrificaretur Deo: quae postmodum excelsa ex ipso David semine propagatus rex Ezechias cum testimonio magnae suae laudis evertit. (f)

## X I I.

Interrogas quare Saul iratus dixit ad Jonathan filium suum: (g) *Fili mulieris virum ulso rapiens:* has tales mulieres (qualem improperat Saul matrem fuisse Jonathan) graeca lingua lupas, idest meretrices vocat, quod illa non fuit. Lupa meretrix dicitur a rapacitate vocata, & a libidine ejusdem animalis, quod ad se rapiat miser, & apprehendat: inde, & *lupanaria* dicta loca, ubi meretrices sunt. In septuaginta autem scriptum est: & iratus factus est in iracundia Saul ad Jonathan valde, & dixit ei: *filius puellarum, qui se ulso conquinans:* quod tantumdem valet quam & illud quod supra scriptum est.

## X I I I.

(h) Perquisis cum David fugeret ante Saul, & venit ad Abimelech Sacerdotem, & quæsiit ab eo panes: & respondit Sacerdos non habere se panem, nisi panem sanctum, qui salutaris fueras de altari, quem non licebat co-

(a) 2. 4. (b) Rom. 11. 30. (c) Ose. 3. vers. 5. (d) Acto. 13. 22. (e) III. Reg. 2. 2, & 3.: tamen nondum adificato templo, vetitum minime arbitror in excelsis sacrificare vero Deo. Sunt etiam, qui ad Salomonem referant, quod Claudius de Davide ait. (f) IV. Reg. 18. 4. (g) I. Reg. 20. 30. (h) 21. 1.

comedere nisi solis Sacerdotibus, & scitatus est eum, utrum pueri mundi essent, maxime a mulieribus, quo respondente: *si de mulieribus agitur, ab heri, & nudius tertius continuimus nos, & fuerunt vase puerorum sancta*. Vasa puerorum dixit *sancta*, idest a mulieribus castas mentes, vel corpora, quia multis locis in veteri populo *sanctificatio* pro abstinentia mulierum, solet appellari, ut est illud in Evangelio: *(a) Ascenderunt multi Ierosolymam de regione ante diem festum pasche, ut sanctificarent se ipsos*: idest ut mundi essent a mulieribus in solemnitate paschali. Quod vero sequitur: porro via hęc *polluta est*, non dixit de via pedum, vel plateis regionis, sed de ista vita mortali, quę revera via est, in qua non est iustus, qui faciat bonum, & non peccet, & ubi inter sanctos nemo immaculatus. De qua via orat Propheta dicens: *Viam iniquitatis amove a me*. Et iterum: *gressus meos dirige secundum eloquium tuum, ut non dominetur mihi omnis iniquitas*. Deinde sequitur: *sed & ipsa in vasis meis sanctificabitur hodie*: ac si aperte dicat, qui a mulieribus casti ab heri, & nudius tertius fuimus, accepto sancto pane vitam nostram in castitate saltem, vel tot diebus, & multo amplius custodiemur.

## X I V.

*(b)* Sequitur de Ceila civitate nimis stolta interrogatio tua, eo quod eam expugnasset David, si aliud nomen habuisset, annon, cum eam David non expugnasset, sed obsessam, atque expugnatam ab hostibus liberavit. Et dicis te minime recordari, quod de hac civitate mentionem faciat Scriptura divina, nisi in Propheta Isaia, ubi legitur: *Vę Ceila civitas, quam expugnasset David*; quod omnino falsissi-

mum est, cum in Isaia Propheta scriptum sit: *(c) Vę Aribel Aribel, civitas, quam expugnasset David*; & intelligitur hoc dixisse de terrena Hierusalem. Ceila supradicta civitas fuit in tribu Juda, ubi quondam sedet David, quando fugiebat Saul; & nunc est, ut in Locorum libro legimus, *Villa Ceila ad orientalem plagam Eleutheropoleos pergentibus Hebron, quasi in octavo miliario, in qua sepulchrum monstratur Abacuc Prophete* (d)

## X V.

Quod vero inquis de montibus Gelboe, qui maledicti sunt a David in morte Saul, utrum juxta litteram stare possit, annon? Exaggerantis animi, & nimii doloris verba sunt, quod juxta litteram stare non potest, *ut ibi ros, aut pluvia postea non fuerit*; quid tamen ista significant, in priori parte operis hujus, jam expolitum est.

## X V I.

*(e)* Quod vero dicit: *Abijt rex, & omnes viri, qui erant cum eo in Hierusalem ad Hiebusæum habitatorem terrę*. Nomen Hierusalem per anticipationem hoc loco dicitur, sicut & in libro Judicum scribitur *(f)* Adonibezzech rex Hierusalem, *(g)* quę nunc *(h)* Hiebus, & usque ad tempora David taliter nuncupata est, sed scriptor historię per anticipationem *Hierusalem, & Sion*, civitatem David voluit nuncupare, non quod tunc hoc esset, sed quod factum est, postquam eam cepit David. Hiebusæus autem dictus est populus ortus a filio Canaan, *(i)* qui dictus est *Hiebusæus*, cujus possessio fuit Hierusalem, quę postea cecidit in sorte tribus Benjamin. Deinde sequitur Scriptura; quod dictum sit David ab eis (idest ab Hiebusæis), *(k)* *Non ingredieris David huc*: cum enim forti murorum ambitu

Y

septu

*(a)* Joan. 11. 55. *(b)* 23. *(c)* 29. 1. *(d)* An tibi hæc satisfaciunt, optime Lector?  
*(e)* II. Reg. 5. 6. *(f)* vers. 1. 7. 8. *(g)* Expressissime id traditur Josu. 18. 29.  
*(h)* Jebus, quę est Jerusalem. *(i)* Gen. 10. 15, & 16. *(k)* II. Reg. 5. 6.

septa civitas esset, & bellatorum auxilio roborata, per superbiam Hiebusgi dixerunt: *nisi abstergeris cecos, & claudos, non ingredieris huc*; & sensus, vel ordo verborum est, quia non solum urbem, aut viros bellatores jure belli poteris capere, sed nec ipsos cecos, vel claudos in muro positos poteris expugnare.

## X V I I.

(a) De eo quod scriptum est: *cepit autem David arcem Syon*, sed postquam eam David cepit, ædificavit arcem ejus, quasi corporis caput, & vocavit eam *Syon*. (b) Arx est caput, & summitas civitatis, quia castrum in capite civitatis propter fortitudinem factum est.

## X V I I I.

(c) De eo quod scriptum est. *Joab autem filius Saruie erat super exercitum*: porro *Josaphat filius* (d) *Aiad* erat a commentariis: & *Sadoch filius Achitob*, & *Achimelech filius Abiathar*, *Sacerdotes erant*: & *Sarajas scriba*: *Banajas autem filius Jojada super Cerethi, & Pheleti* filii autem David *Sacerdotes erant*. Addis post hæc, & interrogas: qui erant Cerethi, & Pheleti, vel filii David quomodo essent *Sacerdotes*, cum non essent de tribu Levi? Tradunt Hebræi, quod Cerethi, & Pheleti fuerint ex posteris eorum, de quibus dixit Dominus ad Moysen: (e) *Congrega mihi septuaginta viros de senibus Israel, quos tu nosti quod senes populi sint, ac maxillæ: & duces eos ad ostium tabernaculi fœderis, faciesque ibi staret tecum, ut descendam, & loquar tibi, & auferam de spiritu tuo, tradamque eis, ut sustentent tecum onus populi, & non tu solus graveris*. Ex horum stirpe, sicut jam dixi, fuere conservatæ posteritates, vel familiæ, quæ diceren-

tur Phelethi, & Cerethi: ut Cerethi interpretentur *dans judicium*, & Phelethi *puniens*: ut quos illi jubebant dando judicium, interimi, isti punirent. Sed illa occurrit perplexa valde sententia, quomodo filii David *Sacerdotes* essent, quod erant filii Aaron; sed neque aliquam consanguinitatem dicuntur habere ex tribu Levi; quod quidem non Scripturæ divinæ auctoritas, sed interpretis temeritas fecit. Et dum de hac ego ipse vehementer in meo dubitare corde, verti me ad antiquos interpretes, & taliter diversis translationibus scriptum reperi: *Es erat David faciens judicium, & justitiam in omni populo suo*, & *Joab filius Saruie erat super militiam*, & *Josaphat filius Aiaas erat a commentariis*, & *Sadoch filius Achitob*, & *Achimelech filius Abiathar erant Sacerdotes*: & *Asa scriba*, & *Banajas filius Joada consiliarius*, & *Ochibi*, & *Ophili*, & *filii David principes erant aulae regie*.

## X I X.

(f) Queris quare de Absalon Scriptura dicat post mortem ejus, quod *erexit sibi titulum dicens: non habeo filium*: cum in hoc libro super scriptum habeatur, (g) quod tres habuerit filios, & (h) unam filiam nomine Thamar eleganti forma. Recapitulando enim hæc scriptor historiarum hujus, post mortem videlicet Absalon, ista recapitulavit. Non quod tunc factum fuerit, sed quod factum olim fuerat, ante quam filios haberet, & quia desperaverat se posse habere filios, idcirco in modum capitolii titulum nominis sui erexerat. Quem, sicut Scriptura dicit, appellavit *manus Absalon*. Congruit huic assertioni nostræ antiqua translatio, quæ dicit, quod cum adhuc viveret Absalon, statueris *stellam manu factam in valle regis, quoniam dixit, non est mihi filius*,  
ut

(a) II. Reg. 5. 7.

potius, quia vox ea displicuit Claudio? Videtur Lector. Si vis, retine vocem Archis.

(c) 8. 16.

(d) Abiathar.

(e) Num. 11. 16.

(f) II. Reg. 18. 18.

(g) 14. 27.

(h) ibidem, & 13. 1.

ut commemoraret nomen meum, et vocavit eam stellam (idest statuum illam, quam fecerat in nomine suo) & nominavit hanc stellam: manus Absalon usque in bodiernum diem. Stellam diminutivo vocabulo pro statua posuit, quasi statuellam, vel staturellam, super opus Capitoli, quam superius titulum nominavit.

## X X.

(a) Quæris adhuc cur inter numerum fortium David scribatur de uno quolibet eorum, hæc, vel alia fecit, sed usque ad tres non pervenit. Qui fuerint hi tres? aut cur hoc scribatur? 23. 19. &c. Prius proponit tres, qui ceteris omnibus, idest triginta tribus jure fortitudinis præcellunt. Deinde ponit alios tres, qui tribus prioribus interiores fuerunt, & tamen triginta merito fortitudinis prælati sunt. Et post hos sequuntur triginta ordine suo. Et ut apertius fiat, quod dicimus, eorum nomina per ordinem ponimus; idest David; secundus Eleazar; tertius (b) Sema, horum princeps fuit David. Deinde alii tres, idest primus Abisai, secundus Banaja, tertius Asahel, Abisai quoque princeps erat de his secundis tribus. Qui ideo sic ponitur, ac si diceretur, sicut David inter priores princeps erat, sic & Abisai inter tres sequentes erat princeps. Et ideo inter tres erat nominatissimus, inter tres inclytus: secundus, & princeps eorum: secundus enim erat, idest inferior tribus prioribus: princeps vero sequentibus: quorum unus ipse erat, sed usque ad tres primos non pervenerat, quia merito, & fortitudine usque ad David, & E-

leazarum, atque Semaam non pervenerat &c.

## X X I.

(c) Quæris & hoc quare culpatur David pro dinumeratione populi, cum (d) Josaphat, ceterique reges populum Dei diaumeraverint, & inculpabiles, & sine vindicta permanerint, cum potius ante Josaphat Moyses bis Dei populum numeraret. Quid enim Josaphat Dei populum numeravit, necessitate fecit, & Moyses Deo jubente, David vero præsumptione, & temeritate, & exigente populi iniquitate, unde jam in superiore parte in fine secundi libri operis hujus tractatum est.

## X X I I.

(e) Sciscitaris & hoc: cur de David scriptum est, quod senuerit, cum septuaginta non supergressus sit annos, & operis vestibus non calefiebat, & quod inventa adolescentula speciosa Abisac Sunamiti dormiebat cum rege, & ministrabat ei. Rex autem non cognovit eam: cum in vetustiore ætate legamus, & videamus cum feminis posse coire. Non est mirum si septuagenarius homo ab adolescentia sua multis angustis, & tribulationibus agitatus, atque contractus virili ætate frigerit, cum videamus multos adolescentes, atque adolescentulas, ita torpente motu sanguinis in prima adolescentia friguisse, ut nec illi ullo motu libidinis moveantur, nec illæ concepto semine aliquo calore in viscera sua continere, vel vivificare possint acceptum semen. Sanguis enim melancholicus, idest nigri fellis, ut physici dicunt, frigidissimus est, & Y 2 quos

(a) Hic collocanda sunt procul dubio, quæ sequuntur usque ad num. 21; quæque in fine codicis posita erant: etenim sicut ibi loco minime apto ponuntur, ita hic aptissimo. Mirandum porro id non est; etenim id in codicibus quandoque visitur, & ego indubitatum exemplum jam pridem attuli in epistola Hadriani Papæ ad Carolum Magnum. Consultat Lector, quæ tradidi De cultu Sanctorum dissert. 10. cap. 15. (b) Sema. (c) II. Reg. 24. 1. (d) A Josaphat populum fuisse numeratum, minime invenio; at recensitus est ab Acab III. Reg. 20. 15. 27. & a Joram Regibus Israel IV. Reg. 3. 6., & ab Amonia Rege Juda minime malo II. Paral. 25. 5. immo etiam a Salomone, dum adhuc Deo esset acceptus. (e) III. Reg. 2. 5.

quos nimium possederit, steriles tam ad gignendum, quam ad concipiendum reddit. Ajunt præterea iidem physici stultos esse homines, qui frigidiores sanguine sunt, prudentiores vero, qui calidiorem sanguinem habent, unde & senes, in quibus jam frigidescit, & pueri in quibus nec dum calet, minus sapiunt, & stupidiore sunt.

## X X I I I.

(a) Quæris & hoc: quare dixit David de Joab: *posuit cruorem prælii in balteo suo, qui erat circa lumbos ejus, & in (b) calceamento sua, quæ erant in pedibus* &c. In antiqua autem translatione ita scriptum habetur. *Et nunc tu scis, quæ fecit mihi Joab filius Seruiz, & quæ fecit duobus principibus militiae Israel Abner filio Ner, & (c) Absae filio Iether, principibus militiæ Juda: occidit eos, & vindicavit sanguinem belli in pace, et dedit sanguinem innocentium in visa mea, et in zona mea, quæ erat circa lumbos meos, et in calceamento meo, quod erat in pede meo, et facies ei secundum sapientiam tuam, & deduces sanitatem ejus cum sanguine ad inferos.* Quia enim jubente Deo lex jus finit, (d) *si quis de industria occiderit hominem, ab altari meo, expelle eum, ut moriatur.* Et iterum in Deuteronomio dicit: (e) *Nec aliter mundari possit terra possessionis vestræ, nisi in sanguine ejus, qui sanguinem fuderit.* Ipse enim David redundare peccatum homicidii Joab dixit, quod non vindicavit, quod vindicare potuit, & debuit per legis auctoritatem, & regiam potestatem. Et idcirco, quod antea non fecit, circa mortem suam Salomoni filio suo fieri jussit, ut hic per legis sententiam puniatur, ne in perpetuum puniretur a Deo. Sed quia de Joab mentionem fecimus debemus reperere, quod antea in superioribus prætermisum est,

ubi cum maledixit ei David propter Abner filium Ner, inter cetera ita dixit: (f) *Nec deficiat de domo Joab fluxum seminis sustinens, et leprosus, et tenens fufum, et cadens gladio* &c. Quod multo aliter apud Septuaginta scriptum reperitur. *Et audivit David postea, quam mortuus est Abner, & dixit innocens ego sum, & regnum meum apud Dominum ex hoc, & usque in æternum, de sanguine Abner filii Ner. Veniet super caput Joab, & super omnem domum patris ejus, & non decies de domo Joab honoris, & leprosus, & tenens sciralen, & cadens in gladio, & indigens pane.* Honoris hæc pallio est vestica cum veretri, qui feminis lapsu vexatus creberrime sine ulla tentigine virum attestante debilitationem, cum pallore corporis, & acinacie patitur: hanc passionem græce Gonorian vocant. Est autem sevisissima, & turpis valde, ut nesciant quomodo genitalia lemen dimittant; compatiuntur enim seminales meatus, ut non possint continere substantiam seminis præ debilitatione, & diffundunt urinam tenuem, rubicundam, & accerrimam, & ex humore multo frequenti, tempore incerto sponte projicitur. Hi autem tales, si diligentiam non habeant in hanc passionem, sequitur eos mors, pereunt enim aliquanti silentio utentes, negligentia, & non adhibentes curas, deficiunt in passione. *Tenens sciralen, nescimus quid sit, quia germen est; nisi quod nostra translatio dicit tenens fufum, deinde cadens gladio, ut sit sensus, quia is, qui mobilior se, occidit in dolo, & virili robore debilitatus in molliorem mulieris resolutus, atque æffeminatus coram inimicis suis cadat gladio, & pauper, & miser effectus indigeat pane.* An forte *scens fufum* dicitur sustinens illam passionem, quam nonnulli *fufum* vocant, quam medici *tyfim* nominant? Tyfis autem ulceratio est tumor

in

(a) III. Reg. 2. 5. 7. (b) calceamento suo, quod. (c) Amasæ. (d) Exod. 21. 14.  
(e) 19. 11. 12. 13. (f) II. Reg. 3. 29.



in pulmonibus, qui in juvenibus facilius inveniri solet. Tyfus autem apud græcos dicta, quod sit consumptio totius corporis, quæ sit ex reumatismo gutturis cum febricula, & cum distillatione assidua, & catarrho instillante multo tempore: & sic pulmones vitiant. Est autem passio pulmonum periculosa, & maligna valde. Fit autem hæc passio sicut jam dictum est, in ætate juvenili. Alia vero translatio taliter dicit: *non deerit de domo Joab reumaticus, & leprosus* &c. hæc enim juxta litteram in Joab non videmus impletum, qui omne tempus vitæ suæ in tanto honore ulque in mortem David vixit, & tanta salute corporis viguit, ut semper fieret dux exercitus Israel, & bellator fortissimus: sed dictum est hoc a David ex nimio dolore animi, sicut & de montibus Gelboe, quod ad litteram non fiat, ut ostenderet se non consensisse in morte Abner principis Israel.

## X X I V.

(a) De eo quod scriptum est: *Dilexit autem Salomon Dominum ambulans in præceptis patris sui, excepto quod in excelsis ambulabat, & accendebat thymiana*: & post hæc inquiris, quid erat excelsum, quod frequenter in hoc libro legitur, & dicitis: *Cur Samuel non culpatur, qui in excelsis legitur immolasse*: egræus enim ex Ægypto populus Dei, postquam venerat ad montem Synai, (b) & audierunt de medio ignis Dominum loquentem ad se: & ibi quodammodo injerunt pactum cum Deo, & sponderunt se facturos omnia, quæ jussisset Dominus, atque sicut unus est Deus, & unus erat populus Dei, (c) ita jussisset in tabernaculo unum habere altare Dei, in quo sacrificiis, & laudibus honorarent Deum. Post multa vero tempora exigentibus peccatis illorum, & arca Dei captivata est ab a-

lieniginis, in qua erat sedes scriptum, quod injerunt cum Deo, non se alium colituros Deum, præter Deum patrum suorum, Abraham, Isaac, & Jacob: cujus insuperabile nomen manet in æternum, & memoriale in generatione, & generatione. Post hæc dissipatum est tabernaculum, quod sine arca, in qua erat sedes scriptum inter Deum, & populum, remansit sine honore, atque inane: & ita visum quibusdam sanctis fuit, ut Dominum Deum suum inter destrutionem tabernaculi, & templi ædificationem in locis amœnis, & mundis, atque excelsis Deum celi, incendio, atque sacrificiis honorarent, quod illicitum fuit fieri populo illi, postquam arca de captivitate reversa est, & tabernaculum erectum, & sibi templum ædificatum. Et inde est, quod Scriptura frequenter reprehendit eos, qui adhuc adolebant in excelsis, & inculpabiliter se ista facere putabant, quia Samuel, qui Deo placuerat, & Salomon, & alios multos illius temporis homines, ita fecisse sciebant: immo cum magna laude inter omnes reges illos, digni habentur in laudibus apud Deum, qui talia dextruxerunt, (d) idest Ezechias, & (e) Josias.

## X X V.

Queris cum legatur in libro Regum (f), atque Paralipomenon (g), quod in arca non est aliud, nisi duæ tabulæ lapideæ, quas posuerat in ea Moyses in Oreb, cur Paulus scribat ad Hebræos, quod in arca sint tabulæ, Virga Aaron, & Manna. Si non erant, cur Apostolus ista dixit: & si erant, quis ea ibi misit? Sed hinc in tertio libro operis hujus responsum est. Hoc solummodo de questione tua remansit, utrum ipsa fuit Virga Aaron quæ frondebat, unde in Ægypto fuerunt signa facta, & in mari mirabilia prorsus.

Om-

(a) III. Reg. 3. 2.

(b) Exod. 19. 20, &amp; seq.

(c) Deuter. 12. 5. 8. 12. 13. 14. 21. 26. 27.

(d) IV. Reg. 18. 4, &amp; 22.

(e) IV. Reg. 23. 5. 8. 13. 19. 20.

(f) 3. 8.

(g) 2. Paral. 3. 10.

Omnino una, eademque ipsa fuit, quæ & *Virga Dei* in Exodo, & aliquando Moysi, aliquando Aaron dicta est pro operum diversitate.

## X X V L

Quæris etiam & hoc: quid de ipsa arca factum est, vel si unquam visura (a) ab hominibus. De qua re nihil aliud quidpiam me legisse fateor, nisi quod in libro Machabæorum secundo inter cetera scriptum est: (b) *Es veniens Hieremias in locum, invenit domum speluncæ, & tabernaculum, & arcam, & altare incensi insulis illuc, & ostium oppilavit: & accesserunt quidam, qui cum simul sequebantur, ut notarent sibi locum, & non potuerunt invenire. Ut autem cognovisset Hieremias studium questus illorum, dixit illis, quod ignotus eris locus iste, donec congreget Deus congregationem populi sui, & propitius ei sit, & tunc Dominus ostendet hoc, & apparebit majestas Domini, & nubes sicut Moysi.* Unde credendum est, Dominum hæc per Heliam facturum. Dicunt enim nonnulli diffidendo, & omnipotentis Dei potentiam ignorando, quomodo potest fieri, ut tabernaculum illud ex lana, & lino factum per tot possit durare sæcula? quibus respondemus, quia virtute illa, quo per quadraginta annos in tribus eorum nullus fuit infirmus, & quorum pes ambulando non fuit (c) subitus, nec calcamenta dirupta, nec vestimenta vetustate consumpta, virtus ipsa perseveravit in vestibus, & in lignis tabernaculi per annos quadringentos octuaginta usque ad tempora Salomonis, & deinceps per alios quadringentos triginta annos usque ad eversionem Hierusalem, quæ facta est sub Nabuchodonosor, & ipsa virtus perseveratura est in ipso tabernaculo usque ad finem se-

culi. Sed quia beatæ memoriæ presbyter Beda in expositione de *factura tabernaculi, & templi* (d) altare incensis extra velum dicit positum esse, unde me per tuas litteras interrogasti. Quare ergo in libro *informationum litterarum, & spiritus* in Exodo dixerim esse ultra velum? Unde te, ipsum Beatum Bedam, si vivus in corpore esset, interrogare vellem, si postquam subtracta arca de templo est, & altare incensis ultra velum intraretur quæreret, vel ubi sanguinem poneret, vel cuius altaris cornua tangeret, vel cui incensum offerret, postquam arca testamenti non erat ibi?

## X X V I I

(e) Item alia questio de eo quod scriptum est: *Dedit autem Salomon Hiram viginti oppida in terra Galilee, quæ cum non placuissent ei, appellavit eas terram Cbabul usque in diem hanc.* Hæc questio si te latet, nec mihi patet. Hoc tantum scire te volo, quod in antiquis translationibus aliter scriptum reperitur: taliter enim illic scriptum est: *Tunc dedit Salomon regi Hiram viginti civitates in terra Galilee.* Es exivit Hiram de Tyro civitate sua, & abiit in Galileam, ut videret civitates, quas dedit illi Salomon, & non placuerunt ei. Es dixit. *Quæ sunt hæc civitates, quas dedisti mihi frater? Et cognominavit eas finis usque in hodiernum diem.* Quid tamen hoc sit, vel quare nominavit eas finis, nescire me fateor; nisi forte idcirco ista dixerit, quod non esset amplius alias civitates questurus ab eo. Hoc tamen scimus, quia mutua eorum amicitia non fuit in eis usque in diem mortis eorum dirupta, quia post hæc (f) *misit Hiram centum viginti talenta auri:* & postea fecerunt ambo in (g) *Asongabis classem navium,* quæ

(a) Idei videnda.

(b) 2. 2. 5. 7.

(c) solutus [ut puto.]

(d) Videantur

quæ tradit Beda lib. 2. de tabernaculo: ad verba ea: *Inieretur autem velum per circuitos.... mensamque extra velum.*

(e) III. Reg. 9. 11. 12. 13.

(f) III. Reg. 9. 14.

(g) III. Reg. 10. 10. 26, & 27.

quæ iret annis statuis in Opyr afferre Salomoni aurum & dentes elephantinos, simiasque, & pavos.

## X X V I I I.

(a) Addis etiam inquirere, quod me fateor ignorare, quod fecerit Rex Salomoni de lignis tynis pulchram domum Domini, & domum Regiæ, & citharas, lyraque cantoribus. Post hæc sequitur: *Non sunt allata hujuscemodi ligna tyna, neque visa usque in præsentem diem.* In Septuaginta autem interpretibus taliter scriptum reperi: *Ex navis Hiram, quæ attulerat aurum ex Opyr, attulit etiam trabes non dolatas multas valde, & lapides pretiosos.* *Ex fecit rex ex trabibus non dolatis his firmamenta domus Domini, & domus regis, & nabalas, & cymiras cantoribus.* *Non sunt inventa talia ligna non dolata in terris, neque visa usque in diem hanc:* alia vero translatio ita dicit: *Ex navis Hiram, quæ attulit aurum, & sepburam, attulit trabes multas valde, non dolatas, & lapides pretiosos, & fecit rex de lignis non dolatis inflaturam domus Domini, & domus regis, & nabalas, & ambucos in canticis: non exierunt talia ligna usque in hunc diem.* Quod de India hæc talia venerint ligna, testis est Scriptura divina, sed quid de natura ligni illius nos dicere possumus, quam se fatentur, & ignorare ipsi Prophetæ, qui hanc historiam postmodum scripserunt?

## X X I X.

(b) Post hæc sequitur eadem historia, & dicit: *Fecit quoque rex Salomon ducenta scuta de auro puro: sexcentis siclos dedit in lamina scuti unius, trecentasque peltas ex auro probato: trecenta minæ auri unam peltam vestiebant.* Peltam dicunt phyci scutum esse (c) Amaxonum lunatum in modum lunæ semis, vel ternæ, aut quartæ, vel

certe, quod magis credendum est, mediæ, quibus (d) Amaxonas olim utebantur in pugna: Sed non illos tales fuisse credibile est, quia non hoc indicat Scriptura. Mina græce appellatur, quæ habet siclos sexaginta, & faciunt obolos mille ducentos: siclus facit duos semes solidos, qui græce dicitur stater, viginti habens obolos. Obolus habet siliquas septem, & partem quintam siliquæ, qui pondere duplo dragmam facit, quem nostri *scrupulum* vocant: habebat enim ex ære ad instar sagittæ, unde & nomen a græcis accepit; obolus enim græce *sagitta* dicitur. Mina est libra una. Talentum minas habet sexaginta. In Septuaginta ita scriptum est: *Ex fecit Salomon trecentas hastas aureas ductiles. Trecenti auri inerant in hasta: & trecenta scuta aurea ductilia.* Trecentas minas auri habebat in uno scuto. Alia vero translatio ita dicit: *Ex fecit rex Salomon trecentas lanceas aureas ductiles. Ducenti quinquaginta auri inerant in lancea una, & trecenta scuta aurea trecenteni auri in scuto uno.* Deinde sequitur Scriptura: (e) *Posuitque ea rex in domum silvæ libani.* Si Salomonis erat, cur ligna cedrina ab Hiram petebat ex Libano? non enim dixit Scriptura posuit ea in monte saltus libani, sed in domo silvæ libani, per speciem locutionis: per efficientem id, quod efficitur, & per continentem id, quod continetur. Libanus dictus est templum cum porticibus, & vestibulis, atque basilicis magnis, unde jam ad litteram supra dictum est: *Qui in quadro per circuitum ambiebant templum,* & quia revera opus magnum erat, multa ligna libani, & innumera ibidem erant, ideo vocabatur *silva Libani*, sed & ipsum templum *Libanus* in Scriptura vocatur, dicente Zacharia Propheta: (f) *Aperi Libani portas suas, & comedat ignis cedros suas:* sed & Hieremias adversus Sellum filium Josæ regis inter-

(a) 10. 11, & 12. (b) III. Reg. 10. 16. zones. (c) vers. 17. (f) 11. 1.

(e) Id est Amazonum. (d) Id est Ama-

ter cetera sic ait: (a) *Omnes pastores tuos pascet ventus, & amatores tui in caproveritate ibunt: & tunc confundis, & erubescet ab omni malitia tua, qui sedes in Libano, & nidificas in cedris.* In Libano enim illis erat sedere, spem salvationis suæ habere per templum. In cedris nidificare, erat propter ædificia templi peccantem populum salvare, ne propter meritum illius loci captivarentur. Libanus autem diæsus est mons frigidus, & convallis in Syria Phœnicie, quæ fuit possessio Chanaanorum imminens mari magno, quorum metropolis fuit Tyrus. Unde lingua cedrina abiecta, atque punicea Sidonii deponebant in mari magno, & inde in ratibus veniebant per mare, usque ad Jopen, & inde per angaria boum per milliarios quadraginta usque ad Hierusalem. Mons enim iste a candore nivium, nomen accepit *Libanus*. Libanus enim candor, sive candidario interpretatur. Similiter & templum illud propter altitudinem mœnium, & excellentiam, vel fulgorem, aut candorem parietum tale nomen sortitum est.

## X X X.

Merito queri debet, (licet hoc tu non interrogasses,) quid sit, quod hoc in libro, de sacrilegis, & sceleratis Israel Regibus, frequenter dicat Scriptura divina: *fecitque quod erat malum in conspectu Domini:* & cum sint multa hominum mala, prætermisiss omnibus malis, singulariter unum nominat malum, ad cuius comparisonem cetera mala cum sint mala, quasi ne mala esse videntur. Sicut enim ad comparisonem boni, bonus bonorum Deus dicitur, & Sanctus Sanctorum, & Deorum Deus, & Dominus Dominorum, ita in sanctis hominum, atque gestis Idolorum cultura *malum malorum*, & *jelcus scelorum*, & *peccatum peccato-*

*rum* dici potest. Hic in divina Scriptura, & iniquitas, & abominatio, & sordes, & peccatum, & fornicatio, & odiositas nominari solet, & peccatum, ut de jam perditis regibus Israel frequenter in divina Scriptura dicit: *Non recessis a peccatis Hieroboam, qui peccavit, & peccare fecit Israel.* Peccata, hic cum sit unum, pluraliter propter duos vitulos posuit. Ignominiam, & sordes, ut Moyses in Exodo de filiis Israel loquitur: (b) *Expoliaverat enim eos* (idest Aaron filios Israel) *propter ignominiam sordis, & inter hostes nudum constituitur*, idest destitutum absque auxilio Dei. Iniquitas dicitur idolorum cultura, (c) sicut in Osee. Propheta duos vitulos, duas nominat iniquitates. Fornicatio multis modis in Prophetis nominari solet. Sicut & illud (d): *tu autem fornicata es cum amatoribus*, idest pro proposito uno Deo, cum quo spirituale connubium cum castitate mentis tenere debuisti, servisti diis multis, & sic infelicitate in corde tuo prostituta es cum amatoribus multis, idest demonibus. Licet enim quisque unum videatur colere, aut adorare figmentum, in ipso uno, omni militiæ demonum servit. Sed quia se sermo de simulacrorum, atque idolorum cultura opposuit, debemus ethimologias nominum illorum exprimere, ut noverint nostra tempora, cui malo serviunt homines. Simulacrum est figura, exemplum, effigies, figmentum, forma, vultus, aspectus, species, similitudo. Simulacrorum usus exortum est, cum ex desiderio mortuorum constituerentur imagines, vel effigies tanquam hæc ætæ receptorum, (e) pro quibus se in terris demones colendos apposerunt, & sibi sacrificare a deceptis, & perditis hominibus suaserunt. Fuerunt enim quidam eorum viri fortes, aut urbium conditores, quibus mortuis homines, qui eos dilexerunt simulacra sinnerunt,

ut

(a) 22. 22.

(b) Exod. 32. 35.

(c) 10. 10.

(d) Jer. 3. 1;

(e) Sap. 14. 15.

ut haberent aliquod ex imaginum contemplatione solatium, sed paulatim (a) hunc errorem, persuadentibus dæmonis ita in posteris irrepit, ut quos illi pro sola nominis memoria honoraverunt, succelliores eorum Deos existimarent, & colerent. Simulacra autem a similitudine nuncupata, quasi simulata, eo quod manu artificis ex lapide, vel alia materia eorum vultus imitantur, in quorum honore finguntur. Ergo simulacra, vel pro eo quod Diis similia, vel pro eo quod simulata, atque conficta, vocantur: unde & falsa sunt. Iterum idolum est simulacrum, quod humana effigie factum, & consecratum est juxta vocabuli sui interpretationem: *Idos* enim græce *forma* sonat, & idem per diminutionem sonat idolum dictum hoc quod apud nos *formula* sonat. Igitur omnis forma, vel formula idolum se dici exposcit. Idolatria idolorum servitus, five cultura interpretatur. Nam *latría* græce, latine *servitus* dicitur, quæ quantum ad veram religionem pertinet, non nisi & soli Deo debetur. Ac si ut impia superbia, five hominum, five dæmonum sibi exhibere, vel jubet, vel cupit, ita pia humilitas, vel hominum, vel Angelorum sanctorum sibi oblatam recusat, & cui debeatur, ostendit. Quidam vero latini ignorantes græcæ linguæ etymologiam, imperite dicunt *idolum* ex *dolo* sumpsisse nomen, eo quod diabolus creaturæ cultum divini nominis invexit. Sciendum summopere est, quia non solum, qui visibilia figmenta, atque imagines colit, (b) sed etiam quamlibet five cælestem, five terrenam, five spiritualem,

five corpoream creaturarum, vice nominis Dei colit, & salutem animæ suæ, quæ a solo Deo est, ab illis sperat, de illis est, de quibus dicit Apostolus: (c) *Et coluerunt, & servierunt creaturæ potius quam Creatori, qui est super omnia Deus benedictus in secula*: Et de quibus dicit Propheta: (d) *Maledictus homo, qui spem suam ponit in homine, & a Domino recedit cor ejus*. Sciendum sane, quod gentes diis suis nomen simulacri, vel idoli non imposuerunt, sed sancti Dei homines divini nominis, & unius Dei cultores, diis gentium tale nomen imposuerunt.

## X X X I.

Prætermisiss quibudam quæstionculis tuis, quæ in superioribus libris sunt jam solutæ, ad id quod Helias dixit de Achab: (e) *Si mortuus fuerit in civitate, comedent eum canes: si autem in agro, comedens eum volucres cæli*. Et post hæc addis: (f) *quomodo verum est, cum ipse perlectus fuisse legatur in Samaria, & sepultus in sepulchro suo Israel*. In septuaginta autem patribus aliquid amplius habetur: nam post aliqua dicitur: *Mortuus est rex vespere, & fletit præco militia in exercitu occidente Sole* dicens: *Unusquisque eat in civitatem suam, & in terram suam, quoniam defunctus est rex: & venerunt in Samariam, & sepeliebunt regem in Samaria, & laverunt currum illius in lacu Samaria, & lambuerunt canes in sanguine ejus secundum verbum Domini, quod locutus est, nec mentiri potuit spiritus Dei, qui erat in Helia*. Sanguis enim

(a) Idest hic error: vel lege: hunc errorem persuadentibus Dæmoniis, is irrepit, ut &c.

(b) Quæ hic traduntur, si de cultu rigoroſe sumpto accipiantur, verissima sunt. Si de cultu late sumpto, in eorum numero sunt, quæ reprehensa in Claudio sunt. Vide quæ tradidi numero 24. & seq. sapiris 2. dissertationis 1. De cultu Sanctorum: ea quæque, quæ numero 6. & 7. capituli 6. dissertationis 2. de eodem Claudio dicunt. (c) Rom. 1. 25. (d) Jerem. 17. 5. (e) III. Reg. 21. 24. (f) 22. 37.

nim, qui defluxit de corpore ejus, & cucurrit in lectum currus, qui ex corio erat, magna pars corporis ejus fuit, & hoc coagulatum quasi carnes, comederunt canes, & sic impletum est, quod servus Domini Helias totum apertè prædixit; vel quod potius credendum est, canes eum comederunt, quando filios ejus, qui & caro ejus fuerunt, comederunt. Quod vero dicit, quod meretrices se laverunt in sanguine ejus, non ob aliud hoc fecerunt, nisi propter aliquam magiam peragendam.

### XXXII.

(a) Inquis quæ sit salus, quam Deus per Naaman principem contulerit. Sed nulla melius intelligenda est, quam illa, quam ipse per emundationem lepræ concepit in mente, quando se spondit nullum alium colere Deum, nisi Deum Israel; & ita magnitudine sanitatis ejus, & præconio lingue illius multi derelictis idolis, Deum Israel ceperunt colere solum: & hæc fuit salus, quam Deus per illum dedit Syriæ, quia revera nulla alia talis salus hominum est, qualis cognitio creatoris, & remedium peccatorum. Quid tamen ista significant, in præcedenti libro sufficienter expositum est.

### XXXIII.

(b) Dicit etiam eadem Scriptura, quod tanta, ac talis fames facta est in Samaria, & tamdiu obfessa civitas est, donec venundaretur caput asini octoginta argenteis, & quarta pars capi stercoreis columbarum quinque argenteis. Capi stercoreis vesicula gutturis intelligi potest, excepto quod nominis ambiguitas nos dubios reddit, quod non ait caput, aut capitis. Obfessa enim multo

tempore ab hostibus civitas, dum nulli hominum egressus pateret, columbæ libere volando ferebantur in agros, sive ad exercitum, & invento grano replebant vesiculas gutturis, & hac eadem hora regrellæ in civitatem, antequam ruminando grana consumerentur: sic venundabatur argenteis quinque granorum copia, non stercoreis fætor. Hæc non alicubi legi, nec ab alio didici, sed ut mihi vitulum est, taliter dixi: si quid tamen tu melius de hoc invenire poteris, bene eris, si nos feceris noûe.

### XXXIV.

(c) Est hæc quæstio tua de rege Joas, quæ non est impossibilis ad intelligendum, sed est nobis difficilis ad loquendum; cur Joas rex Israel ad Amalias regem Juda remisit dicens: *Carduus libani misit ad cedrum, qui est in libano dicens: Da filiam tuam filio meo uxorem*. Tropice enim, non proprie dictum est. Tropos autem est dictio translata a propria significatione ad non propriam similitudinem, ornatus, & necessitatis causa; sunt autem tropi, qui latine *modi*, vel *moves* interpretari possunt quatuordecim, quibus propositis, unum ex illis ad medium deducimus, cujus nomen metaphora est. *Metaphora* autem dicitur rerum, verborumque translatio, hæc fit modis quatuor: ab animali ad animale. (d) Item in libro Job: (e) *Rugitus leonis*, & *vox leana*, & *dentes casulorum leonum conrui sunt*, ut per jam dictam metaphoram intelligatur ibi *leo Job*, & *leana uxor*, & *dentes casulorum leonum*, filii. Et in Psalmo: (f) *Quare fremuerunt gentes*: nam & homines, & bestię, qui fremere dicuntur, animam habent. Et in Hieremia Propheta: (g) *Ascendit*

(a) IV. Reg. 5. 1.

(b) 6. 21.

(c) IV. Reg. 14. 9.

(d) Aut aliquid deest,

aut legendum est, id est, velui, aut item ut.

(e) cap. 4. 10.

(f) Psal. 11. 3.

(g) 4. 7.

*dis leo de cubili suo* ( idest Nabuchodonosor de Babilonia ), *& prado gentium se levavit*. Leo & prado animam habent. Ab inanimali ad animale, ut est illud: (a) *montes cantabant coram Deo laudem, & omnia ligna silvarum plaudens manu*. Montes, & ligna silvarum inanimalia sunt: cantare vero, & manibus plaudere, animalis sit. Ab inanimali ad inanimale; sicut habes in Propheta scriptum: (b) *Aperi libame portas tuas, & comedas ignis cedros suos*; translatio est enim de civitate ad montem, quorum nullum animam habet: & hoc ipsum unde interrogas: *Misit Joas rex Israel ad Amasiam regem Juda dicens: da filiam tuam filio meo uxorem*, ut per tropum allegoriz, Joas rex se cedro, & regem Juda carduo comparaverit, & populum suum per eandem significationem bestiis saltus dicens: *Transieruntque bestia saltus, qua sunt in libano, & conculcaverunt carduum* ( idest Amasiam ); & post hæc addit: (c) *Percutiens invaluit super Edom, & sublevavit se cor tuum*: *contentus esto gloria tua, & sede in domo tua, quare provocas malum, ut cadas tu, & Judas tecum?* &c. Quod ita factum est.

## X X X V.

(d) Mover te: & hoc: Cur de Jonatha rege Juda scribitur: *ipse edificavit portam domus Domini sublimissimam*. Et post hæc addidisti: *numquid a Salomone ante edificata non fuerat?* An novam construxit, & Israel? Non enim novam constructa est, sed ipsa, quæ sublimissima olim a Salomone edificata fuerat, & sublimissima vocabatur, hanc inchoatam reparando in sublime e-rexit.

## X X X V I.

(e) De Ezechia etiam inquiris cur in Scriptura dicatur divina, quod postquam dissipavit excelsa, & contrivit statuas, & succidit lucos, confregitque serpentem æneum, quem fecit Moyles, vocavitque eum. (f) Nabas, &c.? Quod quidem docente Isaiâ Propheta fecisse credendum est: (g) ipsum interrogas, quod ego scire desidero. Si esset, qui mihi ostenderet, etymologiam nominis hujus, quia nec in translatione antiqua aliter hoc scriptum. reperi nomen: excepto quod *Nabas* serpens lingua illorum dicitur; novissima vero syllaba quid sit, nescire me fateor. Est enim hoc magnum documentum, quod ad ædificationem Ecclesiæ proficere potest, si est, qui hoc animadvertere possit, quare Ezechias cum magna sui laude, atque præmio animarum pro salute destruxit, quem ad salutem filius populi Moyles Deo jubente fecerat. Quis enim nesciat Moysem majoris esse meriti, quam Ezechiam regem? De Moyse enim in libro Numerorum dixit Dominus ad Aaron, & Mariam: (b) *Audite verba mea: Si fuerit Propheta inter vos, in visione illi Dominus cognoscatur, in somnio loquar ad illum: at non ita famulus meus Moyles, qui in tota domo mea fidelissimus est: os ad os loquar ad illum: in specie, & non in enigmate Dominum videri*. Quia enim serpentem, quem Moyles sicut jam dictum est, Deo jubente fecerat, ne serpentina morte populus periret, eum, quem Deus fieri jussit, populus ipse venerari, & colere ceperunt, & mortem quam temporaliter parentes illorum ad tempus evaserunt, denuo morituri, isti per ceperunt, in perpetuum in animam.

Z 2

mo.

(a) Isa. 55. 12.

(b) Zach. 11. 1.

(c) IV. Reg. 14. 10.

(d) 15. 35.

(e) IV. Reg. 18. 4.

(f) Vulgata: Nobilitas.

(g) In Isaiâ hæc non invenio.

(b) Num. 12. 6.

morituri; & idcirco destruxit iste, quod Deo iubente fecerat ille: ac per hoc magna auctoritas ista habenda est in Ecclesia, ut si nonnulli ex præcelsoribus, vel majoribus nostris fecerunt aliqua, quæ illorum tempore esse potuerunt sine culpa, & postmodum vertuntur in errorem, & superstitionem, sine tarditate aliqua, & cum magna auctoritate posteris destruantur (a).

# X X X V I I.

Supereft nobis inquisitio necessaria, licet non fuerit interrogatio tua, quomodo divina infonet Scriptura: (b) *Quod egressus Angelus Domini percussit de exercitu Assyriorum centum octuaginta quinque milia*. Et Daniel Propheta ait: (c) *Misit Dominus Angelum suum, & conclusit ora leonum*. Et in Psalmo trigelimo secundo, (d) secundum emendatorem translationem: *Immitset Angelus Domini in circuitu timementium eum, & eripiet eos*. Et alia multa his similia, & excellentiora exempla. Quæ si cuncta per ordinem Scripturæ divinæ replicare voluerimus, ante vita, quam sermo deficiet. (e) Quod enim mittantur Angeli ab eo, qui ubique est, & cælum, tertiamque implet, non mole, sed virtute, sicut veritas, & sapientia mentem, (f) *qui attingit a fine usque ad finem fortiter, & disponit omnia suaviter*: de quo Apostolus Atheniensibus prædicavit, dicens: (g) *In illo vivimus, movemur, & sumus*. Lique de cogitatione, quantum humana mens

valet, adjuvat hanc sententiam, qua credimus, & dicimus Deum in his, quæ creavit, indefinenter operari. Neque enim tanquam substantia ejus, sic in illo sumus, quemadmodum dictum est: (b) *Quod habeat vitam in semetipso*: sed utique cum aliud sumus, quam ipse, non ob aliud in illo sumus, nisi quia id operatur, & hoc est opus ejus, (i) quod continet omnia, & quo ejus Sapientia sicut jam dictum est, (k) *per tendit a fine usque ad finem fortiter, & disponit omnia suaviter*. Per quam dispositionem (l) *in illo vivimus, movemur, & sumus*: unde colligitur, quod si hoc opus suum rebus subtraheret, nec vivemus, nec movebimur, nec erimus. (m) Nec enim ipse diabolus a potestate omnipotentis alienus est, nam & maligni unde alicumque subsisterent, vitam non haberent, nisi per eum qui vivificat omnia. Nec ita sane Deus deseruit eandem reprobam angelicam creaturam suam, ut non se illi exhiberet Deum creatorem, & vivificantem, & inter pœnalitatem, etiam bona malis multum præstantem. (n) Creatoris namque potentia, & omnipotentis, atque omnitenentis virtus causa subsistendi est (o) omnis creaturæ, quæ virtus ab eis, quæ creata sunt, regendis, si aliquando cessaret, simul & illorum cessarent species, omnisque natura concideret. Neque enim sicut structor ædium, cum fabricaverit, abscedit, atque

(A) Et hic est ex iis locis, qui in Claudio merito suspectus est.

(c) 6. 22.

(d) Psalm. 22. 8.

(e) Quæ sequuntur ab Augustino excerptæ

Claudius, sed non ex uno libro cuncta desumpsit, sed ex variis. Nonnulla Augustini loca indicabo, quæ consulat Lector.

(f) Sap. 8. 1.

(g) Acto. 17. 27. 28. Vide

caput 12. alias num. 23. libri 4. de Genes. ad litteram.

(b) Joan. 5. 26.

(i) Erit. quo.

(k) Sap. 8. 1.

(l) Acto. 17. 28.

(m) Confer obsecro

locum hunc cum edito.

(n) num. 22.

(o) omni.

(b) IV. Reg. 19. 35.



cessante illo, atque abscedente, stat opus ejus, ita mundus, (a) & omnis creatura sive visibilis, sive invisibilis, sive corporea, sive spiritalis, vel ictu oculi stare non poterit, si ei Deus regimen sui subtraherit, qui novit quiescens agere, & agens quiescere, potestque ad opus novum non novum adhibere consilium. (b) Qui cum crearet, non est defessus, nec cum cessavit, relictus: sine qualitate bonus, sine quantitate magnus, sine indigentia creator, sine situ præfens, sine habitu omnia continens, sine loco ubique totus, sine tempore sempiternus, sine ulla sui mutatione mirabilia faciens, nihilque patiens; (c) habet quidem nuntios, idest Angelos, non tamen est, ut aliquid ei, quod nesciat, annuntient: non enim sunt ulla quæ nesciat; sed bonum eorum est, de operibus suis consilium (d) veritatem: & hoc est quod ei dicuntur nonnulla nuntiare, non ut ipse ab eis discat, sed ut ab illo ipsi per verbum ejus sine corporali tono nuntient etiam quod voluerit ab eo missi ad quos voluerit, totum ab illo, per illud verbum ejus audientes, idest in ejus veritate inventientes quid sibi faciendum, quid, quibus, quando nuntiatur sit. Nam & nos oramus eum, nec tamen necessitates nostras docemus eum. (e) Novit enim (ait Verbum ejus) pater vester, quid vobis necessarium sit priusquam petatis ab eo: nec ista ex aliquo tempore cognovit, ut nosset, sed futura

omnia temporalia, atque in eis etiam quid, & quando ab illo petituri fueramus, & quos, & de quibus rebus vel exauditurus, vel non exauditurus esset, sine initio ante præcivit. (f) Universalis autem creaturas suas, & spirituales, & corporales non quia sunt, ideo novit, sed ideo sunt quia novit, non enim nescivit, quas tegerat, creaturas. Quia scivit, creavit, non quia creavit, scivit: nec aliter ea scivit creata, quam creanda: (g) hunc enim Deum colimus (docente nos Scripturæ divina) qui naturis a se creatis & subsistendi, & movendi initia, finisque constituit: qui rerum causas habet, novit, atque disponit: qui vim seminum condidit: qui rationalem animam, quæ dicitur animus, quibus voluit, viventibus indidit: qui sermonis facultatem, usumque donavit: qui munus futura dicendi, quibus placuit, spiritibus impertivit, & per quos placet, malas valetudines pellit: qui bellorum quoque ipsorum, cum sic emendandum, & castigandum est genus humanum, exordiis, progressibus, finibusque moderatur: qui mundi hujus ignem vehementissimum, & violentissimum pro immensa naturæ temperamento & creavit, & regit, qui universarum aquarum creator, & gubernator est: qui Solem fecit corporaliū clarissimum lumen, eique vim congruam, & morum dedit: qui ipsis etiam inferis dominationem suam, potestatemque non subtrahit: qui semina, & a-

li.

(a) In edito Augustini loco desunt hæc: & omnis creatura sive invisibilis, sive visibilis, sive corporea, sive spiritalis.

(b) num. 25. cap. 14. Reliqua ex aliis Augustini locis collecta sunt. Comparsa hæc cum illis, quæ tradit Augustinus cap. 30. libri 7. de Civitate.

(c) 15. de Trinitate cap. 13. n. 22. (d) Additur hic veritatem.

(e) Matth. 6. 8. & 32. (f) Rufus 6. de Trinitate cap. 10. num. 11.

(g) Quæ sequuntur ad magnam partem ex eodem Augustino desumptæ Claudius. Comparsa locum hunc cum capite 30. libri 7. de Civitate.

limenta mortalium sive arida, sive  
liquida naturis competentibus at-  
tributa substatuit: qui terram fun-  
davit, atque fecundavit: qui fructus e-  
jus animalibus, hominibusque lar-  
gitur: qui causas non solum prin-  
cipales, sed etiam subsequentes no-  
vit, atque ordinat: qui lunæ sta-  
tuit modum suum: qui vias cælestes,  
atque terrestres locorum mutationi-  
bus præbet, qui humanis ingeniis, quæ  
creavit, etiam scientiam artium va-  
riarum ad adjuvandam vitam, natu-  
ramque concessit: qui conjunctionem  
maris, & feminæ ad adiutorium propa-  
gandæ proles instituit: qui hominum  
cogitibus, (a) quod sociis, & luminibus  
adhiberent, ad facillimos usus mu-  
nus terreni ignis indulgit. Hæc au-  
tem facit, atque agit unus verus De-  
us: sed sicut Deus, id est ubique  
totus, nullus inclusus locis, nullis  
vinculis alligatus, in nullas partes  
scissilis, ex nulla parte mutabilis,  
implens cælum & terram, præsentem  
potentia, non indigente natura.  
Sic itaque administrat omnia, quæ  
creavit, ut etiam ipsa proprios ex-  
ercere, & agere motus sinat.  
Quamvis enim nihil esse possint si-  
ne ipso, non sunt quod ipse. Agit  
autem multa etiam per Angelos,  
sed non nisi ex se ipso beatificat An-  
gelos. Ita quamvis propter aliquas  
causas hominibus Angelos mittat,  
non tamen ex Angelis homines, sed  
ex se ipso, sicut Angelos, beatificat.  
Ab hoc uno & vero Deo speramus  
vitam eternam: habemus enim ad  
illo præter hujusmodi beneficia, quæ  
ex hac, de qua nonnulla diximus,  
administratione naturæ, bonis, ma-  
lisque largitur, magnum, & bono-  
rum proprium magnæ dilectionis in-  
dicium. Quamquam enim, quod su-

mus, quod vivimus, quod cælum  
et terram conspicimus, quod habemus  
mentem, atque rationem, quæ  
cum ipsum, qui hæc omnia condi-  
dit, inquiramus, nequaquam va-  
leamus actioni sufficere gratiarum,  
tamen quod nos oneratos, obruto-  
que peccatis, & a contemplatione  
luz lucis averfos, ac tenebrarum,  
id est iniquitatis dilectione cæcatos,  
non omnino deseruit, misitque nobis  
Verbum suum, qui est ejus u-  
nicus filius, quo pro nobis assum-  
pta carne nato, ac palso, quanti  
Deus hominem penderet, noscere-  
mus, atque illo sacrificio singula-  
ri, a peccatis omnibus mundaremur,  
ejusque Spiritu in cordibus nostris  
dilectione diffusa, omnibus difficul-  
tatibus superatis, in æternam re-  
quiem, & contemplationis ejus in-  
effabilem dulcedinem veniremus:  
quæ corda, (b) quæ linguz ad a-  
gendas ei gratias satis esse conten-  
derint? (c) Deus itaque summus, &  
verus cum Verbo suo, & Spiritu San-  
cto, quæ tria unum sunt, Deus unus  
omnipotens, creator, & factor omnis  
corporis, cujus sunt in participatione  
scilicet, (d) qui fecit hominem ratio-  
nalem ex anima, & corpore, qui eum  
peccantem, nec impunitum esse per-  
misit, nec sine misericordia dereli-  
quit, qui bonis, & malis essentiam  
etiam cum lapidibus, vitam semina-  
lem etiam cum arboribus, vitam sen-  
sualem etiam cum pecoribus, vitam  
intellectualem cum solis Angelis dedit,  
a quo est omnis modus, omnis spe-  
cies, omnis ordo, a quo est mensu-  
ra, numerus, pondus, a quo est quic-  
quid naturaliter cujuscumque generis  
est, cujuslibet ælimationis est, a quo  
sunt semina formarum, formæ semi-  
num, motus seminum, atque forma-

rum,

(a) quem. (b) evocat. (c) Subsequentia videntur ex Augustino desumpta,  
sed locum, in quo hæc tradat S. Doctor, basileus non inveni. (d) Scr. 43 aias  
de verbis Apostoli 27. num. 3, & 4.

rum, qui dedit, & carni originem, pulchritudinem, valetudinem, propagationis fecunditatem, membrorum dispositionem, salutem concordie, qui & animæ irrationali dedit memoriam, sensum, appetitum, rationali autem insuper misericordie intelligentiam, voluntatem: qui non solum celum, & terram, nec solum Angelum, & hominem, sed nec exigui, & contemptibilis animantis visceri negavit spinulam, nec herbæ folculum, nec arbori folium sine sanarum partium convenientia, & quadam veluti pacereliquit. Et post: (a) „ myste-  
 „ rium vitæ æternæ jam inde ab ex-  
 „ ordio generis humani per quæ-  
 „ dam signa, & Sacramenta tempo-  
 „ ribus congrua, quibus oportuit, per  
 „ Angelos prædicatum est. Deinde  
 „ populus Hebræus in unam quandam  
 „ Rempublicam, quæ hoc Sacramen-  
 „ tum ageret, congregatus est; ubi  
 „ per quosdam scientes, per quosdam  
 „ nescientes, id quod ex adventu Chri-  
 „ sti, usque nunc, & deinceps agi-  
 „ tur, prænunderetur esse venturum;  
 „ ipsa etiam postea eadem gente,  
 „ per gentes propter testimonium  
 „ Scripturarum, quibus æterna salus  
 „ in Christo futura prædicata est.  
 „ Omnes enim non solum prophetie,  
 „ quæ in verbis sunt, nec tantum  
 „ præcepta vitæ, quæ mores, pieta-  
 „ temque conformant, atque illis lit-  
 „ teris continentur, verum etiam sa-  
 „ cra, sacerdotia, templum, sive ta-  
 „ bernaculum, altaria, sacrificia, ce-  
 „ remoniæ, dies festi, & quidquid al-  
 „ liud ad eam servitutem pertinet,  
 „ quæ Deo debetur, & græce pro-  
 „ prie (b) *latría* dicitur, ea (c) si-

„ gnificata, & pronuntiata sunt, quæ  
 „ propter æternam vitam fidelium.  
 „ in Christo, & impleta credimus,  
 „ & impleri cernimus, & implenda  
 „ confidimus. (d) Nos vero dum  
 „ Angelorum ministeria volumus osten-  
 „ dere, per quandam mentis excessum  
 „ nescientibus immutabilis Dei bonita-  
 „ tem, & veritatem divini operis insi-  
 „ gnia prædicamus.

## X X X I X.

Interrogas quoque, quis sit Sacer-  
 dos primus, aut quis secundus. Pri-  
 mus Sacerdos est Pontifex, sicut Aa-  
 ron, & Eleazar, atque posteri eorum,  
 quibus licitum erat quotidie ultra ve-  
 lum ingredi in Sancta Sanctorum. Se-  
 cundi vero Sacerdotes erant, qui in  
 nostro presbyteri dicuntur tempore, de  
 quibus dicit Apostolus: (e) *In exteriori*  
*vero tabernaculo semper introibant*  
*Sacerdotes sacrificiorum officia consum-*  
*manentes.* Ceteri vero, qui dicebantur  
 Levitæ, eo quod essent ex tribu Levi,  
 nec in interiorem, nec in exteriorem li-  
 centiam ingrediendi habebant; sed  
 tantum erant janitores, & cantores,  
 ministrique Sacerdotum, & ad exte-  
 rius holocaustorum altare, lignorum  
 cesores, & ignium administratores, &  
 sanctarum carniurn in populo dispen-  
 satores. De his duobus filiis in Psalm-  
 o dicit: (f) *Domus Aaron benedi-*  
*dicite Domino.* (g) *domus Levi be-*  
*nedicite Domino.*

## X L.

Et post hæc quid sunt Tyro-  
 nes, interrogas. Tyrones a Tyria (b)  
 urbe Phœnicum nomen acceperunt,  
 quæ olim fuit metropolis Chanano-  
 rum.

(a) Rursus hæc sequuntur, ex Augustino excerptæ. Claudius S. Doctoris exscribens caput 32.  
 libri 7. de Civitate.

(b) *λατρία*.

(c) significaverunt, & prænu-  
 nciaverunt.

(d) Subsequentia non extant in editis Augustini libris: an olim ex-  
 terint, an ex aliis Augustini locis ea desumpserit Claudius, an de suo substituerit, judi-  
 caverit Lellor.

(e) Hebr. 9. 6.

(f) Psalm. 124. 20. 21.

(g) Non video quomodo dicantur duo filii, quando quidem Aaron erat ex stirpe  
 Levi. (b) Tyro.

rum, in qua habitavit Hiram rex, amicus Salomonis. (a) Tyrones dicuntur pueri fortes, qui ad militiam eliguntur, & ad arma gerenda habiles existunt: hi enim non ex sola professione nativitatis, sed ex aspectu, & valetudine corporis æstimantur. Romanæ

autem militiæ mos fuit pueros primum exercere armis: nam sexto decimo anno Tyrones militabant, quo etiam solo sub custodibus agebantur. Servos sane nunquam apud eos militasse constat, nisi servitute deposita.

*Explicit Claudius Episcopus in Libros Regum.*

LECTO.

(a) Etymologiam hanc expendat, obsecro, Lector.

## LECTORI BENEVOLO.

**Q**uale sit Opusculum Prudentii Tricassini, quod tibi, humanissime Lector, exhibeo, tradit Clarissimus Joseph Blanchinus his verbis: Est Florilegium locorum veteris, ac novi Testamenti ad imbuendos in fide, & moribus eos, qui ordinandi sunt homines, accommodatum ad instar florum Psalmorum. Miserat illud idem ex Vaticano Regio Alexandrino codice 191. exscriptum idem Clariss. itemque humanissimus Blanchinus Optimo Praeposito Gorio, ut in suis Symbolis illud ederet. At Gorius, ut est comissimus, meique amissimus, illud mihi dono dedit, hoc tantum a me exposcens, ut Clariss. Blanchini, a quo ille receperat, mentionem facerem. Id utique libentissime facio: quem enim, nisi ingratus is sit, & omnis humanitatis expers, prodere pudeat eum, a quo beneficio non levi affectus sit? Nolo vero miretur Lector, quod in hoc florilegio inter precepta Christiano populo imposita recenseatur abstinentia ab animalium sanguine, ideoque a morticinis. Scilicet Christianis impositum in Hierosolymitano Concilio ab Apostolis mandatum, ut abstineant se a contaminationibus simulacrorum, & fornicatione, & suffocatis, & sanguine (a) praeceptis temporibus in Ecclesiis plurimis diligentissime observabatur, atque id quidem perspicue discis ex Concilio Quinisexto (b), ex Vvormatiensi Synodo Hadriano II. Pontifice, & regnante Ludovico Pio celebrato (c), ex Penitentialibus quoque plurimis id ipsum praecipientibus, atque inculcantibus. Quamobrem mirum non est, si Prudentius noster vir ea aetate celeberrimus (d) id a populo suo exquisierit. Vale.

A a

Pru.

(a) Act. Apost. 15. 20. (b) Can. 67. Divina nobis Scriptura mandavit, a sanguine, & suffocato, & fornicatione abstinere..... Siquis deinceps animalis sanguinem quovis modo comedere aggrediatur, si sit quidem Clericus, deponatur: sin autem Laicus, segregetur. pag. 1379. Tomi VII. Concilii: edit. Ven. 1729. (c) Can. 65. Animalia, quae a lapidibus, seu canibus lacerantur, non sunt comedenda, nisi porcis, & canibus, nec ceronis, nec caprae, si mortui inveniantur. Porci autem, qui sanguinem hominis gustantes tetigerunt, manducantur, sed qui tadaver mortuum lacerantes manducaverint, carnes eorum manducare non licet, usque dum macerantur post annum.... Aves, & alia animalia, si in vitibus frangantur, non sunt comedenda. pag. 466. Tomi X. Concilii: edit. Ven. 1630. (d) Vide quae de Prudentio Tricassino, seu Trecenti docet Gallia Christiana de Episcopis Trecentibus ad annum 846. Cave de Scriptoribus Ecclesiasticis de Trudente Trecentino ad annum 846. pag. 36. Tomi 2. Joannes Albertus Fabricius in Bibliotheca Latina mediae, & infimae aetatis lib. 15. pag. 19. Tom. 6. editiois Patavinæ. Denique hec dunctos connumerem, ille ipse Clariss. Joseph Blanchinus, quem crebro laudavi. Tom. 1. Operum Venerabilis Cardinalis Tomasi in appendice p. 2. Tom. 1. pag. 464.

# PRUDENTII TRICASSINI EPISCOPI

## FLORILEGIUM EX SACRA SCRIPTURA.

*Hæc PRUDENTIUS EPISCOPUS TRICASSENSIS tam de veteri, quam de novo collegit testamentis, & ad sacros ordines properantes memorie commendare præcepit, quæ & præcepta vocantur.*

**I**N GENESI. (a) Dixit Dominus ad Noe. Carnem cum sanguine non comeditis &c.

IN EXODO. Dixit Dominus ad Moysen. (b) Lex Domini semper sit in ore tuo. (c) Effote parati in diem tertium, & ne appropinquetis uxoribus vestris. (d) Sacerdotes quoque, qui accedunt ad Dominum, sanctificentur, ne percutiam eos. (e) Ego sum Dominus Deus tuus, qui eduxi te de terra Egypti, de domo servitutis. Non habebis Deos alienos coram me. Non facies tibi sculptile, neque omnem similitudinem, quæ est in cælo desuper, & quæ in terra deorsum, nec eorum, quæ sunt in aquis, sub terra. Non adorabis ea, neque coles. (f) Non assumes nomen Domini Dei tui in vanum. (g) Honora Patrem tuum, & Matrem tuam, ut sis longævus super terram, quam Dominus Deus tuus dabit tibi. Non occides. Non mæhaberis. Non furtum facies. Non loqueris contra proximum tuum falsum testimonium. Non concupisces domum proximi tui, nec desiderabis uxorem ejus, non servum, non ancillam, non bovem, non aſinum, nec omnia, quæ illius sunt. (h) Non facietis Deos argenteos, nec Deos aureos. (i) Qui percussit hominem volens occidere, morte moriatur. (k) Si quis per industriam occiderit proximum

suum, & per insidias, ab Altari meo avelles eum, ut moriatur. Qui percussit Patrem suum, aut Matrem, morte moriatur. Qui furatus fuerit hominem, & vendiderit eum, convictus noxæ morte moriatur. Qui malecixerit Patri tuo aut Matri, morte moriatur. (l) Qui percussit, servum suum, vel ancillam, virga, & mortui fuerint in manibus ejus, criminis reus erit. (m) Si seduxerit quis virginem nec dum desponsatam, dormieritque eam, ea: dotabit eam, & habebit eam uxorem. Si Pater virginis dare noluerit, reddet pecuniam juxta modum dotis, quam virgines accipere consueverunt. Maleficos non patieris vivere. Qui coierit cum jumento, morte moriatur. Qui immolat dijs, occidetur, præterquam Domino soli. Advenam non contristabis, neque affliges eum. Viduæ & pupillo non nocebitis. Si læseritis eos, vociferabuntur ad me, & ego audiam clamorem eorum, & indignabitur furor meus, percutiamque vos gladio, & erunt uxores vestræ viduæ, & filij vestri pupilli. Si pecuniam mutuam dedecis populo meo pauperi, qui habitat tecum, non urgebis eum quasi exactor, nec uluris opprimes. Si pignus a proximo tuo acceperis, vestimentum ante solis occasum redde ei; ipsum enim est solum, quo operitur indumentum carnis ejus, nec habet aliud, in

(a) Gen. cap. 9. 3. 4. 5.

(b) cap. 13. 9.

(c) cap. 19. 15.

(d) cap. 19. 22.

(e) cap. 20. 2.

(f) cap. 20. 7.

(g) v. 12. & seq.

(h) cap. 20. 23.

(i) cap. 21. 12.

(k) Ibid. v. 14. & seq.

(l) Ibid. v. 20.

(m) Exo. 22. 16. & jubilei, etiam cap. 23.

in quo dormiat. Si clamaverit ad me exaudiam eum, quia misericors sum. Dijs non detrahes, & principi populi tui non maledices. Decimas tuas, & primitias tuas non tardabis offerre. Viri sancti eritis mihi. Carnem, quæ a bestijs fuerit prægustata, non comedetis, sed projicietis canibus. Non suscipies vocem mendacij: nec junges manum tuam, ut pro impio dicas falsum testimonium. Non sequeris turbam ad faciendum malum; nec in judicio plurimorum acquiesces sententiæ, ut a vero devies. Pauperis quoque non misereberis in judicio. Si occurreris bovi inimici tui, aut asino erranti, reduc ad eum. Si videris asinum odientis te jacere sub onere, non pertransibis, sed sublevabis eum eo. Non declinabis in judicium pauperis. Mendacium fugies. Infontem & justum non occides. Nec accipies munera, quæ exerceant etiam prudentes, & subvertunt verba justorum. Peregrino molestus non eris. (a) Sex diebus operaberis; septima die cessabis, ut requiescat bos, & asinus tuus; & refrigeretur filius ancillæ tuæ, & advena. Omnia, quæ dixi vobis, custodite; & per nomen externorum deorum non jurabitis, neque audietur ex ore vestro. (b) Non apparebis in conspectu meo vacuus. (c) Primitias frugum terræ tuæ deferēs in domum Domini Dei tui. (d) Servietisque Domino Deo vestro, ut benedicam panibus tuis, & aquis, & auferam infirmitatem de medio tui; (e) cunctarumque inimicorum tuorum coram te terga vertam.

IN LEVITICO. Dixit Dominus ad Moysen. (f) Si peccaverit anima, & audierit vocem jurantis, testisque fuerit quod aut ipse vidit, aut conscius est; nisi indicaverit, portabit iniquitatem suam. (g) Anima, quæ juraverit, & protulerit labijs suis ut vel male quid

faceret, vel bene, & idipsum juramento, & sermone firmaverit, oblique postea intellexerit delictum suum, agat penitentiam pro peccato. (h) Anima, quæ peccaverit, & contempto Domino negaverit depositum proximi sui, quod fidei ejus creditum fuerat, vel vi aliquid extorserit, aut calumniam fecerit, five rem perditam invenerit, & inficians insuper pejeraverit, & quodlibet aliud ex pluribus fecerit, in quibus peccare solent homines, convicta delicti reddet omnia, quæ per fraudem voluit obtinere, integra. (i) Sanguinem quoque omnis animalis non sumetis in cibo, tam de avibus, quam de pecoribus. Omnis anima, quæ ederit sanguinem, peribit de populo suis.

(k) Dixit Dominus ad Aaron. Vinum, & omne quod inebriare potest, non bibetis tu & filij tui, quando intratis in tabernaculum testimonij, ne moriamini: quia præceptum est sempiternum in generationes vestras, & ut habeatis scientiam discernendi inter sanctum, & profanum, inter pollutum, & mundum. (l) Filij Israel; Sancti estote, quoniam ego sanctus sum. Ne polluat animas vestras in omni reptili, quod movetur in terra.

(m) Dixit Dominus ad Moysen, & Aaron. Vir de quo egreditur semen coitus, lavabit aqua omne corpus suum: & immundus erit usque ad vespertum. (n) Mulier, cum qua coeperit, lavabitur aqua, & immunda erit usque ad vespertum. (o) Si cojerit vir cum muliere tempore sanguinis menstrualis, immundus erit. (p) Homo quilibet de domo Israel, & de advenis, qui peregrinantur inter eos, si comederit sanguinem, obfirmabo faciem meam contra animam illius, & disperdam eam de populo suo. (q) Custodite leges meas, atque judicia, quæ faciunt

A a 2

tients

(a) Cap. 23. v. 12. & subseq.

(b) Ibid. vers. 15.

(c) Ibid. vers. 19.

(d) Ibid.

vers. 25.

(e) vers. 27.

(f) Cap. 5. 1. & subseq.

(g) vers. 4.

(h) Cap.

6. vers. 2.

(i) Cap. 7. 26.

(k) Cap. 10. 8. & subseq.

(l) 11. 41.

(m) 15. 16.

(n) Ibid. vers. 18.

(o) Ibid. vers. 24.

(p) Cap. 17. 10.

(q) Cap. 20. 22.

ciens homo vivet in eis. Ego Dominus. (a) Omnis homo ad proximam sanguinis sui non accedat, ut revelet turpitudinem ejus. Ego Dominus. Turpitudinem matris tuæ non discooperies: mater tua est. Non revelabis turpitudinem ejus. Turpitudinem uxoris patris tui non discooperies, turpitudinem enim patris tui est. Turpitudinem sororis tuæ ex patre, five ex matre non revelabis. Turpitudinem filii filii tui, vel nepis ex filia non revelabis: quia turpitudinem tua est. Turpitudinem filiae uxoris patris tui, quam peperit patri tuo, & est soror tua, non revelabis. Turpitudinem sororis patris tui non discooperies, quia caro est patris tui. Turpitudinem sororis matris tuæ non revelabis, eo quod caro sit matris tuæ. Turpitudinem patris tui non revelabis, nec accedes ad uxorem ejus, quæ tibi affinitate conjungitur. Turpitudinem auris tuæ non revelabis: quia uxor filii tui est; (b) & uxorem fratris sui nullus accipiat. Turpitudinem (c) filiae uxoris tuæ, & filiae ejus non revelabis. Filium filii illius (d) non sumes, ut reveles ignominiam ejus: quia caro illius est, & talis coitus incestus est. Sororem uxoris tuæ non accipies, nec revelabis turpitudinem ejus (e). Ad mulierem, quæ patitur menstrua, non accedas, nec revelabis foeditatem ejus. Cum uxore proximi tui non coibis, nec seminis commixtionem maculaberis. Cum masculo non commisceberis coitu seminario, quia abominatio est. Cum omni peccare non coibis, nec maculaberis cum eo. Mulier non subcumbet jumento, nec miscbitur ei, quia scelus est. Nec polluamini in omnibus his, quibus contaminatæ sunt universæ gentes. Custodite legitima mea, & judicia & non-

faciatis ex omnibus abominationibus filis. (f) Omnis anima, quæ fecerit de abominationibus his quidpiam, peribit de medio populi sui. (g) Unusquisque patrem suum, & matrem suam timeat. (h) Cum messueris segetes terræ tuæ, non tondebis usque ad solum, nec remanentes spicas colliges: neque in vinea tua racemos, & grana decidentia congregabis, sed pauperibus, & peregrinis carpenda dimittes. Non facietis furtum. Non mentiemini, nec decipiat unusquisque proximum suum. Non perjurabis in nomine meo, nec pollues nomen Dei tui. Ego Dominus. Non facies calumniam proximo tuo, nec vi opprimes eum. Non morabitur opus mercenarii tui apud te usque mane. Non maledices surdo: nec coram cæco pones offendiculum: sed timebis Dominum Deum tuum, quia ego sum Dominus. Non facies quod iniquum est: nec injuste iudicabis. Non consideres personam pauperis: nec honores vultu potentis. Juste iudica proximo tuo. Non eris criminator, nec furro in populis. Non stabis contra sanguinem proximi tui. Ego Dominus. Nec oderis fratrem tuum in corde tuo, sed publice argue eum, ne habeas super illo peccatum. Non quaras ultionem: nec memoreris injuriæ civium tuorum. Diliges amicum tuum sicut teipsum. Ego Dominus. Leges meas custodite. Ego Dominus Deus vestester. (i) Non comedetis cum sanguine. Non augurabimini, nec observabitis somnia. (k) Non prostituas filiam tuam, ne contaminetur terra, & impleatur piaculo. Sabbata mea custodite, & sanctuarium meum metuite. Ego Dominus. Non declinetis ad magos, nec ab ariolis aliquid sciscitemini, ut polluamini per eos. Ego Dominus Deus

(a) Cap. 18. 6., & subseq. cum aliqua tamen varietate; (b) Vulgata vers. 16. Turpitudinem uxoris fratris tui non revelabis, quia turpitudinem fratris tui est.  
(c) Vulgata Turpitudinem uxoris tuæ [desert filia.] (d) Desert inique & filiam: filia illius per amantissimum errorem utique.  
(e) Desert; adhuc illa vivente, quia scilicet in lege veteri, si ex priori marito non habuerat heredem, frater maritum compellitur eam accipere, ut suscitaret semen fratris sui.  
(f) vers. 29.  
(g) Cap. 19. vers. 3. (h) vers. 9. (i) Ibid. vers. 26. (k) vers. 29.



us vester. Coram cano capite confurge, honora personam lenis, & time Dominum Deum tuum. Ego Dominus. Si habitaverit advena in terra vestra, & moratus fuerit inter vos, ne exprobreis ei, sed sit inter vos quasi indigena, & diligetis eum quasi vos metipsos. Nolite facere iniquum aliquid in iudicio, in regula, in pondere, in mensura. Statera iusta, & æqua sint pondera, iustus modius, æqualque sextarius. Ego Dominus Deus vestes. Custodite omnia precepta mea, & universa iudicia mea, & facite ea. Ego Dominus. (a) Sanctificamini, & estote sancti, quia ego Dominus Deus vester. Custodite precepta mea, & facite ea. Ego Dominus qui sanctifico vos. Qui maledixerit patri suo, aut matri, morte moriatur. Qui patri, matrique maledixerit, sanguis ejus sit super eum. Si mechatus quis fuerit cum uxore alterius, & adulterium perpetraverit cum conjuge proximi sui, morte moriatur & morus, & adultera. (b) Qui dormierit cum masculo coitu foemineo, uterque operatus est nefas, morte moriantur: sit sanguis eorum super eos. Qui cum jumento, & pecore coierit morte moriatur, pecus quoque occidite; mulier, quæ subcubuerit cuilibet jumento, simul interficietur cum eo: sanguis eorum sit super eos. (c) Vir, sive mulier, in quibus phytonicis, vel divinationis fuerit spiritus, morte moriantur: lapidibus obruant eos: sanguis eorum sit super illos. (d) Homo, qui maledixerit Deo suo, portabit peccatum suum, & qui blasphemaverit nomen Domini, morte moriatur. Qui percusserit, & occiderit hominem, morte moriatur. (e) Equum iudicium sit inter vos, sive peregrinus,

sive civis peccaverit, quia ego sum Dominus Deus vester. (f) Si adtenuatus fuerit frater tuus, & infirmus manu, & susceperis eum quasi advenam, & peregrinum, & vixerit tecum, ne accipias usuras ab eo, nec amplius quam dedisti. Time Deum tuum, ut vivere possit frater tuus apud te. Pecuniam tuam non dabis ei ad usuram, & frugum superabundantiam non exiges. (g) Animal autem, quod immolari potest Domino, si quis voverit, sanctum erit, & mutari non poterit, idest, nec melius malo, nec pejus bono. Quod si mutaverit, & ipsum quod mutatum est, & illud pro quo mutatum est, consecratum erit Domino. (h) Omne, quod Domino consecratur, non vendetur, nec redimi poterit. Quicquid semel fuerit consecratum, Sanctum sanctorum erit Domino. Omnes decimæ terræ, sive de frugibus, sive de pomis arborum, Domini sunt, & illi sanctificantur. Omnium decimarum bovis, & ovis, & capræ, quæ sub pastoris iuga (i) transeunt, quicquid decimum venerit, sanctificabitur Domino. Non (k) legetur nec bonum nec malum, nec altero commutabitur. Si quis mutaverit: & quod mutatum est, & pro quo mutatum est, sanctificatur.

In libro NUMERI. (l) Dixit Dominus ad Moysen. Aaron autem & filios ejus constitues super cultum Sacerdotii. Exterius, qui ad ministrandum accesserit, morietur. (m) Alij nulla curiositate videant quæ sunt in Sanctuario priusquam involvantur, alioquin morientur. (n) Anima, quæ per superbiam aliquid commiserit, quoniam adversus Dominum rebellis fuit, peribit de populo suo: verbum enim Domini constitum.

(a) Cap. 20. vers. 7.

(b) vers. 13.

(c) vers. 27.

(d) Cap. 24. 19.

(e) vers. 22.

(f) Cap. 25. vers. 35.

(g) Cap. 27. 9.

An ad pecora respicit ob-

lata Ecclesia? an potius ad filios, qui morte eorum temporum ad hoc parvuli, Domino offerre-

(h) vers. 28.

(i) virga.

(k) eligetur.

(l) Cap. 3. vers. 10. &amp;c.

(m) Cap. 4. vers. 20.

Indicare videtur mortem multa-

rum Ecclesiarum per ea præstita tempora, quæ laici ab altari nonnihil remoti esse jubentur, dum sacrificium peragebatur.

(n) Cap. 15. vers. 30.

tempfit, & præceptum illius fecit irritum: idcirco delebitur, & portabit iniquitatem suam. (a) Oblationem meam, & panes, & incensum odoris suavissimi offerre per tempora sua. (b) Si quis virorum votum Domino voverit, aut se constrinxerit juramento, non faciet irritum verbum suum, sed omne quod promissit implebit. (c) Vidua & repudiata quicquid voverint, reddent. (d) Homocida sub testibus punietur: ad unius testimonium nullus condemnabitur. Non accipietis pretium ab eo, qui reus est sanguinis.

(e) IN DEUTERONOMIO. Custodi igitur te ipsum, & animam tuam sollicite: ne obliviscaris verborum, quæ viderunt oculi tui, & ne excidant de corde tuo cunctis diebus vitæ tuæ. Doccebis ea filios, ac nepotes tuos. (f) Audi Israel, Dominus Deus noster Deus unus est. Diliges Dominum Deum tuum ex toto corde tuo, & ex tota anima tua, & ex tota fortitudine tua: eruntque verba hæc, quæ ego præcipio tibi hodie, in corde tuo, & narrabis ea filiis tuis, & meditaberis eis sedens in domo tua, & ambulans in itinere dormiens, atque confurgens: & ligabis ea quasi signum in manu tua, eruntque, & movebuntur inter oculos tuos, scribensque ea in limine, & osiis domus tuæ. (g) Non tentabis Dominum Deum tuum, sicut tentasti in loco tentationis. Fac quod placitum est, & bonum in conspectu Domini, ut bene sit tibi. (h) Si postquam audieris hæc judicia, custodieris ea, & feceris, custodiet Dominus Deus tuus tibi pactum, & misericordiam, quam juravit patribus tuis, & diliget te, ac multiplicabit, benedicetque fructui ventris tui, & fructui terræ tuæ, frumento tuo, atque vindemiz, oleo, & armentis, gregibus ovium tuarum super terram: benedictus eris inter omnes

populos: non erit apud te sterilis utriusque sexus, tam in hominibus, quam (i) in jumentis. Auferet Dominus a te omnem languorem, & infirmitates. (k) Omnem mandatum, quod ego præcipio tibi hodie, cave diligenter ut facias, ut possitis vivere, & multiplicemini. (l) Observa, & cave ne quando obliviscaris Domini Dei tui, & negligas mandata ejus, atque judicia: ne postquam comederis, & satiatus fueris, domos pulchras edificaveris, & habitaberis in eis, habuerisque armenta, & ovium greges, argenti, & auri, cunctarumque rerum copiam; eleveetur cor tuum, & non reminiscaris Domini Dei tui. (m) Nec dices in corde tuo: fortitudo mea, & robor manus meæ, hæc mihi omnia præstiterunt, sed recorderis Domini Dei tui, quod ipse tibi vires præbuerit.

MOYSES dixit ad Filios Israel: (n) Deus magnus, & potens, & terribilis, qui personam non accipit, nec munera, & facit judicium pupillo & viduæ: amat peregrinum, & dat ei victum, atque vestitum. Ex vos ergo amate peregrinos. (o) Ama Dominum Deum tuum, & observa præcepta ejus, & ceremonias, judicia, atque mandata omni tempore. (p) Ponite hæc verba mea in cordibus, & in animis vestris, & suspendite ea pro signo in manibus, & inter vestros oculos collocare. Docete filios vestros, ut illa meditentur. Quando sederis in domo tua, & ambulaveris, atque surrexeris, scribes ea super postes, & januas domus tuæ, ut multiplicentur dies tui, & filiorum tuorum. (q) Ad locum, quem elegerit Dominus Deus vester, venietis, & offeretis in illo loco holocausta, & victimas vestras, decimas, & primitias manuum vestrarum, & vota, atque donaria. (r) Illuc omnia, quæ præcipio, con-

(a) Cap. 28. 2.

(e) Cap. 4. 9.

(f) Gregibus tuis.

(g) 10. vers. 17.

(h) 11. vers. 11.

(b) Cap. 30. 3.

(c) Cap. 6. 4.

(d) Cap. 8. 1.

(e) Cap. 11. 1.

(i) Ibi vers. 10.

(k) vers. 16.

(l) vers. 11.

(m) Ibi vers. 17.

(n) Ibid. vers. 18.

(o) Cap. 35. 30.

(p) Cap. 7. 11.

(q) Ibi vers. 17.

(r) Cap. 12. 5.

conferetis, holocausta, & hostias, ac decimas, & primitias manuum vestrarum, & quicquid præcipuum est in muneribus, quæ (a) vovistis Domino. (b) Cave ne offeras holocausta tua in omni loco, quem videris, sed in eo, quem elegerit Dominus. (c) Cave ne derelinquas Levitem in omni tempore, quo versaris in terra. (d) Cave ne sanguinem comedas, sed super terram funde, quasi aquam, ut sit tibi bene, & filiis tuis post te, cum feceris quod placet in conspectu Domini. (e) Dominum Deum vestrum sequimini, & ipsum time, mandata illius custodite, & audite vocem ejus, ipsi servietis, & ipsi adhærebitis. (f) Filii estote Domini Dei vestri. Non vos incidetis, non facietis calvitium super mortuo, quoniam populus sanctus es. Domino Deo tuo. (g) Quicquid morticinum est non velcemini ex eo. (h) Omnino indigens, & mendicus non erit inter vos, ut benedicat tibi Dominus. Si tamen audieris vocem Domini, & custodieris universa, quæ jussit, & quæ ego præcipio tibi, benedicet tibi, ut pollicitus est. (i) Dominaberis nationes plurimas, & tui nemo dominabitur. Si unus de fratribus tuis ad paupertatem venerit, non obdurabis cor tuum, nec contrahas manum, sed aperies eam pauperi, & dabis mutuum, quoniam indigere perpexeris. Ne avertas oculos a paupere fratre tuo, nolens ei quod postulat mutuum commodare, ne clâmet contra te ad Dominum, & fiat tibi in peccatum, sed dabis ei: (k) non neges quippiam callide in ejus necessitatibus sublevandis. Non deerunt pauperes in terra habitationis tuæ, idcirco ego præcipio tibi, ut aperias manum fratri tuo egeno, & pauperi,

qui eccem versatur in terra. (l) Non apparebis ante Dominum vacuus, sed offeret unusquisque secundum quod habuerit, juxta benedictionem Domini Dei sui, quam dedit ei. (m) Non accipies perlonam, nec munera: quia munera excæcant oculos sapientium, & mutant verba iustorum. Jussit quod justum est persequeris, ut vivas, & possideas terram, quam Dominus Deus tuus dedit tibi. (n) Si judicum videris verba variari, surge & ascende ad locum, quem elegerit Dominus Deus tuus, veniesque ad Sacerdotes, & ad judicem, qui fuerit in illo tempore, quæresque ab eis, qui indicabunt tibi judicii veritatem, & facies quodcumque dixerint qui præsent loco, quem elegerit Dominus, & docuerint te juxta legem ejus: sequerisque sententiam eorum, nec declinabis ad dexteram, vel ad sinistram; qui autem superbierit, nolens obedire sacerdotis imperio, qui eo tempore ministrat Domino Deo tuo, & decreto judicis, morietur homo ille, & auferes malum de Israel, cunctusque populus audiens timebit, ut nullus deinceps intumescat superbia. (o) Nec invenietur in te qui lustrat filium suum, aut filiam, aut qui ariolos, sciscitetur, & observet somnia, atque auguria, nec sit maleficus, nec incantator, nec phytones, consultar, nec divinos, (p) nec quærat a mortuis veritatem. (q) Non assumes, & transferes terminos proximi tui, quos fixerunt priores in possessione tua, quam Dominus Deus tuus dabit tibi in terra, quam acceperis possidendam. Non stabit testis unus contra aliqueum: quicquid illud peccati, & facinoris fuerit, sed in ore duorum, aut trium testium stabit omne verbum; si fuerit testis, mendax contra aliqueum, accusans eum (r). Cumque invenerint fal-

(a) *Vulgata* vovebitis. (b) *vers. 32.* Conventicula in domibus, quæ schismatici, & heretici ad evitandas Ecclesiæ reprehensiones, non raro faciunt, his verbis damnata, putat [nisi plane fallor] *noſter ſcriptor.* (c) *vers. 19.* (d) *vers. 23, 24.* (e) *cap. 13. 4.* (f) *cap. 14. 1.* (g) *cap. 11.* (h) *cap. 15. 4.* (i) *cap. 6.* (k) in *vulgata*: *nec ages.* (l) *cap. 16. 16.* (m) *vers. 19.* (n) *cap. 17. 8.* (o) *cap. 18. vers. 10.* (p) *C. d. Act quærat [per errorem utriusque.]* (q) *cap. 19. vers. 14.* (r) *Hic per Ammonitiis impud. itam deſunt nonnulla, quæ ex Scriptura ipſa, Leſtor ſuppleat, neceſſe eſt. Sunt parvo iſta: Stabant ambo, quorum cauſa eſt, ante Dominum in conſpectu Sacerdotum, & judicum, qui fuerint in diebus illis.*

falsum testem dixisse contra fratrem suum mendacium, reddent ei sicut fratri suo facere cogitavit. (a) Non induetur mulier veste virili, nec vir utetur veste feminea: abominabilis enim apud Deum est qui facit hæc. (b) Si dormierit vir cum uxore alterius, atque morietur, idest adulter, & adultera. Si puellam virginem desponderit vir, & invenerit eam aliquis in civitate, & concubuerit cum illa, educes utrumque ad portam civitatis illius, & lapidibus obruentur; puella, quia non clamavit, cum esset in civitate; vir, quia humiliavit uxorem proximi sui. (c) Quando egressus fueris adversus hostes tuos in pugnam custodies te ab omni re mala. Si fuerit inter vos homo, qui nocturno pollutus sit somnio, egredietur extra castra, & non revertetur, priusquam ad vesperam lavetur aqua. (d) Non trades servum Domino tuo, qui ad te confugerit, sed habitabit tecum in loco, qui ei placuerit, nec contristes eum. Non erit meretrix de filiabus Israel, neque scortator. Non fenebris fratri tuo ad usuram pecuniam, nec fruges, nec quamlibet aliam rem. Fratri tuo absque usura, id quod indiget, commodabis, ut benedicat tibi Dominus Deus tuus in omni opere tuo. Cum votum voveris Domino Deo tuo, non tardabis reddere, quia requirit illud Dominus Deus tuus: & si moratus fueris reputabitur tibi in peccatum. Quod autem semel egressus est de labijs tuis, observabis, & facies sicut promissisti Domino Deo tuo, & propria voluntate, & ore tuo locutus es. (e) Cum repes a proximo tuo rem aliquam, quam debet tibi, non ingredieris domum ejus, ut pignus auferas, sed stabis foris, & ille tibi proferet quod habuerit. Sin autem pauper est, non pernoctabis apud te pignus, sed statim reddes ei ante solis occasum, ut dormiens in vestimen-

to suo benedicat tibi, & habeas justitiam coram Domino Deo tuo. Non negabis mercedem indigentis, & pauperis fratris tui, siue advenæ, qui tecum moratur in terra, sed eadem die reddes ei pretium laboris sui ante solis occasum. (f) Non occiduntur patres pro filiis, nec filii pro patribus, sed unusquisque pro suo peccato morietur. Non pervertes iudicium advenæ, & pupilli; nec auferes pignoris loco viduæ vestimentum. Quando messueris segetem in agro tuo, & oblitus manipulum reliqueris, non reverteris ut tollas eum, sed advenam, & pupillum, & viduam patris auferre. Si vendemaveris vineam tuam, non colliges remanentes racemos, sed cedent in usum advenæ, pupilli, ac viduæ. (g) Si fuerit causa inter aliquos, & interpellaverint iudices, quem justum esse perspexerint, illi iustitiam palmam dabunt; quem impium, condemnabunt impietatis; sin autem eum qui peccavit, dignum viderint plagis proferent, & coram se facient verberari: pro mensura peccati erit, & plagarum modus, ita dumtaxat, ut quadragenarium numerum non excedant. (h) Non habebis in sacculo diversa pondera, majus & minus, nec erit in domo tua modius major, & minor: pondus habebis justum, & verum. Abominatur enim Dominus eum, qui facit hæc, & averfatur omnem injustitiam.

De Libro JOSUE. (i) Bennun. (k) Dixit Josue filiis Israel: timete Dominum, & servite ei perfecto corde, atque verissimo, & auferite Deos, quibus servierunt patres vestri. (l) Auferite Deos alienos de medio vestri, & inclinate corda vestra ad Dominum Deum Israel.

De Libro REGUM. Dixit Samuel Propheta. (m) Melior est enim obedientia, quam victimæ, & auscultare magis quam offerre adipem arietum; quo-

(a) cap. 22. vers. 5.

(b) Ibid. vers. 22.

(c) cap. 23. vers. 9.

(d) vers. 15.

(e) cap. 24. vers. 10.

(f) vers. 16.

(g) cap. 25. vers. 1.

(h) Ibid. vers. 13.

(i) Quo spectet vox bet Bennun, ignorare me fateor.

(k) cap. 24. vers. 1. 14. &amp;c.

(l) Ibid. vers. 23.

(m) I. Reg. 15. 22.

nam quasi peccatum ariolandi est, repugnare, & quasi scelus idolatriæ, nolle adquirecere.

DE PROPHETIS. (a) Vz qui potentes estis ad bibendum vinum, & viri fortes ad miscendam ebrietatem.

Secundum MATTHEUM. (b) Penitentiam agite: adpropinquabit enim regnum celorum. (c) Facite ergo fructum dignum penitentiae. (d) Vos estis sal terræ. Quod si sal evanuerit in quo salietur? (e) Sis luceat lux vestra coram hominibus, ut videant vestra bona opera, & glorificent Patrem vestrum. (f) Qui enim solverit unum de mandatis istis minimis, & docuerit sic homines, minimus vocabitur in regno celorum; qui autem fecerit, & docuerit, hic magnus vocabitur in regno celorum. Nisi abundaverit iustitia vestra, plusquam Scribarum, & Phariseorum, non intrabitis in regnum celorum. Dictum est antiquis: non occides; qui autem occiderit, reus erit iudicio. (g) Si ergo (b) offeres munus tuum ad altare, & ibi recordatus fueris quod frater tuus habet aliquid adversum te, relinque ibi manus tuam ante altare, & vade prius reconciliari fratri tuo, & tunc veniens offeres munus tuum. Esto consentiens adversario tuo cito dum es in via cum eo. (i) Omnis, qui viderit mulierem ad concupiscendum eam, jam mechatus est eam in corde suo.

(k) Qui dimiserit uxorem suam, excepta fornicationis causa, facit eam mechari, & qui dimissam duxerit adulterat. Dictum est antiquis. Non perjurabis: reddes autem Domino iuramentum tuum. Non jurare omnino, neque per

terram, quia scabellum pedum ejus est; neque per caput tuum iurabis; sit autem sermo vester, est, est: non, non: quod autem his abundantius est, a malo est. (l) Non resistere malo: si quis te percusserit in dexteram maxillam, præbe illi & alteram. Et ei, qui vult tecum iudicio contendere, & tunicam tuam, tollere, dimitte ei & pallium; & qui te angariaverit mille passus, vade cum illo & alia duo. Qui petit a te, da ei, & volenti mutuari a te, ne avertaris. (m) Diligite inimicos vestros, benefacite his qui oderunt vos: & orate pro persequentibus, & calumniantibus vos. (n) Estote ergo vos perfecti, sicut & pater vester celestis perfectus est. (o) Attendite ne iustitiam vestram faciatis coram hominibus, ut videamini ab eis: alioquin mercedem non habebitis apud patrem vestrum. Cum ergo facis elemosynam, noli tuba canere ante te, sicut hypocritæ faciunt. Te autem faciente elemosynam, nesciat sinistra tua, quod faciat dextera tua. Et cum oratis, non eritis sicut hypocritæ; orantes autem nolite multum loqui. Sic ergo orabit: Pater noster, qui es in celis &c. (p) Si enim dimiseritis hominibus peccata eorum: & pater vester celestis dimittet vobis peccata vestra. (q) Nolite thesaurizare vobis thesauros in terra. (r) Nolite ergo esse solliciti in crastinum. (s) Nolite iudicare, ut non iudicemini: in quo enim iudicio iudicaveritis, iudicabimini, & in qua mensura mensi fueritis, remetietur vobis. (t) Nolite dare sanctum canibus: neque mittatis margaritas vestras ante porcos. Petite & dabitur vobis: querite, & invenietis: pulsate, & aperietur vobis. (u) Omnia ergo quæcumque vultis ut faciant vobis homines, & vos facite illis.

B b

(a) Isa. cap. 5. vers. 22.

(b) Matth. 3. 2.

(c) Ibid. vers. 8.

(d) cap. 5. vers. 13.

(e) Ibid. vers. 16.

(f) vers. 19.

(g) Videtur nonnulla deesse, quæ ex Matthæo ipsa supplenda sint. Hac porro habet Matthæus: Ego autem dico vobis, quia omnis, qui irascitur fratri suo, reus erit iudicio: qui autem dixerit fratri suo, raca, reus erit concilio. Qui autem dixerit, fatue, reus erit gehennæ ignis.

(i) Ibid. vers. 28.

(k) Ibid. 32.

(l) vers. 39.

(m) vers. 44.

(n) vers. 48.

(o) cap. 6. vers. 1, & seq.

(p) vers. 14.

(q) vers. 19.

(r) vers. 24.

(s) cap. 7. 1, & subseq.

(t) Ibid. vers. 6.

(u) vers. 12.

lis. Intrate per angustam portam, quæ ducit ad vitam. (a) Nolite possidere aurum, neque argentum, neque pecuniam in zonis vestris: non peram in via, neque duas tunicas, neque calceamenta, neque virgam: dignus est enim operarius cibo suo. (b) Nolite timere eos, qui occidunt corpus, animam autem non possunt occidere: sed potius eum timete, qui potest animam & corpus perdere in gehennam. (c) Qui amat Patrem, aut Matrem plusquam me, non est me dignus, & qui amat filium, aut filiam super me, non est me dignus. (d) Qui recipit vos, me recipit. Quicumque potum dederit uni ex minimis istis calicem aque frigide, amen dico vobis non perdet mercedem suam. (e) Tollite jugum meum super vos, & discite a me, quia mitis sum, & humilis corde, & invenietis requiem animabus vestris. (f) Misericordiam volo, & non sacrificium. (g) Omne verbum otiosum, quod locuti fuerint homines, reddent rationem de eo in die iudicii. Ex verbis enim tuis justificaberis, & ex verbis tuis condemnaberis. (h) Honora patrem, & matrem, & qui male dixerit patri, vel matri, morte moriatur. Quicumque dixerit patri, vel matri: munus quodcumque est ex me, tibi proderit, & non honorificabit patrem suum, aut matrem suam: & irritum fecisti mandatum Dei propter traditionem vestram. (i) Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam: qui autem perdiderit animam suam propter me, inveniet eam. Quid enim prodest homini, si mundum universum lucretur, animæ vero sue detrimentum patiatur? (k) Amen dico vobis, nisi conversi fueritis, & efficiamini sicut parvuli, non intrabitis in re-

gnum celorum. (l) Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris. Væ mundo a scandalis. Necessè est enim, ut veniant scandala: veruntamen vix homini illi, per quem scandalum venit. Si autem manus tua, vel pes tuus scandalizat te, erue eum, & projice abs te. Videte ne contemnatis unum ex pusillis istis, qui in me credunt. (m) Si autem peccaverit in te frater tuus, vade, & corripe eum inter te, & ipsum totum: si te audierit increatus eris fratrem tuum. Si autem te non audierit, adhibe tecum unum, vel duos, ut in ore duorum, vel trium testimonium stet omne verbum: quod si non audierit eos, dic Ecclesie. (n) Petrus dixit: Domine quoties peccabit in me frater meus, & dimittam ei? usque septies? Dixit ei Jesus: non dico tibi usque septies, sed usque septuagies septies. (o) Accesserunt Pharisei dicentes: si licet homini dimittere uxorem suam quacumque ex causa? Propter hoc reliquit homo patrem, & matrem, & adhe- rebat uxori suæ, & erunt duo in carne una. (p) Qui respondens ait. Quia quicumque dimiserit uxorem suam, nisi ob fornicationem, & aliam duxerit, me- catur, & qui dimissam duxerit, mecha- tur. (q) Si autem vis ad vitam ingredi, serva mandata. Non homicidium, facies, non adulterabis, non facies sur- tum, non falsum testimonium dices. Honora patrem, & matrem, & diliges proximum tuum sicut te ipsum. Omnia hæc custodivi: quid adhuc mihi de- est? Ait illi Jesus: si vis perfectus esse, vade, vende omnia, quæ habes, & da pauperibus, & veni, sequere me, & habebis thesaurum in celo. Amen dico vobis, quia dives difficile intrabit in regnum celorum. Et iterum: facilius est

came-

(a) cap. 10. vers. 9. (b) vers. 18. (c) vers. 37. (d) vers. 40. (e) cap. 11. vers. 29. (f) cap. 9. vers. 13. (g) cap. 12. 36. (h) cap. 15. 1. (i) cap. 16. 24. (k) cap. 18. 3. (l) Ibid. vers. 6, & seq. (m) Ibid. vers. 15, & seq. (n) Ibid. vers. 21. (o) cap. 19. 3. (p) Ibid. vers. 9. (q) Ibid. vers. 17, & seq.

camelum per foramen acus transire, quam divitem intrare in regnum Dei. Apud homines hoc impossibile est: apud Deum autem omnia possibilia sunt. Petrus dixit: ecce nos reliquimus omnia, & secuti sumus te, quid ergo erit nobis? Dixit ei Jesus. Amen dico vobis cum sederit filius hominis in sede maiestatis sue, sedebitis & vos super sedes duodecim, iudicantes duodecim tribus Israel, & omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit. (a) Qui autem se exaltaverit humiliabitur. (b) Qui jurat in templo, jurat in illo, qui habitat in ipso: & qui jurat in cælo, jurat in throno Dei, & in eo qui sedet super eum. (c) Vigilate, quia nescitis qua hora Dominus vester venturus est. (d) Dicit Rex his, qui a dextris ejus erunt: venite benedicti Patris mei, percipite regnum. Esurivi enim, & dedistis mihi manducare.

EX EPISTOLA AD ROMANOS. (e) Qui non probaverunt Deum habere in notitia: tradidit illos Deus in reprobum sensum, ut faciant ea, quæ non conveniunt, repletos omni iniquitate, malitia, fornicatione, avaritia, nequitia, plenos invidia, homicidio, contentione, dolo, malignitate, fures, detractores, Deo odibiles, contumeliosos, superbos, elatos, inventores malorum, parentibus non obediens, insipientes, incompósitos, sine affectione, absque federe, sine misericordia; quoniam qui talia agunt, digni sunt morte: & non solum qui faciunt ea, sed etiam qui consentiunt facientibus. (f) Non est enim personarum acceptio apud Deum. Non enim auditores legis iusti sunt apud Deum, sed factores legis iustificabuntur. (g) Non ergo regnet

peccatum in vestro mortali corpore, ut obediat concupiscentiis ejus; peccatum enim vobis non dominabitur: non enim sub lege estis, sed sub gratia. Cui exhibebitis vos servos ad obediendum, servi estis ejus, cui obeditis, sive peccati ad mortem, sive obeditionis ad justitiam. (h) Quæ sub viro est mulier, vivente viro, alligata est legi: si autem mortuus fuerit vir ejus, liberata est a lege viri: igitur, vivente viro, vocabitur adultera si fuerit cum alio viro. (i) Obsecro itaque vos fratres per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum. (k) Omnis anima potestatibus sublimioribus subdita sit; non est enim potestas nisi a Deo: quæ autem sunt à Deo ordinata sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem adquirunt. (l) Reddite omnibus debita: cui tributum, tributum: cui vectigal, vectigal: cui honorem, honorem: cui timorem, timorem. Nemihi quicquam debeatis, nisi ut invicem diligatis. (m) Non in commensationibus, & ebrietatibus, non in cubilibus, & impudicijs, non in contentione, & æmulatione: sed induimini Dominum Jesum Christum, & carnis curam ne feceritis in desiderijs. (n) Is qui manducat, non manducantem non spernat, & qui non manducat, manducantem non judicat: Deus enim illum adsumpsit. Tu quis es, qui iudices alienum servum? suo Domino stat, aut cadit. (o) Rogo vos fratres, ut observetis eos, qui dissensiones, & offensicula propter doctrinam, quam vos didicistis, faciunt, & declinate ab illis. (p) Volo vos sapientes esse in bono, & simplices in malo.

EX EPISTOLA I. AD CORINTHIOS.  
(q) Obsecro autem vos per nomen

(a) cap. 23. vers. 12.

(b) *Ibid.* vers. 21.

(c) cap. 24. vers. 43.

(d) cap. 25. vers. 34.

(e) cap. 1. vers. 28.

(f) cap. 2. vers.

(g) cap. 6. vers. 12, &amp; seq.

(h) cap. 7. 2.

(i) cap. 12. 1.

(k) cap. 13. 1.

(l) *Ibid.* vers. 7.(m) *Ibid.* vers. 13.

(n) cap. 14. 3.

(o) cap. 16. vers. 17.

(p) vers. 19.

(q) cap. 1. vers. 10.

men Domini nostri Jesu Christi, ut id ipsum dicatis omnes, & non sint in vobis schismata: sitis autem perfecti in eodem sensu, & in eadem (a) scientia. (b) Qui gloriatur, in Domino gloriatur. (c) Nolite ante tempus judicare, quoadusque veniat Dominus, qui & illuminabit abscondita tenebrarum, & manifestabit consilia cordium, & tunc laus erit unicuique a Deo. (d) Non commisceamini fornicariis hujus mundi, aut avaris, aut rapacibus, aut idolis servientibus. Si is, qui frater nominatur, est fornicator, aut avarus, aut idolis serviens, aut maledicus, aut ebrius, aut rapax: cum ejusmodi nec cibum sumere. Auferte malum ex vobis ipsis. (e) Nolite errare, neque fornicarij, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt. Et hæc quidam iustis, sed abluti estis, sed sanctificati estis in nomine Domini Jesu Christi. (f) Bonum est homini mulierem non tangere: propter fornicationem autem unusquisque suam uxorem habeat, & unaquæque suum virum habeat. (g) Dico autem non nuptis, & viduis: bonum est illis, si sic maneant, sicut & ego. Quod si non se continent, nubant: melius est enim nubere, quam uri. Iis autem, qui matrimonio juncti sunt, præcipio non ego, sed Dominus, uxorem a viro non discedere. Quod si discesserit, manere in nuptam, aut viro suo reconciliari; & vir uxorem non dimittat. (h) Alligatus es uxori? noli querere solutionem; solutus es ab uxore? noli querere uxorem. (i) Qui habent uxores, tamquam non habentes sint: & qui flent, tamquam non flentes: & qui gaudent, tamquam non gaudentes sint. (k) Qui matrimonio jungit vir-

ginem suam, bene facit: & qui non jungit melius facit. Mulier alligata est legi, quanto tempore vir ejus vivit. Quod si dormierit vir ejus, liberata est; cui vult nubat, tantum in Domino; beatorum autem erit, si sic permanserit secundum meum consilium. (l) Quis militat suis stipendijs umquam? quis plantat vineam, & fructum ejus non edit? quis pascit gregem, & de lacte gregis non manducat? Scriptum est in lege Moyse: Non alligabis os bovi trituranti. Numquid de bobus cura est Deo? an propter nos utique hoc dicit? Nam propter nos scripta sunt; si nos vobis spiritualia seminavimus, magnum est, si nos carnalia vestra metamus? Nescitis quoniam, qui in sacro operantur, quæ de sacro sunt, edunt: & qui Altari deserviunt, cum Altari participant? (m) Non simus concupiscentes malorum, sicut & illi concupierunt. Neque idolatraz efficiamini, sicut quidam ex ipsis, quemadmodum scriptum est, *Jedis populus manducare, & bibere, & juxxerunt ludere*. (n) Nemo quod suum est quærat, sed quod alterius. Omne quod in macello venit, manducate, nihil interrogantes propter conscientiam. (o) Sive ergo manducatis, sive bibitis, vel aliud quid facitis, omnia in gloriam Dei facite. (p) Omnis vir orans, aut prophetans velato capite, deturpat caput suum; omnis autem mulier orans, aut prophetans non velato capite, deturpat caput suum: nam si non velatur mulier, tondetur; si vero turpe est mulieri tonderi, aut decalvari, velet caput suum. Vir igitur non debet velare caput, quoniam imago, & gloria est Dei. (q) Si quis autem videretur contentiosus esse, nos talem consuetudinem non habemus, neque ecclesia Dei. (r) Quicumque manduca-verit panem, vel biberit calicem, Do-

mi-

(a) *Virgata: sententia.* (b) *Ibid. vers. 31.* (c) *cap. 4. vers. 9.* (d) *cap. 9. vers. 9. & seq.* (e) *cap. 6. vers. 9.* (f) *cap. 7. vers. 1.* (g) *Ibid. vers. 8.*  
 (h) *Ibid. vers. 29.* (i) *vers. 29.* (k) *Ibid. vers. 38.* (l) *cap. 9. vers. 7.*  
 (m) *cap. 10. vers. 6.* (n) *cap. 10. vers. 24.* (o) *Ibid. vers. 31.* (p) *cap. 11. vers. 4. & seq.* (q) *Ibid. vers. 16.* (r) *vers. 27.*



mini indigne, reus erit corporis, & sanguinis Domini. Probet autem seipsum homo, & sic de pane illo edat, & de calice bibat. Qui enim manducat, & bibit indigne, iudicium sibi manducat, & bibit: non dijudicans corpus Domini; quod si nos metipsos dijudicarem, non utique iudicaremur; dum iudicamur autem a Domino corripimur, ut non cum hoc mundo damnemur. (a) Fratres mei, nolite pueri effici sensibus, sed malitia parvuli estote: sensibus autem perfecti estote. (b) Mulieres in Ecclesijs taceant, non enim permittitur eis loqui, sed subditas esse, sicut & lex dicit. (c) Si quis autem ignorat, ignorabitur. Itaque fratres æmulamini prophetare: & loqui linguis nolite prohibere. (d) Corrumpe mores bonos conloquia mala.

EX EPIST. II. AD CORINTH. (e) Omnes enim nos manifestari oportet ante Tribunal Christi, ut referat unusquisque propria corporis, prout gessit, sive bonum, sive malum. (f) Nolite vitare ducere cum infidelibus; quæ enim participatio iustitiæ cum iniquitate? aut quæ societas luci ad tenebras? quæ conventio Christi ad Belial? aut quæ pars fidei cum infidei?

AD GALATAS. (g) Si hominibus placerem, Christi servus non essem. (h) Dies observatis, & menses, & tempora, & annos: timeo vos ne forte sine causa laboraverim in vobis. (i) Modicum fermentum totam massam corrumpit. (k) Vos enim in libertatem vocati estis fratres, tantum ne libertatem in occasionem detis carni, sed per caritatem servite invicem. (l) Diliges proximum tuum sicut te ipsum; quod si invicem mordetis, & comeditis, videte ne ab invicem consumamini. (m) Communicet autem is, qui catechizatur verbo, ei, qui se catechizat, in-

omnibus bonis. Nolite errare: Deus non irridetur; Quæ enim seminaverit homo, hæc & metet.

AD EPHESIOS. (n) Omnis sermo malus ex ore vestro non procedat; sed si quis bonus ad ædificationem fidei, ut det gratiam audientibus. Nolite contristare Spiritum Sanctum Dei, in quo signati estis in diem redemptionis. Omnis amaritudo, & ira, & indignatio, & clamor, & blasphemia tollatur a vobis cum omni malitia; esto-  
te autem invicem benigni, misericordes, donantes invicem, sicut & Deus in Christo donavit vobis. (o) Nolite communicare operibus infructuosis tenebrarum, magis autem redarguite; (p) nolite inebriari vino, in quo est luxuria. (q) Mulieres viris suis subditæ sint, sicut Domino, quoniam vir caput est mulieris, sicut Christus caput est Ecclesiæ. Viri diligite uxores vestras, sicut & Christus dilexit Ecclesiam, & seipsum tradidit pro ea, ut illam sanctificaret, mundans lavacro aquæ in verbo vitæ, ut exhiberet ipse sibi eam gloriosam. Qui suam uxorem diligit, se ipsum diligit. Nemo enim unquam carnem suam odio habuit, sed nutrit, & fovet eam, sicut & Christus Ecclesiam. (r) Filij obedite parentibus vestris in Domino, hoc enim iustum est. (s) Et vos patres nolite ad iracundiam provocare filios vestros, sed educate illos in disciplina, & correptione Domini. Servi obedite dominis carnalibus cum omni timore, & tremore, in simplicitate cordis vestri, sicut Christo: non ad oculum serviientes, quasi hominibus placentes, sed ut servi Christi, facientes voluntatem Dei ex animo, cum bona voluntate. Et vos domini eadem facite illis, remittentes minas: scientes quod & illorum, & vestrorum Dominus est in cælis, & personarum acceptio apud Deum non est.

AD

(a) cap. 14. 20.

(b) Ibid. vers. 34.

(c) vers. 38.

(d) cap. 15. 33.

(e) cap. 5. vers. 10.

(f) 6. 14.

(g) 1. 10.

(h) 4. 10.

(i) cap. 5. vers. 9.

(k) Ibid. vers. 12.

(l) vers. 14.

(m) cap. 6. vers. 6, & seq.

(n) cap. 4. 29.

(o) cap. 5. 11.

(p) Ibid. v. 18.

(q) Ibid. v. 22.

(r) cap. 6. 1.

(s) Ibid. v. 4.

AD PHILIPPENSES. (a) Nihil per contentionem, neque per inanem gloriam, sed in humilitate superiores sibi invicem arbitantes, non quæ sua sunt singuli considerantes, sed ea, quæ aliorum. (b) Omnia autem facite sine murmurationibus, & hesitationibus, ut sitis sine querela, & simplices filij Dei, sine reprehensione.

AD COLOSSENSES. (c) Mortificate ergo membra vestra, quæ sunt super terram: fornicationem, immunditiam, libidinem, concupiscentiam malam, & avaritiam, quæ est simulacrum servitutis. Nunc autem deponite, & vos omnia, iram, indignationem, malitiam, blasphemiam, turpem sermonem de ore vestro: nolite mentiri invicem, expoliantes vos veterem hominem cum actibus ejus, & induentes novum, qui renovatur in agnitionem, secundum imaginem ejus, qui creavit eum; induite vos ergo sicut electi Dei, sancti, & dilecti, viscera misericordie, benignitatem, humilitatem, modestiam, patientiam, supponentes invicem, & donantes vobis metipsis, si quis adversus aliquem habet querelam. (d) Omne quodcumque facitis in verbo, aut in opere, omnia in nomine Domini Jesu Christi, gratias agentes Deo, & Patri per ipsum. (e) Sermo vestri semper gratiæ sale sit conditus, ut sciatis quomodo oporteat vos unicuique respondere.

AD THESSALONICENSES I. (f) Rogamus autem vos fratres ut abundetis magis, & operam detis, ut quieti sitis, & ut vestrum negotium agatis, & operamini manibus vestris, sicut præcepimus vobis, & ut honeste ambuletis ad eos qui foris sunt, & nullius aliquid desideretis.

AD THESSALONICENSES II. (g) Denuntiamus autem vobis fratres in nomine Domini nostri Jesu Christi, ut subtrahatis

vos ab omni fratre ambulante inordinante. (h) Cum essemus apud vos, hoc denuntiabamus vobis: quoniam si quis non vult operari, nec manducet; audivimus enim inter vos quosdam ambulare in quiete, nihil operantes, sed curiose agentes. Iis autem, qui ejusmodi sunt, denuntiamus, & obsecramus in Domino Jesu Christo, ut cum silentio operantes, suum panem manducent. Vos autem fratres nolite deficere benefacientes (i) (in Christo Jesu Domino nostro.)

AD TIMOTHEUM I. (k) Similiter & mulieres in habitu ornato, cum verecundia, & sobrietate orantes se non in tortis crinibus, aut auro, aut margaritis, vel veste pretiosa: sed quod decet mulieres, promittentes pietatem per opera bona; mulier in silentio discat cum omni subjectione: docege autem mulieri non permitto, neque dominari in virum, sed esse in silentio. (l) Mulieres simul pudicas, non detrahentes, sobrias, fideles in omnibus. (m) Ineptas, & aniles fabulas devitas, exerce autem te ipsum ad pietatem. Nam corporalis exercitatio ad modicum utilis est, promissionem habens vite, quæ nunc est, & future. (n) Seniores ne increpaveris, sed obsecra ut patrem: juvenes ut fratres: anus ut matres: juvenulas ut sorores in omni castitate. Viduas honora, quæ vere viduæ sunt, si qua autem vidua filios, aut nepotes habet, discat primum domum suam regere, & mutuam vicem reddere parentibus: hoc enim acceptum est coram Deo. Nam quæ in deliciis est, vivens mortua est; & hoc præcipe, ut irreprehensibiles sint. Si quis autem suorum, & maxime domesticorum curam non habet, fidem negavit, & est infideli deterior. Vidua eligatur non minus sexaginta annorum, quæ fuerit unus viri uxor, in operibus bonis testis.

(a) cap. 2. vers. 3.

(b) Ibid. vers. 14.

(c) cap. 5. vers. 5, &amp; seq.

(d) Ibid. vers. 17.

(e) cap. 4. vers. 6.

(f) cap. 10. 4.

(g) cap. 3. 6.

(h) Ibid. vers. 10.

(i) Hæc addidit Scriptor mystæ,

ad hunc modum interpretans, quæ post versiculum 13. scribit Tertullianus. (k) cap. 2. 9.

(l) 3. 11.

(m) 4. 7.

(n) 5. 1.

Simonium habens, si filios educavit si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est. Adolescentiores autem viduas devota; cum enim luxuriarum fuerint in Christo, nubere volunt: habentes damnationem quod primam fidem irritam fecerunt: simul autem, & otiosas discunt circuire domos: non solum otiosas, sed & verbosas, & curiosas, loquentes quæ non oportet. (a) Qui bene præsunt presbyteri, duplici honore digni habeantur, maxime qui laborant in verbo, & doctrina; dicit enim Scriptura: non (b) infranabis os bovi trituranti, & dignus est operarius mercede sua. (c) Peccantes coram omnibus argue, ut & ceteri timorem habeant. (d) Quicumque sunt sub jugo servi, dominos suos omni honore dignos arbitrentur. (e) Nihil enim intulimus in hunc mundum; haud dubium quod nec auferre quid possumus. Habentes autem alimenta, & quibus tegamur, his contenti simus. Nam qui volunt divites fieri, incidunt in tentationem, & laqueum diaboli, & desideria multa inutilia, & nociva, quæ mergunt homines in interitum, & perditionem.

AD TIMOTH. II. (f) Nemo militans Deo implicat se negotiis secularibus, ut ei placeat cui se probavit. (g) Noli verbis contendere: ad nihil utile est, nisi ad subversionem audientium. (b) Radix omnium malorum est cupiditas. (i) Profana autem, & inania vaniloquia devota.

AD TITUM. (k) Tu autem loquere quæ decent sanam doctrinam. Senes ut sobrii sint, pudici, prudentes, fani in fide, in dilectione, in patientia.

Anus similiter in habitu sancto, non criminatrices, non vino multum servientes, bene docentes, ut prudentiam doceant adolescentulas, ut viros suos ament, filios suos diligant: prudentes, castas, sobrias, domus curam habentes, benignas, subditas suis viris; juvenes similiter hortare ut sobrii sint; (l) Admone illos, principibus, & potestatibus subditos esse, dicto obedire, ad omne opus bonum paratos esse. Neminem blasphemare, non litigiosos esse, sed modestos, omnem offendentes mansuetudinem ad omnes homines. (m) Stultas autem quaestiones, & genealogias, & contentiones, & pugnas legis devota; hæreticum hominem post unam, & secundam correptionem devota.

AD HEBREOS. (n) Videte fratres, ne forte sit in aliquo vestrum cor malum incredulitatis, discedendi a Deo vivo; (Es post plura) (o) Nolite itaque amittere confidentiam vestram, quæ magnam habet remunerationem; patientia enim vobis necessaria est, ut voluntatem Dei facientes reportetis repromissionem. (p) Fili mi, noli negligere disciplinam Domini, neque fatigeris, dum ab eo argueris: quem enim diligit Dominus, castigat; flagellat autem omnem filium, quem recipit. In disciplina perseverate: tamquam filius, vobis offert se Deus; quis enim filius, quem non corripit pater? Quod si extra disciplinam estis, cuius particeps facti estis omnes: ergo adulteri, & non filij estis. (q) Omnis autem disciplina in præsentem quidem videtur non esse gaudij, sed mæroris; postea autem fructum pacatissimum exercitatis per eam, reddet justitiam. (r) Pacem sequimini cum omnibus, & sanctis.

(a) Ibid. vers. 17. (b) Vulgata: alligabis. (c) vers. 20. (d) cap. 6. vers. 1. (e) vers. 7. (f) cap. 2. 4. (g) vers. 14. (h) cap. 6. vers. 10. Allegandus itaque erat locus iste antea. (i) cap. 2. 16. Codex habet & inani loquela, per manifestum utique amanuensis errorem. (k) 2. 1. (l) cap. 3. vers. 1. (m) Ibidem vers. 9. (n) 3. 12. (o) 10. 35. (p) 12. 5. (q) vers. 12. (r) vers. 14.

Amorem, sine qua nemo videbit Deum. (a) Caritas fraternitatis maneat in vobis, & hospitalitatem nolite oblivisci: per hanc enim placuerunt quidam, angelis hospitio receptis. (b) Obbedite praepositis vestris, & subiacete eis: ipsi enim pervigilant quasi rationem pro animabus vestris reddituri, ut cum gaudio hoc faciant, & non gementes.

Hludioicus Cæsar factus coronante Stephano.

Hac in sede Papa magno tunc (c) Elebo Pontifex.

Fundamenta renovavit cuncta loci istius.

Urbis jura sibi subdens Præsul auxit omnia.



LECTO.

(a) cap. 13. vers. 1. (b) Ibid. vers. 17. (c) Fortasse Eusebius: sed cujus civitatis Episcopus, seu Pontifex fuerit, Eusebius iste, qui ad eam sacram renovavit, ignorare me fateor.

## LECTORI BENEVOLO

**U**bi comperit Laurentius Mebus præclaris Scriptoribus editis Litteratorum Reipublica notissimus, evulgari a nobis inedita Verum Scriptorum Ecclesiasticorum opera, eas, quas tibi, Benevole Lector, exhibeo, tres Epistolas misit, exscriptas ex eo Bibliotheca S. Crucis Florentiæ codice, de quo hæc habet Mabillonius (a): In alio codice S. Crucis extant Goffridi Vindocinensis Epistolæ.... Codex scriptus est auctoris ætate. Duæ priores Goffridi ipsius sunt, tertia Archiepiscopi Mediolanensis, cujus nomen initium ducit a littera G. Porro cum iis fere temporibus, quibus floruit Goffridus, Modiolanensem Ecclesiam regendam suscepit Grossolanus (b), qui ab aliis Petrus Grossolanus dicitur, nihil vetat ne huic Episcopo, quem doctissimum fuisse novimus, Epistolam hanc tribuamus. Sed cujuscumque ea sit, digna sane est, quæ in lucem emmittatur: salutares enim; & Canonicas pœnas per ea tempora illi impostas, qui homicidii reus erat, describit. Hæc te nosse volebam, Lector humanissime, Vale.

C c

GOF.

(a) *Iter Italicum* pag. 162. (b) Si Ughellio fidimus, id contigit anno 1102. [pag. 174. Tomi IV. *Italiæ Sacræ*.]

# G O F F R I D I V I N D O C I N E N S I S

## EPISTOLA I.

**G**OFFRIDO venerabilis vitz Episcopo Frater Goffridus, & tibi commissa congregatio salutem, & dilectionem. Postquam litteræ vestræ ad aures pervenerunt Vindocinensis Comitissæ, præteritis malis mala addidit graviora. (a) Scilicet, ut breviter dicamus, novissima mulieris illius sunt omnino pejora prioribus. Nos autem pro libertate Ecclesiæ ista gravamina, & quolibet alia sustinere minime recusantes rogamus humiliter, qua possumus, ut secundum modum illius malitiæ modus extendatur iustitiæ, &

malis crescentibus Ecclesiasticæ vindictæ crescat effectus. Oportet enim, si vobis placet, quatenus prædictæ sceminæ, & omnibus, qui ei consentiunt in tantæ iniquitatis opere, si respuerint, communicatio, & poenitentia etiam in fine negetur, quia neutrum istorum impœnitentibus jure conceditur. Nos vero de Domino minime diffidimus, qui dixit: (b) *confidite: Ego vici Mundum*: in quem, etiamsi vos occidi permiserit, semper sperabimus. Valete.

## EPISTOLA II.

**D**ilectissimo Domino suo, & cordiali amico Goffrido venerabilis vitz Episcopo Frater Goffridus, & tota Congregatio Vindocinensis Monasterii reverentiam cum puræ dilectionis obsequio. Ut homines interdicerentur, qui in furno Humberti excommunicati vestri coquerent panes, ro-

gavimus multum suppliciter, quod vestræ bonitatis gratia prius quidem concessistis diligenter. Sed quidam vester Archilevita, ut dicitur, impedivit, ne fieret, cui tamen non ita cantavimus, ut sic nobis saltare debuisset. Quod de vestra bonitate obtinere humiliter rogavimus, & adhuc sup-

(a) De hac Comitissa conqueritur Goffridus epistola tertia libri I. [ad Taschalem Papam.] epistola XXI. libri II. [ad Goffridum vitz laudabilis Episcopum.] & alibi saepe.

(b) Joan. 16. 33.

supplicando rogamus, sicut ipse melius nosti, nec fidei contrarium, nec ab Ecclesiastica iustitia noscitur alienum. Hoc enim ab Antecessore apud Vindocinum idem opus simile factam fuisse non ignoramus. Valde utile, dulcissime Pater, videtur, ut qui amore, seu timore Dei corrigi non potest, vel damno temporali corrigatur, & maxime ubi & necessitas cogit, & divina auctoritas in nullo contradicatur. Hoc etiam genus est pietatis, ut qui excommunicatur, furno, vel molendino, seu quolibet alio temporali damno emendetur, ne aut ignorans, aut parvipendens, quæ sit poena excommunicationis, excommunicatus moriatur. Adeo namque jam excrevit malitia hominum, quod omnes damna quidem corporum, sed pauci, vel nulli damna metuunt animarum. Et quoniam a dulcedine Paternitatis vestræ quicquid nunc usque postulavimus, accipere consuevimus, humiliter, & obnixè precamur, ne a nostra consue-

tudine privemur. Quod si fieret, quod absit, per cuiuslibet ammonitionem, sive consilium, servorum vestrorum mentibus amarum nimis saperet, & peregrinum. Domnum Arnaldum Decanum vestrum apud Sanctum Petrum Monachum factum audivimus, quod vehementer miramur, quia eum Monasterio nostro prius donatum Fratres nostri testificantur, & cum quodam flocello capillorum suorum Prædecessori nostro Oderico se ipsum tradidisse veraciter loquuntur. Et quidem dicunt: ipsemet novit, si oblivioni non tradidit. Et hoc vobis idcirco significamus, ut per vos corrigat, quod minus perfecte egit. Quod nisi correxerit, nec prima ejus oblatio Deo grata videbitur, nec secunda: quia nec primæ suæ oblationis, si eam irritam fecerit, recipiet fructum, & secundam, qua Beatæ Trinitati, & ejus Monasterio Vindocinensi se abstulit, habebit sacrilegium. Valet.

### EPISTOLA III.

Venerabilibus in Christo Fratribus Archiepiscopis, Episcopis, Abbatibus, & omnibus Ecclesiarum Dei Prælati, & universis in Christo Fidelibus, ad quos præsentis litteræ pervenerint: G. divina miseratione Mediolanensis Archiepiscopus salutem, & veram in Domino caritatem. Ab exordio conditionis humanæ pro animarum, & corporum detrimento perfidus hostis callide laboravit, cujus caliditate, atque retiaculis B. lator presentium irretitus novercam suam maligni spiritus instigatione, gladio interfecit: postmodum vero divina inspira-

tione ad cor rediens, considerans se fore a Beatorum consortio penitus alienum, ni quod culpa commiserat, per poenitentiam emendaret: unde lachrymabiliter ad nos accedens onera sibi poenitentialia super imponi de suo crimine postulavit. Nos autem inspecta Canonum forma sibi poenitentiam injungentes ei, pro salute animæ suæ dedimus in mandatis, ut cum baculo cubitali, nudis pedibus, cilicio indutus nil de propriis secum ferens, se a carnibus, & sanguine abstinendo, secunda, & quarta, & sexta feria in pane, & aqua jejuniis eisdem diebus  
C c 2      silen-

silentium observando, & non ingrediens Ecclesias sine licentia sacerdotum, nisi eas, in quibus Sanctorum corpora requiescunt, nec unam noctem permanens uno, & eodem loco, Beati Jacobi studeat limina visitare. Verum quia prædicta nequiret onera sine fidelium suffragio supportare, caritatem vestram

in Domino deprecamur, quatenus orationibus, & elemosynis vestris intuitu Dei sibi taliter dignemini subvenire, quod ipse per vestrum auxilium valeat suum iter perficere, & vos sper hoc, & alia, quæ feceritis, ad æterna mereamini gaudia pervenire &c.





## BENEVOLO LECTORI.

**H**ugonem, seu Uguccionem, aut (si vis) Huguccionem Ferrariensem Episcopum fuisse, norunt omnes, eumque in horum Episcoporum numero recenset Ugbellius (a), quamvis in eo errasse credatur, ut nominis ambiguitate deceptus ex uno duos fecerit, (b) quibus Theobaldum inserat; qua de re judicent alij; mihi enim satis est Uguccionem aliquem præclarum sane virum, per ea tempora Ferrariensi Ecclesie præfuisse, quem procul dubio indicat celebrissimum Adelardi Ferrariensis Dynasta Epitaphium, quod viri Clarissimi Muratorius (c), & Fontaninius (d) describunt; in eo enim expressissima sit Huguccionis nostri mentio eo versiculo.

Clæstinus planxit, tristisque Huguccio mansit.

Virum inclitum, & fama notissimum indicant Petrarche verba (e): Fiori Uguccione Pisano Velcovo di Ferrara. Nobilem Grammaticum eum fuisse declarat Muratorius hæc scribens (f): Quid hisce nominibus (Trivii, & Quadri-vii) significaretur, explicat Hugutio Grammaticus Episcopus Ferrariensis scribens: NOTA QUOD GRAMMATICA, RETHORICA, ET DIALECTICA DICUNTUR TRIVIUM: QUADAM SIMILITUDINE QUASI TRIPLEX VIA AD ELOQUENTIAM; eidemque tribuitur Liber derivationum, seu Glossarium quoddam, aut Lexicon, ut ea ferebant tempora, valde eruditum, quo usi sunt sæpe Auctor Lexici, quod Catholicum appellavit, Ducange, alijsque etiam. Id ipsum assequimur ex eo Epigrammate, quod edidit Vir Clarissimus Ferrantes Borsetti (g), in quo sic inducitur Verona de Ferrara conquerens:

Hæc plures nobis prædata est improba claros

Ferraria; an rapiet teque Guarine mihi?

Quæ solita est Ramas dumtaxat habere loquaces,

Gutio quam coluit barbarus, & docuit.

In sacris Canonibus exercitatissimum, quis in dubium vertere audeat, postquam ea legeris; quæ docet Clarissimus Fontaninus in præfatione præposita Editioni Decreti Gratiani a Turrescremata emendati, atque aliter dispositi ac vulgata Editiones habent? Vixdum Gratianus Codicem suum Eugenio III. Pontifici oblatum emisit, quem tanti habitus est, ut Huguccionem, ejus ævi Ferrariensem Episcopum, interpretem nactus fuerit. Hujus meminerunt Correctores Romani ante finem suæ præfationis, inque Bibliothecæ Baluzianæ Tomo II. pag. 27. notatur extitisse ejus Commentarius in Gratianum, postea cum reliquis Codicibus MSS. in Bibliothecam Regiam illatus. Plutei Vaticanæ codice 2280. prægrandem

(a) Tom. 2. Ital. Sacre pag. 576. (b) Uguccio floruit anno 1192., ex privilegio Calestini Tertij. Theobaldus Secundus Uguccioni successit anno 1192. (c) Dissert. Med. ævi xxxvi. (d) In præf. ad Decret. Gratiani Edit. Turrescremate §. 5. pag. 7.

(e) In Vita Calestini Tercijæ num. 181. (f) Dissert. 46. Tom. 3. colum. 911.

(g) pag. 32. lib. primi Hist. Gymnasij Ferrar.

dem hujusmodi Commentarium servant, qui non ab ipso Hugucione, sed ob ejus decessum ab alio, natione Hispano, in versibus leoninis operi subjectis dicitur absolutus. Pro Uguccione Ferrariensi in exemplaria, ab Antonio Augustino memorata initio Dialogi IX. libri II. de Emendatione Gratiani, ignavia librariorum investus fuit HUGUCION FERIA, alicubi etiam indicatus per notam compendiarum H. Hanc ipsam laudem ei tribuit Joannes Albertus Fabricius, quem legas opto (a). An non vero in Canonico jure exercitissimum ostendunt frequentia mandata, quæ a Romano Pontifice habuit? Virum enim Canonum scientissimum ea exposcunt; quæ quidem mandata recenset Clarissimus Canonicus Scalabrinus in Commentarij de Uguccione Ferrariensi Pontifice, quos summa eruditione elucubrauit, atque, uti est humanissimus, meique amantissimus, ad me dono misit (b). Sed Theologum cum fuisse nesciremus, nisi incidissem in opusculum, quod nunc ego ex antiquo desumptum privata Bibliotheca meæ Codice (qui quidem ea ætate conscriptus videtur, quæ compositum illud testatur, & dono ornatissimi juvenis Jacobi Blancani habuit,) in lucem emisso. Continet porro explicationem Apostolici Symboli: atque usinam integram explicationem illam haberemus; at postrema ejus pars jam perierat, cum Codex, quem dixi, in manus pervenit meas. Sed quamvis extrema parte explicatio hæc deficiat, evulgari tamen meretur; ingeniosa enim est, atque erudita, Ecclesiæ quoque doctrinam complectitur, & paucis eam exhibet. Utinam aliquando, ea, quæ deest, pars reperiretur; at dum interea quod habemus, edimus, Lector humanissimus id benevolenti animo excipiat.



# EXPO.

(a) Biblioth. media, & infima latinitatis lib. 7. pag. 304. tom. 3. editionis Patavinæ anni 1744. Hugutio, Hugutio, sive Hugo, Ugo de Vercellis, primus glossator decretorum, idem Episcopus Ferrariensis &c.

(b) Commentarii hi locupletissimi sunt, & multigena eruditione referti; ideoque brevi præfatione contrahi ii minime possunt. Siquis multa de Hugucione nosse cupiat, eos ab humanissimo auctore exposcat. Locum sane aptissimum haberent in Ferrariensium Episcoporum historia.

E X P O S I T I O

# DOMINI HUGUCCIONIS

## FERRARIENSIS EPISCOPI

### DE SYMBOLO APOSTOLORUM.

**C**REDO IN DEUM &c. Symbolum exposituri, primo videamus, quare Apostoli hoc composuerunt, & quare, & unde dicatur Symbolum? Legitur in Ecclesiastica Historia a Domino præceptum esse Apostolis, ut post passionem Domini per 12. annos prædicarent in Judæam, postea exirent. Duodecimo igitur anno a passione Domini cæperunt paulatim exire ad gentes, nondum tamen ex toto; postea omnino exierunt de finibus Judææ, complentes illud Domini mandatum: (a) *Euntes in mundum univrsam prædicare Evangelium omni Creaturæ. Qui crediderit, & baptizatus fuerit salvus erit; qui vero non crediderit, condemnabitur.* Hinc etiam legitur, quod 13. anno a passione Domini Paulus, facta suæ prædicationis collatione cum Petro, & alijs Apostolis, & suæ prædicatione ab illis comprobata, profectus est ad magisterium gentium. (b) Eodem etiam anno ascendit Petrus de consilio Domini Romam, & sedit in Cathedra Episcopali, cum prius per septennium jam sedisset Antiochiæ in sede Episcopali. Apostoli ergo juxta præceptum Domini Judæam exituri, & ad diversas gentes prædicandas, & docen-

das transgredi, & per diversas mundi partes ad prædicandum ab invicem secessuri, ne in eorum prædicatione discordia, vel dissonantia inveniretur, & ne alter ab altero in fide tenenda, & prædicanda, & docenda dissentiret, & unusquisque illorum sciret quid sibi esset tenendum, & alijs prædicandum, & docendum, antequam dividerentur, & per diversa loca separarentur, in unum convenerunt, ut sicut quisque de fide sentiret, in medium eorum proferret; (c) & quicumque postmodum a collatis dissentiret sentiens in contrarium, a numero Fidelium fieret excommunicatus; & non Catholicus, sed hæreticus haberetur.

Convenientes Apostoli spirituales conferentiam, idest symbolum, quod dicitur *Symbolum Apostolorum*, quod ab eis exponitur, in quo omnes articulos fidei habendæ complexi sunt, consecraverunt, & composuerunt; ita quod quilibet eorum per ordinem in illa compositione suam particulam apposuit. Unde dicitur *Symbolum a fin*, quod est *con*, vel *simul*; & *a bolo*, quod est morsellum; inde *Symbolum*, idest *bolus singulorum*, quia unusquisque Apostolorum ibi suam morsellum apposuit, sicut solet fieri in

con-

(a) *Matth. 16. 19.*

(b) *Non omnes Hugucciani in hac annorum distributione, ac computis assentiuntur. Sed hæc de re hic differere inopportunitatem. Consule, si vis Gerardum Vossium: de tribus symbolis.*

(c) *Hoc de argumento vide Gerardum Vossium: de tribus symbolis cap. seu §. 2. & seq. Patribus ab eo allegatis §. 4. Adde autorem sermonum 230. in Appendice sermonum Augustini, quamquam in articulis unicuique Apostolo adscribendis, nonnulli ab Huguccione, alijsque dissentiant.*

convivijs, & conferentijs, quando aliqui inter se conferunt, ubi convivuntur. (a) Unde Terentius: *Symbolum dedit: cœnavit*. Similiter & Apostoli spirituale convivium fidei participantes singuli singulos bolos apposuerunt, & inde collectum illud simul dictum est symbolum. Nota quinque synodos ab Apostolis Jerosolymis esse celebratas. Primam de substitutione Mattiæ (b) loco Judæ facta. Secundam de Electione (c) septem Diaconorum. Tertiam de legalibus (d), qua statutum est conversis ad fidem de gentibus, non esse imponendum onus legalium, quando ascenderunt Paulus, & Barnabas de Antiochia in Hierusalem. Quartam de (e) legalibus observantijs, qua statutum est non prohiberi Judæis abstinere a legalibus observantijs, dummodo non ponerent spem in eis. Quintam, scilicet ubi Apostoli præfatum Symbolum, scilicet minus (f) *Credo in Deum*, composuerunt. Item notandum quatuor esse Symbola. Primum, quod Apostoli composuerunt, quod *minimum* est, & in catechizando, & baptizando pueris dicitur. Secundum, quod Synodus Nicæna composuit, & postea Sanctus Hilarius Pictaviensis Episcopus in libro de *Synodis*, quem composuit, illud posuit, & interseruit; & debet legi in Synodo totum, vel saltem aliqua particula ejus. Hoc Symbolum in nostro usu non habetur. Tertium, quod Synodus Constantinopolitana composuit, & cantatur in Misa. Hoc est *magis Credo in unum Deum*. Quartum, in Prima dicitur, scilicet *Quicumque* &c. ab Athanasio Alexandrino Episcopo contra Arianos compositum (g) in quo distinctus, & apertius omnes articuli no-

stræ fidei continentur. Sed omnes articulos nostræ fidei ad salutem necessaries in Symbolo Apostolorum aperte, vel interpretative, & subintellective credimus contineri.

Si queratur, quid sit *articulus Fidei*? Dicimus, quod articulus fidei est quodlibet eorum, quæ tenemur credere, sine quibus creditis adustus, & discretus non salvatur. Tot ergo sunt articuli, quot sunt illa, quæ credere tenemur. Est ergo articulus res ipsa, scilicet unitas Divinæ essentiz, Trinitas Personarum, Generatio Filij, Processio Spiritus Sancti, Christi Incarnatio, Nativitas, Passio, Mors, ad Inferos descensio, Resurrectio, in Cælum Ascensio, ejus adventus ad judicium, &c. similia. Sed & dicta, sive pronuntiationes enunciantes ea, quæ diximus, non minus quam res ipsæ consistentes, & enunciantur, dicuntur articuli. Unde sunt articuli dicere Deum esse unum, in essentia: esse trinum in personis: Filium generari a Patre: Spiritum Sanctum procedere ab utroque: Christum, esse incarnatum: Christum esse natum, esse passum, esse mortuum, descendisse ad inferos, resurrexisse, in Cælum ascendisse, esse venturum ad judicium, unicuique secundum opera sua esse redditurum, &c. consimilia. Et dicuntur articuli ab artando, quia arctati, & a symbolo simul comprehensi: vel quia ad eos credendos arctamur, si salvari velimus. Unde Athanasius: *Hæc est fides Catholicæ, hæc nisi quisque fideliter* &c. idest: hæc quæ dicta sunt fides exigit credenda; idest, ut credantur, quæ nisi quisque (scilicet adustus, & discretus) fideliter, firmiterque crediderit &c. Unde & hæc fides dicitur

Ca-

(a) Fox Morcellus teste Durange, qui in *Lexico* non nulla exempla apponit, particulam; seu frustulum significat. Bolus idem est, quod Itali boccone appellant. *Etymologia*, quas hic, & deinceps Huguccio exhibet, nostris temporibus facile improbabuntur. Sed sacculi sui consuetudinem sequitur noster scriptor. (b) Act. Apost. 1. 15.

(c) Ibid. 6. 2.

(d) Ibid. 15. 5.

(e) Ibid. 21. 18.

(f) Idest Credo brevius, tale enim est, si scemparis enim Constantinopolitano, & reliquis. De quinta hæc Synodo quid iudicandum sit, edocet Vossius de tribus Synodis.

(g) Hæc de re, consule Theologos, eosque omnes, qui de Patrum scriptis differunt.

*Catholica*, idest universalis, quia omnes universaliter habent eam, vel habere tenentur. *Catholicum* enim græce, Latine dicitur *universale*. Et notandum, quod in Symbolo Apostolorum, licet plures, quam duodecim articuli nostræ fidei compræhendantur, non tamen ibi continentur nisi duodecim sententiæ juxta numerum 12. Apostolorum. Quam vero sententiam quis Apostolorum ibi posuerit, vel contulerit, exponendo assignabimus.

Petrus itaque tamquam Princeps, & caput omnium, tamquam Prælatum omnium, tamquam Pastorem ovium, tamquam Dux Fidelium, tamquam primam vocem in Synodo habens, ut in Fide Catholica fundanda primum ipsius Fidei poneret fundamentum, alij Apostolis assistantibus, & ejus primam vocem exponendo assignabimus, inquit =

I. CREDO IN DEUM PATREM OMNIPOTENTEM CREATOREM CÆLI, ET TERRÆ. Ecce inchoat Petrus tamquam major, & caput, unde non immerito dictus est *Cephas*, idest Caput, non tamen inter Apostolos, sed in ipsius fidei fundatione: (a) distinguamus ergo verba Petri. *Credo in Deum*. Non dicit: *Credo Deo*, vel *Credo Deum*, aliud enim est credere Deo, aliud credere Deum, aliud credere in Deum. Credere Deo, est credere vera esse, quæ loquitur Deus. Credere Deum, est credere quod Deus sit; sed neutrum horum est magnum, quia neutrum est vitæ æternæ meritum (b): Utrumque enim horum & mali homines, & demones credunt (c). *Credere in Deum*, est credendo in Deum promoveri,

credendo in eum ire, ei per fidem, & dilectionem inhærere, ei per bonam operationem, & bonam voluntatem uniri. Hæc ergo oratio, scilicet *Credo in Deum* processum quemdam, & accessum animæ fidelis ad Deum significat cupientis inhærere Deo per fidem, & dilectionem, sive caritatem, & ei uniri per bonam operationem, & bonam voluntatem, ut sit sensus: *Credo in Deum* idest, credendo in eum promoveor; credendo in eum tendo; ei per fidem, & dilectionem inhæreo; ei per bonam operationem, & bonam voluntatem ardentius unior. Qui hæc dicit, & verum dicit, beatus est. Si dicat hoc mortali peccato pollutus, mendax est; talis enim non proficit in Deum, sed deficit a Deo: non accedit ad Deum, sed recedit a Deo: non inhæret Deo, sed discorhet a Deo; & ideo non credit in Deum, quamvis credat Deo, & credat Deum. Scrutetur ergo se quisque antequam hoc dicat, & si in mortali peccato se invenerit, & noluerit converti, potius taceat, quam hoc dicat, ne hoc dicens, tamquam mendax Deo, Apostolis displiceat. (d) Veritati enim per mendacium placere non potest, immo mentiendo perniciosus sibi est: (e) *Os enim, quod mentitur, occidit animam*. Et alibi: (f) *Perdes omnes, qui loquuntur mendacium*. Sed si omni bona voluntate se ad Deum convertit, secure dicat: *Credo in Deum*. Deum singulariter dicit ad distinctionem falsorum Deorum, & Idolorum, quæ Gentiles, deos esse credebant. Non enim est nisi unus Deus, dicente Moyse: (g) *Audi Israël, Dominus Deus suus unus* D d est.

(a) Etymologia hæc ab Hebræo non desumitur, sed a Græco κεφαλῆ. Recole quæ modo dixit Huguccio: scilicet Petrum esse Principem, & Caput, & Prælatum omnium. Apostolos tamen ipse non constituit, sed Christus, sic hæc Huguccionis sententiam interpretor.

(b) Scilicet, nisi alia addantur; atque in primis caritas, seu gratia habitualis: si enim hæc absit, tametsi credas vera esse, quæ Deus tradidit, æterna beatitudinis compos non fies, si omnem fidem habuero, itaut mentes transferam &c. I. Cor. 13. 2.

(c) Demones credunt, & contemnitur. Jacobi 1. 19. Disputant tamen Theologi quomodo demones credunt, qui aliunde certo sciunt, vere Deum existere, veraque esse, quæ nobis credenda proponit. Interpretes epistolæ Jacobi consule. (d) Apostolis non displicebit, si communis Ecclesiæ nomine id dicat: nequæ si id dicat, desideranda se habere Deo.

(e) Sapientia 1. 11.

(f) Psal. 5. 7.

(g) Deut. 6. 4.

est. Sed quia ille Deus est tres personæ, subdistinguit: *Patrem*; quasi dicat: illum unum Deum credo esse *Patrem*, illum unum credo esse *Filium*; illum unum credo esse *Spiritum Sanctum*; idest credo illam unam essentiam esse tres personas, & illas tres personas esse unam essentiam, & non plures. Licet enim Pater non sit Filius, vel Spiritus Sanctus: nec Filius sit Pater, vel Spiritus Sanctus: nec Spiritus Sanctus sit Pater, & Filius, tamen Pater, & Filius, & Spiritus Sanctus sunt unus Deus, una substantia, sive essentia. Similiter unus Deus est Pater, & Filius, & Spiritus Sanctus. Hic Pater semper generat, & ab æterno generavit Filium; hic Filius semper generatur, & ab æterno generatus est a Patre. Hic Spiritus Sanctus semper procedit, & ab æterno processit a Patre, & Filio. Hic Pater non fuit, antequam Filius, nec Pater, & Filius, antequam Spiritus Sanctus, sed simul semper, & æternè tempora, & ab æterno fuerunt, & fuerunt Pater, & Filius, & Spiritus Sanctus, tres Personæ, & unus Deus, & una substantia, & semper æquales: non enim Pater est major Filio, vel Filius minor Patre, non Spiritus Sanctus minor utroque, scilicet Patre, & Filio. Difficilia sunt hæc, & in hac vita quasi incomprehensibilia, sed tamen vi credenda (a), quia aliter non est salus. Qui ergo potest capere capiat, qui non potest capere, credat, & oret: ut quod credit aliquando intelligat. Nisi quis credat, non intelliget. Unde Propheta Isaias: (b) *Nisi credideritis, non intelligetis*. Est ergo in talibus fides necessaria, & meritoria. *Fides enim non*

*habet meritum, cui humana ratio præbet exemplum.* (c)

Sequitur: *Omnipotentem*. Videtur ordo congruus, ut continue diceretur sine interpositione: *Credo in Deum Patrem, & in Deum Filium, & in Deum Spiritum Sanctum*. Sed interferuntur ad determinationem Patris, & Filij quædam necessaria, quæ non vacant a mysterio. Sunt enim quasi quidam stimuli promotionis nostræ in Patrem, & Filium. Cum enim credamus *Patrem Omnipotentem, & Creatorem Cæli, & terræ*, magis accendimur ad credendum in eum. Prosequamur ergo litteram. Patrem dico *Omnipotentem*, sed nonne Filius est omnipotens, & Spiritus Sanctus Omnipotens? Ita enim dicit Athanasius in Symbolo suo: *Omnipotens Pater, Omnipotens Filius, Omnipotens Spiritus Sanctus, & hoc habes fides Catholica*. Quare ergo ad Patrem adjungit *Omnipotentem*, & non ad Filium, & non ad Spiritum Sanctum? Hoc ideo factum, quia in creaturis ex antiquitate, quæ Pater est antiquior Filio, in Patre quidam defectus, & quædam debilitas notari solet, & fortior, & potentior sit junior filius, quam senior pater. Ne ergo quis crederet hoc esse in Patre Deo, & in Filio Deo; ideo occurrit Scriptura dicens: *Patrem Omnipotentem*, quia non est minus potens, qui sibi servat, quam qui Filio communicat omnipotentiam. Sed numquid Deus Pater, Deus Trinitas omnia potest? non videtur: quia non potest sedere, ambulare, currere, & hujusmodi, quæ penitus sunt aliena a natura Divinitatis. Qualiter ergo dicitur Omnipotens? Sed

(a) Idest necessario credenda. (b) *Isaia 7. 9. Sabbatier sic legit ex antiquissima interpretatione, pro qua allegat Tertullianum, Cyprianum, Ambrosium, & Augustinum, quorum loca recensit. Vulgata habet: Nisi credideritis, non permanebitis.*

(c) Hac excepit Hugueio ex Gregorio Magno numero 1. homilia 26. in Evang. sed legio experimentum. Id deinceps in eadem homilia inveniat his verbis [num. 8.] Cum Paulus Apostolus dicat: Est autem fides sperandarum substantiarum rerum, argumentum non apparentium: profecto liquet, quia fides illarum rerum argumentum est, quæ apparere non possunt: quæ etenim apparent, jam fidem non habent, sed agnitionem.

Sed ideo non minus dicitur Deus Omnipotens, vel quod possit omnia: quæ enim hujusmodi in sua persona non possit, tamen ea facit, & operatur per alios, & in alijs, vel ideo, quia quæ non potest sunt aliena a Dei potentia. Item Deus non potest mori, non potest percipi, vulnerari, occidi, & ijs passionibus lædi; sed per hoc non derogatur Divinæ potentia, sed potius attribuitur. Nam si hujusmodi passionibus subjaceret, non esset omnipotens, quia hujusmodi ei accidere non possunt. Potest tamen hæc in alijs operari, & operatur: & ideo ab ejus potentia non sunt aliena. Item Deus non potest mentiri, nec peccare, sed in hoc non detrahatur Divinæ potentia, sed potentia Dei deest, quod ista non potest. Posse enim peccare, vel nihil est, vel est defectus impotentia, sicut non posse peccare est potentia. Unde Augustinus: *Magna Dei potentia est, non posse mentiri*. Unde ergo omnis oppositio removeatur, dicitur Deus omnipotens, non quia possit omnia, scilicet bona, & mala, nec quia suscipiat in se quoslibet actus; sed quia nihil potest pati, & quia omnia quæcumque voluerit facere, & omnia quæcumque vult fieri, potest facere ut fiant, nec aliquid ad faciendum potest ei impedimentum asferre, vel ad patiendum corruptionem inferre.

Sequitur: *Creatorem Cæli, & terræ*. Ecce Petrus concordat cum Moysæ, scilicet principium Symboli cum principio veteris Canonis, ubi dictum est. (a) *In principio creavit Deus Cælum, & terram*: & est sensus: In principio (scilicet temporis) creavit Deus Cælum, idest cælestia: terram, idest terrestria, vel Cælum, idest invisibilia; terram, idest visibilia: vel Cælum, idest duo superiora elementa, scilicet ignem, & aerem; terram, idest inferiora duo, sci-

licet aquam, & terram: vel Cælum, idest angelicam naturam, & empireum Cælum, quod quam cito fuit factum, statim Angelis fuit repletum, & hujus nomine Cæli, intelligitur continens, & contentum: terram, idest materiam quatuor elementorum, scilicet hyle, vel terram, idest quatuor elementa, idest mundum sensibilem ex ijs constantem.

II. Sequitur: *ET IN JESUM CHRISTUM FILIUM EJUS UNICUM DOMINUM NOSTRUM*. Hæc est secunda pars, sive distinctio, quam Andreas posuit in Symbolo post Petrum. Dicit ergo Andreas: *Es in Jesum Christum*. Hæc conjunctio innuit esse repetendum Credo, ut dicatur: *Es credo in Jesum Christum Filium ejus unicum Dominum nostrum*. Sic distingue credo in Filium ejus, sicut supra diximus esse credendum in Deum Patrem, & ita eodemque modo credendum est in Filium ejus, ut sit sensus: Credo in Filium, idest credendo in eum promoveor; credendo in eum, tendo; ei per fidem, & dilectionem, inhæreo; ei per bonam voluntatem, & dilectionem unior. *Unicum* ad differentiam illorum, qui sunt Filij per gratiam; quia cum sint multi Filij Dei per gratiam, juxta illud Joannis: *Quotquot autem (b) receperunt eum, dedit eis potestatem filios Dei fieri, his, qui credunt in nomine ejus*. Filius ejus unicus est per naturam, consubstantialis, coæternus, unigenitus, ita ut non pars Divinitatis a Patre derivetur in Filium, & in Patre pars remaneat (c), sed in Patre totus Filius, & totus Pater in Verbo. Sed in generatione carnali aliter fit, quia ibi quedam pars paternæ substantiæ derivatur in filium, parte in patre remanente. *Filium*: dico *Jesum*. *Jesum* dicitur *Salvator*. Ipse enim de potestate Diaboli, & a peccatis salvat eos, qui in eum credunt. D d 2 Item

(a) Gen. 1. 1.

(b) Joan. 1. 12.

(c) Id expressissime traditur a veteribus Patribus, quos allegari auctor. 51. &amp; 52. in epistolam Hilarii Pictaviensis a me editam pag. 75. &amp; seq. Tact. 1. Tom. 2. Anecdota.

Item Filium dico *Christum*: Christus dicitur *unctus*, & olim in veteri Testamento tantum duæ personæ inungebantur, scilicet Rex, & Sacerdos, live Pontifex. Rex, quia regit nos, & gubernat, ne a fluctibus hujus mundi submergamur; Sacerdos, quia pro nobis se Patri obtulit in ara Crucis; & quia pro nobis quotidie apud Patrem interpellat in Cælis; Pontifex, (a) quia Crucem suam facit nobis pontem, per quam de hoc Mundo super fluctus hujus sæculi transeamus ad ipsum. *Dominum nostrum*, quia Filius ejus, in quem credendum est, Dominus noster est: non tamen illa communi dominatione, qua Pater est Dominus, sed quadam singulari, quia proprio sanguine nos redemit, juxta illud: *Empri ejus pretio magno* (b). Et nota, quod Andreas, qui hanc distinctionem apposuit; interpretatur *vir virilis*: & merito, quia in hac sua professione Filius Dei proficitur Deum, cum dicit Filium ejus *unicum*: virum, & hominem; cum dicit *Jesum Dominum nostrum*. Vel dictus est Andreas, idest virilis, quia spretis mundanis, viriliter Christo adhæsit.

III. Sequitur: QUI CONCEPTUS EST DE SPIRITU SANCTO, NATUS EX MARIA VIRGINE. Tertia distinctio Symboli, quam apposuit Jacobus Zebedei frater Joannis, major in vocatione: qua scilicet Filius conceptus est de Spiritu Sancto. [Notandum quod conceptio infantis in utero semine non potest esse sine carnali commixtione maris, & semine. Illa vero carnalis commixtio non potest fieri sine peccato; licet ille coitus quamquam non sit peccatum, non tamen potest fieri sine peccato, quia semper intervenit quidam pruritus, vel fervor, seu quædam voluptas carnis, qua non potest non esse peccatum, ut

testantur Gregorius, Augustinus, Hieronymus. Ne ergo, quia dicitur *conceptus*, crederet quis in illa conceptione ea intervenisse, quæ interveniunt in conceptione aliorum hominum. Subdit *de Spiritu Sancto*, quasi non ex sanguinibus, neque ex voluntate carnis, neque ex voluntate viri. Non permutatione maris, & semine, sed de Spiritu Sancto conceptus est; ita quod nullam voluptatem, nullum fervorem, vel pruritum carnis ex illa conceptione est perpessa est Virgo. Nec intelligas conceptus *de Spiritu Sancto* quasi de patre, ut Spiritus Sanctus dicatur maritus Virginis, & illa uxor ejus, & dicatur pater Christi, & ille filius ejus; non enim Virgo concepta de Spiritu Sancto quasi de patre, sed est sensus: conceptus est de Spiritu Sancto, idest gratia, & auctoritate, & operatione Spiritus Sancti, quia ipso cor Virginis sanctificante, & ejus carnem ab omni labe mundante, caro Christi sine semine viri, de sola carne Virginis concepta est, nulla sensitiva carnis origine extrinsece operante: sicut enim vermis calefaciente Sole de puro ligno nascitur, nec tamen filius ligni dicitur, sic Corpus Christi operante Spiritu Sancto de sola carne Virginis propagatum est. Unde se comparans vermi dicit: (d) *Ego sum vermis, & non homo*; idest conceptus more vermis, qui de sola terra, vel ligno, non commixtione alterius seminis concipitur; & non more hominis, qui non nisi commixtione seminum maris, & semine concipi solet. Et attende, quod non sic dicitur conceptus de Spiritu Sancto; idest operatione Spiritus Sancti, quod ab operatione excludantur Pater, & Filius: indivisibilia enim sunt opera Trinitatis, quia quorum est natura, & eadem essentia, non potest esse di-

ver-

(a) Rom. 8. 34. Hebr. 7. 24. 25, &amp; seq.

(b) 1. ad Corinth. 6. 20.

(c) Joan. 1. 13.

(d) Psal. 31. 7. Calmer in hunc Psalmi locum multos allegat Patres sic vericulum istum interpretantes. Celeberrima sunt Augustini verba: Quare non homo? quia Deus. Quare vermis? quia mortalis; quia de carne natus, quia sine concubitu natus.



versa operatio: Cooperante igitur tota Trinitate Christus conceptus est in Utero Virginis; ut vere dicatur, quod ipse Filius, sicut Pater, & Spiritus sanctus, operatus est conceptum sui. Attribuitur tamen operatio istius conceptionis Spiritui Sancto spiritualiter, quia ex sola gratia, & benignitate, quæ spirituali vocabulo attribuitur Spiritui Sancto, illa conceptio est facta. Vel ideo de Spiritu Sancto tantum facta est mentio, licet Pater, & Filius similiter ibi cooperati sint, quia postea, & nominato procedente ab utroque, uterque, unde procedit, convenienter subintelligi potuit. Fuit igitur conceptio Christi privilegiata in multis, quia fuit facta sine intervenientia viri; & quia sine commixtione maris, & seminis; & quia sine fervore, & voluptate carnis; & quia sine peccato, vel sine causa peccati; & quia sine infectione originalis vitii; & quia nec in carne Christi fuit causa peccati, nec in ipsius anima fuit peccatum originale. sed illud fuit privilegium, quia simul concepta est caro Christi, & anima creata, & ei infusa. Et ita ab ipsa conceptione fuit plenus homo in anima, & carne. (a)

Sequitur: *Natus ex Maria Virgine*. Sicut unica, & singularis conceptio peccato non infecit Virginem, ita unica, & singularis nativitas non corripuit ejus virginitatem; quia sicut aeternum Matris non aperuit conceptus, ita nec violavit, nec aperuit partus: & sicut ante conceptum, & partum virgo, sic virgo in conceptu, & partu, & post conceptum, & partum perseveravit. (b) Hinc Isaias: (c) *Ece virgo concipiet, & pariet filium*. Et Ezechiel: *Porta hac clausa erit, & non aperietur, & vir non transibit*

*per eam; quia Dominus Israel ingreditur, & regreditur per eam, eriguntur clausa*. Si quaeratur, quare de semina, & non de viro nasci voluit? Respondet, ideo quia sexus mulieris videbatur indignior misericordia, & redemptione, quia in humano genere ipsa semina prius peccavit, & virum ad peccatum traxit. Ut ergo semina crederet se esse redemptam per Christum, ideo de semina carnem assumere, & nasci voluit. Sed ut vir crederet etiam se esse redemptum per eundem Christum, in sexu virili, non semineo assumpsit carnem: Itaque in semina, & de semina voluit ipse nasci in sexu virili, & non muliebri. Quia ergo Christus natus est de semina, signum est liberationis viri. Vel ideo solum de semina voluit nasci, quia judicavit congruere, ut Diabolus, qui per seminam vicerat, per seminam vinceretur, & ut janua paradisi, quæ per seminam clausa fuerat, per seminam aperiretur. Prima enim semina, scilicet Eva, ante peccavit, quam vir; ipsa enim primo peccavit, pomum vetitum accepit, & comedit, & viro ad comedendum dedit; pro quo peccato ambo expulsi sunt de paradiso, & clausa est janua paradisi, & permansit clausa usque ad adventum Christi. Tandem Christus volens aperire janua Paradisi per seminam, assumpsit carnem, & natus est de semina. Vel ideo voluit solum de semina nasci, quia de solo viro generatio humani generis processerat in prima semina, quæ de costa viri facta est. De viro, & semina multum est frequens humani generis generatio; sed de semina sola insolita est generatio; & ideo quia mirabiliter voluit nasci, & mirabiliter mundum redimere, sibi soli hanc novam,

[a] Id definitum est contra Nestorium impie statuentem Christum merum hominem conceptum fuisse, postea post dissonantiam tempus Verbum illi fuisse unitum. Theologos consule errorem hunc propellentem.

(b) De perpetua Maria Virginitate copiosissime Theologi disputant, atque eam constantissime asserunt. Eos consule, atque in primis Petavium de incarnatione. 1. 4. 3. & seq.

(c) Isaias 7. 14.

(d) Ezech. 44. 2.

vam, & inauditam generationem retinuit; & sic de sola semina nasci voluit, & de Virgine, ut significaretur, quod illas salvaret, & redimeret, quæ essent virgines mente, & integræ ab omni corruptione peccati. Ecce in hac tertia parte consuetus cursus, & consequentia naturæ supplantatur, idest a conceptione, & natiuitate Christi removetur; dum sine semine viri dicitur conceptus de Spiritu Sancto, & natus de Virgine. Unde quia hanc professionem fecit, & hanc tertiam partem apposuit, merito dictus est *iacobus*, idest *supplantator*, vel dictus est *supplantator*, quia curam carnis, Domino vocante, supplantavit, & eandem carnem, homine trucidante, contempsit.

IV. Sequitur: PASSUS SUB PONTIO PILATO, CRUCIFIXUS, MORTUUS, ET SEPULTUS. Hæc est quarta pars, quam apposuit Ioannes. Pilati fit mentio non aliqua parte ad dignitatem designandam, sed ad solam temporis determinationem, quo Christus passus est. Multi enim fuerunt Christi. Ut ergo determinetur, quis sit ille Iesus, in quem credendum est, qui conceptus est de Spiritu Sancto, natus de Maria Virgine, supponit, passus sub Pontio Pilato, quasi iste sit sensus, qui passionem, & mortem crucis sustinuit, Pontio Pilato procurante Iudæam: solent enim tempora per reges, & alios principes determinari. Passus est Filius Dei secundum humanitatem, impassibilis secundum Deitatem, ut humanum genus, quod passionibus subiacebat, ad impassibilitatem reformaret, iuxta quod dicitur: (a) *Oportebat Christum pati*, & ita intrare in gloriam suam. Quare in hoc passio Christi fuit utilis, per quam effectum est, ut credentes in eum, qui resurrecturi sunt, immorta-

les resurgerent, & impassibiles; quæ est gloria resurrectionis. Sed in hoc etiam fuit utilis, quia fuit hominibus ad tolerantiam passionum incitamentum. Unde Petrus: (b) *Christus passus est pro nobis, vobis relinquens exemplum, ut sequamini vestigia ejus*. Item (c) *Christo passo in carne, & vos in eadem cogitatione armamini*.

Crucifixus. Ecce magnum humilitatis exemplum. Potuit Christus alio genere mortis mori; sed utdaret nobis exemplum humilitatis, mortem crucis elegit. Genus enim mortis, quod per crucem infligebatur, ignominiosius erat tunc temporis omni alio genere mortis. Unde (d) *Morte turpissima condemnemus eum*; solis enim sceleratissimis hæc mors infligebatur. Sed & hæc fuit (e) *mutatio dextera excelsi*, ut quæ erat ignominiosa pœna damnandorum, fieret gloriosa liberatio damnatorum. Voluit ergo Christus eligere mortem Crucis propter humilitatis exemplum præstandum, & propter superbiam medicamentum exhibendum. (f) *O homo, o vermis, o cinis, & pulvis, & sanies fetida, & vas stercoreum, quid inflaris? quid tenderis? Dominus tuus humilis, & tu superbus. Caput est humile, & pes superbit, & recalcitrat. Audi humilitatem Domini tui, & agnominiam, quam pro te passus est*: Attende: ait enim Apostolus: (g) *Christus factus est obediens usque ad mortem, non qualemcumque, sed ignominiosam; scilicet mortem crucis*; ut ipse se in Cruce, & figura Crucis ostenderet, quod per talem mortem totus mundus redimebatur; idest homines de qualibet parte nascerentur, dummodo vellent credere. Si enim Crux facta fuit, quod ejus pars quædam respexit orientem, quædam occidentem, quædam austrum, alia septentrionem, hoc ipso innuens, quod

(a) Luca 24. 26.

(b) 1. Petri 2. 21.

(c) In eadem 4. 1.

(d) Sap. 11. 20.

(e) Psalm. 76. 11.

(f) Quæ subsequuntur verba, &amp; in codice notata inveni, ex ceteris Patri de sumpta arbitror. Id sane indicant rubra lineola, quæ iisdem verbis supponuntur.

(g) Philip. 2. 8.

quod omnibus, qui per diversas mundi partes habitant, si velint credere, sufficienter afferret redemptionem. Christus ergo in Cruce, caput ostendit ad orientem, pedes ad occidentem, dexteram ad septentrionem, sinistram ad austrum; quasi diceret ipsa sui Corporis positione, omnes undecumque veniant, paratus sum recipere, si velint credere. Unde ipse in Evangelio Lucæ (a): *Multi venient ab Oriente, & Occidente, ab Aquilone, & Austro, & (b) recumbent in regno Dei*; Potest etiam per partem Crucis terræ defixam intelligi gaudium Sanctorum, qui erant in inferno: per partem superiorem, in qua titulus scriptus est, gaudium Angelorum: per duo brachia, gaudium duorum populorum, scilicet Judaici, & Gentilis: nam per mortem Christi Sancti de inferno detracti sunt, & ad paradysum redacti, & Angeli, de eorum societate, in numero perditorum sunt restaurati, & duo populi in una fide conjuncti. Gavisus ergo sunt facti de sua liberatione, Angeli lætificati de eorum societate, & sui numeri restauratione: duo populi congratulati de sua conjunctione. Passunt & aliz causæ assignari, quare Christus mortem Crucis elegit; sed nunc hæc sufficiant.

*Mortuus.* Sicut vera nativitate natus est, sic vera morte mortuus est, ut nos ab æterna morte liberaret, & per

morte temporalem nobis vitam conferret æternam: & sicut mortuus ipse est in mundo, sic nos *visis, & concupiscentiis moriamur* (c): Et sicut ipse pro nobis mortuus est, sic nos, ubi necessarium est, mortem pro ea subire non formidemus.

*Et sepultus.* Sepultus fuit Christus: idest humanis subtraetus aspectibus, hoc a nobis exigens, ut ei *consepeliāmur* (d) ut sicut ipse humanis fuit subtraetus aspectibus, sic nos vitiis, & concupiscentiis omnino subtrahamur, nec ab eis videri, vel tangi valeamus. Hæc autem sepultura Christi fuit triidua, per quod innuitur, quod nos debemus esse sepulti omnibus generibus peccatorum, quæ comprehenduntur (e)... per hanc quartam partem. Merito Joannes, qui interpretatur *gratia Dei*, vel in quo est *gratia*, apposuit hunc articulum, quia *Christus passus, crucifixus, mortuus, & sepultus.* De sola gratia, & benignitate sua, non de necessitate, vel coactione. Unde Isaias (f) *Oblatus est, quia ipse voluit*: Et Christus in Evangelio (g): *Nemo tollit a me animam meam, sed ego pono eam.* (h) Non minus tamen dictus est Joannes, idest *gratia Dei*, vel in quo est *gratia*, quia magna gratia fuit quod a *fluctivaga nuptiarum tempestate revocatus* (i), in virginitate permanfit, & quod Virginem Matrem Jesu Christi Vir-

(a) cap. 13. 29. (b) *Vulg.* accumbent. (c) *Respicit, ut puto ad celebrem Apostoli Pauli locum [Gal. 5. 24.]* Qui autem sunt Christi, carnem inam crucifixerunt cum vitiis, & concupiscentiis. (d) *Respicit ad duo notissima Pauli loca:* consepulti enim sumus cum illo per baptismum in mortem: ut quomodo Christus surrexit a mortuis per gloriam Patris, ita & nos in novitate vite ambulemus. [Rom. 6. 12.] = Consepulti ei in baptismo, in quo & resurrexistis per fidem operationis Christi, qui suscitavit illum a mortuis. [Coloss. 2. 12.] (e) *Pauca defunt.* Deinceps omnia peccata sub tribus generibus comprehendit docet: nempe cogitationis, locutionis, operis. (f) 53. 7. (g) Joan. 10. 18. (h) *Adde, si vis, quæ habet Paulus Tit. 2. 11. & expressius capite 3. 4. & subsequet.* (i) *Hæc ipsamet verba in præfatione præposita Commentariis S. Augustini in Joan.* cujus præfationis auctor ignotus ballenus dictus est. *An ex his ipsis verbis merita coniecimus Scriptorem ejusdem præfationis fuisse Hugueionem nostrum, cui proinde ex hoc ipso titulo fiet non levis existimationis accessio.* Illud saltem ex ea comparatione colliges tanto in honore fuisse eam, quam edimus Hugueionis explicationem, ut ex ea aliis in opuscula sua sententias aliquot totidem fere verbis transulerint. Nam vero Joannes is fuit sponsus, cujus nuptias præsentia, & miraculis decoravit Christus, interpretet conjele.

Virginis, inter angarias (a) Crucis, in custodia recepti. Et quod alius ceteris Dominici pectoris arcana rimatus, incomprehensibiliter de æternitate Verbi eructavit dicens: *In principio erat Verbum &c.* (b)

V. Sequitur: DESCENDIT AD INFEROS, TERTIA DIE RESURREXIT A MORTUIS. Hæc est quinta pars, quam Thomas apposuit. *Descendit ad inferos tertia die*, ut Sancti, qui ibi victi retinebantur, per eum educerentur. Unde Zacharias (c) *Tu quoque in sanguine testamenti tui emisisti vivos tuos de lacu, in quo non erat aqua*. (d). Non fuit otiosa tridui mora inter mortem, & resurrectionem: sed dum corpus jacuit in sepulchro, anima descendit ad infernum, ut animas expectantium redemptionem secum duceret in paradysum. Et tunc paradisi porta, quæ per Evam cunctis clausa fuerat, remoto Cherubim, qui in introitu paradisi cum flammeo gladio positus erat, aperta fuit, (e) ut simul intrarent boni de inferno extracti; non enim Christus malos extraxit, juxta illud Osee (f) *O mors ero mors tua: morsus tuus ero, o inferne*: non enim Christus ex toto expoliavit

infernum, sed momordit. Cum enim mortuum in aliqua re facimus, partem capimus, & partem relinquimus: sic Christus infernum momordit, partem, scilicet bonam extraxit, & partem, scilicet malam, reliquit: non enim credendum est quod Caim, vel Judam ex iis extraxerit, quos ad poenam æternam ab æterno præseivit. Sanè intellige, quod dicitur *Christus descendit ad infernum*: Christus fuit ad inferna; idest anima ejus: (g) Christus jacuit in sepulchro; idest Corpus ejus: in illo enim triduo anima Christi fuit separata a carne, qua ratione imple dicitur mortuus.

Caro remansit in sepulchro, anima descendit ad infernum: divinitas tamen fuit in utroque, scilicet in inferno cum anima, & in sepulchro cum carne: licet enim anima separata fuerit a corpore tantum, quantum distabat infernus a sepulchro, unio tamen divinitatis, & humanitatis, in ipso non desit, nec definit esse: nec remota a corpore, & anima poterit esse divinitas, quæ ubique est (h): Unde David (i): *Si ascendero in celum, tu illic es, si descendero in infernum, ades*. Ambrosius tamen super illum

- (a) *Pax hæc angarias, procul dubio a verbo latino ango derivatur: inter voces tamen barbaras recensetur. Ob hæc, aliasque similes voces ab Huguccione usurpatae barbarus dicitur ab auctore Epigrammatis, quod in præfatione allegavi:*

Gutio quam coluit barbarus & docuit.

(b) *In præfatione ad Joannem, quam nuper commemoravi, ad hunc modum id exprimitur. Qui enim supra pectus Domini in cæna recubuit, celestis haustum sapientie ceteris excellentius, de ipso Dominici pectoris fonte potavit.* (c) 9. 11.

(d) *Psalm. in quo non est aqua.* (e) *Vel duos Cherubim admittit, unum ad fores paradisi terrestris [Genes. 3. 24.] alterum ad fores celestis paradisi. Vel [quod consultis reor] die Cherubinum positum ad fores paradisi terrestris, ejusque ingressum, præcedentem denotasse Regnum celeste primorum parentum peccato suisie clausum: deinceps vero a Christo resurgente reformatum.* (f) 13. 14. (g) *Copiosissime hoc de argumento disserit Petrus de incarnat.* 13. 15. 16. 17.

(h) *Huguccionis dicta sic excipe, ut argumentationem proponet a fortiori & si enim ubique est divinitas, an aberit a corpore jam a verbo assumpto? Cæterum ratio [ut cum Scholasticis loquar] formalis, ob quam divinitas Christi etiam cum Corpore illius persistit ea est, quam Theologi asserunt: Verbum quod semel assumpsit, nunquam dimittit. Et revera humanitas Christi etiam mortui nunquam desit peculiaris juris verbi, quod illam in Virgine assumpsit. Vide Theologos.*

(i) *Psalm. 138. 8.*

illum vericulum: (a) *Deus Deus meus respice in me: quare me dereliquisti*: videtur velle, quod divinitas sit separata a carne dicens: *Clamas caro moritura Verbi a se proscitata dissidium*. Item: *clamas homo separatione divinitatis moriturus*. Sed istæ duæ auctoritates intelliguntur de dissidio Verbi, & separatione divinitatis, quo ad protectionem: visa est enim divinitas separata a carne, & eam dereliquisse, quia non protexit, sed suam protectionem illi subtrahens, & potentiam suam cohibens, illam passioni exponi permisit. Si enim divinitas suam potentiam non cohibuisset, sed exercuisset, nunquam Christus mortem gustasset.

*Tertia die resurrexit a mortuis*. Ad immortalitatem surrexerunt multi ante Christum, (b) sed postea resoluti sunt in morte. Christus ergo primum resurrexit deinceps non moriturus, unde Apostolus ad Corinthios: (c) *Christus resurrexit a mortuis primis dormientium*. Item ad Romanos: (d) *Christus resurgens a mortuis jam non moritur*: mors illi ultra non dominatur. Item ad Colossenses: (e) *Christus est primogenitus ex mortuis*: idest primus mortuorum ad immortalitatem resur-

gens: licet enim die crucifixionis, monumenta multorum mortuorum sint aperta, non tamen resurrexerunt antequam resurrectionem: vel si antea, incenerati sunt postea (f). Ideo Christus voluit resurgere, ut spem nostræ futuræ resurrectionis firmaret in nobis, & ut, sicut ipse in corpore, ita nos a vitiliis resurgamus in mente.

*Tertia die*: fuit enim in sepulchro tribus diebus, & tribus noctibus; idest tribus diebus naturalibus: non quod per tres dies integros steterit in eo, sed quod steterit per trium dierum aliquot partes. Sexta feria, circa horam nonam, emisit spiritum, & ita per ultimam partem sextæ feriæ in sepulchro quievit, & per totum sequens sabbatum, & per noctem dominicæ diei, in qua parum ante diluculum surrexit Christus, & sic sinodotice (g) verum est, quod tertia die resurrexit. Ideo noluit amplius suam resurrectionem differre, ut habitationem Apostolorum de ejus Deitate, auferret, ne majorem moram in morte faciendo, desperarent. Nec citius voluit resurgere, ne mors ejus non vera, sed phantastica videretur. Vel ideo tertia die resurgere voluit, ut per hoc daretur intelligi, quod illa-  
E e re-

(a) Commentaria Ambrosii in Psalmorum 21. nunc non habemus, ideoque minime habemus inter opera hujusce S. Doctoris typis edita ea duo loca, qua hic Huguccio commemorat. At Libro 6. expositionis in Lucam num. 32. hæc habemus. In manus Patris commendavit Spiritum suum, & a morte sequestrata divinitas corporalium non subit consortium passionum. Quæ tamen verba non aliud docent, nisi divinitatem Christi, Christo moriente non fuisse mortuam. Quis hæc de re dubitet? Ceterum explicatio, quam Huguccio offert, valde probabilis est, & jam dudum proposita a Theodoro in versiculum 1. Psalmi 21. ideoque ad ea ipsa verba: Deus meus respice in me: quare me dereliquisti. Ceterum ex hoc loco discimus alios Psalmos, præter eos quos commentariis illustratos typis edidit doctissimi Monachi S. Mauri, fuisse ab Ambrosio explicatos: quæ de re diu inter litteratos disputatum est.

(b) Vox hæc multos, cum aliqua restrictione accipienda hic est: pauci enim ante Christum resurrexerunt, etiam si in bonum numero eos colloques, quos Christus ipse excitavit a mortuis. Sic etiam accipimus illa Evangelica Verba: Multa corpora Sanctorum &c.

(c) 1. Corinthe. 15. 20.

(d) 6. 9.

(e) 1. 18.

(f) Non omnes interpretes in eadem sententia sunt: putant enim aliqui Sanctos eos, quorum corpora in morte Christi aperti: monumentis resurrexerunt, morti deinceps non fuisse obnoxios. Probabilior tamen [ me quidem judice ] ea est opinio, quam Huguccio sequitur. Vide interpretes, atque imprimis Calmet ad versiculum 62. capitis 27. Matthæi.

(g) Aut Amannensi imperito vocem hæc tribue, aut si Hugucioni ipsa tribuitur, in eorum numero eandem vocem colloca, quarum causa appellatus est barbarus; idest barbaris utena vocabulis.

Cutio quam coluit barbarus, & docuit.

resurrectio facta est vi, & potentia Trinitatis, & quod nostra resurrectio non est futura gloriosa, nisi in fide Trinitatis: & quod resurgere a morte animæ, non valeamus, nisi per fidem Trinitatis. Vel ideo tertia die resurrexit, ut significaretur, quod per fidem illius resurrectionis nos a tribus generibus peccatorum, scilicet cogitationis, locutionis, & operis, resurgere debeamus. Vel ideo tertia die resurrexit, ut inveniretur, quod a peccatis surgere non possumus, nisi per ternarium virtutum, scilicet per fidem, spem, & caritatem: vel per penitentiam, ubi tria sunt necessaria, scilicet cordis contritio, oris confessio, & operis satisfactio. Vel ideo tertia die resurrexit, ut homo saltem tertia die, ( idest tempore gratiæ ) resurgat. Si symbolica cogites, dies primus est tempus ante legem, secundum tempus sub lege, tertium tempus sub gratia. Primo, vel secundo die homo non potest surgere. (a) Surgit ergo in tertio, Caput suum imitando. Vel ideo tertia die resurrexit, ut ostenderetur, quod per fidem suæ resurrectionis erant salvandi homines trium temporum, scilicet temporis ante legem, temporis sub lege, temporis sub gratia: vel homines trium generum. Tria sunt genera hominum salvandorum, scilicet conjugati, rectores, continentes, sive virgines. Ista tria genera salvandorum significantur per tres homines, quos Ezechiel vidit salvandos: (b) scilicet Job, per quem conjugati; Noe, per quem rectores; Daniel, per quem continentes, seu virgines intelliguntur. De istis tribus generibus quicumque salvabuntur, per fidem resurrectionis

Christi salvabuntur. Hanc quintam partem, ubi agitur de fide resurrectionis, merito Thomas apposuit, ut sicut primum valde incredulus fuit resurrectionis ejus, (c) ita post certitudinem, præ aliis, & inter alios eam vehementer prædicet, & constiteatur. Quis enim melior testis, quam qui prius dubitando inquit, & inquirendo, veritatem melius intelligit? Unde dictus est Thomas, idest *abyssus*, vel *geminus*: unde & græce dicitur *didymus*, quasi duplex, quia quo ceteris plus, & diutius dubitavit, eo altius, & profundius, & quasi in duplum, veritatem resurrectionis cognovit, & in ea firmius stetit.

VI. Sequitur: ASCENDIT IN CÆLUM, SEDET AD DEXTERAM DEI PATRIS OMNIPOTENTIS: INDE VENTURUS EST JUDICARE VIVOS, ET MORTUOS. Hæc est pars sexta, quam apposuit Jacobus Alphæi. *Ascendit in Cælum*. Quadragesima die post resurrectionem, humanam naturam, quam de Virgine, & in Virgine sumperat; super Cælos collocavit, ubi tamen & prius secundum divinitatem erat; qui enim ubique erat, ibidem non esse, non poterat. *Ascendit* quasi propria virtute, cum de Henoc legatur, quod fuerit translatus (d), & de Helia, quod fuerit raptus, sive vectus; (e) cum uterque impotens per se esset a terra per aera sublevari. Nec obviat quod dicitur de Christo, (f) *Et nubes suscepit eum*: quia quasi in quodam globo bajulæ nubis ascendit; non quod ascendens egeret ministerio nubis; sed ut per hoc ostenderetur, quod omnis creatura pararet obsequium suo Creatori. *Ascendit*, ut nos ascendere doceat; & faciat

(a) Sic accipe verba hæc: ut gratiam, vi cuius resurrexerunt a culpa illi, qui ante legem, & tempore legis surrexerunt, promeruerit Christus in tempore, quod sub gratia appellat Huguccio: etenim certum est peccatorum veniam [ex vi tamen redemptionis futura Christi] fuisse penitentibus datam, antequam Christus nasceretur. Id Huguccio ipse deinceps clarissime affirmat. (b) Ezech. 14. 14. Et si fuerint tres viri in medio ejus, Noe, Daniel, & Job &c. (c) Joan. 20. 24, & seq. (d) Genes. 5. 24. (e) IV. Reg. 2. 11.

(f) Acto. 1. 9.

faciet hic de vitiis ad virtutes, de virtute in virtutem ascendere, (a) ut tandem corporaliter ascendamus in Cælum, ubi ipse est, & Deum deorum in Sion videamus. (b)

Ascendit non solus, sed cum Sanctis, quos de inferno eduxerat, unde Isaias in persona Angelorum admirationem in ejus ascensione ait (c): *Quis est iste, qui venit de Edon tinctis vestibus de Bosra?* Edon interpretatur terrena, vel rubra, vel sanguinea, & significat mundum istum terrenum, & multo sanguine infectum. Bosra interpretatur munera, & significat Jerusalem, ubi fuit occisus, turribus, & alijs prædijis olim munitam; vel significat infernum olim munitum sic, ut omnes bonos clauderet, & nullum exire permitteret. (d) Vestes tinctæ Domini, sunt Sancti multo sanguine purpurati; & est sensus: *Quis est iste, qui venit de Edon*, idest de mundo, & de Bosra? idest de Jerusalem, vel de Inferno: venit, dico, indutus vestibus corporeis, olim tinctis sanguine passionis, vel venit indutus, & avallatus (e) vestibus; idest Sanctis sanguine tinctis, idest multam effusionem sanguinis olim passis. Nec obviat illud Evangelicum: (f) *Nemo ascendit in Cælum, nisi qui de Cælo descendit filius hominis, qui est in Cælo*: Sancti enim erant unum corpus cum Christo, erant membra ipsius, & vestis. Si ergo quis intrat cum membris, & vestibus suis, non ideo dicitur intrare nisi solus, si nullus alius intrat. Sic Christus dicitur ascendisse solus, licet membra ejus, & indumenta cum eo ascendissent.

Sedet ad dexteram Dei Patris Omnipotentis. Quod Filius sedere dicitur, non membrorum positionem, quasi in hoc statu ibi sit, sed quietem post laborem, & judicariam designat potestatem, & regnantis majestatem.

Ad dexteram Dei Patris Omnipotentis. Non est Deus Pater aliquid corporale, quod habeat dexteram, vel sinistram; simplicissima namque natura est, quæ ubique tota est, & nullis dimensionibus circumscribi potest, ut aliquid sit ei dextrorsum, vel sinistrorsum, ante, vel retro, sursum, vel deorsum; sed per dexteram intelliguntur potiora bona in æterna beatitudine, & est sensus: *Sedet*: idest post laborem, & certamina passionis, & palmam resurrectionis quiescit, & conregnare, secundum quod homo ad dexteram Dei Patris Omnipotentis, idest in summa beatitudine; five in bonis Patris, præstantioribus omnibus alijs bonis alicui creaturæ collatis; nunquam enim alicui creaturæ tot, & tanta bona contulit Deus, quot, & quanta contulit homini Christo. Plus ei conferre non potuit, nec eum meliorem facere, quam fecit. *Vel sedet*, idest conregnare secundum quod Deus ad dexteram Dei Patris Omnipotentis, in eadem qualitate cum Patre. Et sic per dexteram intelligitur æqualitas, quam habet Filius cum Patre.

Inde venturus est judicare vivos, & mortuos. Venturus in aere; in spatio enim hujus aeris apparebit, & sedebit contra locum montis Oliveti, ex quo ascendit, & ut dicit Chrysostomus: (g) *Angeli deferent ante eum instrumenta mortis sue, quasi vexilla triumphi*,  
E c 2  
sci-

(a) Psalm. 83. 8.

(b) Ibidem: videbitur Deus deorum in Sion.

(c) Isa. 63. 1.

(d) Recole nuper dicta.

(e) Avallatus hic videtur significare

circumdati, seu circumsepti veluti vallo, aut alio affini. Aliter sumit vocem hanc avallare Du-range, quem consulte.

(f) Joan. 3. 13.

(g) Hac quæ sequuntur,

lineola subdalla notata in Codice sunt; ex qua quidem re assequimur ex vetusto Patre, qui aut Chrysostomus esset, aut esse putaretur, illa esse accepta. Fortasse, sed cum aliquo discrimine, ex homilia Chrysostomi de Cruce, & latrone desumpta sunt. [Tom. 2. editionis Montisauron pag. 411. num. 4. qua quidem homilia citatur etiam a Leone Magno epistola 34. edition. Quæsneli.

scilicet Crucem illam essentialior, in-  
 .qua crucifixus est, & clavos, & lan-  
 ceam, & in carne ejus videbuntur ci-  
 catrices, ut videant in quem pupu-  
 runt. (a) Unde in Evangelio: (b) *Es*  
*tunc apparebit signum filii hominis in*  
*Cælo*: scilicet signum Crucis, & clavi,  
 & lancea, vel cicatrices in signum vi-  
 ctoriæ. Quod ergo dicit Joel: (c) *Con-*  
*gregabo omnes gentes, & deducam eas*  
*in valle Josaphat*, & disceptabo ibi  
 cum eis, ubi velle videtur, quod in  
 Judicio Dominus sit descensurus in val-  
 le Josaphat, sic intelligitur. Josaphat  
 interpretatur *Judicium Domini*. In  
 valle ergo Josaphat, idest in Judicio  
 Domini congregabuntur omnes, non  
 enim Christus in illam vallem descen-  
 det in Judicium, sed sedebit in æra  
 cum Senatoribus; vel forte ideo fieri  
 dicitur judicium in valle Josaphat, quia  
 in terra, idest in valle illa mali con-  
 gregabuntur, sed boni rapiuntur *obvi-*  
*am Christo in æra supra locum illum*.  
 Unde Apostolus: (d) *Mortui qui in*  
*Christo sunt resurgent primi deinde nos,*  
*qui vivimus, qui reliquimur, simul ra-*  
*piemur cum illis in nubibus obviam*  
*Christo in æra*.

*Judicare vivos: & mortuos*; idest  
 bonos, & malos, justos, & injustos,  
 ut vivi virtutibus intelligantur, & ad  
 vitam prædestinati: mortui, in pecca-  
 tis mortui, & æterna morte damnan-  
 di: ut sit sensus. *Vivos* idest æterna vita  
 remunerandos. *Mortuos*, idest æterna  
 morte dammandos. Vel *vivos* (e) intelli-  
 ge quos corripit adventus ejus, qui *sic*  
*ent sur in morte ita veniet*, qui tamen in  
 ipso adventu moriuntur, & statim su-  
 scitabuntur; & si quid adhuc erit in  
 eis longo tempore puniendum, in mo-

mento purgabitur pro terrore, & hor-  
 rore, & angustia adventus ejus, ac i-  
 gne, qui eum præcedet, & superfi-  
 ciem terræ, & aerem comburendo pur-  
 gabit. (f) *Mortuos* intellige quos adven-  
 tus ejus jam mortuos inveniet, & re-  
 suscitabit. Nota quod Filius judica-  
 bit non ex vi humanitatis, sed divi-  
 nitatis, nec sine Patre, & Spiritu  
 Sancto: & ideo specialiter Filio judi-  
 cium attribuitur, quia ipse, non Pa-  
 ter, vel Spiritus Sanctus, ibi appare-  
 bit in forma humana, & in ea utram-  
 que sententiam proferet. Unde in E-  
 vangelio: (g) *Pater non judicat quem-*  
*quam, sed omne judicium dedit Filio*:  
 idest utrumque, scilicet absolutionis,  
 & condemnationis: Ipse enim Filius  
 in forma humana proferet sententiam  
 absolutionis, & benedictionis; scilicet  
 (h): *Venite benedicti* &c. & sen-  
 tentiam condemnationis, & maledi-  
 ctionis scilicet (i): *ite maledicti* &c.  
 Unde Jeremias: (k) *Ex ore Altissimi*  
 (scilicet Christi): *non egredientur* (in  
 Judicio) *nec bona nec mala*, idest e-  
 gredientur bona, & mala, ut duæ ne-  
 gationes faciant unam affirmationem.  
 (l) Vel intelligantur tantum negative  
 & de Patre. *Ex ore Altissimi*, idest  
 Dei Patris in Judicio non egredientur,  
 idest nec bona, nec mala tunc egredie-  
 tur de ore ejus, sed tantum de ore  
 Filij. *Bona* vocat sententiam absolu-  
 tionis, *mala* sententiam condemnatio-  
 nis, quæ malis mala videbitur. Sunt  
 & aliæ hujusmodi auctoritatis expo-  
 sitiones: ad proximitatem vitandam eas  
 nunc taceamus. Merito autem sextam  
 partem, ubi agitur de Dominica As-  
 censione, apposuit Jacobus, qui *sup-*  
*plantator*, sive *luctator* in tempore ma-  
 gno,

(a) Zach. 12. 10. Aspicient ad me, quem confixerunt: (b) Matth. 24. 30. Ecclesia ipsa  
 in Officio S. Crucis: Signum Crucis erit in cælo, cum Dominus ad judicandum ve-  
 nerit. (c) 3. 2. (d) I. Thessal. 4. 15, & 16. (e) I. Thessal. 5. 2.  
 (f) Expectantes, & properantes in adventum dici Domini, per quem cæli ardentes  
 solventur, & elementa ignis ardore tabescent. 2. Petr. 3. vers. 12.  
 (g) Joan. 5. 22. (h) ibid. 41. (i) ibid. 41. (k) Thren. 3. 38.  
 (l) Hanc Grammaticorum regulam pauci huic loco applicabunt. Praferenda est sane sub-  
 sequens explicatio.



gno, (a) idest iustamenti, & a terris ad Cælum, ab Homine ad Deum, a labore ad quietem, a vitijs ad virtutes, a stabulo ad palatium, ab exilio ad Regnum, ab umbra ad lucem, ab imagine ad veritatem, a figura spei, ad rem spei. Sic Jacobum interpretamur *iustamentum*, & *supplantatorem*: Unde, quasi denominative Jacobus sumitur, prius supplantans fratrem, primogenitorum percepit dignitatem: postea ludans cum Angelo optatam accepit benedictionem.

VII. CREDO IN SPIRITUM SANCTUM. Hæc est septima pars, quam Philippus apposuit. Et est sensus: *Credo in Spiritum Sanctum*, idest credendo in eum promoveor, credendo in eum tendo, ei per fidem, & caritatem inhæreo, ei per bonam operationem, & bonam voluntatem ardentem unior. Est enim Sanctus Spiritus tertia persona in *Trinitate*, quæ est verus, & unus Deus cum Patre, & Filio, qui consubstantialis Patri, & Filio, ab utroque æqualiter procedit. In eum ergo, sicut in Patrem, & Filium credendum est. Congrue in septima parte fides de Spiritu Sancto, qui *sepiiformis* dicitur, collocatur, propter septem gratias, sive dona Spiritus Sancti, quæ in *Isaia* leguntur. (b) Merito hanc partem apposuit Philippus, qui interpretatur *amor supernus*, vel *amator supernorum* a Philos, quod est amor. Et ipse quoque est *super*, qui in *Spiritum Sanctum*, qui est amor Patris, & Filij, se credere confessus est. Vel Philippus interpretatur *os lapidis*, quia verum lapidem, (c) & verum ignem, *Sanctum Spiritum* scilicet, constituitur, & se in eum credere

profitetur. Dicitur etiam *os lapidis*; quia verum lapidem, inventum scilicet Christum (d), Fratri suo Nathaeli nunciavit, & prædicavit. (e)

VIII. SEQUITUR: SANCTAM ECCLESIAM CATHOLICAM. Hæc est octava pars, quam apposuit Bartholomæus, & est repetendum *Credo*. Et secundum Augustinum cum propositione in est repetendum: *Credo in Sanctam Ecclesiam Catholicam*. Dicit Augustinus sensum mutari, ut non eo modo dicatur credere in *Sanctam Ecclesiam Catholicam*, quo creditur in Deum: sed dicit sic debere intelligi. *Credo in Sanctam Ecclesiam Catholicam*, idest in Ecclesia Sancta, & Catholica conversans *credo in Deum*. Sed melius prætermittitur & non repetitur præpositio *in*: non enim addit aliud esse credendum, nisi tantum in unum Deum, & in tres personas, scilicet in Patrem, & Filium, & Spiritum Sanctum, nec alibi quidem invenit rationalis Creatura (f), unde in Psalmo: (g) *Sitivit anima mea ad Deum foras virum*. Et alibi (h): *concupiscit, & deficit anima mea in arria Domini*; & est sic distinguendum: *Credo Ecclesiam Catholicam* tenendam esse sanctam, Ecclesia dicitur *Congregatio Fidelium: Catholica* communis, seu universalis interpretatur. Illa igitur Congregatio fidelium est credenda Sancta, quæ communi, & universali fide innitur. Illa scilicet, quæ habita, & prædicata ab Apostolis firma perseverat, in Ecclesiarum prælatis, & in multitudine populorum permanet, & est inviolabilis; & non est ea, quæ in prostribulis, & latibulis, & sæpe (i) post telas, & juxta latrinas sus-

(a) Fortasse legendum est malo, idest laboris, & luctu.

(b) *Isaia* 11, 2.

(c) Lapidem hic accipis pro eo lapido, ex quo ignis excutitur. Consule preces Ecclesie in Sabbato Sancto ad excitandum ignem: Deus, qui per Filium tuum, angularem scilicet lapidem, claritatis tue ignem fidelibus contulisti &c.

(d) Respicit, ut puto, scriptor nosse ad ea scripturarum loca, in quibus Christus dicitur lapis angularis, fundamentum, & affinis alia.

(e) *Jo.* 1, 45.

(f) Supple in quo quiescat; aut aliud inveniendi.

(g) *Psal.* 41, 3.

(h) *Psal.* 83, 3.

(i) Quid denotetur his duabus vocibus, post telas, ignoro. An aliquid latent? An officina viles, & contemptissime? Indicer Lector.

surratur, & configitur ab hæreticis. Vel hoc vult dicere: credimus quod Ecclesia Catholica nunquam deficiet, nec etiam defecit a tempore Abel. Postest Ecclesia Dei quati, & fluctibus allidi, sed non ita submergi, quod aliqui boni non sint in ea. Unde Christus in figura Ecclesie dixit hæc Petro: (a) *Ego rogavi pro te Petre: ut non deficiat fides tua: & alibi: (b) & porta inferi non prævalebunt adversus eam: scilicet Ecclesiam (c).* Et in Evangelio dixit Angelus Mariæ: (d) *Et regnabis in domo Jacob in æternum: quæ domus appellata est universalis Ecclesia, quæ per fidem, & confessionem Christi ad Patriarcharum pertinet sortem, sive in ijs, qui de Patriarcharum stirpe carnis originem duxerunt, sive de alijs nationibus carnaliter editi, spirituali lavacro sunt in Christo renati; in qua videlicet domo (d) regnabis in æternum, & Regni ejus non eris finis, & Augustinus: Si nullo modo potest dici recte Ecclesia, in qua schisma est, restat, ut quia Ecclesia (e) nulla esse non potest, ea sit, quam in Apostolica Sedis per successionem Episcoporum radice constituta nullorum hominum malitia valeat exsinguere. Et est: Credo Ecclesiam Catholicam sanctam esse, idest sanctam, & firmatam, & semper perseverantem, ita quod nunquam deficiet, quod aliqui boni non sint in ea. Vel est sensus: Credo Sanctam Ecclesiam Catholicam esse unam, & in unitate totam consistere, & ideo per partes scindi non potest, quia divisionem unitas non capit. Qui ergo ab hac unitate dividitur, jam non in Ecclesia, sed extra Ecclesiam esse convincitur. Ec-*

clesia dicitur esse una propter cultum unius Dei, propter unam fidem, quam tenet, propter unum baptismum, quo utitur, & vinculo caritatis, quo est sibi, & inter se compasta, & unita, & quia unius viri unica sponsa, & quia unius Patris unica Filia. Hic sensus comprobatur ex eo quod in majori Symbolo, (f) loco istius dicti, habetur, *Et unam Sanctam Catholicam, & Apostolicam Ecclesiam.* Hanc octavam partem apposuit Bartholomeus, qui interpretatur *Filius suspendentis aquas, scilicet Dei.* Per aquas (sanctos Prædicatores) sursum ad celestia trahit, & elevat, ut inde ad subditos aqua, idest doctrina, distillet, qua Ecclesia Catholica informata, & in unitate conservata, elevatur ad celestia.

IX. Sequitur: SANCTORUM COMMUNIONEM. Hæc est nona pars, quam apposuit Matthæus, & est repetendum *Credo Communionem Sanctorum*, idest Ecclesiasticorum Sacramentorum credo veritatem; idest credo Ecclesiastica Sacramenta esse vera communiter, & generaliter a quocumque ministrantur. Vera dico, & quantum ad se, & quantum ad effectum; dummodo malitia suscipientis non impediatur, & Ecclesiastica forma servetur: Baptismus enim æque verus, & æque bonus est, & tam efficax traditus a malo, sicut collatus a bono, si Ecclesiastica forma servetur, & malitia suscipientis non impediatur. Vel *credo communionem Sacramentorum*, idest de Ecclesiasticis Sacramentis credo, & sentio id, quod comuniter, & generaliter Sancti, & Catholici Patres de ijs crediderunt. Si ergo quæzatur a te quid sentias, vel


cre-

(a) Luc. 22. (b) Matth. 16. 18. (c) Viri præclarissimi Petrum hic intelligunt; sen Ecclesiam Romanam a Petro fundatam, & constitutam, sanguine quoque suo moriendo illustratam. (d) Ibidem, & vers. 33. (e) Et sane Romana Ecclesia ea una est, a qua veluti a radice, & fonte Occidentales Ecclesie dimanant: unita est pariter ex Ecclesiis, quas Apostoli fundarunt, quæque propterea Apostolica: dicte sunt, quam nullus aut inficit, aut inficit error, id attestante ipsomet Christo iis verbis, quæ paulo ante allegavit Hugueio: Ego rogavi pro te Petre &c. (f) Constantinopolitanum.

credas de Baptismo, & Corpore, & Sanguine Christi, & de ceteris Sacramentis Ecclesiasticis? Catholice respondebis, id credo de eis quod communiter Sancti crediderunt, & senserunt; scilicet Communionem Sanctorum, id est veritatem Sacramentorum Ecclesiasticorum. Sicut enim Ecclesia in unitate consistit, sic & Sacramenta ejus

in unitate dicuntur consistere, unde in susceptione alicujus illorum, patrinus non debet esse nisi unus, ut testantur Iginus, & Leo Papa (a). Dicuntur etiam in unitate consistere, quia non reiterantur ex majori parte, & quia in fide unius consecrantur, & conferuntur.

*Cetera desiderantur.*



LE-

(a.) Gratianus De consecr. IV. decreti parte distin. 4. cap. 101. Verba Leonis affert: hac scilicet: non plures ad suscipiendum de baptismo infantem accedant, quam unus, sive vir, sive mulier. In confirmatione quoque id ipsum fiat. Ex Higinio, seu Iginio capite 100. proxime superiore hac retulerat: In catechismo, & in baptismo, & in confirmatione unus patrinus fieri potest, si necessitas cogit: non est tamen consuetudo romana, sed per singulos singuli suscipiunt. Atque id ipsum habetur in decreto Iovani [I. part. cap. 218.] Hac tamen docent Patres S. Mauri [pag. 65. To. 1. epistolarum Roman. Pont.] Est autem ex Theodori Cantuariensis penitentiali cap. 4. non sine interpolatione compositum. Si quis hac de re multa nosse desideret, Viccomitem consulat [de antiquis baptismi ritibus lib. 1. cap. 34.]

## LECTORI BENEVOLO.

**O**pusculum, quod hic prodo, ex privata mea Bibliotheca codice exscriptum, illud ipsum esse, quod Honorius Augustodonsis, hoc illi praposto titulo, *Cognitio Vitæ de Deo, & Æterna vita*, (a) edidit, ex eo primum coniecit vir eruditus amicus meus, quod hujusmodi titulus eidem opusculo aptissime congruit; ex eo quoque, quod locutionis genus, quo hic utitur scriptor noster, ab eo non abhorret, quo reliquis Honorii Augustodonsis libri conscripti sint: ex eo pariter quod illius auctor se Canonicum Regularem palam prodit. (b) An non vero id Honorio Augustodonsi convenit, qui se Augustodonsis Ecclesiæ Presbyterum, & Scholasticum (c) appellat? ex eo denique, quod codex ille, quem dixi, alios continet Honorii libros, atque in primis Elucidarium, & initium libelli, quem idem Honorius Inevitabile inscripsit, nonnihil tamen [quod deinceps dicam] diversum ab eo, quod jam pridem vulgatum est. Si conjecturas has, me quidem iudice, minime contemnendas, approbat Lector, Honorio Augustodonsi tribuat librum, quem hic damus; sin minus, voluntatem nostram equi, bonique faciat, & pium legat opusculum a vetustissimo Canonico Regulari valde docto elucubratum.

## DE

- (a) Clarissimi PP. S. Mauri [pag. 170.] Appendicis tom. VI. operum S. Augusti. libellum edidere hoc titulo inscriptum: *cognitio vitæ*, seu *de cognitione vera vitæ*, quem suspicantur illud ipsum opusculum esse, quod ab Honorio Augustodonsi compositum novimus, & ab eo si codicibus fere omnibus fidem habes, inscriptum: *Cognitio vitæ de Deo, & vitæ æternæ*: si tamen Audonensem vetustissimum Codicem sequimur: *Cognitio vitæ*.
- (b) Iis quibus Honorius vixit temporibus, plurima Clericorum, seu Canonicorum collegia amplissima, etiam & nobilissima in Italia, & Gallia regulari vitæ se se submiserant; ut scilicet a mulierum consortio, ideoque ab incontinentia, quæ proxime priora tempora Ecclesiasticos extra claustra suo arbitratu, atque in privatis domibus viventes inlecebat, quam maxime arcerentur. Sed hoc de argumento deinceps.
- (c) Honorius Augustodonsis Ecclesiæ presbyter, & scholasticus non spernenda opuscula edidit. Honor. August. de Scriptor. Eccles. lib. 4. cap. 17.

DE COGNITIONE VERÆ VITÆ,  
DE DEO,  
ET VITA ÆTERNA,  
VETUSTI CANONICI REGULARIS,  
HONORII AUGUSTODUNENSIS.  
(SI VIS)

**M**ulti multa sciunt, & se ipsos nesciunt; alios inspiciunt, & semetipsos semper derelicti. Deum quærunt per exteriora, deserentes interiora sua, quibus interior est Deus. Idcirco ab exterioribus revertar ad interiora, & ab interioribus ad superiora ascendam, ut possim cognoscere, unde venio, aut quo vado; quid sum, vel unde sum: & ita per cognitionem mei valeam pervenire ad cognitionem Dei. Quanto namque in cognitione mei proficio, tanto ad cognitionem Dei accedo. Secundum interiorem speciem tanta in mente mea invenio, per quæ Deum recolo, conspicio, & concupisco. Hæc tria sunt: Memoria, Intelligentia, Voluntas, sive Amor; per memoriam reminiscor, per intellectum intueor, per voluntatem amplector. Cum Dei reminiscor, in memoria mea eum invenio, & in ea de eo, & in eo delector, secundum quod ipse mihi donare dignatur. Intueor per intelligentiam quid sit ipse Deus in se ipso, quid in Angelis, quid in Sanctis, quid in Creaturis, quid in hominibus. In se ipso incomprehensibilis, quia (a) *principium*, & *finis*, principium sine principio, & finis sine fine. Ex me intelligo, quam incomprehensibilis sit Deus, quoniam me ipsum intelligere non potius, quem

ipse fecit. In Angelis est desiderabilis, (b) *Angeli enim eum desiderant prospicere*. In sanctis est laudabilis, quia in eo assidue felices lætantur. In Creatoris est mirabilis, quia omnipotenter creat, sapienter gubernat, benigne dispensat. In hominibus est amabilis, quia eorum: (c) *Deus est, & ipsi sunt plebs ejus*, & ipse in eis habitat tamquam in templo suo, & ipsi sunt templum ejus. Non dedignatur singulos, neque universos; quisquis ejus meminit, eumque diligit, cum illo est. (d) *Diligere eum debemus, quoniam ipse prior dilexit nos*, & (e) *ad imaginem, & similitudinem suam nos fecit, quod nulli alij creaturæ donare voluit*. Ad imaginem Dei facti sumus; hoc est ad intellectum, & notitiam Filij, per quam intelligimus, & cognoscimus Patrem, & (f) *accessum habemus ad eum*. Tanta dignitas, & tanta cognitio est inter homines, & Dei Filium, quod ipse imago Dei est, & nos ad imaginem ejus facti sumus; quam cognitionem, & ipsa similitudo testatur. Quare? Quoniam non solum ad imaginem, sed & ad similitudinem ejus facti sumus. (g) *Oportet itaque id quod ad imaginem est, cum imagine convenire; & non in vacuum nomen imaginis precipere*. Repræsentemus ergo in nobis imaginem ejus in-  
f f ap-

(a) Apocal. 1. 8.

(b) 1. Petr. 1. 12.

(c) Psal. 90. 7, &amp; 2. ad Corinth. 6. 16.

(d) 1. Joan. 4. 19.

(e) Gen. 1. 26.

(f) ad Rom. 5. 2.

(g) De imagine Dei

in nobis sita vide, quæ copiose dixi Differtat. 3. in Hilarij Epistolam a me primo editam.

appetitu pacis, in intuitu veritatis, in amore caritatis. Teneamus eum in memoria; portemus in conscientia; eumque presentem veneremur: Deus siquidem. Nostra eo ipso ejus imago est, quia ejus capax est, ejusque particeps esse potest. Non propterea ejus imago est, quia sui meminit mens, seque intelligit, ac diligit: sed quia potest se meminisse, intelligere, ac diligere, a quo facta est; quod cum facit, sapiens ipsa fit. Nihil enim tam simile est illi summæ Sapientiæ, quam mens rationalis, quæ per memoriam, intelligentiam, ac voluntatem in illa Trinitate ineffabili consistit. Consistere autem in illo non potest, nisi ejus meminerit, eumque intellexerit, ac diligit.

Meminerit itaque Dei sui, ad cuius imaginem facta est; eumque intelligat, diligit, atque colat, cum quo potest esse semper beata. Beata quidem anima, apud quam Deus requiem invenit, & in cuius tabernaculo requiescit. Beata quæ dicere potest: (a) *Es qui creavisti me, requievis in tabernaculo meo.* Negare siquidem ejus requiem Cæli non poterunt. Cur ergo nos in his exterioribus Deum querimus, qui apud nos est; si nos volumus esse apud eum? Revera nobiscum est, & in nobis, sed adhuc per fidem, donec mereamur videre per speciem. Novimus, inquit Apostolus, (b) *habitare Christum per fidem in cordibus nostris*, quia Christus in fide, fides in mente, mens in corde, cor in corpore. Per fidem recolere Deum Creatorem, Iudorem Redemptorem, expecto Salvatorem. Credo videre in omnibus creaturis, habere in me ipso: & quod his omnibus ineffabilis, jucundus, atque beatissimus est, cognoscere in se ipso. Patrem namque, Filium cum Spiritu Sancto cognoscere est vita æterna, & beatitudo perfecta, summa voluptas. (c) *Oculus non videt, non auris audit, non in cor hominis ascen-*

*dit*, quanta claritas, quanta suavitas, quanta jucunditas maneat nos in illa visione; quoniam Dominum (d) *facie ad faciem* videbimus, qui est lux illuminatorum, requies exercitatorum, patria redeuntium, vita viventium, corona vincientium. Ita in mente mea imaginem illius summæ Trinitatis reporio. Ad quam summam Trinitatem recolendam, inspicendam, & per omnia diligendam, ut ejus recorder, ea deleat, & eam complecter, totum id, quo vivo, referre debeo. Mens imago Dei est, in qua sunt hæc tria: Memoria, Intelligentia, & Voluntas. Memoriz attribuius omne, quod scimus, etsi non inde cogitemus. Intelligentiæ omne, quod verum cogitando invenimus, quia & memoriz commendamus. Per memoriam Patri similes sumus, per intelligentiam Filio, per voluntatem Spiritui Sancto. Nihil in nobis tam simile est, quam voluntas, vel amor, sive dilectio, quoniam excellentior voluntate est: dilectio donum Dei est. Itaque nullum hoc dono Dei est donorum excellentius. Dilectio (e) namque, quæ ex Deo est, & Deus est, & ipse Spiritus Sanctus datur, per quam (f) *caritas Dei diffusa est in cordibus nostris*, per quam tota Trinitas in nobis habitat.

Secundum exteriorem speciem de parentibus illis venio, qui me ante fecerunt damnatum, quam natum; peccatores peccatorem in suo peccato generarunt, & de peccato nutrierunt. Me miserum in hac lucis miseria induxerunt: nihil ex eis habeo nisi miseriam, & peccatum, & corruptibile hoc corpus, quod porto. Ad illos vero festino, qui per motus corporis hinc exierunt, & cum eorum sepulchra respicio, non invenio in eis nisi cinerem, & seipsum, & horrorem (g). Quid ego sum, illi fuerunt, & quid illi sunt, ego ero. Quia ego sum homo de homine liquido, fui enim in

mo-

(a) Eccli. 24. 12.

vint. 13. 13.

(b) Ephes. 3. 17.

(c) I. Joan. 4. 16.

(d) 1. Corinth. 2. 9.

(e) Rom. 5. 5.

(f) 1. Co-

(g) Plura bis affinia

habet Innocentius III. De Contemptu Mundi.

momento conceptionis de humano femine conceptus; deinde spuma illa coagulata modicum crescendo caro facta est; postea plorans, ejulans, traditus sum hujus mundi exilio: & ecce jam moriar plenus iniquitatibus, & abominationibus. Jam jam præsentabor ante districtum Judicem de operibus meis rationem redditurus. Veh mihi misero, cum veniet dies judicij, & aperti fuerint libri, in quibus omnes actus mei, & cogitationes, Domino præsentate, recitabuntur! Tunc demissis capite præ confusione malæ conscientie in judicio coram Domino stabo trepidus, & anxius, ut pote commemorans scelera, & commissa mea, & cum dicent de me: Ecce homo, & opera ejus, reducam ante oculos omnia delicta, & peccata mea. Quadam namque vi divina fiet, ut unicuique sua opera bona, vel mala, cuncta in memoriam revocentur, ut mentis intuitu mira quadam celeritate cernantur, ut acculent, & exculent suam conscientiam; atque ita simul omnes, & singuli judicentur.

Judicium faciet gestorum quisque suorum;

Cunctaque cunctorum cunctis arcana patebunt.

Quod enim nunc confiteri erubescimus, tunc omnibus manifestabitur, & quidquid dissimulando palpamus, totum illic vindex flamma comburet.

Ignis ubique terox ruptis regnabit habenis.

Quantoque diutius Deus nos expectat, ut emendemur, tanto districtius vindicabit, si neglexerimus. Cur ergo vitam istam tanto tempore desideramus, in qua quanto plus vivimus, tanto plus peccamus? Quanto est vita longior, tanto est culpa numerosior. Quotidie namque crescunt mala, & subtrahuntur bona: assidue variatur homo per prospera, & adversa, & ignorat quando morietur. Sicut stella in Cælo coruscans velociter oritur, & repente deficit; & sicut scintilla ignis subito exstinguitur, & fit cinis,

Sic cito finitam dant istam cerne-  
re vitam.

Dum enim libenter, ac jucundissime moratur homo in mundo isto, diutque se videtur arbitrat, ac multa in longa tempora disponit agenda, subito rapitur in morte, & improvise aufertur a corpore. Verumtamen cum magno impetu, magnique doloribus anima separatur a corpore. Veniunt enim Angeli assumere illam, ut perducant illam ante tribunal Judicis metuendi; & tunc illam memorans opera sua mala, & pessima, quæ die, nocteque gessit, contremiscit, & quærit fugere, induciamque precatur dicens: da mihi unius diei spatium, vel unius horæ. Tunc quidem simul loquentia ejus opera dicent: tu nos egisti, opera tua sumus, non deseremus te, sed tecum semper erimus, tecum pergemus ad judicium. Vitia quoque multis, & multiplicibus eam accusabunt, multaque falsa testimonia adversus illam invenient; quamquam vera ad damnationem ejus possent bene sufficere. Dæmones vero horribili vultu, & terribili aspectu eam terrebunt, & ingenti furore eam persequuntur, & comprehendunt tam terribiliter, quam horribiliter volentes retinere, & possidere, nisi sit qui eripiat. Tunc anima inveniens oculos clausos, & os, & alios corporis sensus, per quos solebat egredi, & delectari in his exterioribus, revertetur ad se solam, & nudam ingenti horrore confussa, desperatione deficiens in se, & cadet in se. Et quia amore mundi, & carnis voluptate Dei amorem reliquerat, relinquetur a Deo misera in hora tantæ necessitatis, atque Dæmonibus tradetur in inferno crucianda. Sic anima peccatoris in die, quam ignorat, & hora, quam nescit, rapitur a morte, & segregatur a corpore, pergitque miserijs plena, timens, ac dolens, & quæcumque aliam excusationem habeat, quam pro peccatis suis possit ostendere, contabescit, & pertimescit ante Dominum, & ingemiscit ante Dominum apparere; ingenti horrore concutitur, & multiplicibus

F f 2

cibus

cibus cogitationum zibus agitur cum ingenti solutione carnis, & subductis commodis omnibus secum illum tyrannum considerat, cui appropinquat, & post paululum hoc invenit, quod non in perpetuum poterit immutari. Considerat plane, æternus Judex quam distriktus veniat, & ante severitatem tantæ justitiæ quas rationes vitæ suæ ponat. Si enim cuncta opera mala, quæ intelligere potuit, devitavit, ventura tamen coram tanto Judice, illa magis, quæ in semetipso non intelligit, pertimiscit. Crescit pavor cum cogitat, quod viam vitæ bujus nequaquam impollutus transire potuit; nec homo (a) quidem, qui laudabiliter vixit, sine aliquo reatu est, si remota pietate judicetur. Quis enim considerare valeat, quanta mala per momenta temporum perpetravimus, & quanta bona facere negligimus? Sicut enim peccatum est perpetratio mali, sic delictum est desertio boni. Gravis liquidem jactura est cum non bonum facimus, non bonum cogitamus, sed cor nostrum per vana, & inutilia deferimus vagari. Nimis tamen difficile est cor tenere, & ab illicita cogitatione observare. Nimis enim difficile est terrenas occupationes absque peccatis ministrare. Quapropter nullus semetipsum dijudicare, & comprehendere perfecte potest, sed multis cogitationibus occupatus sibi metipsum manet incognitus, ut omnino, quæ tolerat, nesciat. Propterea urgente exitu, subtiliori terretur metu, quia si illa, quæ scivit, nunquam se prætermisisset meminisset, sordidat tamen ea, quæ nescit. Anima insignita Dei imagine, decorata similitudine, desponsata fide, dotata spiritu, redempta sanguine, deputata cum Angelis, hæres bonitatis, rationis participes, quid est cum carne, unde ista pateris? Propter carnem tibi aliena peccata imputantur; ac tu ipsa ad nihilum es redacta, & quasi nihilum inane reputata. Nihil aliud est caro, cum qua

est tibi tanta societas, nisi spuma caro facta, fragili vestita decore: sed erit cadaver miserum, & putridum, & cibus vermium; nam quantumcumque extollatur, semper caro est. Si diligenter consideres quid per os, & nares, ceterosque corporis meatus egrediatur, vilius sterquilinum numquam vidisti. Si singulas ejus miseras dinumerare velis, quam sit onerata peccatis, irretita vitij, pruriens concupiscentijs, occupata passionibus, polluta illusionibus, prona semper in malum, & in omne vitium proclivis, plenam omni confusione, & ignominia invenies propter carnem. (b) *Homo vanitati similis factus est*, quia concupiscentiæ vitium traxit. Attende homo quid fuisti ante ortum; quid es ab ortu usque ad occasum; atque quid post hanc vitam eris. Profecto fuit, quod non eras, postea de vili materia factus, & vilissimo panno involutus menstruali sanguine in utero materno fuisti nutritus. Tunica tua fuit pelvis secundina, sic indutus, & ornatus venisti ad nos.

Nec memor es quam sit vilis origo tui

Forma, favor populi, fervor juvenilis, opesque

Subripuerit tibi noscere quid sit homo.

Nihil aliud est homo, quam spuma fetidum, fæcus stercoreum, cibus vermium.

Unde superbit homo, cujus conceptio culpa,

Nasci pena, labor vita, necesse mori?

Post hominem vermis, post vermem fetor, & horror;

Sic in non hominem vertitur omnis homo.

Quid ergo superbis homo? attende quod fuisti, vile semen, & sanguis coagulatus in utero, denique miseris hujus vitæ expositus, & peccato, postea vermis, & cibus vermium in tumultu futurus.

Quid



Quid superbis (a) pulvis, & cinis, cuius conceptus culpa, nasci miseria, vivere pena, mori angustia? Cur carnem tuam pretiosius rebus impinguas, & adornas, quam post paucos dies vermes devoraturus sunt in sepulchro; animam vero tuam non ornas pulchris operibus, quum Deo, & Angelis ejus præsentanda est in Cælis? Quare animam tuam vilipendis, & ei carnem tuam præponis? (b) Dominam ancillari, & ancillam dominari magna abusio est. Totus siquidem iste mundus ad unius animæ prætiū æstimari non potest. Non enim Deus animam tuam pro toto isto mundo dare voluit, quam pro anima humana dedit. Sublimius est ergo animæ pretium, quæ non nisi sanguine Christi redimi potuit. (c) *Quam ergo commutationem pro anima tua dabis, quando pro nihilo das illam? Nonne Dei Filius, cum esset (d) in sinu Patris, a regalibus (e) sedibus descendit pro ea, ut eam liberaret a potestate Diaboli? Quam cum vidisset peccatorum funibus irretitam, jamjamque Dæmonibus tradendam, ut morte perpetua damnaretur, flevit super illam, quæ se flere nesciebat; nec solum flevit, sed & se occidi permisit, ut sanguinis sui pretio eam redimeret.*

Aspice mortalis, pro te datur hostia talis.

Agnosce homo, quam nobilis est anima tua, & quam gravia fuerunt ejus vulnera, pro quibus necesse fuit Christum Dominum vulnerari. Certe si non essent hæc ad mortem, & mortem sempiternam, numquam pro eorum remedio Dei Filius moriatur. Noli ergo vilipendere animæ tuæ conditionem, cui a tanta majestate tantam vides haberi passionem. Funde ipse lacrymas pro te. Lava, & tu per singulas (f) mors læssum tuum cordis compunctione, & lacrymarum assiduitate. Fundit ipse

sanguinem suum pro redemptione tua: funde tu & cor tuum quotidiana corporis afflictione. Quod si Salvatori tuo similis, eum pro Christo ponere non potes, saltem mitiori quodam, aut longiori pone martyrio. Noli attendere, quid caro velit, sed quod Christus possit. Tunc gloriosus eris, cum ad Deum tuum redieris; ita tamen si tecum carnem minime tuleris, & detraxeris omne sordidum.

Si vero dicis: durus est hic sermo, non possum mundum spernere, nec carnem meam odio habere, dic mihi; ubi sunt amatores hujus sæculi, qui ante pauca tempora nobilium erant? nihil ex eis remansit, nisi cineres, & vermes. Attende diligenter quid sunt, vel quid fuerunt. Homines fuerunt sicut & tu, comederunt, biberunt, riserunt, duxerunt (g) in bonis dies suos, & in puncto ad inferna descendunt. Hic caro eorum vermibus; & illic anima ignibus deputatur, donec rursus infelici collegio colligati (h) sempiternis involvantur incendiis, qui socii fuerunt in vitiiis. Una namque pena multiplicat, quos unus amor in crimine ligat. Quid profuit eis inanis gloria, brevis lætitia, pompa, carnis voluptas, falsæ divitiæ, magna familia, & mala concupiscentia? Ubi risus, ubi jocus, ubi jactantia, ubi arrogantia? Heu de quanta lætitia, quanta tristitia! post tantam voluptatem, quam gravis miseria! de illa exultatione ceciderunt in grandem ruinam, & magna tormenta. Quidquid illis accidit, tibi accidere potest; quia homo es, homo de humo, limus de limo (i), de terra es, de terra vivis, & in terram reverteris (k), quando veniet dies ultima, quæ subito veniet, & forte hodie erit. Certum est, quia morieris, sed incertum quando, aut quomodo, aut ubi; quoniam mors ubique

te

(a) Eccli. 10. 9.

(b) Prov. 19. 10.

(c) Matth. 16. 26.

(d) Jo. 1. 18.

(e) Sap. 18. 15.

(f) Psal. 6. 7.

(g) Job. 21. 13.

(h) Matth. 22. 13.

(i) Gen. 2. 7.

(k) Gen. 3. 19.

te expectat. Tu quoque si sapiens fueris, ubique eam expectabis. Si carnem sequeris, in carne punieris. Si in carne delectaris, cruciaberis in carne. Si curiosas vestes requiris, pro ornatu vestium (a) *Subtus te sternetur sineas, & operimentum tuum erunt vermes.* (b) Iustitia enim Dei adjudicare non potest, nisi quod merentur opera nostra. Qui enim plus diligit mundum, quam Deum, seculum, quam claustrum, gulam quam abstinentiam, luxuriam quam castitatem, sequitur Diabolum, & ibit cum eo in supplicium æternum. Quis putas tunc meror erit, quis luctus, quæ tristitia cum separabuntur impij a consortio Sanctorum, & a visione Dei, & traditi in potestatem Diaboli ibunt cum eo in ignem æternum, ibique semper erunt sine fine in luctu, & gemitu? Procul quippe a beati Paradisi patria exiliati cruciabuntur in gehennæ perpetua, numquam lucem visuri, numquam refrigerium adepturi, sed per millia millium inferno cruciandi, nec inde numquam liberandi, ubi nec qui torquent, fatigantur, nec qui torquentur, aliquando moriuntur. Sic enim ibi ignis consumit, ut conservet. Sic tormenta aguntur, ut semper renoventur. Juxta vero qualitatem culpæ, prænam sustinebit unumquisque gehennæ, & similis culpæ rei suis similibus jungentur cruciandi. Nil aliud ibi audietur nisi fletus, & planctus, gemitus & ululatus, mærores atque stridores dentium, (c) nilque videbitur nisi vermes, & carbones, & facies tortorum, atque terribilia monstra Dæmonum.

Vermes crudeles mordebunt intima cordis.

Hinc dolor, inde pavor, gemitus, stupor, & timor horrens. Ardebunt miseri in igne æterno, & in æternum, & ultra. In carne cruciabuntur per ignem, in spiritu conscientiz per vermem: ibi erit dolor intolerabilis, fætor incomparabilis, ti-

mor horribilis, mors corporis, & animæ, sine spe veniæ, & misericordiz. Sic moriuntur, ut semper vivant, & sic vivent, ut semper moriantur. Ita anima hominis, aut in inferno pro peccatis cruciatur, aut in paradiso pro bonis meritis collocatur. Nunc ergo alterum e duobus eligamus, aut semper cruciari cum impijs, aut perpetuo lætari cum Sanctis. (d) Bonum, siquidem, & malum, mors, & vita ante nos sunt posita, ut ad quod voverimus, manus extendamus: si tormenta non terrent, saltem nos invitent præmia.

Præmium est videre Deum, vivere cum Deo, vivere de Deo, esse cum Deo, esse in Deo, qui erit omnia in omnibus; habere Deum, qui est summum bonum; & ubi est summum bonum, ibi est summa felicitas, summa jucunditas, vera libertas, perfecta suavitas, æterna securitas, & securitas æternitas; ibi est vera lætitia, plena scientia, omnis pulchritudo, omnis beatitudo.

Est & ibi pietas, bonitas, lux, virtus, honestas.

Gaudia, lætitia, dulcedo, vita perennis,

Gloria, laus, requies, amor, & concordia dulcis.

Sic ibi revera beatus erit, in cujus conscientia peccatum non fuerit inventum. Videbit Deum ad voluntatem, habebit eum ad voluptatem, fruetur eo ad jucunditatem. In æternitate vigeat, in veritate fulgeat, in bonitate gaudeat. Sic habebit permanenti hæreditatem, sic agnoscendi facilitatem, & requiescendi felicitatem. Civis siquidem erit illius sanctæ Civitatis, cujus Angeli sunt cives, Deus Pater templum, Filius ejus splendor, Spiritus Sanctus caritas. O civitas celestis, mansio sancta, patria totum continens quod delectet! Illic populus sine murmure, incolæ quieti, homines nullam indigentiam

(a) *Isaia* 14. 11.

(b) *1. Petr.* 1. 17.

(c) *Matth.* 8. 12.

(d) *Ecclesi.* 15. 18.

tiam habentes. (a) *Quam gloriosa dicta sunt de se Crucis Dei! Sicut latransium omnium nostrum habitatio est in se.* Omnes latantur in lætitiis, & exultatione, de Deo omnes, cujus aspectus pulcher, facies decora, eloquium dulce: delectabilis est ad videndum, suavis ad habendum, dulcis ad perfrundendum. Ipse propter se placet, & per se sufficit ad merita, sufficit ad præmium; nec extra illum quidquam aliquid quæritur, quia totum in illo invenitur, quod desideratur. Semper libet illum conspiciere, semper habere, semper in illo delectari, semper in illo perfrui; in illo clarificatur intellectus, & purificatur affectus ad cognoscendam veritatem, & diligendam; & hoc totum bonum hominis, noscere solum, & amare Creatorem suum. Quæ ergo nos angit vesaniam; visiorum hujus mundi sequi naufragium, vitæ labentis pati infortunium, impie tyrannidis ferre dominium, & non magis convolare ad Sanctorum felicitatem, ad Angelorum societatem, ad solemnitatem æternæ lætitiæ, ad jucunditatem contemplativæ vitæ, ut possimus intrare (b) *in potentias Domini*, & videre superabundantes lætitiis bonitatis ejus? Ibi notabimus, & videbimus quam (c) *dulcis est Dominus, & quam magna multisudo dulcedinis ejus*; videbimus gloriæ decorem, Sanctorum splendorem, & regis potestatis honorem. Cognoscemus Patris potentiam, Filij sapientiam, Spiritus Sancti benignissimam clementiam, & ita habebimus notitiam illius summæ Trinitatis. Nunc corpus per corpora videmus, imagines etiam corporum spiritui cernimus. Tunc vero ipsam veritatem puro mentis intuitu videbimus. O beata visio! videre Deum in se ipso, videre in nobis, & nos in eo: felici jucunditate, & jucunda felicitate quicquid desiderabimus, totum habebimus, nihil aliud desiderantes, & quid-

quid videbimus, amabimus, ipso amore beati; beati dulcedine amoris in suavitæ contemplationis. Hæc erit summa illius felicitatis, quoniam intelligetur in suo propria esse sincera Divinitas, comprehendetur tunc incomprehensibilis æternitas, patebunt arcana Divinitatis; videbitur, & amabitur Deus, & hæc visio, & delectatio totum cor hominis implens, & satians, tota erit illius beatitudinis consummatio. Una erit omnium lingua, jubiliatio indefessa, unus affectus, amor æternus. Patebit veritas, implebit charitas, & erit animæ, & corporis integra societas; fulgebit sicut sol humanitas glorificata, quæta erit, & concors carnis, & Spiritus sanitas: Angelorum, & hominum unum erit gaudium, unum colloquium, unum convivium. Non languebit amor, nec liquecet dilectio, præsentibus omnibus bonis nulla dilationis affectio; quoniam benefica divinæ Majestatis præsentia omnibus erit omnia, erit communis omnium potentia, pax, sapientia, & justitia, & intelligentia; non erit in illa diversitas linguarum, sed pacifica, & concors concordia morum, & affectuum. In torrente illius voluptatis nihil ultra appetet cumulata societas; tanta erit felicitas; ibi siquidem Deus erit cumulus felicitatis, supereminens gratia, & superabundans lætitia.

Sed ad hæc quis idoneus? profecto verus penitens, amicus fidelis, & prudens servus. Verus penitens semper est in dolore, & labore; dolet de præteritis peccatis, laborat pro futuris cavendis. Vera siquidem penitentia est sine intermissione tempore de peccatis dolere; verus penitens sic plangit commissa, ne committat plangenda: irrimor namque est, & non est verus penitens, qui adhuc agit quod peniteat. Si ergo vult verus penitens esse, cessa a peccato, & noli amplius peccare, quoniam ina-

(a) Psalm. 85. 3, & 7.  
30. 20.

(b) Psalm. 70. 16.

(c) Psalm. 118. 5, & 22.

nis est pœnitentia, quam sequens coinquinat culpa. Bonus obediens dat suum velle, & suum nolle, ut possit dicere: (a) *Paratum cor meum Deus, paratum cor meum*; quicquid præceperis facere paratus sum ad nutum; nutum ejus, cui obedire paratus vacare tibi, proximis ministrare, me ipsum custodire, & in celestium contemplatione requiescere. Amabilis socius omnibus est officiosus, quia devotus ad Deum, benignus ad proximum, sobrius ad mundum, Domini servus, mundi Dominus, superiora habet ad gaudium, æqualia ad consortium, inferiora ad servitium; nulli est onerosus, sed inferiora reducit ad utilitatem mediorum, & ad honorem superiorum, inferiora trahens, superiora sequens, ab illis possessus, ista possidens. Fidelis servus est in contemplatione, & sui custodia. Custodiz ergo tuæ prius omnem adhibe diligentiam; deinde intelligens numquam posse sufficere ad te custodiendum, tuam in custodiam Divinam implora clementiam. Itaque ad contemplandam Creatoris tui voluntatem bonam, & beneplacentem, atque perfectam, angelicam implora tutelam, patrociniūque omnium cum Christo regnantium super te exora; curre per singulos, supplica, singulis, & simul omnibus clama, & dic: (b) *Miseremini mei saltem vos amici mei*; recipite fugitivum vestrum, sed fratrem, sed sanguineum in sanguine Redemptoris. Cum pauper stat ad osium, clamat, & pulsat: aperite, pulsanti, & conducite eum usque ad Regem, ut prostratus coram eo indicem omnes misérias, & necessitates meas, quas patior. Ad extremum vero Præfato tuo cor tuum cum omni progenie (c) reconfigna: nullum in eo remaneat peccatum, quod non pura confessione deleatur. Jesum Christum etiam super cor tuum sicut signaculum pone. Cum enim Christum osium cordis custodit, & est

cordis ostiarius, ut per illum ingrediantur, & egrediantur universæ familiæ cordis, consequenter adfunt millia millium Angelorum ad fores exteriorum sensuum excubantium. Nec audeat alienigena illas acies terribiles irrumperere propter ostiarii reverentiam, & Angelorum custodiam. Integratitæ tuæ curiosus explorator, vitam tuam quotidiana excussione examina, attende diligenter, quatenus proficis, vel quatenus deficis; qualis sis in moribus, & qualis in affectibus; quam similis Deo, & quam dissimilis; quam prope, vel quam longe, non locorum intervallis, sed cordium affectibus. Stude cognoscere te, quia multum melior es, & laudabilior si te cognoscis, quam si te neglecto cognosceres curius syderum, vires herbarum, complexiones hominum, naturas animalium, & haberes omnium celestium, & terrestrium scientiam. Redde ergo te tibi, & si non semper, aut fæpe, saltem interdum; rege tuos affectus, dirige actus, corrige excessus, in te nil remaneat indisciplinatum; pone omnes transgressiones tuas ante oculos tuos, statue te ante te tamquam alium, & sic temetipsum plange, plora iniquitates tuas, & peccata, quibus Deum offendisti; indica ei omnes misérias tuas, ostende malitiam adversariorum tuorum, cumque coram eo te lacrymis mactaveris, precor te, ut memor sis mei; ego enim ex quo cognovi te, in Christo diligo te, & illic mentionem tui defero, ubi et illicita cogitatio supplicium, & honesta meretur præmium. Ad altare Domini cum Sacerdos adsto, & precor, tui me comitatur memoria; & tu vero mihi vicem reddas, si me amaveris, & orationum tuarum me participem feceris; ibi recordatione tecum esse desidero, ubi pro te, & familiaribus tuis devotas preces coram Deo fundis. Ne mireris, si dixi præsens, quoniam si me in Deo amas, quia ego imago Dei sum, ita tibi

(a) Psal. 107. 1.

(b) Job. 19. 21.

(c) *Malas inclinationes, & cogitationes intellige. Max vocat familias cordis.*

tibi præsens sum, ut tu ipse tibi; quid quid enim substantialiter tu es, hoc ego sum. Imago enim Dei est omnis anima rationalis, proinde cum in se imaginem Dei quaerit, tam proximum, quam se quaerit; & quando illam in se quaerendo invenit, in omni homine eandem cognoscit; visio vero animæ intellectus est. Si ergo te vides, me vides, quia nihil aliud sum, quam tu; & si Deum diligis, & ego diligendo Deum diligo te; & ita cum animum quaerimus, ad unum tendimus semper, invicem praesentes sumus, sed in Deo, in quo nos diligimus. Cum ad orandum, sive ad psallendum in Ecclesiam intraveris, fluctuantium cogitationum tumultum exteriorum derelinque, curamque exteriorum omnium penitus obliviscere, ut soli Deo possis vacare. Fieri enim non potest, ut cum Deo aliquando loquatur qui etiam cum toto mundo tacens fabulatur. Intende ergo illi, qui intendit tibi, & audi illum loquentem tibi, ut ipse exaudiat te loquentem sibi. Itaque fiet, si divinis laudibus solvendis cum debita reverentia, & sollicitudine assistas, si singula verba Divinae Scripturae diligenter intendas. Non quia ego ita faciam, dico, sed quia facere vellem, & non fecisse penitet, & non facere piget. Tu vero, cui major gratia concessa est, votis, & devotis precibus, pias aures Domini ad te flecte, lacrymis, ac suspirijs pro tuis excessibus illum clementer exora, atque quod spiritualibus convenit, in omnibus operibus suis illum lauda, & glorifica; nil enim magis supernis civibus exoptabile, nil Regi summo jucundius exhibetur, sicut ipse testatur: (a) *Sacrificium laudis honorificabit me.* O quam felix esses, si spiritualibus oculis semel intueri posses, quomodo (b) *praevenerunt principes in medio juvenicularum tympanistratarum.* Videres procul dubio, qua cura, qua tripudio

interfunt cantantibus, assistunt orantibus, adsunt meditantibus, superfluit quiescentibus, providentibus, atque curantibus profunt! Diligent siquidem supernae potestates cives suos, & pro his, qui *hereditatem capiunt salutis*, (c) sollicitè congaudent, confortant, instrunt, protegunt, providentque omnibus omnes, in omnibus; ipsi enim legunt, audiunt bona de nobis, sollicitè discuntur medij inter nos, & Dominum nostros gemitus fidelissime ad eum portantes, non dedignantur esse socij nostri, quia jam facti sunt *ministri nostri*. (d) Exultare eos fecimus, (e) quando conversi sumus ad penitentiam. Festinemus ergo de nobis lætitiis eorum adimplere. Veh tibi, quisquis es, qui desideras reverti (f) ad vomitum, redire ad luctum! putasne, placite habebis in judicio, quos tanto, & tam sperato privare vis gaudij? Exultaverunt, quando venimus ad Religionem, (g) tamquam super his, quos ab ipsa inferni porta cernerent revocari. Quid vero tunc erit, si ab ipsa Paradisi janua viderint redire, & terrorum abire eos, qui jam in Cælo alterum pedem habent? Nam si corpora inferius sunt, corda sursum sint. Contramus ergo, non passibus corporeis, sed affectibus, & desiderijs, sed suspirijs, quoniam non soium Angeli, sed Angelorum Creator nos expectat. Expectat nos Deus Pater tamquam Filios, (h) & hæredes, ut constituat super omnia bona sua. Expectat nos Deus Filius tamquam fratres, & cohæredes, (i) ut fructum suæ Nativitatis, & pretium sui sanguinis Deo Patri offerat. Expectat nos Spiritus Sanctus: ipse siquidem est benignitas, in qua ab æterno prædestinati sumus; nec dubium quin prædestinationem suam adimplere velit. Ergo quoniam omnis curia cælestis nos expectat, & desiderat, desideremus eam quanto possumus desiderio. Cum ma-

G g

gna

(a) Psalm. 49. 23.

(c) Lucæ 14. 7.

(b) Rom. 8. 17.

(b) Psalm. 67. 26.

(f) Prov. 26. 11.

(g) Ibid.

(e) Hebr. 1. 11.

(g) Vide annot. [b] pag. 238.

(d) Luc. cit.

gna namque confusione, & rubore ad illam veniet quisquis eam vehementer videre non desiderat. Quicumque vero jugiter orationem facit, & assidua cogitatione in illa conversatur, & securius hinc egreditur, & cum magna lætitia suscipitur in ea. Ubicumque fueris, inter te ipsum ora. Si longe fueris ab Oratorio, noli locum querere, quoniam tu ipse locus es; si fueris in Oratorio, aut aliquo sacro loco, ora; & ubi est templum, frequenter orandum est, & flexo corde mens est erigenda ad Deum. Sicut enim nullum est momentum, quo homo non utatur, vel fruatur Dei bonitate, vel misericordia, sic nullum debet esse momentum, quo eum præsentem non habeat in memoria. Sed dicis: ego quotidie oro, & nullum orationis meæ fructum video; sed sicut accedo ad illum, sic & recedo; nemo mihi respondet, nemo loquitur, nemo quidpiam donat, sed incassum laborasse videor. Sic loquitur humana stultitia, non attendens quid promittat Veritas dicens: (a) *Amen dico vobis quicquid orantes petitis, credite quia accipietis, & fiet vobis.* Noli ergo vilipendere orationem tuam, quoniam ille, quem adoras, non vilipendit eam, sed antequam egrediatur de ore tuo, ipse scribi eam jubet in libro suo: & unum ex duobus indubitanter expectare debemus; aut dabit nobis, quod petimus; aut quod noverit esse utilius. Cogita de Deo quidquid melius potes; de te quidquid deterius vales; de te vero, & illo amplius credere debes, quam cogitare potes. Tempus tamen nostrum est. Omne tempus, in quo de Deo non cogitas, hoc perdidisse computa, omnis siquidem alia res aliena est a nobis. Vaca ergo, & ubicumque fueris, ibi totus esto. Noli te credere rebus, sed commodare. Quocumque loco fueris, cogitationes tuas in Deum jacta, & aliquid salutare in animo tuo versa; omnis si-

quidem locus ad meditandum est congruus. Tota ergo facilitate animi colligens libere tecum habita, & in latitudine cordis tui deambulans, ibi cœnaculum (b) grande, & stratum Christo exhibe. Mens namque sapientis semper est apud Deum, illum semper ante oculos habere debemus, per quem sumus (c) vivimus, & sapimus: ipsum namque, ut eilemus, habemus auctorem; ipsum, & ut sapientes simus, debemus habere doctorem; & ut beati simus, internæ suavitatis largitorem. Et in hoc imaginem ejus, hoc est illius summæ Trinitatis in nobis cognoscimus. Nam sicut ille est, & sapiens est, & bonus est, sic & nos pro modulo nostro sumus, & nos esse scimus, & id esse, & nosse diligimus. Utere ergo te ipso, velut Dei templo, propter id quod in te est simile Deo. Honor quidem summus est Deo similem esse, illum venerari, & imitari. Imitaris, si pius es; templum (d) enim sanctum est Deo mens piji, & altare, optimum cor ejus. Veneraris, si misericors es, sicut ipse omnibus (e) misericors est; hostia quippe acceptabilis est Deo benefacere omnibus, pro Deo facere omnia, sicut filius Dei, ut dignus sis eo, qui dignatus est te filium vocare. In omnibus vero, quæ agis, Dominum esse præsentem cognosce. Cave ergo, ne in eo quod male delectat, vel visio tua, vel cogitatio tua remoretur; nec dicas, neque facias, quod non licet, etiam si liber; nec aliquo facto, vel signo Dominum offendas, qui ubique semper cernit quidquid facis. Magna custodia tibi necessaria est, quoniam ante oculos Judicis vivis cuncta cernentis. Cum illo tamen semper es securus, si te talem præparaveris, ut tecum adesse dignetur. Si tecum non adest per gratiam, adest per vindictam. Sed veh tibi, si ita tecum adest; immo veh tibi, si ita tecum non est. Illi namque irascitur Deus, quem peccantem non flagellat.

(a) Marc. 11. 24.  
rinh. 3. 17.

(b) Marc. 14. 19.  
(c) Luca 6. 36.

(d) Act. Ap. 17. 28.

(e) I. Co.

lat; nam quem hic flagellando non emendat, in futuro damnat. Certum est, quoniam mors ubique tibi minatur, & Diabolus insidiatur, ut rapiat animam tuam, quando egredietur e corpore. Tu vero noli timere, quoniam Deus, qui in te habitat, eripiat te a morte, & a Dæmone, si tamen habitat; fidelis enim socius est, non deserit sperantes in se, nisi prior ipse deferatur; deseritur autem, cum cor per pravas, & inutiles cogitationes vaga mente discurret. Idcirco omni sollicitudine, & custodia id custodire, & tenere debes, ut in illo Deus requiescere possit; in omni namque creatura, quæ sub sole mundanis vanitatibus occupatur, nil humano corde sublimius, nil nobilius, nilque Deo similis reperitur. Quapropter nil querit a te, nisi cor tuum. Munda ergo id per puram confessionem, & assiduum orationem, ut mundo corde Deum videre possis. Per continuam circumspersionem in omni loco esto ei subiectus, & intentus. Compone mores tuos, ut sis in te pacatus; dilige omnes homines, & te amabilem omnibus exhibe, ut sis pacificus, & Dei filius. Sic eris bonus (a) Monachus, humilis, & rectus, & cum talis fueris, memento mei. Veh mihi! quia ista dico, & ita non facio, & si aliquando facio, non diu persevero. Ista habeo in memoria, & non servo in vita; habeo in sermonibus, & non in moribus. Legem tota die in corde, & ore rumino, & contraria legi facio; lego in eadem de religione, & plus diligo lectionem, quam orationem. Verumtamen nihil addit Divina Scriptura, nisi religionem amare, unitatem fervare, caritatem habere. Ego autem miser, & miserabilis citius curro ad lectionem, quam ad orationem, libentius volo legere, quam missas audire. Expectat me aliquis volens de necessitate sua mihi loqui, ego vero librum aliquem accipio, quam il-

lum audire, lego in eo, & legendo percipio caritatis fructus, pietatis affectus, compunctionis fructus, missarum utilitatem, celestium contemplationem. Nil tamen in hac vita dulcius, nil avidius sumitur, nil ita mentem ab amore mundi separat, nil sic animum contra tentationes roborat, nil ita hominem excitat ad omne opus bonum, ad omnem laborem. (b) Misere mei Deus, quoniam ibi plus pecco, ubi plus peccata emendare debeo. (c) In Monasterio sæpe dum oro, non attendo quid dico: parum enim prodest sola voce cantare sine cordis intentione. Præterea magna perversitas, immo magna insania est, quando cum Domini maiestate loqui præsumimus, & insensati aures avertimus, & nescio ad quas ineptias vertimus cor. Magna quoque insania est, & graviter judicanda, cum vilissimus pulvis loquentem ad se audire dedignatur creatorem universitatis. Ineffabilis est Divinæ pietatis dignatio, quæ dum quotidie conspicit nos infelices, avertentes aures, obturantes corda, & nihilominus ad nos clamat dicens: (d) *redite pravificatores ad cor; Vacate, (e) & videte quoniam ego sum Deus*. Loquitur mihi Deus in psalmo, & ego illi; nec tamen cum psalmum dico, attendo cujus psalmus sit; idcirco magnam injuriam Deo facio, cum illum precor, ut precem meam exaudiat, quam ego, qui fundo, non audio; deprecor illum, ut mihi intendat, ego vero nec mihi, nec illi intendo; sed quod deterius est, immunus, & inutilis in corde versando, fetorem horribilem ejus aspectibus ingero. Nihil est in me corde meo fugacius, quod quoties me deserit, & per pravas cogitationes defluit, toties Deum offendit. Cor meum cor vanum, & instabile, dum suo ducitur arbitrio, & divino caret consilio, in se ipso non potest consistere, sed cum mobili mobili-  
G g 2 bili-

(a) Vide Annot. (b) pag. 238. (c) Aut aliquid hic deest, aut nonnihil corrupta lectio hæc est, (e) Vide Annot. (b) pag. 238. (d) Isaia 46. 8. (e) Psalm. 45. 11.

biliter per infinita distrahitur, & hac illacque per invia discurret; & dum per diversa requiem quaerit, (a) non invenit, sed in labore miserum a requie vacuum manet, sibi non concordat, a se dissonat, a se resilit, voluntas alternat, consilia mutat, ædificat nova, destruit vetera, destructa reedificat, eademque iterum atque iterum alio & alio modo mutat, & ordinat, quia vult & non vult, & numquam (b) in eodem statu permanet. Sicut enim molendinum velociter volvitur, & nihil respuit, & quidquid imponitur, molit; si autem nihil imponatur, se ipsum consumit, sic cor meum semper est in motu, & numquam requiescit, & sive dormiam, sive vigilem, somniat, & cogitat quicquid illi occurrit. Et sicut molendinum arena, si imponatur, exterminat, pix inquinat, palea occupat, sic cor meum cogitatio amara turbat, immunda maculat, vana inquietat, & fatigat. Ita cor meum dum futurum non curat gaudium, nec divinum quaerit auxilium, ab amore celestium elongatur, & in amore terrestrium occupatur; cumque ab illis elabatur, & involvitur in istis, vanitas illud recipit, curiositas deducit, cupiditas allicit, voluntas seducit, luxuria polluit, torquet invidia, turbat iracundia, cruciat tristitia, sicque miseris casibus submergitur omnibus vitijs. Quoniam unum Deum, qui ei sufficere poterat, dimisit, per multa dispergitur, & huc illuc quaerit, ubi requiescere possit, & nihil invenit, quod illi sufficiat; donec ad ipsum redeat, a cogitatione in cogitationem ducitur, & per varias occupationes, & affectiones vagatur, ut saltem varietate ipsarum rerum impleatur, quarum qualitate satiari non potest. Sic labitur cordis miseria subtrahit Divina gratia. Cumque ad se revertitur, & discutit, quod cogitaverit, nihil reperit, quia non opus fuit, sed importuna co-

gitatio, quæ componit multa de nihilo; sic decipit imaginatio, quam Dæmonum format illusio. Imperat mihi Deus, ut præbeam illi cor meum; (c) & quia imperanti Deo non sum obediens, & subditus, mihi sum rebellis, & contrarius, unde me subjugare non potero, donec illi non fuero subiectus; mihi quæ serviam nolens, quia ei nolo servire volens. Idcirco plura machinatur cor meum uno momento, quam omnes homines perficere possent uno anno. Vincit cum Deo sum, & ideo in me ipso sum divisus; cum illo uniri non possum, nisi per caritatem, nec subijci mihi, nisi per humilitatem, nec verus humilis esse, nisi per veritatem. Expediit ergo, ut in veritate me discutiam, & cognoscam, quam labilis sim; deinde cum omnes misérias meas cognovero, necesse est, ut illi inhæream, per quem sum, sine quo nihil sum, & tacere nihil possum. Est quia a Deo peccando recessi; nisi per veram confessionem ad illum redire non possum. Fateri ergo oportet, quod fatendum est, quia numquam eo modo, aut ea intentione, qua peccavi, peccata mea confessus sum; nec omnium recordatus sum aut propter vetustatem, aut propter multitudinem: quod autem confessus sum, non pure confessus sum propter turpitudinem. Confessionem meam etiam divisi, ut diversis Sacerdotibus manifestarem; & ita venia carui, ad quam venire per partes putavi. Execranda nempe fictio est peccatum dividere, & superficie tenus radere, nec intrinsecus eradicare; non enim utilis est confessio, nisi sit in oris veritate, & cordis puritate; & ut tres sint, (d) qui nobis testimonium dicant in Cælo, Pater, & Filius, & Spiritus Sanctus, addamus Sacerdotes testes cordi, & ori, ut in ore duorum, (e) vel trium scilicet fiat omne verbum. Sed si dicis: sufficit mihi soli Deo confiteri, quia Sacerdos sine eo a peccatis salvare non-

po-

(a) Matth. 12. 43.

(b) Job. 14. 2.

(c) Prov. 2. 3. 26.

(d) I. Jo. 5. 7.

(e) Matth. 18. 16.



potest. Ad quod non ego, sed beatus Apostolus respondet dicens: (a) *Confitemini alterutrum peccata vestra*. Conveniens namque valde est, ut qui peccando Deo contumaces fuimus, penitendo supplices Sacerdotibus, & ministris ejus simus; & homo, qui ad Dei gratiam conservandam mediatore non (b) eguit, jam eam recuperare nisi per mediatorem hominem possit. Gemat ergo, & suspiret, & anxius pro peccato timeat, & paveat, sollicitus discurrat; auxiliatores, & intercessores quærat, profernat se humiliter homini, qui humiliter asilere noluisset Creatori. Nam & hoc saluberrimum est, ut corde peniteat, & ore delictum suum confiteatur; quatenus Deus, qui pius est, per gratiam cor ad penitentiam compungat, deinde adit, ut penitenti peccatorum veniam tribuat: quia si forte peccator vere peniteat, sed intercurrente articulo necessitatis ad confessionem pervenire non potuit, confidenter credere debemus, quoniam summus Sacerdos in eo quod mortalis non potuit, & jam apud Deum factum constat, quod homo quidem vere voluit, sed non potuit adimplere; quia confessionem non contemptus excludit, sed impedit necessitas. In Capitulo (c) namque ubi peccata mea emendare debeo, peccata peccatis addidi. Cum de illis clamatus fui, aut aliquo modo excusavi, aut extorero negavi, aut, quod deterius est, defendi, & impatienter respondi. Cum nullum sit peccatum, a quo non sum aliquo modo contaminatus, aut contaminari possum, justum est, ut remotam omni occasione emendationem promittam, undecumque, aut a quocumque clamer, quatenus sic liberari valeam a peccato perpetrato, vel perpetrando. Multitudinem iniquitatem mearum ex-

pavescens aliorum transgressiones reprehendere timui, & ideo mortis auctor extiti, quia virus, quod clamando expellere potui, non expuli. Indignatus sum adversus alios, qui me de vitis meis reprehenderunt, & quos amare debui, odivi. Illa, quæ mihi nocebant, vel displicebant, desideravi, ut non essent; sciebam namque; quod in natura sua erant bona, & a bono Factore facta, sed ideo mihi nocebant, quia malus eram, & male ijs utebar. Nihil est mihi contrarium, nisi ego ipse, meum est quicquid mihi nocere potest, & ego ipse mihi facina sum. Optavi etiam ut Deus peccata nesciret, aut punire nolleret, vel non posset, & ita volui Deum esse insipientem, injustum, & impotentem; quod si esset, non esset Deus. Non est superbia super superbiam meam. Propterea (d) *longe a salute mea verba delictorum meorum*: suspecta siquidem, & odiosa Deo est superbia, nec fieri potest, ut cum eo in gratiam revertatur. Divisum utrique hospitium, nec in eodem cohabitavit animo, quibus non licuit cohabitare. In Cælo nata est, sed velut immemor qua via cecidit, illuc redire postea non potuit. Cum aer pluvia, vel nimio frigore, aut calore turbatus fuit, contra Deum inique murmuravi. Omnia namque, quæ accipimus ad usum vitæ, ad usum culpæ convertimus. Quapropter justum est, ut qui in cunctis (e) peccamus, & in cunctis feriamur. Sæpe ad sacrum Mysterium vocem meam fregi, ut dulcius cantarem: magis delectabar in vocis modulatione, quam in cordis compunctione. Deus vero, cui numquam absconditur quicquid injuste perpetratur, non querit vocis lenitatem, sed: cordis puritatem, nam dum cantor mulcet populum cantibus, Deum irritat pravis moribus.

(a) Jacobi 4. 6. (b) Sic accipio sententiam hanc: si Adam in innocentia persistisset, neque ipse, neque illius posteri a Dei gratia, in qua fuerant constituti, deciderissent. At hanc obtinentiam, ac vberissime conferendam Christus Domini humani generis in Adam: ita si miserius carnem humanam assumpsit, humilians scilicet semetipsum usque ad mortem, mortem autem Crucis. Vel petius: tam est homo sine alienius ministerio peccatorum, tamen amissum recuperando gratiam &c. (c) Vide Annot. (d) pag. 238. (e) Psalm. 21. 22 (e) Gregor. Magn. hom. 25. in Evang.

ribus. Licentiam loquendi, vel aliquid faciendi sæpe nimia importunitate, vel calliditate a Prælatiis meis extorsit, non attendens miser, quoniam ille se decipit, qui aperte, vel occulte satagit, ut hoc ei Pater spiritalis injungat, quod ipse desiderat. Acum, vel cultellum, vel aliquid vile multoties nimium desideravi, nec confessus sum, quoniam peccatum non æstimabam propter rei vilitatem. Verumtamen non multum distat, quæcumque substantia vilis, vel pretio.â requiratur, dum æqualiter corruptus sit requirentis affectus; non enim cultellus vitium est, sed cultelli appetitus; nec aurum vitium est, sed auri cupiditas. In labore non laboravi, quantum debui, vel quantum potui. In silentio etiam fui otiosus, quod est maximum peccatum: in silentio namque nemo sic debet esse otiosus, ut in eodem otio utilitatem non cogitet proximi; nec sic actuosus<sup>1</sup>, ut contemplationem non requirat Dei; parum enim proficit, qui alteri non prodest, cum potest. De divitiis aliquando me jactavi putans esse insigne virtutis, ubi erat lapsus criminis. De virtutibus etiam vitia feci: justitia namque cum suum modum excedit, crudelitatis gignit vitium; &

nimia pietas dissolutionem discipline percurrit. Sic sæpe vitium est, quod virtus putatur: sicut remissa segnitie mansuetudo creditur, & pigritiæ vitium quietis virtutem imitatur. Finxi me esse, quod non eram; dixi me velle, quod nolebam; aliud ore dicebam, aliud corde volebam, & ita sub ovina pelle vulpinam conscientiam abscondebam. Vulpina plane conscientia, tepida conversatio, animalis cogitatio, ficta confessio, brevis, & rara compunctio, obedientia sine devotione, oratio sine intentione, lectio sine edificatione, sermo sine circumspeditione. O quam mihi sunt dura ista, quæ loquor, quoniam memetipsum loquendo serio! Verumtamen quia non me peccatorem nego, sed peccatum meum cognosco (a); erit fortasse apud Deum pium iudicem impetratio veniæ ipsa cogitatio culpæ. Dicam ergo, dicam miseriam meam, si forte sua pietas moveat illum; dicam peccatum meum, quoniam notitia peccati initium est salutis. Magnam porto coronam (b), & vestem rotundam, regulam servo jejuniorum, statutus piallo horis, sed cor meum longe est a Deo meo; exteriorum superficiali intuens salva mihi omnia arbitror, non sentiens vermem interio-

rem,

(a) Psalm. 50. 5.

(b) Ex multis superioribus locis manifesto liquet hujus operis auctorem Regulari vite fuisse additum; vocat namque se Monachum, Capituli Claustralis meminit, in quo peccata confiteretur &c. At ex loco hoc dicimus: Canoniorum Regularium ætui alicui fuisse adscriptum. Clericalis namque corona, & vestis rotunda, cujus hic meminit, Canoniorum Regularem indicant: radebantur enim Monachorum capita, & vestis rotunda, quæ hic dicitur, ea ipsa est, quam Romanam Coctam, Camiliam, alij Rotundellam alij, Girundellum item alij, aliisque finitimis vocibus appellaverunt, de quibus multa Ducangium, & barbararum, ecclesiasticarumque, quæ nono, & subsequenibus quinque sæculis addidere vulgus consuevit, votum descriptores. An vero ex loco hoc dicii bujusce Opusculi Auctorem fuisse Honorium Augustodunensem? Id optat utique eruditus ille amicus meus, cujus in Præfatione nemi, adijctique ad sententia tua munimen, & firmitatem, extitisse in Augustodunensi Diocesi celeberrimum S. Symphorian. Canoniorum Regularium adem ab Episcopis eorum temporum insignibus beneficiis comulatam. [Vide pag. 391. Tomi 4. Gallie Christianæ Paris. Typogr. Reg. ann. 1728.] Quo statuto addidit sic facile conciliari ea quæ de Honorio Augustodunensi novimus fuisse scilicet illum Augustodunensis Ecclesiæ Presbyterum, & solitarium. Augustodunensis scilicet Ecclesiæ Presbyter erat, quia illi ætui adscriptus, qui Augustodunensis Ecclesiæ portio erat. Solitarius vero dicebatur, quod sacra illa ædes a frequenti hominum consortio non nihil remota erat. Hac utique non sine aliqua verisimilitudine tradita arbitror, verum tamen ab ample-

rem, qui interiora corrodit: unde Oseas: (a) *Comederunt alieni robur meum, & ignoravi*; & ideo totus pergens in ea, quæ foris sunt, & ignarus interiorum meorum, sicut aqua (b) *effusus sum*; Ex (c) *ad nihilum sum redactus*, præteritorum obliviscens, præsentia negligens, futura non providens, ingratus sum ad beneficia, pronus ad mala, & tardus ad bona. Si me non inspicio, nescio me ipsum; si autem me inspicio, tolerare me ipsum non possum, tanta in me invenio, quæ reprehensione digna sunt, & confusione; & quanto læpius, & subtilius me discuto, tanto plures abominaciones in angulis cordis mei invenio. Ex quo namque peccare incepì, numquam unum diem sine peccato transire potui, nec adhuc cesso peccare, sed de die in diem peccata peccatis addo, & ea præ oculis habeo, nec gemo; erubescenda video, nec erubescio; delenda intueor, nec deleo; quod est mortis signum, & damnationis indicium. Membrum enim, quod dolorem non sentit, mortuum est; & morbus insensibilis est mortalis. Levis sum, & dissolutus nec me corrigo, sed ad peccata, quæ confectus sum, tota die redeo; nec timeo soveam, in quam ego cecidi, vel alius cadere vidi. Cumque plorare, & orare deberem pro malis, quæ feci, & bonis, quæ facere neglexi, pro dolor! versum est mihi in contrarium; nam tepui, & frigui a fervore orationis, & jam sine sensu frigidus remansì; & ideo me ipsum flere non possum, quoniam lacrymarum gratia recessit a me; peccata mea celare non possum, quoniam ubicumque vado, conscientia mea id secum portans,

quidquid in ea posui sive bonum, sive malum, servat vivo, restituet defuncto depositum, quod servandum accepit; si male feci, adest illa, si autem bene facere video, & inde extollar, adest illa; adest vivo, sequitur mortuum, ubique mihi consilio inseparabilis pro qualitate depositi. Sic in domo propria, a propria familia habeo accusatores, iudices, & tortores. Accusat me conscientia, testis est memoria, ratio iudex, voluntas carcer, timor tortor, oblectamentum tormentum; quotque fuerunt oblectamenta mala, tot erunt tormenta, nam inde punimur, unde delectamur. (d) *Adjuva me Domine Deus meus*, quoniam: (e) *Inimici mei animam meam circumdederunt*, corpus scilicet, mundus, & diabolus. Corpus fugere non possum, nec fugare; circumferre illud necesse est, quoniam alligatum est mihi; perimere non debeo, sustentare cogor: cum illud impinguo, hostem meum adversum me nutrio, si satis comedo, & illud robustum facio, sanitas ejus mihi adversatur. Mundus vero circumcinxit me, & obsedit me, per quinque portas, per quinque videlicet corporis sensus; sagittis suis me vulnerat, & (f) *mors inviat per fenestras meas*; respicit oculus, & mentis sensum advertit; audit auris, & intentionem cordis infigit; odoratus cogitationem impedit; os loquitur, & fallit; per tactum vero ardor libidinis pro aliqua prava occasione excitatur; & nisi illico respuatur, subito totum corpus occupat, urit, & incendit; primo carnem tactam modicum titillat, deinde delectatione turpi mentem maculat, ad extremum per confen-

*amplissima oratione hæc nonnihil me retardat locutio hujusce libelli, quæ Honorii Augustodunensis locutioni band similis mihi esse videtur, & propius [me quidem iudice] illi accedit, quæ conscriptum novimus libris Manualis, Meditationum, & soliloquiorum Augustini scripturum. Qui quidem postremus liber in eo ipso Codice, ex quo opusculum hoc descriptum, insertus extat, sed non Soliloquia, sed Dulciloquia, inscribitur. Hæc in re, quod æquius duxerit, iudicet Lector.*

(a) Cap. 7. 9.

(b) Psalm. 21. 15.

(c) Job. 30. 15.

(d) Psalm. 108. 16.

(e) Psalm. 16. 10.

(f) Jer. 19. 21.

fenſum pravitatis ſibi mentem ſubjugat. Porro Diabolus, quem videre non poſſum, & ideo minus cavere (a), retendis arcum ſuum, & in eo paravit ſagittas ſuas, ut ſagittet me; (b) narrat, ut abſcunderet laqueos, & dixit: quis videbit eos? Laqueum poſuit in auro, & in argento, & in omnibus, quibus abutimur; cum in illis male delectamur, illaqueamur. Nec ſolum laqueum poſuit, ſed viſcum; viſcus eſt amor poſſeſſionis affectus cogitationis, cupiditas onoris, & carnis voluptas, in quibus viſcatur, & irretitur, ne pennis contemplationis per plateas ſupernæ Sion volare poſſit. Sagittæ Diaboli ſunt ſuperbia, invidia, ira, triſtitia, avaritia, gula, & luxuria, quibus anima vulneratur. Et quis eſt, qui jacula ejus ignea poſſit extingui? Proh dolor! his telis ſuperat læpe fideles. Heu mihi! quia undique mihi bella, undique tela volant, undique tentamenta, undique pericula; quocumque me vertam, nulla ſecuritas; & quæ mulcent, & quæ moleſtant, omnia timeo; & eſuries, & reſectio, ſomnus, & vigiliæ, labor, & quies militant contra me. Non minus eſt mihi jocus, quam ira; multos ſiquidem jocando ſcandalizavi. Non minus vereor proſpera, quam adverſa: proſpera vero ſuavitate ſua me incautum faciunt, & decipiunt; adverſa vero, quia aliquid amaritudinis habent, velut potio amara me ſuſpectum, & timidum faciunt. Magis timeo malum, quod facio in abſcondito, quam in aperto: malum vero, quod nemo videt, nullus reprehendit; & ubi non timeretur reprehenſor, ſecurus accedit tentator, & facilis impetratur iniquitas. Nimirum utrobique bellum, utrobique timendum, & ſicut in hoſtili regione verſantibus, hac illacque circumſpiciendum eſt, & ad omnem ſtrepitum circum agendum eſt armis. Caro ſuggerit mihi mala, mundus vana, Dia-

bolus amara. Quoties aliqua carnalis cogitatio mentem meam importune pulſat, de cibo, de potu, de ſomno, ceteriſque ſimilibus ad carnis curam pertinentibus, caro mihi loquitur. Cum vero de ambitione, de jaſtantia, de arrogantia cogitatio vana in corde verſatur, de mundo eſt, cui non aliter, quam ipſi Diabolo reſiſtendum eſt, nec aliter ab eo cavendum, quam ab ipſa damnatione. Dæmonium eſt, malas ſuggeſtiones ingerere, noſtrum eſt illis non conſentire; nam quando reſiſtimus, Diabolum ſuperamus, Angelos lætificamus, Deum honorificamus. Ipſe enim nos hortatur, ut pugnemus, adjuvat, ut vincamus, certantes ſpectat, deficientes ſublevat, vincentes coronat. Caro mea de luto eſt, & ideo lutuoſas, & voluptuoſas cogitationes ab illa habeo; vanaſ, & curioſas de Mundo; a Diabolo amaras, & malitioſas. Iſti tres inimici mei me impugnant, & perſequantur, nunc vero aperte, nunc quidem occulte, ſemper autem malitioſe. Diabolus vero plus conſidit in adjutorio carnis, quam in alijs armis; quoniam magis nocet domeſticus hoſtis. Illa vero ad ſubverſionem meam cum illo ſedus inijt, utpote de peccato nata, & in peccato nutrita, nimis corrupta ipſa origine, ſed multo magis vitiata prava conſuetudine; hinc eſt quod tam acriter (c) *concupiſcis adverſus ſpiritus*; quod aſtidue murmurat, & impatientis eſt diſciplinæ; quod illicita ſuggerit, nec obtemperat rationi, nec inhibetur nullo timore; huic accedit, hanc adjuvat, hac utitur ille tortuoſus ſerpens hoſtis humani generis, cui nullum aliud deſiderium, nullum ſtudium, nullum negotium, niſi perdere animas. Hic eſt, qui jugiter malum machinatur, argute loquitur, artiſcioſe ſuggerit, calide decipit, illicitos motus inſuſcit, & venenoſas cogitationes inflammant, movet bella, nutrit odia, incitat gulam, mo-

vet

(a) *Psalm.* 7. 13.

(b) *Psalm.* 63. 6.

(c) *Galat.* 5. 17.

vet libidinem, desideria carnis infligat, & peccati occasiones parat, & mille nocendi artibus corda hominum pulsare non cessat. Hic est, qui baculo nostro nos cedit, & manus nostras quasi sigillo ligat, ut caro, quæ data est in adjutorium, fiat nobis in ruinam, & scandalum. Gravis lucta, & grande periculum adversus domesticum hostem pugnare, maxime cum nos advenæ simus, & peregrini, & ille civis: ille suam inhabitat regionem, nos exules, & peregrini; magnam quoque discrimen, adversus Diabolicæ fraudis astutiam tam crebros, immo continuos sustinere conflictus, quem tam astutum facit tam natura sublimis, quam longa exercitatio hujus militiæ. (a) *Eripe me de inimicis meis, Deus meus, & ab his, qui oderunt me, quoniam confirmati sunt super me*; ego vero, qui usque ad hanc diem contra me vixi, jam per tuam gratiam vivere incipiam. Sic enim vivere debemus, ut cum corpus a verminibus cæperit devorari in sepulchro, anima lateatur cum Sanctis in Cælis. Illuc spiritus dirigendus est, & iturus; illuc festinare debemus, ubi semper vivamus, & ubi numquam amplius mori timeamus. Si sic amamus instabilem, & caducam vitam, ubi cum tanto labore vivimus, ubi comedendo, bibendo, dormiendo vix necessitatibus carnis satisfacimus, multo magis amare debemus æternam vitam, ubi nullum laborem sustinebimus, ubi summa, & perpetua jucunditas, summa felicitas, felix libertas, & felix beatitudo: ubi similes erunt homines Angelis Dei, & (b) *fulgebunt juxta sicut Sol in regno Patris sui*. Qualis putas, tunc erit splendor animarum, quando Soli par erit lux corporum? (c) Nulla erit ibi tristitia, nullus dolor, nullus timor, nullus ibi labor, nulla mors: sed perpetua securitas semper perseverat; non surget ibi malitia carnis, nec miseria, nulla est ibi gtri-

tudo, nulla omnino necessitas, non est ibi fames, non sitis, (d) non frigus, non æstus, non lassitudo jejuniis, non ulla tentatio inimici, non peccandi voluntas, non delinquendi facultas, sed totum lætitia, totum exultatio possidet, hominesque Angelis sociati sine ulla carnis infirmitate in perpetuum vernabunt. Ibi erit jucunditas infinita, beatitudo sempiterna, quam qui semel adipiscitur, semper tenet; & ibi est requies a laboribus, pax ab hostibus, amœnitas de novitate, securitas de æternitate, suavitas, atque dulcedo de Dei visione, & quis illic vehementer habiitare non desideret, propter pacem, amœnitatem, æternitatem, ac Dei visionem? Nullus est ibi peregrinus, sed quicumque illuc venire merebuntur, securi in propria patria cum Deo manebunt, semper læti, semper satii de visione Dei. Et quanto aliquis plus obediens Deo fuerit, tanto ampliorem a Deo mercedem ibi recipiet; quantoque amplius Deum amavit, tanto propinquius Deum videbit, quem cernere non est finis. (e) *Dies hominis sicut umbra super terram*, & nulla est mora, & tunc proprie nihil est, cum stare videtur. Cur ergo thesaurizat in terra, cum sine dilatione transeat & illud quod colligit, & ipse, qui colligit? Cur tu homo fructum expectas in mundo, cujus fructus ruina est, cujus finis mors est? Utinam sapieres, & intelligeres hæc novissima, & prudenter provideres. Scio quemdam, qui per annos plurimos tecum familiariter vixit, ad mensam tuam sedit, cibum de manu tua sumpsit, in sinu tuo dormivit cum voluit, tecum colloquium habuit; hic jure hæreditario (f) servus tuus fuit; sed quia ab ineunte ætate delicatæ (g) nutriti illi cum, & virgæ pepercissi, contumax effectus est, levavitque (h) calcaneum suum super caput tuum, & te in servitutem redegit, & tui crudeliter dominatur. Sed fortasse dicis: Quis est hic? *Vetus (i) Homo*

(a) Psal. 58. 2. Psal. 17. 18. Psal. 37. 20.

(d) Apocal. 7. 16.

(e) Job. 8. 9.

29. 21, &amp; cap. 13. 24.

(b) Joan. 13.

(f) Matth. 13. 43.

(g) Levit. cap. 25. 46.

(i) Rom. 6. 6.

(c) Apocal. 21. 4.

(h) Prov.

*homo tuus*, qui conculcat spiritum tuum, qui pro nihilo habet (a) terram desiderabilem, qui sola, quæ carnis sunt, (b) sapit? Homo iste a *nativitate* (c) cæcus est, sed & (d) *surdus*, & *mutus*, *inveteratus* (e) *dierum malorum*, rebellis virtutibus, & veritati, inimicus (f) crucis Christi, deridet innocentem, & transeuntem simpliciter, ambulat (g) in magnis, & mirabilibus super se; arrogantia (h) ejus plusquam fortitudo ejus; nullum timet, nullum reveretur, & dicit (i) in insipientia sua: non est Deus; tabescit bonis, & malis, pascitur alienis, immundis cogitationibus pascitur; non fatigabitur in illis transgrediens usque ad finem; dispergit, & dissipat propria sicut prodigus, cupit, & rapit aliena sicut avarus; turpitudinem, & ignorantiam congregat sibi; simulans, & callidis provocat sibi iram Dei; homo iste totus in peccatis natus est, & sic nutritus, amicus iniquitatis, filius mortis, vas ire, & contumelie odit disciplinam, projcit Deum post tergum. (k) suum; qui cum talis sit, enarrat justitiam (l) Dei, & adsumit testamentum ejus per os suum; cum videt furem, currit (m) cum eo, & cum adulteris portionem suam ponit; adversum (n) filium matris suæ ponit scandalum, super te, & thesaurizat (o) in die necessitatis. Vult a te hæreditatem tuam tollere, & desuper terram memoriam tuam auferre; & tu tantam injuriam non vindicas, sed dissimulas? nec ei verbum durum loqueris, nec vultum iratum ostendis, sed blandienti tibi aridens ludis cum illusione? Nescis quod Ismael (p) est, qui ludit tecum? Ludus iste non est pueritiæ, nec simplicitatis, vel innocentie, sed illusio est animæ, sed percussio, sed mors. Jam te in foveam, quam fecit, præcipitavit; jam iugo servitutis misere oppressus sub pedibus ejus misere conculcavit. O miser, & mi-

serabilis homo! quis te liberabit de vinculo imperij hujus? Exurgat Deus, (q) & cadat armatus iste, cadat, & contematur inimicus homo, contemptor Dei, cultor sui, amicus mundi, servus Diaboli. Quid tibi videtur? Si mecum sentis, mecum dicis: Reus est mortis; crucifigatur. Noli ergo dissimulare, noli parcere, neque differre, sed festinanter, audenter, ardentem, & instantem crucifige hominem istum; sed in cruce Christi, in qua est salus, (r) & vita; ad quam si ex corde clamaveris, Crucifixus tuus audiet, & benigne respondebit: Hodie mecum eris in Paradiso. O Christe! pietas inopinata erit salus misero? Sed tam gratuita, atque probata est Dei dilectio, tam inopinata dignatio, tam stupenda dulcedo, tam invicta mansuetudo, ut qui ad eum clamaverit, exaudier illum, quoniam misericors est. Oh quanta est misericordia Dei! quam inexplicabilis immutatio dexteræ in excelsis! Heri erat in tenebris, hodie in splendore lucis: heri in ore leonis, hodie in manu mediatoris: heri in porta inferni, hodie in deliciis Paradisi. Sed quid profunt hæc litteræ admonitionis, nisi delectas de libro conscientie tuæ litteras mortis? quid profunt hæc scripta lecta, & intellecta, nisi temetipsum legas, & intelligas? Da ergo operam internæ lectioni, ut legas, & cognoscas te ipsum; ut legas, & diligas Deum; ut pugnes, & vincas mundum, & omnem inimicum; quatenus labor tuus convertatur in requiem, luctus in gaudium, & post tenebras hujus vite videas ortum surgentis auroræ, videas quoque meridianum solem justitiæ, in quo sponsum cum sponsa propicies unum, eundemque Deum gloriæ. Qui vivit, & regnat in sæcula sæculorum. Amen.

IN-

(a) Psal. 105. 24.

(b) Rom. 8. 5.

(c) Jo. 9. 1.

(d) Mar. 7. 32.

(e) Daniel.

13. 52. (f) ad Philip. 3. 18.

(g) Psal. 130. 1.

(h) Isa. 16. 6.

(i) Ps. 13. 1.

(k) Jerem. 2. 27. (l) Psal. 39. 16.

(m) Ibid. vers. 18.

(n) Ibid. vers. 20.

(o) Ibid. vers. 20.

(p) Tob. 4. 10.

(q) Gen. 21. 9.

(r) Psal. 67. 2.

(s) Gal. 6. 14.

**P**ures libros, atque epistolas Innocentium III. scripsisse, exploratissimum cuique est. Edita vero plurima ex ijs sunt: at adhuc multa in vetustis Bibliothecis, & Archivij delitent. Ex his opusculum nunc edimus, & epistolas duas; primum quidem ex Codice Bibliothecæ Canonicorum nostrorum S. Salvatoris Venetiarum, epistolas vero ex Archivio S. Salvatoris Bononiæ. Hæc, Lector humanissime, accepta habeto, nostrosque labores, si potes, adjuva. Vale.

## INNOCENTIJ III

### DE QUADRIPARTITA SPECIE NUPTIARUM.

#### INCIPIT PROLOGUS LIBRI

#### DE QUADRIPARTITA SPECIE NUPTIARUM (a)

### DOMINI INNOCENTIJ PAPÆ TERTIJ

#### AD BENEDICTUM PRESBYTERUM.

**G**Audeo, (b) dilectissime frater in Domino, quod te studiosum intelligo circa sacrarum intelligentiam Scripturarum; hoc enim studium decet Domini Sacerdotem, cui datum est ex officio regni Dei noscere mysteria. Propter quod in veteri Sacerdotio novi præferente figuram (c) legion inter cetera, pontificale pectus ornabat, quod quadrangulum erat, & duplex. Quia nimirum ratio Sacerdotis, quam & loco præsignat, & nomine, debet discernere inter quatuor: Inter verum, & falsum, ne deviet in creden-

dis: & inter bonum, & malum, ne deviet in agendis. Debet etiam discernere pro duobus; pro Sacerdote videlicet, & populo; ne si cæcus (d) cæcum duxerit, ambo præcipitentur in foveam. Erat ergo quadrangulum propter quadrifarium intellectum, quem Sacerdos in Scriptura debet habere. Erat & duplex propter geminum testamentum, quod Sacerdoti non expedit ignorare. Quadrangulum propter Novum, quod in quatuor Evangelij continetur. Duplex est propter Verum, quod in duabus tabulis exaratur. Quis autem possit visare, quod  
H h 2 ne-

(a) Sermonem, eundem titulum habentem, idest de quatuor speciebus desponsationum, recitavit Innocentius III. in Consecratione Pontificis pag. 191. Tom. 1. Ied brevis ille est, & vix ea attingit, quæ in eo tractatu, quem damus, copiose exequitur.

(b) An is est Benedictus Cardinalis S. Petri ad Vincula, ad quem una cum Cardinale P. XII. Apostolorum diriguntur litteræ Innocentij III. (pag. 9, & 18. Tom. 2.)? viderit Lector. Sed cur vocatur is frater, cum presbyteros etiam Cardinales filio appellare Pontifices tolerant? An in amanuensem id retinendum est, qui cum in vetusto codice invenerit litteram *fr*, interpretatus est frater, cum filius pont debuisse? An Innocentius virum sibi probatissimum, quem angustiarum suarum participem deinceps appellat, fratris nomine honestare voluit? Judicet id quoque Lector. (c) Exod. 25. 15, & 16. (d) Matth. cap. 15. 14.

*nescis? aut quis possit agere, quod ignoras? Scriptum est enim: (a) Nescierunt, neque intellexerunt, in tenebris ambulant. Noluit (b) intelligere, ut bene ageret: iniquitatem meditatus est in cubili suo. Ipsi vero (c) non cognoverunt vias meas, quibus iuravi in ira mea; si introibunt in requiem meam. Tu scientiam (d) repulisti, & ego te repellam, ne sacerdotio fungaris mihi. Propterea (e) populus meus captivus ductus est in Ægyptum, quia non habuerunt scientiam. Nobiles ejus interierunt fame, & multitudo ejus siti exaruit. (f) Defecerunt ab esca oves, quia non erant in præsepio oves. Cum ergo labia Sacerdotis debeant custodire scientiam, quia legem de ore ejus exquirunt, tu cupiens esse quod diceris, in lege Domini jugiter meditaris; & quod tuo non pravales argumento percipere, alieno sagacis documento videre: malens esse*

*veritatis discipulus, quam magister erroris. In rationali quippe judicii, de quo fecimus mentionem, Urin, & Tbummim idest manifestatio, & veritas, posita fuisse leguntur; quia in pectore Sacerdotis manifesta debet esse cognitio veritatis. Hujus itaque studij fervore succensus sæpe cum multa precum instantia postulasti, quatenus de Nuptijs sponsi, & sponsæ compendiosum tibi tractatum exigerem: in quo carnalium, & spiritualium nuptiarum similitudines assignarem, & præcipue Psalmum quadragesimum, quartum exponerem, in quo de Nuptijs sponsi, & sponsæ multimoda laude tractatur. Ego vero non meo, sed tuo satisfaciens desiderio, præbeo, quod optasti; sciens opus non respondere materia, nec ædificium fundamento. Feci tamen utcumque, non quod volui, sed quod valui multis impeditus angustiis, quas ipse mecum ex magna parte portasti.*

## Explicit Prologus.

### INCI-

- (a) Psalm. 81. 5. (b) Psalm. 35. 4, & 5. (c) Psalm. 94. 11. (d) Osee 4. 6. (e) Isaia 5. 13. (f) Aut vetustam aliquam versionem sequitur, aut aliquod, sed nostris temporibus minime vulgatum adagium.



## DE QUADRIPARTITA SPECIE NUPTIARUM.

**S**Acra docente Scriptura, didicimus quatuor esse species Nuptiarum juxta quatuor theologicos intellectus: Historicum, Allegoricum, Tropologicum, & Anagogicum. Primum inter virum, & legitimam feminam. Secundum inter Christum, & sanctam Ecclesiam. Tertium inter Deum, & justam animam. Quartum inter Verbum, & humanam naturam. De primis nuptijs Protoplastis evigilans prophetavit: (a) *Propter hoc relinquet homo patrem suum, & matrem, & adhaerebit uxori suae: & erunt duo in carne una.* De secundis nuptijs Angelus in Apocalypsi loquitur ad Joannem: (b) *Veni, & ostendam tibi sponsam, uxorem Agni.* De tertijs nuptijs ait Dominus per Prophetam Oleam: (c) *Sponsabo te, mihi in justitia, & judicio, in misericordia, & miserationibus.* De quartis nuptijs sponsa dicit in Canticis: (d) *Egreddimini filiae Sion, & videte Regem.* Salomonem in diademate, quo coronavit eum mater sua in die desponsationis suae: quasi dicat: *O filiae Sion, idest Judaei fragiles, & carnales, egredimini de tenebris infidelitatis, & ignorantiae, & videte non oculis corporis, sed oculis cordis, idest credite, Regem Salomonem; idest Christum verum pacificum, qui fecit: (e) utraque unum, in diademate, quo coronavit eum mater sua, idest in illa gratia singulari, qua concepit eum Virgo Maria sine pruritu carnis, sine fervore libidinis, sine labe peccati; sanctum, mundum, & immaculatum: juxta quod Angelus inquit ad Virginem: (f) Spiritus Sanctus superveniet in te, & virtus Altissimi obum-*

*brabit tibi: Ideoque quod nasceretur ex te Sanctum, vocabitur Filius Dei. In die desponsationis, idest Incarnationis suae, quando (g) Verbum caro factum est, & naturam desponsavit humanam.*

## De quadripartita specie Nuptiarum.

**I**N hac quadripartita specie Nuptiarum quoddam, & admiratione pariter, & veneratione dignissimum reperimus; Et quod per primam efficitur, ut sint duo in una carne, per secundam efficitur, ut sint duo in uno corpore: per tertiam efficitur, ut sint duo in uno spiritu; per quartam efficitur, ut sint duo in una persona. De prima namque testatur auctoritas: (b) *Erunt duo in carne una;* propter quam unionem Veritas intulit: (i) *Itaque jam non sunt duo, sed una caro.* De secunda dicit Apostolus: (k) *Omnia membra corporis cum sint multa, unum corpus sunt. Ita & nos (l) unum corpus sumus in Christo;* propter quam unionem idem Apostolus subdit: (m) *Etenim omnes nos in unum corpus baptizati sumus.* De tertia vero dicit idem Apostolus: (n) *Qui adhæret Domino, unus spiritus est, & unus spiritus est cum eo, propter quam unionem Joannes Apostolus: (o) Qui manet in caritate, in Deo manet, & Deus in eo.* De quarta, fides Catholica confitetur, quod: (p) *sicut anima rationalis, & caro unus est homo: ita Deus, & homo unus est Christus;* propter quam ineffabilem unionem Evangelista testatur, quia (q) *Verbum caro factum est, & habitavit in nobis.* Primam ergo unionem recte Carnalem:

se-

(a) Gen. 2. 24. (b) Cap. 21. 9. (c) Cap. 2. 19. (d) Cap. 3. 11. (e) Erheb. 2. 14. (f) Luca 1. 35. (g) Jo. 1. 14. (h) Gen. 2. 24. (i) Marci 10. 8. (k) 1. Corin. 12. 12. (l) Rom. 12. 5. (m) 1. Corin. 12. 13. (n) 1. Corin. 6. 17. (o) Epist. 1. cap. 4. 6. (p) In Symbolo, quod tribuitur Athanasio. (q) Jo. 1. 14.

secundam Sacramentalem: tertiam Spiritualem: & quartam dixerimus Personalem. Carnalem, ut diximus, inter virum, & mulierem legitimam: Sacramentalem inter Christum, & sanctam Ecclesiam: spiritualem inter Deum, & justam animam: personalem inter Verbum, & humanam naturam.

*De causa conjugij inter Verbum,  
& humanam naturam.*

Ut enim inter Deum, & hominem inimicitarum destructo pariete, pacis reformaretur integritas, nuptiale socius inter Verbum, & humanam naturam per Incarnationis mysterium est contractum. Nam Verbum (a) caro factum est, & habitavit in nobis. Antequam Verbum caro fieret, procul habitabat a nobis; ubi vero factum est Verbum caro, habitavit in nobis. Juxta quod alibi legitur (b): *Inhabitabo in eis, & inambulabo inter eos, & ero illorum Deus, & ipsi erunt mihi populus.* Quia vero nec in angelis, nec in hominibus parem; aut similem poterat invenire, secundum illud quod legitur (c): *Quis in nubibus aequabitur Domino? aut quis similis erit Deo inter filios Dei? exinavit se (d) formam servi accipiens, in similitudinem hominum factus, & habitu inventus ut homo.* (e) Paulo minus ab angelis minoratus est, quando non solum servilem formam accepit, verum & passibilem naturam assumpsit.

*De Sponsalibus.*

(f) Non enim Angelos, sed semen Abrahæ apprehendit, cum quo longè prius de matrimonio contrahendo convenerat dicens (g): *In semine tuo be-*

*nedicentur omnes gentes. Non dicis in feminibus, quasi in multis, sed quasi in uno semine tuo, (b) qui est Christus; quasi dicat, de semine tuo carnem accipiam, propter quam dabitur non solum Judæis, sed omnibus gentibus benedictio.*

*De Jurejuramento.*

Eandem ipsi regi David de conjugio consummando juravit, secundum Davidicum dictum: (i) *Juravit Dominus David veritatem, & non frustrabitur eam: de fructu ventris tui ponam super sedem tuam.* Propter quod Angelus inquit ad Virginem (k): *Dabis ei Dominus Deus sedem David patris ejus, & regnabis in domo Jacob in æternum.* Nam & Isaias Propheta prædixerat (l): *Super solium David, & super regnum ejus sedebis.*

*De Familia.*

Quia ergo filius regis erat, decebat, ut acciperet conjugem de semine regio: Est enim Rex (m) regum, & Dominus dominantium. De cujus nuptiis epithalamicum canticum Psalmista composuit (n): *Eructavis cor meum, (inquit) verbum bonum; dico ego opera mea regi.*

*De Genere.*

Et quoniam erat de Patre sine matre, decebat, ut acciperet conjugem de matre sine patre; secundum illud Propheticum: (o) *Egredietur virga de radice Jesse, & flos de radice ejus ascendet.* Et iterum: *Ecce Virgo (p) concipiet, & pariet filium, & vocabitur nomen ejus Emmanuel.*

*De*

(a) Jo. 1. 14.

(b) 2. Corinthe. 6. 16.

(c) Psalm. 88. 7.

(d) Philip. 2. 7.

(e) Psalm. 8. 6.

(f) Hebr. 2. 16.

(g) Gen. 22. 18.

(h) Galat. 3. 16.

(i) Psalm. 131. 11.

(k) Luca 1. 32.

(l) Isaias 9. 7.

(m) Apocalyp. 19. 16.

(n) Psalm. 44.

(o) Isaias 11. 1.

(p) Y. 7. 14.

## De Dote.

Verum quia Domini (a) est terra, & plenitudo ejus, orbis terrarum, & universi qui habitant in eo, & ipse (b) honorum nostrorum non indiget, dos ei nec dari poterat, nec debebat:

## De Donatione.

Sed ipse sicut immensus donationem propter nuptias fecit eximiam. *Posula*, inquit, (c) a me, & dabo tibi Genes hereditatem tuam, & possessionem tuam terminos terra. Omnia (d) subiecisti sub pedibus ejus, oves, & boves universas, insuper & pecora campi.

## De Forma.

Ut autem, qui splendor est gloriæ, gloriosam sibi desponsaret, & splendendam, eam quidem, & lavit, & unxit: lavit ab omni labe peccati, ut esset sine ruga proflus, & macula; quatenus eam immunem a culpa susciperet. *Ascendit enim* (e) Dominus nubem levem; idest assumptis carnem a peccatis immunem; & intravit Ægyptum, idest venit in mundum. *Es unxit* (f) oleo laticis præ consorribus tuis, ut esset spectabilis forma præ filiis hominum: propter veritatem, & mansuetudinem, & justitiam. *Spiritus* (g), inquit, Domini super me, propter quod unxis me, evangelizare pauperibus misit me.

## De Tempore.

Tempus autem plenitudinis, & annum benignitatis elegit, in quo: *Misit* (h) Deus Filium suum natum de muliere, factum sub lege, ut eos, qui sub lege erant, redimeret. Nam Lex (i) per Moysen data est, gratia, & veritas per Jesum Christum facta est.

## De Paranympbo.

In hoc vero nuptiali commercio paranympbus fuit Angelus Gabriel, qui missus ad Virginem, eam suaviter salutavit: (k) Ave, inquit, gratia plena: Dominus tecum. Statimque thalamum præparans virginali, adjunxit: (l) Spiritus Sanctus superveniet in te, & virtus Altissimi obumbrabit tibi. Quo per consensum Virginis præparato: (m) Ecce, inquit, ancilla Domini, fiat mihi secundum verbum tuum, protinus inter Verbum, & humanam naturam sacrosanctum conjugium est contractum. Quia: (n) Verbum caro factum est, & habitavit in nobis. Beata, (o) quæ credidit, quoniam omnia completa sunt ei.

## De Testibus.

Ne vero conjugium esset omnino clandestinum, quatuor affuerunt personæ; Pater, & Mater, Sacerdos, & Paranympbus: quas utique Deum Patrem, & Virginem Matrem, Spiritum Sanctum, & Gabrielem Angelum intellegimus. Sed Pater, & Spiritus Sanctus interior invisibiliter affuerunt; Mater & Angelus exterior visibiliter assisterunt.

## Contra Maleficum.

Pauci quidem, & tales, quos nullus suspicaretur, ad hoc convenere commercium, quatenus Incarnationis mysterium Diabolo celaretur, ne quid invidus, & malignus contra salutem machinaretur humanam. *Invidia* (p) namque diaboli mors introivit in orbem terrarum.

## De Effectu.

Plene tamen ex omni parte rationalis spiritus interfuit, & divinus, & an-

(a) Psalm. 23. 1.

(b) Psalm. 15. 2.

(c) Isai. 19. 1.

(f) Psalm. 44. 8.

(d) Galat. 4. 4.

(i) Jo. 1. 17.

(m) Ibid. vers. 38.

(n) Jo. 1. 14.

(e) Psalm. 2. 8.

(d) Psalm. 8. 8.

(g) Isai. 61. 1., &amp; Luca 4. 18.

(k) Luca 1. 28.

(l) Ibid. vers. 35.

(o) Luca 1. 45.

(p) Sap. 2. 24.

angelicus, & humanus; quia per Incarnationis mysterium non solum inter Deum, & hominem, verum & inter Angelum, & hominem esset concordia reformata: cum secundum Apostolum: (a) *Et quæ in Cælis, & quæ in terris sunt, restauraveris.* Et ob hoc illa celestis militiæ multitudo plallebat: (b) *Gloria in excelsis Deo, & in terra pax hominibus bonæ voluntatis.*

#### De Loco.

Locum ergo celebrandis nuptiis, thalamum Virginis deputavit, secundum illud propheticum: (c) *In sole posuisti tabernaculum suum, & ipse tanquam sponsus procedens de thalamo suo.*

#### De Annulo.

In hoc thalamo Dei Filius humanam naturam, & annulo desponsavit, & osculo. Nam si Spiritus Sanctus per digitum designatur, secundum illud quod legitur: (d) *Digitus Dei est hic.* Et alibi: (e) *Si ergo in digito Dei eicio demonia; filij vestri in quo ejectionis?* Recte per annulum digiti, donum Spiritus Sancti debet intelligi.

#### De Subarrhatione.

Tunc ergo Dei Verbum humanam naturam annulo subarrhavit, cum eam donis Spiritus Sancti sine mensura replevit, secundum illud propheticum: (f) *Requiesce super eum spiritus sapientie, & intellectus, spiritus consilij & fortitudinis, spiritus scientie, & pietatis, & replevit eum spiritus timoris Domini.*

#### De Ornatum.

His illam virtutibus velut pretiosis monilibus adornavit. *Quasi sponsum,*

inquit, (g) *decoravit me corona; & quasi sponsum ornavi monilibus suis.* In eo quippe secundum Apostolum: (h) *Omnes thesauri sapientie, & scientie sunt absconditi.*

#### De Corona.

De hac corona Propheta dicit in Psalterio: (i) *Gloria, & honore coronasti eum Domine, & constituisti eum super opera manuum tuarum.* Hæc est illa magnificentia singularitatis, vel potius illa magnificentiæ singularitatis, de qua dicit Apostolus: (k) *Dedit illi nomen, quod est super omne nomen, ut in nomine Jesu omne genuflectatur, celestium, terrestrium, & infernorum.* Vocabitur, inquit Propheta, (l) *nomen ejus, admirabilis, consiliarius, Deus, fortis, pater futuri sæculi, princeps pacis.*

#### De Osculo.

Tunc & osculum ei dedit, cum eam sibi copulavit personaliter, juxta quod ipsa petit desideranter in Canticis: (m) *Osculetur me osculo oris sui.* Sane duo labia conjunguntur in osculo; quia duæ naturæ uniantur in Christo, Divinitas, & humanitas, ut idem ipse sit Deus de Deo, ante sæcula genitus, (n) & homo de homine in sæculo natus.

#### De Traditione.

Humanam ergo naturam, quam in utero Virginis desponsavit, ad dexteram Patris traduxit, quando secundum humanitatem assumptam (o) ascendit in Cælum, & (p) *sedet a dextris Dei, tanto melior Angelis effectus, quanto differemus præ illis nomen hereditavimus.*

#### De

(a) Ephes. 1. 10. (b) Luca 2. 14. (c) Psal. 18. 6. (d) Exod. 18. 19.  
(e) Luca 11. vers. 19. & 20. (f) Isaiæ 11. 2. (g) Isaiæ 61. 10. (h) Cor.  
Ios. 2. 3. (i) Psal. 8. 6. (j) Philip. 2. 10. (k) Isaiæ 9. 6. (l) Cap. 1. 1.  
(m) Symbolum Athanasij. (n) Luc. 16. 19. & Symbolum. Apost. (p) Hebr. 1. 4.

## De Nuptijs.

Cum quibus interim nuptias celebrat in excelsis, a quibus ad iudicium reverteretur : sicut ipse dicit in Evangelio (a) : *Es vos similes hominibus expectantibus Dominum suum, quando revertatur a nuptijs.*

## De Modo,

In hoc divino conjugio non est unio duarum personarum in una natura, sed unio duarum naturarum in una persona. Quia non persona personam assumpsit, sed natura naturam : nec natura personam accepit, sed persona naturam. Persona vero naturam assumpsit, sed in personam, non in naturam. Talis enim fuit illa susceptio, ut propter ineffabilem unionem & sponsus vocetur, & sponsa, sicut Propheta ipse testatur : (b) *Quasi sponsum decoravit me corona, & quasi sponsum ornavit me monilibus.* Quia vero res est ineffabilis, de qua loquimur : inde nec ipse Joannes fuit dignus (c) *solvere calcamenti corrigiam.* Ne deficiamus (d) *scrutantes scrutinio* : quia *perscrutator* (e) *majestatis opprimeretur a gloria* ; & maxime ne quis ex verbis falsum pro vero concipiat, plenius, & plenius de Sacramentali, & spirituali conjugio prosequamur.

## De duplici Institutione Conjugij.

Porro Sacramentales nuptiae contrahuntur ad similitudinem carnalium nuptiarum. Sacramentum ergo conjugij duplicem institutionem legitur habuisse : unam ante peccatum, & alteram post peccatum. Ante peccatum enim institutum est ad officium, ut propagaretur aeterna : post peccatum inilitutum est ad remedium, ut cobi-

beretur offensa : ut natura propagaretur in prole, ut offensa cohiberetur in fornicatione. De prima institutione, quae facta est ad officium, Scriptura Divina testatur : (f) *Crescite, & multiplicamini, & replete terram.* De secunda institutione, quae facta est ad remedium, Apostolica testatur auctoritas : (g) *Unusquisque habeat uxorem suam, propter fornicationem, non utique committendam, sed evitandam : nam (h) Fornicatores, & adulteri regnum Dei non possidebunt.* Quod autem in carnali conjugio secundum naturam, hoc in sacramentali, & spirituali conjugio secundum gratiam invenimus. Christus enim sanctam sibi conjugavit Ecclesiam & ad propagationis officium, ut per Sacramentum regenerationis multiplicetur in filijs, & ad fornicationis remedium, & per cultum religionis revocetur ab Idolis. Prins quippe quam Ecclesia sacramentaliter Christo copulata fuisset, passim cum Idolis mechabatur : sicut improperebat ei Dominus per Prophetam : (i) *Fornicata es post gentes, inter quas polluta es in Idolis eorum.* Et alibi : (k) *Judicate matrem vestram, judicate : quoniam ipsa non uxor mea, & ego non vir ejus. Auferat fornicationes suas a facie sua, & adulteria sua de medio uberum suorum.*

## De Cognatione Spiritualis.

Ut vero Christus Sacramentaliter sibi copulavit Ecclesiam, desit cum Idolis fornicari : veluti per Prophetam ei Dominus pollicetur : (l) *Sponsabo te in aeternum, .... & sponsabo te mihi in fide, & scies, quia ego Dominus.* In die illo (m) *vocabis me : Vir meus ; & non vocabis me ultra, Baalim.* Es auferam nomina Baalim de ore tuo, & non recordaberis ultra nominis eorum.

I i

De

(a) Luca 12. 36.

(b) Isaia 61. 10.

(c) Luca 3. 16.

(d) Psalm. 63. 7.

(e) Proverb. 25. 27.

(f) Genes. 1. 28.

(g) 1. Corinth. 7. 2.

(h) 1. Ch.

rinth. 6. 10.

(i) Exech. 23. 30.

(k) Osee 2. 2.

(l) Osee 2. 19. &amp; 20.

(m) Ibid. vers. 16. &amp; 17.

## De Propagatione Spirituali.

Ex tunc cepit Ecclesia multos ubique filios generare: quod prœvidens, & prœdicens Isaias Propheta descripsit: (a) *Leva, inquit, in circuitu oculos tuos, & vide: omnes isti congregati sunt, venerunt tibi. Filij tui de longe venient, & filia tua de latere surgent. Tunc videbis, & afflues, & mirabitur, & dilatabitur cor tuum, quando conversa fueris ad te multitudo maris, fortitudo gentium venerit tibi.* Sancta quippe mater Ecclesia, nova semper prole secunda concipit, parit, & nutrit. Concipit, catechizando quos instruit. Parit, baptizando quos abluit. Nutrit, communicando quos reficit. Eos autem ex aqua, & Spiritu Sancto viro suo Christo regenerat; qui (b) *non ex sanguinibus, neque ex voluntate viri, sed ex Deo nati sunt.* Quia quod natum est (c) *ex carne, caro est, & quod natum est ex spiritu, spiritus est.*

## De Spirituali Fornicatione.

His quoque de causis inter Deum, & animam conjugium spirituale contrahitur: ut anima scilicet & cohibeatur a vitij, & propagetur in meritis. Nam si juxta Prophetam Idololatria est fornicatio, & secundum Apostolum avaritia est idololatria, constat itaque quod avaritia est fornicatio: dicit enim Apostolus: (d) *Avaritia est Idololorum servitus.* Rursus Samuele testante probatur, quod (e) *quasi peccatum ariolandi est, repugnare, & quasi scelus idololatriæ, nolle acquiescere.* Quisquis ergo repugnat, & mandatis non acquiescit Divinis, quasi peccatum ariolandi, & idololatriæ scelus committit. Sicut enim mulier cum adulteratur carnaliter, proprio viro despecto, se subijcit alieno; sic anima cum prævari-

catur mortaliter, vero Deo contempto, se supponit Diabolo. Non est enim (f) *convensio lucis ad tenebras, neque Christi ad Belial.* Sicut ergo propter amorem viri femina cohibetur ab adulterio, sic propter amorem Dei anima cohibetur a vicio.

## De Spirituali Prole.

Cujus amorem cum in corde conceperit, perfectos filios in opere parit, juxta verbum Psalmistæ dicentis: (g) *Uxor tua sicut vitis abundans in lateribus domus tue. Filij tui sicut novellæ olivarum, in circuitu mensæ tue.* Quasi dicat: *Uxor tua*, idest fidelis anima: *sicut vitis abundans*, idest jucundos operum fructus abunde producit: *in lateribus domus tue*, idest in sinceritate cordis, & veritate; ut sinceritas formet intentionem, & veritas finem: quatenus opera ex sincera intentione ad verum finem procedant. *Domus Dei*, cor purum intelligitur, juxta quod alibi dicit: (h) *Perambulabam in innocentia cordis mei, in medio domus meæ.* Cujus duo sunt latera, sinceritas intentionis, & veritas finis; ut opera fiant: *Non (i) in fermento malitiæ, & nequitiæ; sed in azymis sinceritatis, & veritatis.* *Filij tui*, idest opera bona, quæ tu gignis ex anima, sunt *sicut novellæ olivarum*; idest viret oleo charitatis intentio. *In circuitu mensæ tue*, idest circa doctrinam Sacre Scripturæ, quam alibi *mensam* appellat. Unde: (k) *parasti in conspectu meo mensam.* Docet, ut anima sicut vitis abundet exercendo justitiam; & sicut oliva fructificet exercendo misericordiam: Unde Samaritanus (l) *approprians vulnerato; superinfundit vinum, & oleum.* Isti sunt Filij, qui secunditate afferunt, sed virginitatem non auterunt. Immo virginitatem anima non servat,

(a) Cap. 60. vers. 4, &amp; 5.

(b) Jo. 1. 13.

(c) Jo. 3. 6.

(d) Coloss. 3. 5.

(e) 1. Reg. 15. 23.

(f) 2. Corinthe. 6. 15.

(g) Psal. 127. 3.

(h) Psal. 100. 2.

(i) 1. Corinthe. 5. 8.

(k) Psal. 22. 5.

(l) Luca 10. 34.

ret, nisi tales filios procrearet, quia, maledicta (a) sterilis, quæ non parit. Quod bene significatum est in conjugio Joseph, & Mariæ; quoniam antequam (b) convenirent inventa est in utero habens de Spiritu Sancto. Antequam convenirent inventa est: Ecce virginitas in unitate. In utero habens: Ecce secunditas.

*De Consensu animorum, & Commixtione corporum.*

Ceterum duo sunt in conjugio: consensus animorum, & commixtio corporum. Quorum alterum significat caritatem, quæ consistit in spiritu inter Deum, & justam animam: reliquum designat conformitatem, quæ consistit in carne inter Christum, & sanctam Ecclesiam. Magnum quidem, Sacramentum, quod est in carne; sed plane majus quod est, in spiritu. Nam spiritus (c) est, qui vivificat: caro autem non prodest quidquam.

*De Caritate sponsa ad sponsum.*

Ad spirituale conjugium, quod per animi caritatem contrahitur inter Deum, & justam animam, spectat illud, quod sponsa de sponso dicit in Cantico: (d) *Introduxit me rex in cellam vinariam, & ordinavit in me caritatem. Fulcite me floribus, stipate me malis, quia amore languo.* Loquitur hic vel anima, vel Ecclesia. Sed anima dicit: *Introduxit me rex in cellam vinariam*, idest in sanctam Ecclesiam, quæ dicitur *cella vinaria*, quia vinum lætificans Spiritus Sancti continet gratiam, de qua legitur: (e) *Vinum lætificat cor hominis.* Vel dicit Ecclesia: *Introduxit me rex in cellam vinariam*, idest in Sacramentum, quæ dicitur *cella vinaria*,

quia vinum novum, idest doctrinam, continet Evangelicam, de qua legitur: (f) *Nemo misit vinum novum in utres veteres. Et ordinavit in me caritatem*, idest docuit me regulam diligendi.

*De Ordine Caritatis.*

Rectus ordo caritatis hic est: ut homo primo loco diligat Deum; secundo se ipsum; tertio proximum. Et in se diligit magis, quod majus est, idest animam; & minus, quod minus est, idest corpus. Inter proximos autem diligit primo parentes; deinde domesticos; ad ultimum inimicos: & forte magis bonos debet in caritate præferre. Deum autem debet diligere propter se, propter proximum, propter Deum. Sed bonum (g) in Deo, malum ad Deum. Quantum autem ex ordinata caritate profecerit, consequenter ostendit. *Fulcite me floribus, stipate malis, quia amore languo.* Loquitur adolescentulis, & exprimit magnitudinem caritatis, quando dicit: *Ego amore languo*; idest præ magnitudine caritatis infirmor, non in Deo, sed in mundo; non in spiritu, sed in carne, non in celestibus, sed in terrenis: *Cupiens (h) dissolvi, & esse cum Christo.* Quem enim perfecta caritas imbuat in terrenis profus cecidit, secundum illud: (i) *Fortis est ut mors dilectio, dura sicut infernus emulatio.* *Aqua multa*, idest populi, non poterunt extinguere caritatem. Et ideo vos adolescentulæ: *Fulcite me floribus*; idest recreate me vestris virtutibus. *Stipate me malis*; idest sustentate me vestris operibus. Per flores enim, & mala, opera designantur, & virtutes. Nam anima floret in virtutibus, & fructificat in operibus. Multum enim recreatur perfectus, cum videt proficere imperfectum: propter quod dicebat A-

l i 2

po-

(a) Exodi 23. 26. Deut. 7. 14. facile ad hunc locum pertinent: Non erit infecunda, nec sterilis. Non erit apud te sterilis. (b) Matib. 1. 18. (c) 3. a. 6. 64.  
(d) Cap. 2. vers. 4, & 5. (e) Psalm. 103. 15. (f) Luca 5. 27.  
(g) Locus iste corruptus esse videtur; sed quomodo emendem, nescio. (h) Phil. 1. 23.  
(i) Cant. 8. vers. 6, & 7.

postolus: (a) *Vos estis gloria nostra, & gaudium.*

*De Caritate sponsi ad sponsam.*

Quanta vero caritate Christus amet Ecclesiam, ostendit Apostolus dicens: (b) *Viri diligite uxores vestras, sicut Christus dilexit Ecclesiam, & tradidit semetipsum pro ea. Majorem ergo (c) caritatem nemo habet, quam ut ponas quis animam suam pro amicis suis. Sic Deus (d) dilexit mundum, ut Filium suum unigenitum daret pro mundo. Qui proprio (e) Filio suo non pepercis, sed pro nobis omnibus tradidit illum.*

*De Conformitate naturæ inter sponsum, & sponsam.*

Ad sacramentale ergo conjugium, quod per naturæ conformitatem contrahitur inter Christum, & sanctam Ecclesiam, spectat illud, quod inquit Adam: (f) *Hoc nunc os ex ossibus meis, & caro de carne mea.... Propter hoc relinquet homo patrem, & matrem, & adhaerebit uxori suæ; & erunt duo in carne una. Nam: Cum, Christus, (g) in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum factus, & habitu inventus ut homo. Ut recte jam sponsus dicere possit de sponsa: Hoc nunc os ex ossibus meis, & caro de carne mea. Verbum enim (h) caro factum est, & habitavit in nobis.*

*Quomodo Christus dereliquit patrem, & matrem, & adhaesit Ecclesie.*

Propter hoc ergo, idest propter dilectionem Ecclesie, Christus homo, de quo dicit Psalmographus: (i) *Homo*

*factus est in ea; & ipse fundavit eam Altissimus, dereliquit patrem, idest: Exinanivit (k) se, formam servi accipiens, non deferendo naturam divinam, sed assumendo naturam humanam; quia non secundum Divinitatem, sed secundum humanitatem apparuit. Et reliquit matrem suam, idest deseruit Synagogam, de qua secundum carnem ortus est. In cujus figuram Jesus dereliquit (l) Judæam, & abiit in regionem juxta desertum, in civitatem, & ibi morabatur cum discipulis suis. Et adhæsit uxori suæ, idest Ecclesie se conjunxit, ut sit: Unum ovile, & unus pastor (m). Et ita duo, scilicet Ecclesia, & Christus, sunt in carne una, idest in una carnis natura. Quia: Verbum caro factum est, & habitavit in nobis.*

*De tribus bonis Conjugij.*

Tria vero sunt principalia bona conjugij. Fides, Proles, & Sacramentum. Fides ad castitatem: Proles ad fecunditatem: Sacramentum ad stabilitatem refertur. Hæc in sacramentali conjugio sacramentaliter invenimus.

*De Fide.*

Tanta namque fidei puritate Christo copulatur Ecclesia, ut inter eos numquam conjugij castitas violetur. Unde Salomon in Parabolis laudes Ecclesie prosequitur dicens: (n) *Confidit in ea cor viri sui. Cor viri confidit in illa, quam credit castam, quam credit pudicam, quam credit honestam; de qua nihil suspicatur iniquum, nihil finistrum, nihil adversum. Ne quis autem existimet, quod per fallaciam mulieris in hac sua fide fallatur, diligenter attendat, quod super hoc veritas dicat in Evangelio: (o) *Cognosco oves meas, &**

co-

(a) 1. Thessal. 2. 20.

(c) Rom. 8. 32.

(b) Joan. 1. 14.

(m) Joan. 10. 16.

(f) Ephes. 5. 29.

(g) Gen. 2. vers. 23, & 24.

(h) Psalm. 86. 5.

(i) Cap. 31. vers. 11.

(j) Joan. 15. 13.

(k) Philip. 2. 7.

(l) Joan. 11. 54.

(m) Joan. 10. 14.

(d) Joan. 3. 16.

(e) Philip. 2. 6, & 7.

(f) Joan. 11. 54.

(g) Joan. 10. 14.



*cognoscunt me mea.* (a) *Alicum non sequuntur, sed fugiunt ab eo, quia non noverunt vocem alienorum.* Ecclesia liquidem, quæ per oves, & earum innocentiam designatur, non sequitur alienum, non extraneum, non adulterum, sed suum, scilicet proprium virum, sed dilectum, quem diligentissime querit, & invenit, ubi pascit, & accubat in meridie; ne juxta quod inquit in Canticis: (b) *Incipiat vagari post greges sodalium.* Ut enim inviolatam Christo fidem servaret Ecclesia, pro fide nominis ejus universa pertulit genera tormentorum, ne Christo deferretur Idolis adhereret. Sancti enim (c) *ludibria, & verbera experti, insuper & vincula, & carceres, lapidati sunt, secti sunt, tentati sunt, in occisione gladij mortui sunt &c.*

## De Prole.

Quanto ergo satagat desiderio prolem Ecclesia de Christo suscipere, Doctor Ecclesiæ manifeste declarat, inter cætera dicens: (d) *Filioli mei, quos iterum parturio, donec formetur Christus in vobis.* Nam & Lia (e) quondam datis mandragoris, mercede conduxit Jacob, ut ad illam intraret, de quo concepit, & peperit. Christus quoque suscipiendæ prolis affectum per Isaiam exprimit dicens: (f) *Numquid ego, qui alios parere facio, ipse non pariam, dicit Dominus? Si ego, qui generationem cæteris tribuo, sterilis ero? Propheta quoque dicit in Psalterio: Qui habitare facit sterilem in domo, matrem filiorum latantem.* Eandem & sterilem, & matrem filiorum appellat: sed prius sterilem, antequam Christo copulata fuisset; postea vero matrem filiorum latantem: secundum illud Propheticum: (g) *Lauda sterilem, quæ non parit: exulta, quæ*

*non paritur, quia multi filij deserte magis, quam ejus, quæ habet virum.* Multiplicabo (i) *semen tuum sicut arenam, quæ est in littore maris.* Eos autem, quos amantissime suscipit, religiosissime nutrit, ne contingat de natis Ecclesiæ, quod accidit de filiis Synagogæ, de quibus ipse conqueritur apud Prophetam: *Filios, inquit, (k) mstrui, & exaltavi, ipsi autem spreverunt me.* Ecclesia vero, quos genuit, doctrinis instituit salutaribus, & moribus informat honestis. Cibât eos (l) *pane vitæ, & intellectus, & potat eos aqua sapientie salutaris.* Venite, inquit, (m) *panem comedite mecum, & bibite vinum meum, quod misui vobis.* Relinquit infantiam, & vivite, & ambulate in vijs prudentiæ. Dat & panem celestem, & calicem salutarem, de quo si quis gustaverit, (n) *vivit in æternum; omne delectamentum (o) in se habentem, & omnem saporis suavitatem.* Hic est panis vivus, (p) *qui de cælo descendit; quem filijs suis tradidit Ecclesia.*

## De Sacramento.

Sacramentum autem inter Christum, & Ecclesiam inseparabile perseverat; sicut sponsa de sponso dicit in Canticis: (q) *Inveni quem diligit anima mea: tenui eum, nec dimittam, donec introducarn illum in domum matris meæ, & in cubiculum genitricis meæ.* Christus quoque cum dixisset Apostolis: (r) *Numquid & vos vultis abire? Petrus pro tota respondit Ecclesia: Domine, verba vitæ aterna habes: & ad quem ibimus? Ad hoc inseparabile Sacramentum pertinere dignoscitur, quod Christus loquens Apostolis Catholicæ promittit Ecclesiæ: (s) *Ecce ego vobiscum sum omnibus diebus, usque ad consummationem sæculi.* Hæc, quæ dicta sunt de*

(a) Joan. 10. 51.

(b) Cap. 1. vers. 6.

(c) Hebr. 11. 36.

(d) Galat. 4. 19.

(e) Gen. 30. 16.

(f) Cap. 66. 9.

(g) Psal. 113. 9.

(h) Isai. 54. 1.

(i) Genes. 22. 17.

(k) Isai. 1. 2.

(l) Eccles. 15. 3.

(m) Prov. 9. 5. &amp; 6.

(n) Joan. 6. 52.

(o) Sap. 16. 20.

(p) Joan. 6. 51.

(q) Cap. 3. vers. 4.

(r) Joan. 6. 67.

(s) Matib. 28. 20.

de tribus bonis conjugij juxta sacramentale conjugium, facile possunt ad spiritale conjugium retorqueri.

trum, & respiciens retro, cum uxore Lot (f) in falis statum convertetur.

#### *De Conjugalī vinculi firmitate.*

Porro fides, & proles in ordinato conjugio semper adherent. Nam interdum castitas violatur, & secunditas impeditur. Sacramentum autem ita stabile perseverat, ut sine ipso esse non possit conjugium. Manet autem semper vinculum inter viventes conjugale, ut etiam causa fornicationis intervenienti divortio conjugalī vinculi firmitas non solvatur; Domino testante, qui ait (a): *Quicumque dimiserit uxorem suam, nisi ob fornicationem, & aliam duxerit, mæchatur; & qui dimissam duxerit, mæchatur.* Apostolus vero (b) necessariam veritatem secuturus adjunxit: similiter qui ab uxore discesserit. Similiter quasi de conjugio Christi recedens, & fide; & vir si discesserit ab uxore.

#### *De Spirituali Conjugio.*

Sic & Apostata perdita (c) Sacramentum fidei non amittit, quod lavacro regenerationis accipit; redderetur enim redeunti sibi, si discederet ab admisso. Habet hoc qui recesserit ad cumulum supplicij, non ad meritum præmij. Sicut ergo propter fornicationem uxor a viro dimittitur; sic propter apostasiam anima separatur a Christo.

#### *De Spirituali reconciliatione.*

Potest tamen reconciliari, si redeat, & viri flagitet pietatem, ipso attestante, qui ait (d): *Convertimini ad me, & ego convertar ad vos.* Alioquin mittens (e) manum ad ara-

#### *Quid impediat, aut dirimat Conjugium.*

Licet autem quolibet criminalis offensā spirituale conjugium, quod est inter Deum, & animam, & impediat contrahendum, & dirimat jam contractum, quia caritas non patitur habitare cum vitio, unde nemo potest Deo servire (g), [et] mammona: sacramentale tamen conjugium, quod inter Christum est, & Ecclesiam, sola forte vel contrahendum impedit, vel contractum impedit, vel dirimit infidelitas. Nam qui fide baptizatur, ut Simon, (b) etsi fidei suscipiat sacramentum, quia tamen fidem sacramenti non accipit, a Christo dissentit; & ideo conjugium cum ipso non contrahit. Quis enim dixerit, quod sine consensu conjugium contrahatur? Quisquis autem, ut Julianus Apostata, etsi sacramentum fidei non amittat, quia tamen fidem sacramenti dimittit, de Christi conjugio, quasi fornicando, recedit. Omnis ergo, qui mysterium Incarnationis Verbi non credit, ad conjugium sacramentale non creditur pertinere, quod per Incarnationis mysterium inter Christum, & Ecclesiam est contractum.

#### *Quod Sacramentale Conjugium nunquam dirimatur.*

Porro cum anima per apostasiam separatur a Christo, non desinit esse uxor; cum femina, quæ propter mæchiam separatur a viro, uxor esse non desinat, etsi alteri copuletur. Nam sicut in illa perdurat vinculum matrimonij, sic in ista permanet Sacramentum baptismi.

(a) Matth. 19. 9.

(b) Hic sensus videtur [Librarij causa] non nihil deficere. Idem quoque incommode in subsequenti capituli initio occurrit.

(c) Substitu fide, alioquin nullus in his verbis est sensus.

(d) Zach. 1. 3.

(e) Luc. cap. 9. vers. 62.

(f) Gen. 19. 26.

(g) Matth. 6. 24.

(h) Mat. 8. 13.

ptissimi. Et sicut illa contraxit conjugium per consensum: sic ista per fidem; cessante tamen in illa consensu, conjugium non dissolvitur.

*Cur in ista, fide cessante, Conjugium non dissolvatur?*

An forte quolibet anima Christiana non solum iusta, sed apostata conjux est Christi, licet adultera, quia viro suo fidem non servat, quam servare tenetur, propter debitum Sacramenti, quod etiam in apostata perseverat: alioquin non esset adultera, si conjux ipsa non esset? Sit ita, si nihil est quod melius valeat responderi.

*Quaestio.*

Illud autem videtur obfistere, quod in Osee Propheta Dominus protestatur: (a) *Judicate matrem vestram, judicate: quoniam ipsa non uxor mea, & ego non vir ejus; auferat fornicationes suas a facie sua, & adulteria sua de medio uberum suorum.* Ecce propter fornicationem, & adulterium dicit dissolutum esse conjugium, ut nec ipse sit vir, nec ipsa sit uxor.

*Solutio.*

Sane spirituale conjugium, quod per animi caritatem Deus cum Synagoga contraxit, illud utique fuit per idolatriam dissolutum, per quam anima moritur, quia separatur a Deo. Nam sicut corpus vivit ex anima, sic anima vivit ex Deo. Apostolo vero docente (b) didicimus, quod altero conjugatorum defuncto, reliquus a conjugij lege solutus est. Sacramentale vero conjugium dissolvi non potuit, quia nondum Christus per naturae conformitatem contraxerat cum Ecclesia, quia Verbum nondum fuerat incarnatum.

*Utrum parvulus baptizatus contrahat Sacramentale conjugium?*

Si vero quæzatur de parvulo, qui non credit, utrum Christo per Sacramentum fidei desponsetur? Forſitan respondebitur, quod sicut in fide baptizatur Ecclesia, sic per fidem Ecclesia desponsatur. Nam sicut in adulto fides Sacramenti sine Sacramento fidei potest peccata delere, sic in parvulo Sacramentum fidei sine fide Sacramenti peccatum potest dimittere. Quid enim si supplet gratia, quod negat natura? Tametsi verum sit, in carnali conjugio, quod per alienum consensum nemo matrimonialiter obligatur.

*Quaestio*

*Utrum Christus dicendus sit bigamus.*

Cum autem secundum Apostolum (c) oporteat Episcopum esse unius uxoris virum, id est monogamum: quomodo Christus, qui est Pontifex (d) futurorum bonorum, sacerdos in aeternum secundum ordinem Melchisedech, (e) repudiata Synagoga, superduxit Ecclesiam? Sane licet Christus ad tempus deseruit Synagogam; quoniam ut ipse meminit per Prophetam: (f) *Denudavi fornicationes suas, & discooperui ignominiam suam, & recessi ab ea;* postea tamen illam resumpsit in primitivis fidelibus, quia *salus ex Judæis est,* (g) cui non superduxit Ecclesiam, sed inseruit tamquam oleastrum olivæ: juxta quod ei dixit Apostolus: (h) *Quod si aliqui ex ramis israeli sunt, tu cum oleaster esses, insertus es in illis, & factus es socius radicis, & pinguedinis olivæ....* Certeas (i) enim ex parte cecidit in Israel, donec plenitudo Gentium intraret, & sic omnis Israel, salvus fiet. Veritas quoque cum in Evangelio præmisset: (k) *Animam meam pono pro ovibus meis;* consequenter.

(a) Cap. 2. 2. (b) Rom. 7. 2. (c) 1. Timoth. 3. 2. (d) Hebr. 9. 11. (e) In. 1. ad. Epist. 5. 6. (f) Ezech. 23. 18. (g) Joan. 4. 22. (h) Rom. 11. 17. (i) vers. 25. & 26. (k) Joan. 10. 15.

ter adjunxit (a): *Et alias oves habeo, quæ non sunt ex hoc ovili: & illas oportet me adducere, & vocem meam audient, & erit unum ovile, & unus pastor: idest unus pastor, unus sponsus, & una sponsa. Lapis (b) angularis, qui fecit (c) utraque unum. Nam: (d) Es qui præibant, & qui sequebantur, clamabant dicentes: Hosanna filio David: Benedictus, qui venit in nomine Domini. Sed & secundum aliam speciem nuptiarum Christus in plenitudine temporis sibi conjugavit Ecclesiam, quam olim sibi desponsaverat Synagoga. Nam ut essent (e) duo in carne una, Verbum (f) caro factum est, & habitavit in nobis; ut dicere valeat: Hoc (g) nunc os ex ossibus meis, & caro de carne mea. Secundum hanc speciem Christus est unicus unig. Una est, inquit, (h) columba mea; quam numquam repudiabit, nec aliam superducat, quia pepigit (i) cum ea testamentum æternum in sanguine suo: Vobiscum, inquit, (k) ero omnibus diebus, usque ad consummationem sæculi. In qua vero natura Christus est sponsus Ecclesiæ, in ea unctus est oleo letitiæ (l) præ consortibus suis; ut esset Pontifex, & Sacerdos secundum ordinem Melchisedech. Christus ergo secundum illud, quod est Pontifex, non est bigamus, sed monogamus.*

*Alia questio de eodem.*

Illud autem movere non debet, quod in multis auctoribus Scripturarum multis describuntur Ecclesiæ. Paulus enim Apostolus ait (m): *Præter illa, quæ extrinsecus sunt, instantia mea quotidiana, sollicitudo omnium Ecclesiarum.* Et Joannes Apostolus scribit septem Ecclesiis, quæ sunt in Asia (n). Quod

videt, inquit, scribe in libro, & misce septem Ecclesiis, Ephesum, & Smyrnam, & Pergamum, & Thyatiram, & Sardis, & Philadelphiam, & Laodiciam. Sicut autem multa sunt membra corporis, ex quibus unum corpus efficitur; ita multe sunt Ecclesiæ particulares, de quibus una consistit Ecclesia, quæ Catholica dicitur, idest universalis, uno Christi Spiritu vivificata per totum, sicut & corpus humanum una per totum anima vegetatur. Quod beate significavit Salomon ubi ait (o): *Sapientia ædificavit sibi domum, excidit columnas septem.* Christus est Dei virtus, & Dei sapientia, qui ædificavit sibi domum, idest Ecclesiam, de qua dicit Propheta (p): *O Israel quam magna est domus Dei! Et excidit columnas septem; idest distinxit in ea septem dona, vel septem ordines Sanctorum (q): unitatem enim Ecclesiæ Dominus in Evangelio commendavit (r). Tu es, inquit, Petrus, & super hanc petram ædificabo Ecclesiam meam.* Et Propheta dicit in Psalterio (s): *Exsultent cum in Ecclesia plebis: & in cathedra seniorum laudent eum.*

*• Item alia questio de eodem.*

Verum quid adhuc respondebitur: Cum omnis anima iusta Christo sit desponsata per fidem, & copulata per caritatem; tot ergo sunt Christi sponsæ, quot sunt animæ iustæ? Quod ergo pertinet ad similitudinis sacramentum, primam legem conjugii factam in Paradiso, quam Christas in Evangelio confirmavit: *Erunt, inquit (t), non multi, sed duo in carne una; idest in uno carnali conjugio. Propter hoc relinquet homo patrem, & matrem, &*

(a) vers. 16. (b) Ephes. 2. 20. (c) Ibid. vers. 14. (d) Marci 11. 9. (e) Geni. 2. 25. (f) Joan. 1. 14. (g) Gen. 2. 23. (h) Cant. 6. 8. (i) Eccl. 17. 10. (j) Act. 20. 28. (k) Matth. 28. 20. (l) Psalm. 44. 8. (m) 2. Cor. 11. 28. (n) Apoc. 1. 11. (o) Prov. 9. 1. (p) Baruch. 2. 24. (q) In margine adiungitur hec: Virginem Mariam, Angelos, Prophetas, Apostolos, Martyres, Confessores, & Virgines. (r) Matth. 16. 18. (s) Psal. 106. 32. (t) Matth. 19. 5.

*Et adharebit non uxori, sed uxori. Sacramentum autem hoc magnum est, non inter Deum, & animam, sed ut inquit Apostolus, (a) in Christo, Et in Ecclesia.*

Quamquam omnes animæ iustæ sint una sponsa, & una virgo propter unitatem Spiritus (b), & quam in vinculo pacis observant. *Emulor*, inquit, (c) vos Dei emulatione: despondi enim vos uni viro virginem castam exhibere Christo. Pluraliter ait vos, & singulariter ait virginem; quia omnes in Christo sunt una virgo, propter unum integritatis spiritum, & virginitatis auctorem. Nam (d) divisiones gratiarum sunt..... Unus autem Spiritus, dividens singulis prout vult.

#### De personis legitimis.

Sunt autem nonnullæ personæ, quæ carnale conjugium inter se contrahere prohibentur. Et quidem ante legem fuerunt paucissimæ: sub lege plures: post legem plurimæ. Propter hoc (e) relinquens homo patrem, & matrem; idest propter copulam conjugalem, nec filia patrem, nec filius matrem accipiet. Christus autem in conjugem accipit & matrem, & filiam, & sororem, & omnem omnino personam, quæ Patris ejus efficit voluntatem: Quicumque vero fecerit (f) voluntatem ejus Patris, qui est in Cælis, ipse suus frater, soror, & mater est. Hic quoque sponsus in Canticis eandem & sponsam nominat, & sororem (g): *Vulnerasti cor meum soror mea: sponsa mea vulnerasti cor meum*. Similiter eandem & regenerat, & desponsat: regenerat prolem, & desponsat uxorem. Nec expectat se. prennium pro sponsalibus: nec pro nuptijs duodennium. Quid itaque mirum, si filiam ducit in conjugem, qui filiam

elegit in matrem? Nam & Filius matrem genuit, & filia peperit Genitorem. Nullus ergo spirituale, vel sacramentale conjugium contrahere prohibetur. Quin immo quibuslibet hujusmodi copulam inire præcipitur. *Non est enim distinctio*, sicut dicit Apostolus: (b) *sed iustitia Dei per fidem Jesu Christi super omnes, qui credunt*. Omnis, inquit, (i) *qui venit ad me, non ejiciam foras*. Omnes tamen efficit unum, sicut ipse dicit ad Patrem: (k) *Ego claritatem, quam dedisti mihi; dedi eis; ut omnes sint unum, sicut & nos unum sumus*. Ego in eis, & tu in me: ut sint consummati in unum, & cognoscat mundus, quia tu me misisti.

#### Quod Ecclesia Christo dotem non tribuit.

Verum nec anima Deo, nec Ecclesia Christo dotem aliquam pro suo tribuit conjugio contrahendo, quia gratis eam absque dote suscepit. Non enim (l) *ex operibus iustitiæ, quæ fecimus nos, sed secundum suam misericordiam salvos nos fecit per lavacrum regenerationis Spiritus Sancti, quem effudit in nobis abunde per Jesum Christum Salvatorem nostrum: ut iustificati gratia ipsius, baredes simus secundum spem vite æternæ*. Si autem gratia, (m) non ex operibus: alioquin gratia jam non est gratia. Non est ergo (n) *volentis, neque currentis, sed Dei misericordis*, ad quem nullus accedit, nisi ipse præcedat, nemo pervenit, nisi ipse præveniat: unde Propheta dicit in Psalterio: (o) *Prævenisti eum in benedictionibus dulcedinis, & Christus in Evangelio: (p) Nemo venit ad me, nisi Pater meus traxerit eum*. Misericordia enim Dei non solum prævenit, sed subsequitur. Prævenit inspirando; subsequitur adjuvando.

K k

Præ-

(a) Ephes. 5. 32.

(b) Ibid. 4. 3.

(c) 2. Corinthe. 11. 2.

(d) 1. Corin.

12. 4., &amp; 11.

(e) Gen. 2. 24.

(f) Matth. 12. 50.

(g) Cap. 4. 9.

(h) Rom. 3. 22.

(i) Joan. 6. 37.

(k) Joan. 17. 21., &amp; 23.

(l) Tit. 3:

5, &amp; seq.

(m) Rom. 11. 6.

(n) Rom. 9. 16.

(o) Psalm. 20. 4.

(p) Joan. 6. 44.

Prævenit, ut incipiat; subsequitur ut perficiat. De prævenienti dicit in Psalterio: (a) *Misericordia ejus præveniat me.* De subsequenti dicit in alio loco: (b) *Misericordia tua subsequetur me.* Non ergo pro dote, sed tantum ex gratia. Deus animam, vel Christus sibi desponsavit Ecclesiam. *Quis enim prior (b) dedit illi, & retribuetur ei? Quoniam ex ipso, & per ipsum, & in ipso sunt omnia.* Quid igitur habet homo, (d) quod non acceperit? Ipsa caritas, per quam anima Deo spiritualiter copulatur, sibi datur a Deo: Paulo attestante, qui ait: (e) *Caritas Dei diffusa est in cordibus nostris per Spiritum Sanctum, qui datus est nobis.*

*Quod Christus donationem facit  
Ecclesie.*

Hæc animæ peccata dimittit, ut separatam a Diabolo copulet Deo. *Caritas enim (f) operis multitudinem peccatorum.* Et Dominus inquit in Evangelio: (g) *Dimissa sunt ei peccata multa, quoniam dilexit multum.* Qui cum proposuisset Simoni Phariseo, (b) quod duo debitores erant uni feneratori; & unus debebat denarios quingentos, & alius quinquaginta, non habentibus autem illis unde redderent, donavit utrique. *Quis ergo plus diligit? Respondit illi respondit: Existimo cui plus donavit.* Hæc est ergo donatio propter nuptias, remissio peccatorum. Nam si caritas est conjugium, propter quod Deus animæ copulatur, & propter caritatem debita condonantur, profecto donatio propter nuptias est remissio peccatorum; & secure dicimus, & libere protestamur, quod causa justificationis est caritas, secundum Evangelicum, & Apostolicum testimonium, quod induimus: *Dimissa sunt ei peccata multa,*

*quoniam dilexit multum.* Et si caritas operis multitudinem peccatorum (lucem enim tenebræ fugiant) utique lux tenebras fugat. Quia non est conventio (i) lucis ad tenebras, neque Christi ad Belial. Aliam quoque donationem Christus promittit Ecclesie, quam publicis litteris Matthæus Evangelista describit: (k) *Beati pauperes spiritu, quoniam ipsorum est regnum Cælorum. Beati miseres &c.*

*De mysticis donis, quæ Gentilitas  
Christo præmisit.*

Licet autem Ecclesia viro suo dotem non dederit, sed donationem ab ipso receperit, per nuncios tamen idoneos, viros utique nobiles, & prudentes, quædam suæ dilectionis, & devotionis mystica dona præmisit, quando Gentilitas Magos ab Oriente Jerusalem destinavit quærentes, (l) Ubinam esset, qui natus erat Rex Judæorum? Viderunt enim stellam ejus in Oriente, cujus signo processerunt, & inveniunt; prociderunt, & adoraverunt. *Es aperitis thesauris suis obtulerunt ei munera, aurum, & ibus, & myrrham.* Aurum regi; Thus sacerdoti; Mirram mortali. Tunc cepit impleri vaticinium Prophetarum: (m) *Reges Tharsis, & Insula munera offerent: Reges Arabum, & Saba dona adducent.* (n) *Omnes de Saba venient, aurum, & ibus deferentes, & laudem Domino annunciantes.*

*De multiplici Cultu, quem sponsa  
sponsus addidit.*

Christus itaque non ex merito, sed ex gratia sibi desponsavit Ecclesiam, quam lavit, & unxit; ornavit, & decoravit. Sic per Ezechielem Prophe-

(a) Psalm. 58. 11.

(b) Psalm. 22. 6.

(c) Rom. 11. 35, & 36.

(d) 1. Cor. 4. 7.

(e) Rom. 5. 5.

(f) 1. Petr. 4. 8.

(g) Luca 7. 47.

(h) Luca 7. 41, & seq.

(i) 2. Corin. 6. 15.

(k) Cap. 5. vers. 3, & seq.

(l) Matth. 2. 1, & seq.

(m) Psalm. 71. 10.

(n) Isaia 60. 6.

tam sub typo Synagogæ describitur: (a) Juravi tibi, & ingressus sum pactum tecum: ait Dominus Deus: & facta es mihi. Et lavi te aqua, & emundavi sanguinem tuum ex te: & unxi te oleo. Et vestivi te discoloribus, & (b) lavi te jansibino: & cinxi te bysso, & indui te subtilibus. Et ornavi te ornameto, & dedi armillas in manibus tuis, & torquem circa collum tuum. Et dedi aurem super os suum, & circulos auribus tuis, & coronam decoris in capite tuo. Et ornata es auro, & argento, & vestita es bysso, & polymiso, & multis coloribus: similam, & mel, & oleum comedisti, & decora facta es vehementer nimis, & proficisci in regnum. Et egressum est nomen tuum in Gentes propter speciem tuam, quia perfecta eras in decore meo, quem posueram super te, dicit Dominus Deus.

## De Lavacro.

Lavis ergo Christum Ecclesiam, ut eam a criminibus emundaret. Unxit me, ut chrismatibus decoraret; ornavit me, ut virtutibus insigniret. De lavacro dicit Apostolus ad Ephesios: (c) Viri diligite uxores vestras, sicut & Christus dilexit Ecclesiam, & se ipsum reddidit pro ea, ut illam sanctificaret, mundans lavacro aque in verbo vite, ut exhiberet ipse sibi gloriosam Ecclesiam non habentem maculam, aut rugam, aut aliquid hujusmodi, sed ut sit sancta, & immaculata. Baptismus enim abluit non tantum corpus, sed cor: per ablationem corporis exteriorem, significans ablationem cordis interiorem. Juxta quod Dominus per Ezechielem testatur: (d) Effundam super vos aquam mundam, & emundabimini ab omnibus iniquitamentis vestris. Et Ezechias: (e)

In die illa eris fons patens domui David, & habitantibus Jerusalem in ablu-tionem peccatoris, & menstruatae. Propter quod & Veritas inquit in Evangelio: (f) Nisi quis renatus fuerit ex aqua, & Spiritu Sancto, non intrabit in regnum Celorum. Sed (g) Qui credideris, & baptizatus fueris, salvus eris.

## De Unguento.

De unguento Sponsa dicit ad Sponsum in Canticis (h): Curvemur in odorem unguentorum suorum. Unguenta sunt Spiritus Sancti chrismata, quæ conficiuntur ex illis pigmentis, quæ Isaias commemorat dicens: (i) Requiescit super eum spiritus sapientia, & intellectus, spiritus consilij, & fortitudinis, spiritus scientia, & pietatis, & replevit eum spiritus timoris Domini. Hæc sunt aromata (k) myrriba, & storis; & universi pulveris pigmentarii. Unguenta ista redolent, & impinguant. Redolent exterius hilari fama, impinguant interius spirituali lætitia. Propter hilarem famam dicit Apostolus: (l) Christi bonus odor sumus in omni loco: Et (m) domus impleta est ex odore unguentis. Propter spirituales lætitiæ, inquit Psalmista: (n) Impinguaſti in oleo caput meum: Et (o) sicut adipe, et pinguedine repleatur anima mea. Unguentum istud principaliter abundat in Christo, cui sine mensura datus est spiritus, quia (p) Unctus est oleo lætitiæ præ consor-tijs suis. Sed unguentum (q) a capite descendit in barbam, & a barba in oram vestimenti descendit, quia (r) de plenitudine ejus omnes accepimus; primum Apostoli, deinde ceteri. Hæc est unctio, quæ secundum Joannem (s) docet de omnibus; qua Reges, & Sacerdotes unguuntur, sed illi, de quibus Pe-

K k a

trus

(a) Cap. 16. vers. 8, & seq. (b) Non nihil distat hæc interpretatio a Vulgata. An id in Ammannensium referendum est? Judicet Lector. (c) Cap. 5. vers. 25, & seq. (d) Cap. 36. 25. (e) Cap. 13. 1. (f) Joan. 3. 5. (g) Marci 16. 16. (h) Cap. 1. 3. (i) Cap. 11. 2. (k) Cant. cap. 3. 6. (l) 2. Corinthe. 2. 14. (m) Joan. 12. 3. (n) Psal. 22. 5. (o) Psal. 62. 6. (p) Psal. 44. 8. (q) Psal. 132. 2, & 3. (r) Joan. 1. 16. (s) 1. Joan. 2. 27.

trus Apostolus ait: (a) *Vos estis genus electum, regale Sacerdotium.*

### De Ornatu.

De ornatu loquitur Salomon in Parabolis (b): *Sragulasam vestem fecit sibi: byssus, & purpura vestimentum ejus: Omnes (c) domestici ejus vestiti sunt duplicibus.* Vestes Ecclesie sunt virtutes, quibus Ecclesia protegitur, & ornatur, secundum illud Propheticum: (d) *Sacerdotes tui induant justitiam.* Et (e) *Induti sunt arietes ovium, & valles abundabunt frumento.* Tot igitur habet diversitates vestium, quot habet varietates virtutum, juxta quod alibi legitur: (f) *Affixit regina a dextris tui in vestitu deaurato, circumdata varietate.* Propter quod domestici ejus, idest Fideles in domo Domini conversantes, dicuntur *vestiti duplicibus*, idest diversis virtutibus ornati. *Sragulata* vero *vestis* est illa, quæ non solum textitur ex virtutibus, verum & contextitur ex operibus, ut varietate, textura firmissima contextatur; hæc est virtus operans, & operatio virtuosa. Quia vero duo sunt genera Fidelium in Ecclesia, videlicet Confessores, & Martyres, recte subjungitur: *Byssus, & purpura vestimentum ejus.* Purpura namque Martyribus convenit propter sanguinem, de quo tingitur: Byssus autem congruit Confessoribus propter candorem, quem ex maceratione sortiuntur. Quo circa Sacerdotalis ornatu contextus erat (g) *ex auro, & hyacintho, & purpura, coccoque bis tincto, & bysso retorta, opere polymiso;* idest vario, de quibus plenius egimus in libello, qui de Miliarum mysterijs appellatur. *Gaudemus* ergo (h) *& exultamus, quia venerunt nuptia Agni, & uxor ejus preparavit se.* Et da-

sum est illi, ut cooperiat se byssino splendens, & candido. Byssinum enim, justificationes sunt Sanctorum. Hæc est Sara maturior, Rebecca sapientior, Lia secundior, Rachel gratior, Anna devotior, Susanna castior, Juditha animosior, Edissa formosior: *Mulæ (i) filie congregaverunt divitias:* hæc autem *supergressa est universas.*

### De Pulchritudine sponsæ.

Ecce quanto decore Christus venustavit Ecclesiam; ut recte dicat in Canticis: (k) *Tota pulchra es amica mea virtutibus decorata: et macula non est in te criminibus expoliata.* Sed quomodo tota pulchra, & sine macula, cum modo macula sit in Luna? Et multi sunt in Ecclesia, qui vitiis sordibus inquinantur? Nam & Arca Noë (l) munda continuit, & immunda: Domus Abraham (m) liberam habuit, & ancillam: Uterus Rebecca (n) predestinatum reportavit, & reprobum. Sagena piscatoris (o) bonos recepit, & malos: Ager hominis (p) triticum attulit, & zizania: Rex quoque (q) bonos, ac malos jussit ad nuptias introduci. Licet autem illud sit absque dubitatione verissimum secundum statum triumphantis Ecclesie, quem habet in patria: verum est tamen secundum statum militantis Ecclesie, quem habet in via; sed quantum ad illos, quid non solum numero, sed merito; non solum nomine, sed numine sunt in Ecclesia, qui spectant non solum ad sacramentale, sed & ad spirituale conjugium. Porro cum nec infans unius (r) diei sine peccato sit super terram: non est enim (s) homo justus in terra, qui faciat bonum, & non peccet. Et (t) si dixerimus, quoniam peccatum non habemus,

(a) 1. Petr. 2. 9. (b) Cap. 31. 22. (c) Eod. cap. vers. 21. (d) Psalm. 131. 9. (e) Psalm. 63. 14. (f) Psalm. 44. 10. (g) Exod. 28. 6. (h) Apocal. 19. 7. & 8. (i) Prov. 31. 29. (k) Cap. 4. 7. (l) Gen. 7. 8. (m) Galat. 4. 22. & Gen. 16. 15. (n) Rom. 9. 10. & seq. (o) Matth. 13. 47. (p) Matth. 13. 25. (q) Matth. 22. 10. (r) Job. 14. 4. secundum 70. (s) Eccles. 7. 21. (t) 1. Joan. 1. 8.



mus, ipsi nos seducimus, & veritas in nobis non est, quoniam (a) in multis offendimus omnes, quomodo verum est, quod vel anima iusta rota sit pulchra, & macula non sit in illa? Nam si careat criminali, sed non penitus veniali. Ceterum venialis culpa non maculat animæ pulchritudinem. Nam sicut stilla stillæ non extinguit, sed accendit fornacis ardorem, ita venialis offensa non minuit, sed incendit caritatis fervorem. *Septies enim (b) in die cadet vir, & fortior resurget.* Cadit, inquam, non in criminali, sed in veniale peccatum, a quo per sacrificium (c) contribulati spiritus fortior elevatur.

## De Desponsatione.

His ergo ornata virtutibus Ecclesia desponsatur, & ad plenitudinem desponsationis omnimodam annulatur, amplexatur, & osculatur; annulo fidei, amplexu spei, osculo caritatis. In cujus figura pater accurrens filio revertenti, cecidit super collum ejus, (d) & osculatus est eum..... Dixitque pater ad servos suos..... date annulum in manu ejus &c.

## De forma contrahendi.

Forma varo conjugij contrahendi simul in utroque servatur. Cum enim vir, & mulier ad contrahendum conveniunt, præsentibus arbitris uterque querit ab altero, si velit ipsum accipere; cumque responderit: *Volo*; statim uterque dicit ad alterum: Et ego accipio te in meum. Ita cum catechumenus, & sacerdos ad baptizandum conveniant, patris præsentibus sacerdos interrogat: Utrum catechumenus credat in Trinitatem? Cumque responderit: *Credo*; statim ille subjungit: Et ego te baptizo

in nomine Trinitatis: sacramentale, namque conjugium in baptismo celebratur. Quod bene recolitur, cum in Epiphania quasi carmen nuptiale cantatur: (e) *Hodie celesti sponso juncta est Ecclesia, quoniam in Jordane lavit Christus ejus crimina; currunt cum muneribus Magi ad regales nuptias; & ex aqua factio vino latantur convivia.* Ut enim Christus ascenderet, quod per sacramentum baptismi sacramentales nuptiæ contrahuntur, quibus est Christo copulata Gentilitas, eodem die, quo fuit adoratus a Gentibus, excursis triginta annis baptizatus est in Jordane, ac revoluti anno, nuptias consecravit. Et sicut in baptismo vim regenerativam aquis exhibuit, sic ad nuptias vim conversivam in aquis exercuit, cum aquam convertit in vinum. Ut quemadmodum frigidus liquor est mutatus in calidum, & calidus in rubentem: ita qui frigidus, & pallidus fuerat per peccatum, fiat calidus, & rubeus per baptismum, qui Christi sanguine rubricatur.

## De Paranympsis.

In Sacramentali conjugio, quod inter Christum, & Ecclesiam est contractum, Joannes extitit paranympus, qui viam ante faciem Domini præparavit; sicut scriptum est per Isaiam Prophetam dicentem: (f) *Ego vos clamantis in deserto, parate viam Domini, rectas facite semitas Dei nostri.* Hic est, de quo per Malachiam Prophetam Pater inquit ad Filium: (g) *Ecce ego mitto Angelum meum; idest Joannem, qui dicitur Angelus, non naturæ proprietate, sed officij dignitate, quia Christum & prægnavi venturum, & annuntiavit præsentem. Venit, inquit, (h) fortior me post me, cujus non sum dignus corrigiam calcamenti solvere.* Et (i) *Qui post me venit, ante me* fa-

(a) Jacob. 3. 2.

(b) Prov. 24. 16. Desunt tamen voces illæ in die.

(c) Psal. 50. 19.

(d) Luca 15. 20, &amp; seq.

(e) Antiph. ad Bened. in ead. Solemn.

(f) Cap. 40. 3.

(g) Cap. 3. 1.

(h) Marc. 1. 7.

(i) Joan. 1. 15.

factus est. Rursus: (a) Hic est, de quo dixi vobis: Ecce Agnus Dei, ecce qui tollis peccatum mundi, qui parabis viam ante te, scilicet penitentiam, & baptismum. Penitentiam, inquit, (b) agite, appropinquavit enim regnum Caelorum. Et (c) Ego baptizo vos aqua; medius autem vestrum stat, qui baptizabit vos Spiritu Sancto, & igni. Et statim (d) post annunciationem Joannis, venit ad templum sanctum suum (idest ad Ecclesiam, ut illam desponsando sanctificet: de qua dicit Apostolus: (e) Templum Domini sanctum est, quod essetis vos) Dominator, quem queritis, & Angelus testamenti, quem vos vultis. Metaplasmus est. Convertit enim sermonem ad illos, qui Christi desiderabant adventum dicentes: (f) Emitte agnuni Domine dominatorem terrae, de petra deserti ad montem filia Sion. Hic ergo vox Verbi iudicis, paranympus sponsi, lucerna solis, qui se sponsi vocat amicum, & exhibet paranympum. Qui habet, inquit, (g) sponsam, sponsus est; amicus autem sponsi, qui stat, & audit eum, gaudio gaudet propter vocem sponsi. In spiritali vero conjugio, quod inter Deum, & animam celebratur, paranympus est timor, qui caritatem introducit: Nam (h) Timor Domini expellit peccatum. Et Initium sapientiae (i) timor Domini. De quo dicitur per Prophetam: (k) A timore tuo Domine concepimus, & peperimus spiritum salutaris.

#### De solemnij conjugio.

Sacramentale conjugium noluit esse clandestinum, sed omnibus manifestum. Nam (l) In sole posuisti tabernaculum suum; & ipse sicut spon-

sus procedens de thalamo suo. In sole, idest manifesto; juxta quod alibi dicitur: (m) Non venit lucerna, ut ponatur sub modio, sed super candelabrum. Notum enim (n) fecit Dominus salutare suum: in conspectu gentium revelavit iustitiam suam. Propterea dicebat Apostolus: (o) Quae dico vobis in tenebris, dicite in lumine; & quae in aure auditis, predicare super tellus. Eunt (p) in mundum universum predicare Evangelium omni creatura.... Illi autem perfecti predicaverunt ubique Domino cooperante, & sermonem confirmante, sequentibus signis. Quapropter (q) In omnem terram exiit sonus eorum: & in fines orbis terra verba eorum. Hoc sacramentale conjugium quilibet Christianus debet publice confiteri; Nam (r) corde creditur ad iustitiam: ore autem confessio fit ad salutem. Propter quod ipse dicit in Evangelio: (s) Qui me confessus fuerit coram hominibus, confitebor & ego eum coram Patre meo, qui in Caelis est. Et (t) Qui me erubuerit, & meos sermones: hunc filius hominis erubescet, cum venerit in gloria sua, & Patris, & sanctorum Angelorum.

#### De clandestino conjugio.

Spirituale conjugium contrahitur in occulto, quia Deus iustificat hominem sine homine. Spiritus (u) ubi vult spirat, & vocem ejus audis, sed nescis unde veniat, aut quo vadat. Es (x) nemo novit, quae sunt in homine, nisi spiritus Dei, qui fecit hominem. Ne tamen & hoc conjugium sine testibus contrahatur, tres illi praesentialiter adfunt (y) Qui testimonium dant in Caelo: Pater, Verbum, & Spiritus Sanctus: et hi tres unum sunt; Filio testan-

(a) Ibid. 1. 29. (b) Matth. 3. 2, & 11.  
(c) 1. Corin. 3. 17. (d) Isaia 16. 1.  
(e) Psal. 110. 10. (f) Isaia 16. 18.  
(g) Psal. 97. 2. (h) Matth. 10. 27.  
(i) Rom. 10. 10. (j) Matth. 10. 32.  
(k) 1. Corin. 2. 11. (l) 1. Joan. 5. 8.

(m) Joan. 1. 26. (n) Matth. 3. 1.  
(o) Joan. 3. 29. (p) Eccli. 1. 27.  
(q) Psal. 18. 6. (r) Marc. 4. 23.  
(s) Marc. 16. 15, & 10. (t) Psal. 18. 5.  
(u) Luca 9. 26. (v) Joan. 3. 8.

stante, qui ait: (a) Si quis diligit me, sermonem meum servabit, & Pater meus diligit eum, & ad eum veniemus, & mansionem apud eum faciemus.

## De translatione.

Solet vir desponsare prius puellam, & postea traducere desponsatam. Unde (b) cum esset desponsata mater Iesu Maria Ioseph, anequam conveniens, inventa est in utero habens de Spiritu Sancto. Ioseph autem vir ejus, cum esset iustus, & nollet eam traducere, voluit occulte dimittere eam. Ita Christus Ecclesiam prius desponsavit per fidem, & postea traducet in speciem. Cum (c) tradideris regnum Deo, & Patri, & evacuaveris omnem principatum, & potestatem..... Cum mortale hoc induet immortalitatem, et corruptibile hoc induet incorruptionem: quando dicit his, qui a dextris ejus exsistent: (d) Venite benedicti Patris mei, possidete paratum vobis regnum a constitutione mundi: quando dicit illi, qui duplicavit talentum: (e) Euge serve bone, & fidelis, quia in pauca fuisi fidelis, super multa te constituam, intra in gaudium Domini tui, tunc exclusis extraneis, & in gehenna reclusis, sponsa cum sponso, sola cum solo requiescet in lecto quietis, intra cubiculum gaudij, sub umbraculo pacis, de quo Propheta dicit in Psalmo: (f) Abscondes eos in abscondito vultus tui a conturbatione hominum. Venient, (g) & recumbent cum Abraham, & Isaac, & Jacob in regno Gloriarum. Tunc exultabunt (h) Sancti in gloria; latrabuntur in cubilibus suis. Nam absterget (i) Deus omnem lacrymam ab oculis Sanctorum: & mors ultra non erit, ne-

que luctus, neque clamor, neque dolor erit ultra, quia priora abierunt. Ecce ego (k) creo celos novos, & terram novam, ait Dominus: et non erunt in memoria priora, et non ascendent, super eos. Sed gaudebitis, et exultabitis usque in sempiternum in his, quæ ego creo, quia ecce ego creo Jerusalem exultationem, et populum ejus gaudium. Et exultabo in Jerusalem, et gaudebo in populo meo, et non audietur in eo ultra vox fletus, et vox clamoris. In terra sua (l) duplicia possidebunt: quoniam in terra viventium Sancti geminam glorificationis stolam accipient, spiritualem, & corporalem: unam mentis, quæ consistit in tribus; & alteram carnis, quæ consistit in quatuor, quorum proprietates invenies assignatas in illo sermone, quem De duplici Corona descripsimus (m).

## De nuptialis Convivio.

Cum autem ingreditur Ecclesia in locum (n) tabernaculi admirabilis usque ad domum Dei, tunc, in voce exultationis, et confessionis, erit sonus epulantis: tunc in Cæli palatio nuptiale convivium celebrabit, de quo Veritas inquit Apostolis: (o) Edes, et bibetis super mensam meam in regno meo. Et Angelus ad Joannem: (p) Beati, qui ad cenam nuptiarum Agni vocati sunt. Faciet illos (q) discumbere, et transiens ministrabit illis. Beati (r) qui esuriunt, et sitiunt iustitiam, quoniam ipsi saturabuntur. Et inebriabuntur (s) ab ubertate domus Dei. Quando torrente voluptatis suæ potabis eos, semper saturabuntur, & numquam fastidient. Saturitas illa numquam incurret fastidium, quia suavitas illa semper ingeret desiderium. Tunc plene

gu-

(a) Joan. 14. 23. (b) Matth. 1. 18, & 19. (c) I. Corin. 15. 24, & 52.  
 (d) Matth. 25. 34. (e) Ibid. vers. 23. (f) 30. 21. (g) Matth. 8. 11.  
 (h) Psal. 149. 5. (i) Apocal. 21. 4. (k) Isai. 65. 17, & seq. (l) Isai. 61. 7.  
 (m) Sermo, quem Innocentius hic allegat, is est, qui secundum cbrinet locum inter eos, qui de uno martyre inscribuntur pag. 172. Tom. I. (n) Psal. 41. 5. (o) Lucæ 22. 30.  
 (p) Apoc. 19. 9. (q) Luca 12. 37. (r) Matth. 5. 6. (s) Psalms. 35. 8.

gustabant, (a) quam dulcis est Dominus: cum ipse Deus erit omnia in omnibus; (b) Cibis, potus, saturitas, & satietas singulorum; dulcedo incorporealis: suavitas ineffabilis: odor inextimabilis. *Quam magna (c) multitudo dulcedinis tue, Domine, quam abscondisti simentibus te!* Magna quidem est multitudo dulcedinis, quoniam una sufficit omnibus, & non sufficiunt omnes uni, quam tamen non in presenti tribuis, sed in futuro reservas: Quoniam abscondisti eam simentibus te. Satiabor, inquit, (d) cum manifestabitur gloria tua. Tu nempe dixisti: (e) Ego vincenti dabo manna absconditum. Quod nec oculus (f) vidit, nec auris audivit, nec in cor hominis ascendit etc. Ego (g) vincenti dabo edere de ligno vite, quod est in Paradiso Dei mei. Ego (h) ficienti dabo de fonte aque vite gratis; de qua qui biberis, (i) non sitiet in æternum.

#### De Sacramentali Convivio.

Interim autem donec sponsa tradatur in regnum, ne deficiat expectando, sponsus ei solemne convivium preparavit, quantum, & quale non fuit a sæculo celebratum. Illud utique, quod filio revertenti pater exhibuit, in quo iussit (k) occidi vitulum faginatam. In hoc convivio delitiz spirituales abundant, quæ præ ceteris cibis, & potibus mentem satiant, & faginant.

#### De Pane.

Panis enim celestis apponitur, de quo (l) Si quis manducaverit, vivet in æternum. Panis iste sumitur, non consumitur: Editur, & non egeritur: Manducatur, & non incorporatur, sed manducatus incorporat, & manducans

incorporatur: Transubstantiatur, non transformatur, sed transformatur, non transubstantiatur: Quotidie manducatur, & non deficit, nec decrevit, quia quotidie transubstantiatur, & nec proficit, nec accrescit.

#### De Carne.

Verum sub forma panis substantia carnis comeditur, secundum illud: (m) Panis, quem ego dabo, caro mea est pro mundi vita. Hic est Agnus paschalis, ex quo (n) non crudum quid, nec coctum aqua, sed tantum assum igni jubemur comedere, caput cum pedibus, et intestinis vorare. Si quid residuum fuerit, igni comburere. Illæsus dividitur, & integer manducatur. Vivit manducatus, quia resurrexit occisus. Manducatus non moritur, quia resurrexit non moriturus. Totum comedit, qui quantumlibet edit, quia nec qui plus collegerat, habuit amplius, nec qui minus paraverat, reperit minus.

#### De Vino.

Propinatur & vinum, quale nec Cyprus (o) attulit, nec est reperitum in Engaddi: de quo dicit Psalmista: (p) poculum tuum inebrians quam præclarum est! Quod non facit ebrios, sed reddit sobrios: Et quo plus potatur, eo plus affectatur. Generat desiderium, quod non parit fastidium: & ideo qui plus bibit, plus sitit, donec spes mutetur in rem, & fides in speciem. Hic est calix novi testamenti continens vinum, in quo stola lavatur, (q) & pallium, in sanguine uvæ. O magnum, & salutare convivium, in quo caro Christi comeditur, & sanguis Christi potatur! Caro munda, caro pura, caro sincera, delectabilis, amabilis, suavis. Sanguis præ-

(a) 1. Petr. 2. 3.

16. 15.

(b) Ibid. 21. 6.

(c) Joan. 4. 13.

(m) Joan. 6. 52.

(q) Gen. 49. 11.

(b) 1. Corinths. 15. 28.

(e) Apocal. 2. 17.

(f) Ibid. 4. 13.

(n) Exod. 12. 9, & seq.

(o) Cant. 1. 13.

(p) Psal. 30. 20.

(f) 1. Corinths. 2. 9.

(g) Apocal. 2. 7.

(h) Joan. 6. 52.

(i) Psal. 22. 5.

(j) Ibid. 21. 6.

(k) Ibid. 21. 6.

(l) Ibid. 21. 6.

(m) Ibid. 21. 6.

(n) Ibid. 21. 6.

(o) Ibid. 21. 6.

(p) Ibid. 21. 6.

(q) Ibid. 21. 6.

(d) Psal. 16. 15.

(e) Apocal. 2. 17.

(f) 1. Corinths. 2. 9.

(g) Apocal. 2. 7.

(h) Joan. 6. 52.

(i) Psal. 22. 5.

(j) Ibid. 21. 6.

(k) Ibid. 21. 6.

(l) Ibid. 21. 6.

(m) Ibid. 21. 6.

(n) Ibid. 21. 6.

(o) Ibid. 21. 6.

(p) Ibid. 21. 6.

(q) Ibid. 21. 6.

præclarus, sanguis pretiosus, sanguis acceptus, sanctificans, & vivificans, & emundans, super mel, & favum dulcis est animæ diligenti. Quod quisque salubriter cupit, hoc sibi suaviter sapit. Nam quomodo virtutes non saperet, in quo est plenitudo virtutum? Si cupit virtutem, & sapientiam, Christus (a) est Dei virtus, & sapientia. Si cupit veritatem, & vitam, Christus (b) est via, & veritas, & vita. Currenti per singula non decrunt exempla. Scriptum est enim: *Panem (c) de celo præstitisti eis sine labore, omne delectamentum in se habentem, et omnis saporis suavitatem. Panis, inquit, (d) quem ego dabo, caro mea est pro mundi vita.* Tanta caritate spon- sus diligit sponfam, ut illi se tribuat non solum habendum, verum & comendandum. Nam qui semetipsum dedit in pretium, ut redimeret nos a morte, semetipsum tradidit in cibum, ut nutriat nos ad vitam. *Qui (e) manducas me, vivet propter me.* Pro corpore ergo salus, sub specie panis caro comeditur; & pro salute spiritus sub specie vini sanguis potatur; alterutrum sub utroque. Panis enim refertur ad carnem, & vinum ad animam: quia vinum sanguinem operatur, in quo sedes est animæ: Moyses quippe testatur, quod caro pro corpore, sanguis autem offertur pro anima. (f)

#### De magnitudine convivij.

Ad hoc convivium celebrandum non sufficit unus dies, non sufficit unus mensis, non sufficit unus annus; sed a passione Christi fuit initium, & usque ad finem mundi perdurabit: ut, quia quotidie per infirmitatem peccamus, quotidie per hanc medicinam a peccato sanemur. *Vobiscum, inquit, (g) ero cunctis diebus, usque ad consummationem sæculi.* Semper est præsens nobiscum. in isto convivio, sub alia quidem for-

ma, sed in propria vere substantia. Cum enim Christus secundum naturam Divinam tribus modis in rebus existat: in omnibus per essentiam: in solis iustis per gratiam: in homine assumpto per unionem; voluit idem ipse secundum naturam humanam tribus modis in rebus existere: localiter in Cælo: personaliter in Verbo: sacramentaliter in Altari. Sicut enim secundum Divinitatem totus essentialiter est in omnibus rebus, ita secundum humanitatem totus Sacramentaliter est in pluribus locis.

#### De Mensa.

Tantum est igitur hoc cæleste convivium, ut nec nunc locus ejus celebrationi sufficiat; sed unum, & idem, in nullo varium ac diversum, super omnem mensam altaris per universa mundi climata celebratur. Ornatur autem hæc mensa mantilibus pretiosis, & desuper palla corporalis extenditur, ut in mundissima sindone sacrosanctum convivium celebretur. Hæc est mensa, de qua dicit Propheta: (b) *Parasti in conspectu meo mensam, & de qua dicit Apostolus: (i) Non potestis communicare mensa Christi, et mensa demoniorum.*

#### De Ministris.

In hoc excellenti convivio divisi sunt ordines ministrorum. Sed in omnibus, & præ omnibus tres præcipui, Subdiaconorum, Levitarum, & Sacerdotum, quos oportet cordis, & corporis habere munditiam, juxta mandatum Prophetarum: (k) *Mundamini qui servitis vasa Domini.*

#### De Vasis.

Vasa quidem non lignea, quasi vitia; non vitrea, quasi fragilia; non  
L I arca,

(a) 1. Corinth. 1. 24. (b) Joan. 14. 6. (c) Sap. 16. 20. (d) Joan. 6. 52.  
(e) Joan. 6. 58. (f) Levit. 17. 11. 13. &c. (g) Matth. 28. 20. (h) Psalms.  
32. 5. (i) 1. Cor. 10. 21. (k) Isai. 52. 11.

zrea, velut æruginantia: sed aurea, vel argentea, pretiosis lapidibus insignita, in quibus tam ordinate ministrant, ut ipsorum ministrorum ordo mirabilis Divinum innuat Sacramentum.

### De Conviviis.

Ad hoc generale convivium Sponfus omnes gentes invitat. *Venite*, inquit, (a) *ad me omnes, qui laboratis, et onerati estis, et ego reficiam vos. Simile*, inquit, (b) *factum est regnum Celorum homini Regi, qui fecit nuptias filio suo etc.* Parabolam istam Beatus Gregorius (c) tam diligenter, & evidenter exposuit, ut non solum superfluum, sed & temerarium sit post illum quidquam addere, vel mutare. Prius igitur per Prophetas, qui pradium istud prænuuciavere, ad prandium Judaicum populum invitavit, sed venire neglexit. Iterum per Apostolos, qui prandium istud annuciavere, ad prandium invitavit eundem, sed venire contempsit: quin immo quosdam ex illis, & istis affectos contumelijs occiderunt. Ne ut nuptiæ jam paratz remanerent, per diversos prædicatores Gentilem populum invitavit, qui credidit, & accessit; & impletæ sunt nuptiæ discumbentium.

### De tribus ordinibus.

Licet autem multi sint ordines convivarum, quia *terribilis*, (d) *ut castrorum est acies ordinata*, tres tamen sunt principales, Noe, Daniel, & Job: idest Prælati, Continentes, & Conjugati; nam secundum parabolam Evangelicam, duo (e) sunt in agro; duo in lecto; duo in mola, quorum unus assumetur, & alter relinquetur. Intranitium enim ad nuptias quidam *vestem*, non habent *nuptialem* (f); Quoniam

indigne (g) *manducans, iudicium sibi manducat, non iudicans corpus Domini. Vestis nuptialis est caritas, quæ similitudinem operis (h) peccatorum. Probet ergo se ipsum homo, (i) utrum habeat caritatem, et sic de pane illo adas, et de calice bibas. Alioquin ligatis (k) manibus, et pedibus miseretur in senebras exteriores: ibi erit fletus, et stridor dentium.*

### De Spirituali Convivio.

In spirituali vero conjugio spirituale convivium celebratur. Illud utique, quod per singulos dies (l) septem filij Job cum tribus sororibus faciebant. Tunc enim septem filij Job cum tribus sororibus convivantur, quando septem dona cum tribus virtutibus animum, quem afficiunt, interna satietate reficiunt. De quo Dominus ait: (m) *Eccce ego sto ad ostium, et pulso: si quis audierit vocem meam, et aperuerit mihi januam, intrabo ad illum, et cœnabo cum illo, et ipse mecum.* Ad hoc convivium invitat Psalmista, qui ait: (n) *Gustate, et videte, quoniam suavis est Dominus.* Et Petrus Apostolus: (o) *Lac concupiscite, ut in salutem crescatis, si tamen gustastis, quoniam dulcis est Dominus.* Dulcedinem istam illa jam gustaverat, quæ dicebat: (p) *Comedi farum meum cum molle meo, bibi vinum meum cum lacte meo: propter quod & alios ad gustandum invitavit: Comedite amici, et bibite, et inebriamini charissimi.* Gustatur autem super mensam (q) de lignis Sethim quatuor pedibus subsistentem, super quam (r) panes propositionis coram Domino ponebantur. Hæc est mensa Scripturæ, super quam cibatur Ecclesia *Pane vite, (s) et intellectus, & potatur aqua sapientiæ salutatis.*

### EPI.

(a) Matth. 11. 28.

(b) Ibid. 22. 2.

(c) Hom. 38. in Evang.

(d) Cant. 6. 3.

(e) Luc. 17. 34. & 35.

(f) Matth. 22. 11.

(g) 1. Cor. 11. 29.

(h) 1. Petr. 4. 8.

(i) In supra alleg. epist. D. Pauli cap. 11. 28.

(k) Matth. 22. 13.

(l) Job. 1. 3. et seq.

(m) Apocal. 3. 20.

(n) Psal. 33. 9.

(o) Epist. 1. cap. 2. v. 2.

(p) Cant. 5. 1.

(q) Exod. 25. 23.

(r) Ibid. v. 30.

(s) Eccl. 15. 3.

## E P I T H A L A M I U M

In laudem Sponsi, &amp; Sponsæ.

**S**olent igitur cantores, & psallentes nuptialibus adesse convivij, ut instrumentis, & canticis lætificent discumbentes. Propter quod in illo convivio, quod pater fecit filio revertenti, symphoniam, (a) & chorum legimus concrepisse. Per symphoniam intelligentes instrumenta chordarum; per chorum cantica vocum. Veniat igitur ad hoc nuptiale convivium optimus ille cytharista David, & Epithalamium, quod eructavit cor ejus, ad honorem Sponsi, & Sponsæ decantet.

## P R Æ F A T I O

De commendatione Cantoris.

**E**ruclavis (b) cor meum verbum bonum; dico ego opera mea regi. Clamat in persona pulsantis ad ostium, ut intromittat ad nuptias. Et quasi janitor illi respondeat: ideo tibi non patet ingressus, quia Jaculatores, & Histriones solent esse maledicentes, & adulterantes; insipientes, & arrogantes; Non sum, inquit, insipiens, quoniam (c) *eruclavis cor meum*; idest plenum sapientiae verbum protulit. Non sum adulator, qui laudat ex ore, sed non laudat ex corde; quia non solum os, sed *cor eruclavis*. Non sum arrogans, qui sibi tamquam proprium attribuit athenum: quoniam *eruclavis cor meum*. Non sum maledicus, qui loquitur verbum asperum, & malignum: quoniam *eruclavis cor meum verbum bonum*,

verbum dulce, verbum suave, verbum jucundum: Nam (d) *ex abundantia cordis os loquitur*. Et bonus homo de bono thesauro nova profert, & vetera.

Sed quasi Janitor replicaverit: Dic ergo mihi tu verbum bonum, & ego referam illud Regi. Non decet, inquit, ut tu metas quas non seminasti: propterea (e) *Dico ego opera mea, non tua, regi*. Regi, non tibi, quia (f) *dignus est operarius mercede sua*: praesertim cum intendat perfecte laudare: videlicet corde, ore, & opere. Corde: quoniam *eruclavis cor meum*: Ore: quoniam *eruclavis verbum bonum*. Opere, quia *dico ego opera mea regi*, scilicet laudes Sponsi, & Sponsæ, quas operatus sum ego inveniendo, & componendo. *Dico etiam opera mea regi*; idest confecto carmina mea Christo.

Et quasi Janitor insultaverit, quod verbum ejus confusum sit, & morosum. Non est, inquit, confusum, (g) quia *lingua mea est calamus scribae velociter scribentis*: quasi dicat, cur experimentum quæris (h) ejus, qui in me loquitur Christus? *Lingua mea est calamus scribae velociter scribentis*: idest instrumentum Spiritus Sancti celeriter inspirantis, qui non sub humano cruciatu deliberat, sed repente ubicunque (i) *vult spirat*: secundum quod alibi legitur, quia (k) *factus est repente de cælo sonus, tamquam adventantis spiritus vehemens*. Sicut enim atramentum de cornu scriba per calamum imprimit pergamento, sic Spiritus Sanctus veritatis scientiam de Divinitatis

L 1 2

ar-

(a) Luca 15. 25.

(b) Psalm. 44.

(c) Hæ, &amp; affines aliæ adnotatione extant in

Codicis margine. Commendatur in corde.

(d) Matth. 12. 34, &amp; seq. &amp; cap. 13. 52.

(e) Marg. Commendatur ab opere.

(f) Luca cap. 10. 7.

(g) Marg. Commendatur

ab ore.

(h) 2. Corinth. 13. 3.

(i) Juan. 3. 8.

(k) Act. 2. 2.

arcano, per linguam Prophetæ cordi perfudit humano. Scriptor egregius, qui tabulas legis similes omnino prioribus (a) ab utraque parte rescripsit. Velociter ergo scribet de illo, qui juxta vaticinium Isaïæ (b) vocatur: *Accelera, spolia detrahe, cito prædare.*

Inter omnes utriusque sermones Rex cytharædum imperat introduci: qui protinus introductus laudes regis excellenter extollit.

### *Narratio de laudibus sponsi.*

*Speciosus* (inquit) *forma præ filijs hominum.* Utriusque laudes & regis, & reginæ prosequitur: sed regem, quasi majorem, prius laudat, & excellentius; reginam, quasi minorem, posterius, & remissius. De sponso præmittit: *Speciosus forma præ filijs hominum.* De sponsa subiungit: *Astutus regina a deis tuis, in vestitu deaurato.* Sponsum autem quadriformiter laudat; a forma: a potestate: a iudicio: a ornatu. A forma, cum ait: *Speciosus forma præ filijs hominum.* A potestate, cum ait: *Accingere gladio tuo super femur tuum, potensissime.* A iudicio, cum subiungit: *Sedes tua, Deus, in sæculum sæculi: virga recta est, & virga regni tui.* Ab ornatu, cum subdit: *Myrrha, & gussa, & casia & vestimentis tuis.*

(c) Verum a forma multipliciter eum laudat: comparative videlicet, alijs præferendo, unde *speciosus forma præ filijs hominum*: absolute, simpliciter commendando, unde *specie sua, & pulchritudine tua intende, prospere, &c.* Rursus laudat ipsum a forma secundum utramque naturam: Secundum humanitatem: *Speciosus forma præ filijs hominum*; Secundum divinitatem: *Specie tua, & pulchritudine tua &c.* Item se-

cundum pulchritudinem corporis: *Speciosus forma præ filijs hominum*; & secundum pulchritudinem cordis: *Specie tua, & pulchritudine tua intende, prospere procede, & regna*; quasi dicat: O Rex, licet in Isaïa de te scriptum legatur (d): *Vidi eum non habentem speciem, neque decorem* propter ignominiam despiciabilis passionis, tu tamen es *speciosus forma præ filijs hominum* propter gloriam singularis conceptionis; quia tu solus es conceptus de Virgine sine crimine, mundus de munda: ceteri vero nascuntur de corruptis corrupti; peccatores de peccatoribus. Tu solus es filius hominis, & non hominum: ceteri sunt filij hominum, & non hominis. Et ideo *speciosus forma præ filijs hominum.* Et si verus sis homo, vere tamen es super omnes homines: quoniam (e) qui de cælo venit, super omnes est. Et licet sis *speciosus forma præ filijs hominum*, quoniam in te desiderant (f) Angeli prospicere: vere *speciosus factus* es, quoniam immunis a culpa; quia (g) peccatum non fecit, nec inventus est dolus in ore ejus: cum tamen nil obstat intelligi secundum formam (h) corporis eum præ ceteris hominibus speciosum.

(i) Quoniam vero multi sunt speciosi secundum formam, qui non sunt gratiosi secundum linguam: postquam laudavit sponsum a forma, statim commendat illum a lingua. *Diffusa est gratia*, inquit, *in labijs tuis.* Verbum *effusionis*, gratia significat largitatem, secundum illud: (k) *Effundam de spiritu meo super omnem carnem*: Et (l) *Caritas Dei diffusa est in cordibus nostris*: (m), quasi dicat: Os tuum non abundat (n) nequitia, nec lingua tua dolum concinat: sed *diffusa est gratia in labijs tuis.* In labijs (o) Moyſi est effusa vindicta:

Ocie

(a) Exod. 34. 1. (b) Cap. 8. 1. (c) Marg. Laudatur sponſus a forma. (d) Cap. 53. vers. 2. (e) Joan. 3. 32. (f) 1. Petri 1. 12. (g) Ibid. 2. 22. (h) Accedat hic videtur Innocentius illorum sententia, qui Christum pulchra forma, & venusto corpore fuisse arbitrantur. (i) Marg. Laudatur sponſus a lingua. (k) Act. Apost. 2. 17. (l) Rom. 5. 5. (m) Marg. Diversis modis exponit. (n) Tich. 49. 19. (o) Marg. Exponit gratiam.



Oculum, inquit, (a) pro oculo, dentem pro dente, adustionem pro adustione: sed in labijs suis diffusa est gratia. Si angariaveris te, inquit, (b) mille passus, vade cum illa alia duo. Si absteris tibi pallium, da ei & tunicam. Si percusseris te in unam maxillam, præbe ei & alteram. Nam (c) lex per Moysen data est: gratia, & veritas per Jesum Christum facta est.

(d) Multifariam, (e) multisque modis loquebaris olim Patribus in Prophetis, novissime vero diffusa est gratia in labijs suis. Moyses de se dixit: (f) Ab heri, & nudius tertius non sum eloquens, et impeditoris, et tardioris lingua sum, ex quo locutus es mihi. Et Isaias: (g) Va mihi, quia tacui, quia vir pollutus labijs ego sum, & in medio populi polluta labia habentis ego habito. Et Jeremias: (h) A a a, Domine Deus: ecce nescio loqui, quia puer ego sum: Sed diffusa est gratia in labijs suis. (i) Quondam in verbis tuis erat terror effusus: unde (k) perterriti ac pavore concussi Judæi steterunt procul dicentes Moyses: loquere tu nobis, & audiemus: non loquatur nobis Dominus, ne forte moriamur. Nunc autem diffusa est gratia in labijs suis. Unde ministri, qui missi fuerant a principibus Sacerdotum, ut te comprehenderent, responderunt: (l) Numquid sic locutus est homo, sicut hic loquitur homo.

(m) Sapientiam invidi celant, ut eam alijs non communicent. Sed diffusa est gratia in labijs suis. Tu namque dixisti: (n) Omnia quæcumque audivi a Patre meo, nota feci vobis. Nam thesaurus (o) absconditus, & sapientia abscondita, quæ utilis in utroque? Ut utrumque Scriptura redarguit, & qui fru-

mentum (p) abscondit in populo; & qui talentum (q) in terra suffodit.

(r) Multi quandoque sapienter loquuntur, qui tamen libenter non audiantur. Sed diffusa est gratia in labijs suis; quia verbum tuum & universis est gratum, & totum est gratiosum, non solum apud homines, sed & apud Deum. Subjicitur: Propterea benedixit te Deus in æternum, idest, propterea benedictionem tibi dedit æternam; scilicet Regnum, (s) cujus non eris finis; quia per gratiam predicationis meruisti gloriam resurrectionis. Quia vero Christus ab initio fuerat benedictus, juxta quod Elisabeth inquit ad Virginem: (t) Benedixit tu inter mulieres, & benedictus fructus ventris tui, potest sic intelligi; Benedixit, idest benedictum ostendit. Simile quoque dixit Apostolus: (u) Humiliatus semetipsum factus obediens usque ad mortem, mortem autem crucis. Propter quod & Deus exaltavit illum, & donavit illi nomen, quod est super omne nomen. Hoc nomen & ante mortem habebat; sed quod Filius habuerat ante mortem, Pater illi donavit; idest donatum ostendit post mortem. Sicut ipse post resurrectionem agebat: (x) Data est mihi omnis potestas in celo, & in terra; idest in evidenti nunc est quasi data.

(y) Accingere gladio tuo super semur tuum, potentissime. Laudat sponsum a potestate, quem tripliciter ostendit armatum: gladio, sagittis, & virga. Gladio ferit propinquos; sagittis percellit remotos; virga corripit subditos. Non est ergo, qui potestatem ejus possit fugere, dicente Propheta: (z) Quo ibo a spiritu tuo: & quo a facie tua fugiam? Si ascendero in celum, tu illic es: si descendero in infernum, ades.

(a) Exod. 27. 24. (b) Matth. 5. 39. & seq. (c) Jo. 1. 17. (d) Marg. Exponit labia: (e) Heb. 1. 1. (f) Exod. 4. 10. (g) Cap. 6. 5. (h) Cap. 1. 6. (i) Marg. Exponit gratiam. (k) Exod. 20. 18. (l) Jo. 7. 46. (m) Marg. Exponit Diffusam: (n) Joan. 15. 15. (o) Eccl. 20. 32. (p) Proverb. 11. 26. (q) Matth. 25. 26. (r) Marg. Exponit gratiam. (s) Luca 1. 33. (t) Ibid. 1. 42. (u) Philip. 2. 8. & 9. (x) Matth. 28. 18. (y) Marg. Laudatur sponsus a potestate. (z) Psal. 138. 7. & 8.

ades. Premittit ergo de gladio: Accingere gladio tuo super femur tuum, potentissime. Adhuc de sagittis: Sagitte tuae acutae, populi sub te cadent. Subdit de virga: Virga recta est virga regni tui; quasi dicat: O potentissime, cui nemo (a) potest resistere, quandoquidem diffusa est gratia in labijs tuis, ergo accingere gladio spiritus, quod est verbum Dei, ut verbi virtute separet homines a diabolo: quatenus fortior (b) superveniens, fortem vincas armatum, & omnia vasa ejus (c) diripias. De hoc gladio tu dicis in Evangelio: (d) Non veni pacem mittere in terram, sed gladium. Veni enim separet hominem adversus patrem suum, et filiam adversus matrem suam... et inimici hominis domestici ejus. Sed accingere gladio super femur tuum. (e) Lego dictum in Exodo: (f) Ponas vir gladium super femur suum: ite, et redite de porta usque ad portam per medium castrorum, & occidas unusquisque fratrem, et amicum, et proximum suum. Lego quoque scriptum in Cantico: (g) Lectulum Salomonis sexaginta fortes ambiunt ex fortissimis Israel:.... unusquisque ensis super femur suum, propter timores nocturnos. Sed & aliter intelligi dictum de illis, & aliter intelligi dictum de te. Nam illi super femur accincti sunt, ut culpam carnis restringant; Tu vero super femur accingeris, ut naturam carnis ostendas. Femur enim est Seminarium humanae naturae, vel propagationis; juxta quod Abraham dixit ad servum: (h) Pone manum tuam subter femur tuum; non ait super, sed subter, propter tui reverentiam, qui secundum naturam humanam de illo eras femore (i) propagandus. Accingere itaque super femur, idest super humanitatem, in qua debes diabolum (k) expugnare. Aliud siquidem.

est accingi; aliud est succingi; & aliud est praeingere. Nam accingimur pugnaturi, secundum illud: (l) Accingimini, et estote filii potentes... quoniam melius est nobis mori in bello, quam videre mala generis nostrae, et Sanctorum. Succingimur ituri, secundum illud: (m) Simon Petrus cum audisset, quia Dominus est, tunica succinxit se, et misit se in mare. Praeingimur ministraturi, secundum illud: (n) Tunc praeinget se, et faciet illos discumbere, et transiens ministrabit illis. Ponitur tamen frequenter unum pro alio; sicut facile potest ex multis Scripturarum auctoritatibus comprobari.

(o) Specie tua, et pulchritudine tua intende, prospere procede, et regna. Solent speciosissimi de pulchritudine superbi: solent & potentissimi prae fortitudine deservire. Tu vero licet sis speciosus forma prae filiis hominum, non tamen superbis: & ideo specie tua, et pulchritudine tua intende: licet sis potentissimus, accinctus gladio super femur non tamen deservis: & ideo prospere procede, et regna. Laudaverat Sponsus tripliciter, asserens eum speciosissimum, eloquentissimum, & potentissimum: nunc autem singulis singula reddit. Intende, prospere procede, et regna: quasi dicat, quia speciosus es forma secundum humanitatem, ergo specie tua nobis intende. Sed quia prae filiis hominum speciosus secundum Divinitatem: ergo intende nobis pulchritudine tua; quatenus specie tua, et pulchritudine tua intendat, secundum utramque naturam intendas, idest hominem pereuntem miseratus respicias, redimens per humanam, & glorificans per Divinam. Ut autem hoc competenter efficias, prospere procedo de passionem, non utique prosperatus, sed prosperans, ut miseros redimas: et regna per Rerum.

(a) Psal. 78. 5. (b) Luca 11. 21, & 22.

(c) Psal. 78. 5.

(d) Matth. 10. 34, & seq.

(e) Marg. Femur dupliciter explicatur.

(f) Cap. 32. 27.

(g) Cap. 3. 7.

(h) Gen. 24. 2.

(i) Ibid. 22. 8.

(k) 1. Jo. 3. 8.

(l) 1. Mach. 3. 58.

(m) Jo. 21. 7.

(n) Luc. 12. 37.

(o) Marg. Laudatur Sponsus a forma secundum utramque naturam.

(p) Marg. Laudatur Sponsus a forma secundum utramque naturam.

surrectionem, ut redemptos glorifices. Vel quia diffusa est gratia in labijs tuis, ergo prospere procedit prædicationis officio, quia tu es lignum, (a) quod plantatum est secus decursus aquarum, quod fructum suum dabis in tempore suo: et folium ejus non defluet: et omnia, quacunque faciet, prosperabuntur. Et ideo gladio prædicationis super femur humanitatis accinctus regna; primo per fidem in Ecclesia militante; demum per speciem in Ecclesia triumphante; quatenus adveniat (b) regnum tuum: fiat voluntas tua sicut in celo, et in terra.

(c) Propter veritatem, et mansuetudinem, et justitiam. Iterum Sponsum commendat tripliciter. A veritate doctrinæ: a mansuetudine patientiæ: a justitia vitæ: a veritate doctrinæ quam prædicat: a mansuetudine patientiæ quam exhibet: a justitia vitæ quam implet.

(d) Hæc tria maxime necessaria sunt regnanti: ut sit verax in ore: mansuetus in corde: justus in opere. Ergo propter veritatem, quam prædicasti (unde ego veritatem (e) dico vobis), ut ego vadam. Propter mansuetudinem, quam exhibuisti: unde discite (f) a me, quia mitis sum, & humilis corde. Propter justitiam, quam implesti: unde sic decet (g) nos implere omnem justitiam. Diceris quoque verax in promissis implendis: unde lex (h) per Moysen data est: gratia, & veritas per Jesum Christum facta est. Ergo regna propter veritatem; nam de te scriptum est: (i) Ungerur Sanctus Sanctorum, & implebitur visio, & prophetia, ut deleatur iniquitas, & adducatur justitia sempiterna. Diceris mansuetus in opprobrijs perferendis: unde ego sicut (k) agnus mansuetus, qui por-

satur ad victimam. Ergo regna propter mansuetudinem; Tu namque dixisti: (l) O stulti, & tardi corde ad credendum in omnibus, quæ locuti sunt Prophetae! Nonne hæc oportuit pati Christum, & ita intrare in gloriam suam? Diceris justus in judicijs exercendis: unde justus (m) Dominus, & justitiam dilexisti, aequitatem vidisti vultus ejus. Ergo regna propter justitiam; nam de te scriptum est: (n) Pater omne judicium dedit Filio. Et potestatem dedit ei judicium facere, quia Filius hominis est.

(o) Plerique vero potentes humanæ conditionis obliiti, solent esse terribiles, crudeles, tyranni, fallaces, impatientes, iniqui. A te vero, qui es potentissimus, hæc omnia remouentur. Non enim es terribilis, sed benignus; quia specie tua, & pulchritudine tua intendis. Non es crudelis, sed pius; quia prospere procedis. Non es tyrannus, sed princeps; quia prospere regnas. Non es fallax, sed verax; quia intendis secundum veritatem. Non es impatientis, sed mansuetus; quia procedis secundum mansuetudinem. Non es iniquus, sed justus; quia regnas secundum justitiam. Et quoniam talis es, dextera tua, idest potentia tua; illa videlicet, de qua dicitur: (p) dextera tua fecit virtutem: dextera Domini exaltavit me: mirabiliter, idest per miracula te deduces de verbis ad opera, de morte ad vitam, de terris ad celos, de Judæis ad Gentes, per cursus totius terræ. Nam de te scriptum est: (q) Stupebant omnes, qui eum audiebant, super prudentia, & responsis ejus. Et videntes admirari sunt. Item (r) Repleti sunt omnes timore, dicentes: Quia vidimus mirabilia hodie. Tibi etiam dictum est: (s) Innoxa signa, & immu-

(a) Ps. 1. 3. (b) Matth. 6. 10. (c) Marg. Laudatur Sponsus de veritate, mansuetudine, & justitia. (d) Marg. De tribus, quæ necessaria sunt Regnanti. (e) Joan. 16. 7. (f) Matth. 11. 29. (g) Ibid. 3. 15. (h) Joan. 1. 17. (i) Daniel. 9. 24. (k) Jer. 11. 19. (l) Luca 24. 26, & 26. (m) Psal. 10. 8. (n) Joan. 5. 22, & 27. (o) Marg. De potestate absconit, quæ remouetur a Sponso. (p) Psal. 117. 16. (q) Luca 2. 47. (r) Ibid. 5. 26. (s) Eccli. 36. 6.

ra mirabilia; quia tu opera illa (a) fecisti, quæ nemo alius umquam fecit. Deducet ergo te mirabiliter dextera tua.

(b) Sagitta tuæ acutæ, potentissimæ, populi sub te cadent in corda inimicorum regis. Si per armaturam intelligitur Sacra Scriptura, per sagittam debet intelligi sermo Divinus. Tunc enim de arcu sagittas emitimus, cum de Sacra Scriptura verba proferimus. Hunc arcum, & has sagittas noverat, qui dicebat: (c) Arcum suum resendit, & paravit illum, .... sagittas suas ardentibus effecit. Duo vero sunt in sagitta; lignum, & ferrum. Lignum directum ut pervolet: & ferrum acutum, ut penetret; quæ duo sermoni Divino recte conveniunt. Scriptum est enim: (d) Qui emittis eloquium suum terra, velociter curris sermo ejus. Item: (e) Vivens est sermo Dei, & efficax, & penetrabilior omni gladio. accipiri. Ait enim: Vere deducet te mirabiliter dextera tua, quia sagittæ tuæ acutæ sunt, idest verba tua sunt penetrabilia, & compungitiva: penetrant enim, ut per timorem introducant amorem, & compungunt; ut per penitentiam tribuant indulgentiam. Audi sagittam, quæ penetrat, & compungit: Omnis arbor, (f) quæ non facit fructum bonum, exciderit, & in ignem mittetur. Item: (g) Quid prodest homini, si mundum universum lucretur, anima vero suæ detrimentum patitur? Propterea dicit Sponsa in Canticis: (h) Anima mea liquefacta est, ut dilectus meus locutus est: loquente quippe dilecto, anima liquefit, quia verbum Divinum cor humanum molliciat, & per compunctionis ardorem, ut iniquitatis deponat duritiam, & per caritatis fervorem, ut iustitiæ formam accipiat. Duplex est enim usus sagittæ, ad feriendum, & succedendum: feriendo

plagam infligit, & succedendo flammam immittit: quia sermo Divinus plagando ferit ad penitentiam, & inflammando succendit ad caritatem. De ferientibus dicitur: (i) Sagittæ tuæ infusæ sunt mihi, & confirmasti super me manum tuam. De succedentibus legitur: (k) Sagittæ potentis acutæ cum carbonibus desolatorijs. Audi sagittam ferientem ad penitentiam: Genimina (l) viperarum, quis docuit vos fugere a venena ista? Facite ergo fructus dignos penitentis. Intende ad sagittam succedentem ad caritatem: Si quis (m) diligit me, sermones meos servabit; & Pater meus diligit eum, & ad eum veniemus, & mansorem apud eum faciemus. Hanc ergo sagittam noverat illa, quæ dicebat: (n) Vulnerata sum caritate. Quocirca populos sagittis huiusmodi vulnerat. Sub te cadent, idest humiliabunt se tibi. In corde, vel in corda inimicorum regis. (o) Diversitas litterarum, diversitatem generat intellectus, & secundum utramque litteram duobus modis ordinatur constructio. Nam si dicitur in corde, talis est sensus: Populi tui percussi sagittis cadent, idest humiliabuntur in corde inimicorum regis, idest in corde suo, qui sunt inimici regis, idest inimici tui, qui es Rex (p) magnus super omnes populos: & sicut de inimicis amici; ut ubi prius erigebantur elati, ibi nunc humilientur devoti, sicut Paulus, qui prius erectus, tandem humiliatus, celsitas emissâ sagittâ, corde percussus cecidit dicens: (q) Domine, quid me vis facere? Vel aliter: Populi inimicorum regis, idest multi de inimicis tuis, qui es Rex Regum, (r) & Dominus dominantium, cadent sub te, idest supponent se tibi; in corde, idest ex corde; hoc est ex voluntate, quia cum cetera possit homo nolens, credere non potest nisi volens: Volun-

ta-

- (a) Joan. 15. 24. (b) Marg. Laudatur Sponsus ab armatura. (c) Psal. 7. 13, & seq. (d) Psal. 147. 15. (e) Hebr. 4. 12. (f) Matth. 3. 10. (g) Ibid. 16. 26. (h) Cap. 5. 6. (i) Psal. 37. 3. (k) Psal. 119. 4. (l) Luca 3. 7, & seq. (m) Jo. 14. 23. (n) Cant. 1. 5. (o) Marg. Quatuor modis exponit. (p) Psal. 94. 3. (q) Act. Apost. 9. 6. (r) 1. Timoth. 6. 15.

*tarie* (a) *sacrificabo tibi, & confitebor nomini tuo Domine, quoniam bonum est.* Si vero dicatur *in corda*, talis est sensus: *Populi sub te cadent in corda*, idest contra corda, inimicorum regis: idest contra voluntatem inimicorum tuorum; non solum Scribarum, & Phariseorum, verum etiam Regum; & Principum, quibus nolentibus, & prohibentibus populi crediderunt. *Collegerunt enim* (b) *Pontifices, & Pharisei concilium, & dicebant: Quid facimus, quia hic homo multa signa facit? Ecce mundus* (c) *totus post eum abiit. Si dimittimus* (d) *eum sic, omnes credent in eum.* Vel aliter: *Populi sub te cadent*, idest tibi se subdunt, quia sagitte tue acute infixæ sunt *in corda inimicorum regis*, idest transfixerunt corda inimicorum tuorum ad penitentiam. (e) Cadunt boni, cadunt mali: sed boni in faciem, mali cadunt retrorsum. De bonis legitur: (f) *Ceciderunt in facies suas, & adoraverunt Deum.* De malis legitur: (g) *Abierunt retrorsum, & ceciderunt in terram.* Boni vero cadunt sub Christo, & ante Christum; mali cadunt a Christo, & super Christum. De bonis cadentibus legitur: *Populi sub te cadent*: Et (h) *Procidamus ante Dominum.* De malis cadentibus legitur: (i) *Cadent a latere tuo mille.* Et (k) *Qui cecideris super lapidem istum, conteretur.*

(l) *Sedes tua, Deus, in seculum sæculi; virga recta est, & virga regni tui.* Hic a iudicio laudat sponsum, quem commendat tripliciter: a dignitate: ab æquitate: a puritate. A dignitate secundum officium: ab æquitate secundum iudicium: a puritate secundum animum; quasi dicat: Jurisdictio tua non est delegata, sed ordinaria; non est transitoria, sed perpetua; quia *sedes tua, Deus, est in seculum sæculi.* Sententia tua non est prava, sed recta; non

est iniqua, sed iusta; quia *virga recta est, & virga regni tui.* Voluntas tua non est ficta, sed vera; non est corrupta, sed pura; quia *dilexisti iustitiam, & odisti iniquitatem.* Nullus ergo de mutabilitate confidat; quia *sedes tua, Deus, in seculum sæculi.* Nullus de pietate præsumat; quia *virga est recta, & virga regni tui.* Nullus de perversitate succenseat; quia *dilexisti iustitiam, & odisti iniquitatem.* Forum tuum nemo potest accipere; quia *sedes tua, Deus, in seculum sæculi.* Iudicium tuum nemo potest arguere; quia *virga recta est, virga regni tui.* Animum tuum nemo potest corrumpere, quia *dilexisti iustitiam, & odisti iniquitatem.*

(m) Bonus iudex debet habere constantiam, ne sit impetuosus; debet habere iustitiam, ne sit iniquus; debet habere prudentiam, ne sit indiscipleretur. Tu ergo, qui es *iustus iudex*, (n) *fortis, & longanimis*, non es impetuosus, sed stabilis; quia *sedes tua, Deus, in seculum sæculi.* Non es iniquus, sed iustus; quia *virga recta est, virga regni tui.* Non es indiscipleretur, sed providus; quia *dilexisti iustitiam, & odisti iniquitatem.* *Sedes* est judicialis auctoritas, de qua Veritas ait: (o) *In regeneratione cum sederis filius hominis in sede maiestatis sue, sedebitis & vos super sedes duodecim, iudicantes duodecim tribus Israel:* hæc *sedes* est in *seculum sæculi*; quia quod statuit, non mutatur; quod decernit, non irritatur. Per *virgam regni*, quæ Sceptrum vocatur, regalis potestas accipitur: quæ dicitur *virga directionis*, quia distortos dirigit, iustos regit, iniquos contert, secundum illud: (p) *Reges eos in virga ferrea, & tamquam vas figuli confringes eos.*

(q) *Dilexisti iustitiam, & odisti iniquitatem.* Sententia tribus modis indicatur iniqua; ex animo; ex ordine; M m ex

(a) Psal. 93. 8. (b) Jo. 11. 47. (c) Ibi. 12. 19. (d) Ibi. 11. 48. (e) Marg. De casti.  
(f) Apoc. 9. 14. (g) Jo. 18. 6. (h) Ps. 92. 6. (i) Ps. 90. 7. (k) Matth. 21. 31.  
(l) Marg. Landat sponsum a iudicio. (m) Marg. De rebus, quæ sunt bono iudici necessariae.  
(n) Ps. 7. 12. (o) Matth. 19. 28. (p) Ps. 2. 9. (q) Marg. De iusta sententia.

ex causa. Ex animo, si feratur contra mentis sinceritatem: ex causa, si feratur contra negotij veritatem: ex ordine, si feratur contra juris solemnitatem. His tribus modis fuit iniqua sententia, quæ duo Presbyteri condemnauerunt (a) Susannam. Sententia vero tua non est iniqua ex animo; quia non fertur ex malignitate, sed ex caritate, quia *dilexisti*. Non iniusta ex ordine; quia non fertur injulle, sed rite, quoniam *dilexisti iustitiam*. Non iniusta ex causa; quia non fertur contra meritum, sed juxta debitum; quoniam *dilexisti iustitiam*, & *odisti iniquitatem*. Deus autem diligit iustitiam tribus modis, quia creat, approbat, & remunerat. Et contra, tribus modis odit iniquitatem, quia prohibet, delet, & punit. Duo namque sunt legis naturalis præcepta: unum ad diligendum iustitiam, quod docetur in Evangelio: (b) *Quicumque vultis, ut faciant vobis homines, & vos facite illis*. Alterum ad odendum iniquitatem, quod legitur in Tobia: (c) *Quod ab alio tibi oderis fieri, alteri ne feceris*. Cum autem hominem iniquum odimus, non humanitatem, sed iniquitatem debemus odire, sicut monet Ecclesia. Cum hominem iniquum diligimus, non iniquitatem, sed humanitatem debemus diligere; nam qui (d) *diligit iniquitatem odit animam suam*.

(c) Propterea unxit te Deus, Deus tuus, oleo lætitiæ præ confortibus tuis. Non quia *dilexisti iustitiam*, & *odisti iniquitatem*; sed ut diligeres iustitiam, & odires iniquitatem. Non enim propterea Christus est unctus oleo lætitiæ præ confortibus tuis, quia dilexit iustitiam, & odivit iniquitatem, sed ut diligeret iustitiam, & odiret iniquitatem, unctus est oleo lætitiæ præ confortibus tuis. Ostenditur ergo quis un-

xerit, quia Deus; & quem unxerit, quia te; & quo unxerit, quia oleo lætitiæ; & quantum unxerit, quia præ confortibus tuis; & ad quid unxerit, quia, ut diligeres iustitiam, & odires iniquitatem. In quibus verbis Trinitas personarum exprimitur: nam Pater est ungens: Filius unctus: Spiritus Sanctus est unctio. Ab hac unctione Filius nomen accepit; quia hebraice Messias, græce Christus, latine dicitur Unctus. De quo Sponsa dicit in Canticis: (f) *Oleum effusum nomen tuum*; quia Christus a chrismate dicitur, quod principaliter fit ex oleo: effusum, quia ceteri Fideles ab unctione uncti, idest a Christo Christiani dicuntur. Ad litteram oleo lætitiæ intelligitur unctio Sacerdotalis, & regia, quæ lætificat unctos. Unxit ergo te Deus & regem, & sacerdotem, ut sis Rex regum, (g) & Dominus dominantium, & ut sis Sacerdos (h) in æternum secundum ordinem Melchisedech. Unxit autem oleo lætitiæ, idest plenitudine gratiæ, quæ mentem lætificat, & jucundat; sicut inquit Apostolus: i) *Gloria nostra hæc est testimonium conscientie nostræ*. Vel oleo lætitiæ, idest Spiritu Sancto, qui est lætitia Patris, & Filij; amor, & dilectio utriusque: de quo alibi legitur: (k) *Fluminis imperius lætificat cruciatum Dei*. Oleum istud noverat qui dicebat: (l) *Computruis jugum a facie olei*, & ille qui prædixerat: (m) *Suxerunt mel de petra, & oleum de saxo durissimo*. Quid sit hoc oleum, in Actibus Apostolorum exponit Petrus: (n) *Jesum, inquit, Nazarenum, quem unxit Deus Spiritu Sancto*. Is itaque Spiritus Sanctus est oleum lætitiæ, quo Jesus Nazarenus est unctus, præ confortibus tuis. Confortes Christi sunt universi Fideles, qui secundum Apostolum (o) *sunt hæredes Dei; coheredes autem*

Chri-

(a) Dani. 1. 13. 41. (b) Matth. 7. 12. (c) Cap. 4. 16. (d) Psal. 10. 6.  
(e) Act. 1. De unctione. (f) Cap. 1. 2. (g) 1. Timoth. 6. 15. (h) Ps. 109. 4.  
(i) 2. Cor. 1. 12. (k) Psal. 45. 5. (l) Isa. 10. 27. (m) Dent. 32. 13.  
(n) Cap. 10. 38. (o) Rom. 8. 17.

Christi; comparticipes (a) promissionis, idest hereditatis æternæ. Christus autem plenitudinem unctionis accepit, quia datus est ei spiritus sine mensura; in quo plenitudo (b) Divinitatis habitat corporaliter: ceteri vero partem accipiunt plenitudinis; quoniam Unguentum (c) descendit a capite in barbam, & a barba in oram vestimenti descendit; quia de plenitudine ejus (d) omnes accepimus; primum Apostoli, deum ceteri. Unxit ergo te Deus, Deus tuus oleo lætitiæ præ confortibus tuis. Erubescat Judæus, Hæreticus, & Paganus, qui Christum non esse Deum perverſo corde mentiuntur: cum David Prophetarum eximius, Christum esse Deum aperta voce pronunciet: Unxit te Deus, Deus tuus; Deus Pater unxit te, Deus Fili. Quod in Græco satis elucet, in quo vocativus a nominativo distinguitur; propter quod in præcedenti versiculo non mutata persona Deum illum vocavit: sedes, inquit, tua, Deus, in sæculum sæculi. Cui consonat Isaïas: (e) Vocabatur, inquit, nomen ejus, Admirabilis, consiliarius, Deus, fortis, pater futuri sæculi, princeps pacis. Et Jeremias: (f) Hic Deus noster, & non estimabimur alius præter eum..... Post hæc in terris, visus est, & cum hominibus conversatus est. Deus igitur unxit Deum, scilicet Deum hominem, propter hominem Deum: nam & Deus est Pater Filij secundum Divinitatem; Pater autem est Deus Filij secundum humanitatem.

(g) Myrrba, & gutta, & casta; a vestimentis tuis, a domibus eburneis. Laudat Sponsus ab ornatu rerum, & personarum; sed ab ornatu rerum dupliciter; videlicet a vestibus, & domibus: unde Myrrba, & gutta, & casta a vestimentis tuis, a domibus eburneis. Item ab ornatu personarum dupliciter:

a familia, & a sponsa: unde del clla- verunt te filia regum in honore tuo. Assitis regina a dextris tuis in vestitu deaurato. In vestibus autem commendat odorem contra seditatem: in domibus nitorem contra spurcicitatem: in familia honorem contra scurrilitatem: in sponsa decorem contra deformitatem. De vestimentorum odore præmittit: Myrrba, & gutta, & casta a vestimentis tuis. De domorum nitore subjungit: A domibus eburneis. De familie honore, supponit: Delectaverunt te, filia regum in honore tuo. De sponsæ decore concludit: Assitis regina a dextris tuis in vestitu deaurato. Myrrba, quæ species est amara, vermes arcens, & a putredine servans, mortificationem carnis significat, quæ vermes carnalium desiderium excludit, & a plenitudine victiorum spiritualium defendit. Gutta, quæ dicitur (h) aromata sedans tumores, & reprimens inflaturas, humilitatem significat, quæ tumorem cordis expellit, & inflaturam mentis evacuat. Casta, quæ dicitur fistula, in humido crescens, & a calido purgans, fidem significat, quæ crescit in aqua baptismi, & purgat ab æstu peccati. Vestimenta Christi sunt universi fideles, quibus inquit Apostolus: (i) Quicumque in Christo baptizati estis, Christum induistis. Et de quibus inquit Psalmista: (k) Sicut unguentum in capite, quod in oram vestimenti descendit. Ab his indumentis spirant illæ tres virtutes reddentes odorem; de quibus dicit Apostolus: (l) Christi bonus odor sumus Deo in omni loco. Hæc est illa vestimentorum fragrantia, quam sentiens Isaac benedixit, & ait: (m) Ecce odor filij mei, sicut odor agri pleni, cui benedixit Dominus. Tres illæ species distinguunt tres ordines fidelium in Ecclesia, qui sunt Noe, Daniel, & Job; idest Prælati,

M m 2

(a) Ephes. 3. 6. (b) Coloss. 2. 9. (c) Psalm. 132. 2. (d) Joan. 1. 16.  
(e) Cap. 9. v. 6. (f) Baruch 3. 36, & 38. (g) Marg. Laudatur Sponsus a vestibus.  
(h) Fortasse legendum est aromatica. (i) Gal. 3. 27. (k) Psalm. 132. 2.  
(l) 2. Corinthe. 2. 15. (m) Gen. 27. 27.

lati, Continentes, & Conjugati. Nam *gutta*, idest humilitas specialiter debet inesse Preglatis, secundum illud: (a) *Quanto major es, humilia te in omnibus*. Et (b) *Qui major est in vobis fiat sicut junior*; & qui *præcessor*, sicut *ministrator*: quia (a) qui se exaltat, humiliabitur; & qui se humiliat, exaltabitur. *Myrrha*, idest mortificatio carnis convenit Continentibus, secundum illud: (d) *Mortificate membra vestra quæ sunt super terram: fornicationem, immunditiam, libidinem, & concupiscentiam*. Et (e) *si spiritu facta carnis mortificaveritis, vivetis*. Nam (f) *caro concupiscit adversus spiritum; spiritus autem adversus carnem*. *Casia*, idest fides, competit Conjugatis, secundum illud: (g) *Confidit in ea cor viri sui*. Nam & tria sunt bona conjugij, fides, proles, & Sacramentum. Fides, ut propter legitimum usum uxoris, cum altero, vel altera minime coinquinetur: quasi dicat: O Rex, tu solus accepisti plenitudinem unctionis, quia unctus es oleo lætitiæ præ consortibus tuis; ceteri vero partem plenitudinis acceperunt: quia *Myrrha*, & *gutta*, & *casia*, idest mortificatio carnis, & humilitas, & fides spirant a vestimentis tuis, idest a fidelibus tuis, non fictæ, sed vere, quia spirant a domibus eburneis, idest a cordibus puris: (b) *ebur enim frigidum est, & nitidum*; quia frigidum est, significat castitatem: quia nitidum, significat puritatem. *Domus* igitur *eburnea* est cor mundum, & purum; de quo dicit Propheta: (i) *Perambulabam in innocentia cordis mei, in medio domus meæ*. Quia vero pennæ struthionis (k) similes sunt pennæ herodij, ne Angelus (l) sarane transfigures se in angelum lucis, cum dixisset, quod *Myrrha*, & *gutta*,

& *casia* spirant a vestimentis tuis; ut illæ virtutes non fictæ, sed veræ intellegantur, adjunxit a domibus eburneis; idest de corde puro (m), & conscientia bona, & fide non ficta. Vel secundum aliam litteram: a gradibus eburneis; idest ab operibus puris, quibus quasi quibusdam gradibus ascenditur de virtute in virtutem, (n) donec videatur Deus deorum in Sion. Gradus isti sunt differentię meritorum, de quibus alibi legitur: (o) *Deus in (p) gradibus ejus cognoscetur, dum suscipies eam*.

(q) *Ex quibus* (odorem virtutum) *delectaverunt te, filij regum*: offerrentes (r) *incensum dignum in odorem suavitatis, altissimo*. Quasi dicat: delectabilem habes familiam, quia *delectaverunt te*: nobilem habes familiam, quia *filie regum* sunt: honorabilem, habes familiam, quia *delectaverunt te in honore tuo*. Talem ergo familiam, tantum decet regem habere. *Filie regum*, vel carnalium, vel spiritualium possunt intelligi. Carnalium, ut nonnullæ virgines reginæ, quæ contentantes regna terrena, virtutum odore regem delectare cœlestem. Spiritualium, ut omnes Apostolici viri, qui *filie regum* dicuntur, non propter fragilem sexum, sed propter conjugalem affectum, quem de Christo concipiunt. Quod autem adjungitur: *in honore tuo*, duobus modis valet intelligi: Vel jungatur cum verbo *delectaverunt in honore tuo*, quasi non suum, sed tuum quærentes honorem, crucis mortificationem (j) in suo corpore pro tui nominis honore portantes. Vel, ut jungatur cum nomine *filie regum in honore tuo*: idest quos Apostoli non in suo, sed tuo genuerunt honore, quia non a Petro petri, vel a Paulo paulini, sed a Christo christiani di-

(a) Eccli. 2. 20. (b) Luca 22. 26. (c) Matth. 23. 12, & Luc. 14. 11, & alibi.  
 (d) Coloss. 2. 5. (e) Rom. 8. 12. (f) Galat. 5. 17. (g) Prov. 31. 11.  
 (h) Marg. Laudatur Sponsus a domibus. (i) Psalm. 100. 2. (k) Job 39. 13.  
 (l) 2. Corinthe. 11. 14. (m) 1. Timothe. 1. 5. (n) Psalm. 83. 8. (o) Psalm. 47. 4.  
 (p) In vulgata habetur: domibus. (q) Marg. Laudatur Sponsus a familia.  
 (r) Eccli. 45. 20. (s) 2. Corinthe. 4. 10.



dicuntur; quod tractatum est a veteri lege, quæ statuit: (a) Si frater suus mortuus fuerit sine semine, accipiat uxorem ejus frater illius, vel alius de cognatione propinquorum, ut suscitaret semen, non sibi, sed fratri, & habeat natus nomen defuncti. Hoc spiritualiter competit Christo, qui secundum Apostolum (b), est *primogenitus in multis fratribus*; de quibus ipse dicit in Psalmo: (c) *Narrabo nomen tuum fratribus meis*. Item in Evangelio: (d) *Vade, & dic fratribus*, quia mortuus est sine semine; quia pendens in Cruce vix unum latronem concepit; *Singulariter*, inquit, (e) *sum ego, donec transcam*. Et *rosa die* (f) *expandi manus meas ad populum non credentem, & contradicentem mihi*. Sed suscitavit ei semen frater, qui accipit uxorem ipsius: idest Apostolicus ordo, qui sponsam Christi, scilicet sanctam Ecclesiam regendam suscepit; qui, non sponsus, sed amicus sponsi est, secundum illud: (g) *Qui habet sponsam, sponsus est; amicus autem sponsi stat, & gaudio gaudet propter vocem sponsi*. Cujus prædicatione, multitudo gentium intravit ad fidem: & habet nomen defuncti, quia conversus ad fidem nomen accipit crucifixi, ut a Christo christiani dicantur.

(b) *Astitit regina a dextris tuis in vestitu deaurato, circumdata varietate*. Duo commendantur in sponsa: dignitas, & ornatus. In dignitate, status, & locus; quoniam *astitit regina a dextris tuis*. In ornatu, pretiositas, & diversitas; quoniam *in vestitu deaurato, circumdata varietate*. Regina ergo, idest Ecclesia, qui sub te regit, & regnat, *astitit* non timore curva, sed amore directa (quia *perfecta caritas*) (i) *foras mittit timorem*) a dextris tuis non a sinistris, ut hædi, (k) sed a dextris ut agni, idest spiritualibus, & æternis,

sed in istis per rem, in illis per speciem. In *vestitu deaurato*, idest in operibus bonis, quæ caritate sunt informata; de quibus alibi legitur: (l) *Omnino tempore vestimenta tua sint candida*, idest opera tua munda; per aurum enim caritas designatur, quia sicut aurum præminet universis metallis, ita caritas excelsit universis virtutibus, secundum illud: (m) *Major horum est caritas*. Vestitus ergo non aureus, sed deauratus intelligitur opera, non ipsa caritas, sed quæ caritate sunt informata; quandoquidem fides per dilectionem secundum Apostolum (n) operatur. Regina, dico, *circumdata*, idest ornata *varietate* virtutum; idest non solum operibus, sed virtutibus: varijs quidem, sed non contrarijs; diversis, sed non averfis: quoniam universæ virtutes sibi invicem suffragantur, ut aliæ sine alijs haberi non possint; nam si una virtutum chorda desuerit, spiritualis dissonat harmonia. Hinc & cortine (o) *Tabernaculi, & vestes Pontificis* (p) contextæ fuerunt de quatuor pretiosis coloribus, opere non tantum plumario, sed plymito, idest vario.

(q) *Audi filia, & vide, & inclina aurem tuam, & obliviscere populum tuum, & domum patris tui*. In hoc nuptiali convivio quinque sensus spiritualiter recreantur. Visus in eo, quod dicitur: *Inscende, & vide*. Auditus in eo, quod dicitur: *Inclina aurem tuam, & audi*. Odoratus in eo, quod dicitur: *Myrrorba, & gussa, & casia*. Gustus in eo, quod dicitur: *Eructavit cor meum verbum bonum*. Tactus in eo, quod dicitur: *Calamus scribe velociter scribens*. Laudaturus ergo Propheta Regnam, exhortationem præmittit, admonens eam ad intelligentiam, ubi ait: *Audi filia, et vide*; ad obedientiam, ubi addit: *Inclina aurem tuam*; ad con-

(a) Deut. 25. 5.

(b) Rom. 8. 29.

(c) Psalm. 21. 23.

(d) Joan. 20. 17.

(e) Psalm. 130. 10.

(f) Isaia 65. 2, &amp; Rom. 10. 21.

(g) Joan. 3. 29.

(h) Marg. Laudatur Sponsus a Sponsa.

(i) 1. Joan. 4. 18.

(k) Matth. 25. 33.

(l) Eccle. 9. 8.

(m) 1. Corinth. 13. 13.

(n) Galat. 5. 6.

(o) Exod. 26. 1.

(p) Ibid. 28. 6.

(q) Marg. Exhortatio ad Sponsam.

constantiam; ubi subdit: *Obliviscere populum tuum, et domum patris tui.* Ordo conveniens, & convenientia ordinata; ut prius intelligat veritatem; postmodum obediat veritati; demum perseveret in veritate. Ut ergo credat, intelligat: ut agat, obediat: ut perficiat, perseveret. Nam *sine fide (a) impossibile est placere Deo. Fides (b) autem sine operibus mortua est. Qui vero perseveraverit (c) usque in finem, hic salvus erit.* Propbeta vero tamquam unus ex Patribus alloquitur Sponsam nuper traductam, quasi gementem, & suspirantem pro domo deserta, & populo derelicto: ac si dicat: *Audi filia choros cantantium; et vide ludos psallentium, quibus aurem inclina, ut deponas mœsticiam; & sic obliviscere populum tuum, quem dimisisti, quia meliorem invenies: Nam vultum tuum deprecabuntur omnes divites plebis. Et obliviscere populum tuum, et domum patris tui, quia exivisti, quia meliorem intrabis: nam adducere in templum regis. Quod si feceris: Concupiscet Rex speciem tuam, quia ipse est Dominus Deus tuus. Tu ergo filia, idest Ecclesia, quam catechizando concepi, quam genui baptizando, audi prophetias, et vide completas; vel audi Evangelium, et vide Deum; in presenti per fidem, in futuro per speciem. Et inclina aurem tuam, ut & visibiliter audias, & libenter obedias. Et ita obliviscere populum tuum, idest idololatras; et domum patris tui, scilicet conversationem Diaboli; quasi dicat: Obliviscere Babyloniam, quia Ierosolymam advenisti; obliviscere Zabulum, quia Jesum accepisti; sicut præceptum fuerat Abraham: (d) *Egrede de terra tua, et de cognatione tua, et de domo patris tui, et veni in terram, quam monstravero tibi: ut deseras illos, quibus Dominus ait: (e) Vos ex patre diabolo estis.**

(f). *Et concupiscet rex decorem tuum, quia ipse est Dominus Deus tuus. Et adorabunt eum filie Tyri in muneribus.* Supra laudandam ammonuit: nunc ammonitam laudat. Sicut autem quatuor modis laudaverat Sponsam, ita quadriformiter laudat Sponsam; a forma scilicet, & a gloria; ab adolescentulis, & a filiis. A forma cum ait: *Concupiscet rex speciem tuam.* A gloria cum adjungit: *Omnis gloria ejus filia regum ab intus.* Ab adolescentulis cum supponit: *Adducetur regi virgines post eam.* A filiis cum concludit: *Pro patribus tuis nati sunt tibi filii; quasi dicat: Obliviscere populum tuum, et domum patris tui, quia rex, idest Christus, concupivit speciem tuam, idest acceptavit decorem virtutum, quem sine te fecit in te. Rex, dico, non qualis fuerat pater tuus, idest Diabolus, sed Dominus Deus tuus; quia Deus, est reverendus; quia tuus, est diligendus. Deus, idest Creator; Dominus, idest Redemptor; Deus tuus, quia de suo sanguine te redemit, qui creando tibi dedit naturam, qui redimendo, tribuit tibi gratiam. Tantus, & talis, quod adorabunt eum Filie Tyri in muneribus, idest in criminis, votis, & elemosynis. Tyrus enim interpretatur angustia, cujus filia sunt Gentes peccatorum angustijs coarctatae. Unde mulier Chananæa (g) a finibus illis egressa, typum gerens Gentilis Ecclesiae, venit, et adoravit. Quia vero tantum virum habes, & talem; ideo vultum tuum, idest benignitatem tuam, deprecabuntur, pro te, omnes divites plebis, idest sapientes, & nobiles hujus sæculi, principes, & philosophi; quia jam conversi venerantur Ecclesiam. Vel divites plebis intelliguntur Judæi, qui quondam habebant templum, & Sacerdotium, divitias legis, & prophetiarum. Sicut enim ante Salvatoris adventum, quicumque de Tyro, idest de populo gen-*

(a) Hebr. 11. 6.

(b) Jacob 2. 26.

(c) Matth. 10. 22.

(d) Genes. 12. 1.

(e) Joan. 8. 44.

(f) Marg. Sponsa laudatur a forma.

(g) Matth. 15. 22, &amp; 25.

gentium cupiebant fieri profelyti, deprecabantur Israel, ut per eos introducerentur in Templum, ita post Salvatoris adventum, quicumque de Israel, idest de populo Iudæorum, volunt fieri Christiani, deprecabuntur Ecclesiam, ut eos recipiat ab baptismum; quatenus salutem, quam perdiderant in Iudæa, inveniant in Ecclesia. Per *vultum* benignitas designatur, secundum illud: (a) *Illuminet vultum suum super nos, & misereatur nobis.*

(b) *Omnis gloria ejus filie regis ab intus, in fimbrijs aureis, circumamicta varietate.* Quam reginam prædixerat, *filiam regis* appellat; quia Christus regenerat, quam desponsat. Laudat ergo sponsam a gloria, quam commendat dupliciter: ab ornatu interiori, & ab ornatu exteriori. Ornatus interior, nitor conscientie. Ornatus exterior est splendor doctrine. De ornatu interiori præmittit: *Omnis gloria ejus filie regis ab intus*, idest in conscientia, juxta quod inquit Apostolus: (c) *Gloria nostra hæc est, scilicet conscientie nostra.* Unde: *Qui gloriatur*, (d) *in Domino gloriatur.* Certe qui foris nitent, & intus sordent, *similes (e) sunt sepulchris dealbatis, quæ a foris parent hominibus speciosa, intus autem plena sunt ossibus mortuorum, & omni spurcitia.* De ornatu exteriori subjungit: *In fimbrijs aureis, idest claris doctrinis, ornantur.* Hæc sunt aurea tintinnabula, quæ dependebant (f) a tunica hyacinthina. Per aurum enim sapientia designatur; quia sicut aurum præcellit universis metallis, ita sapientia præminet omnibus donis. *Requiescet super eum*, inquit, (g) *spiritus sapientie, & intellectus &c.* Dicit igitur: *Alitis regina a dextris suis in vestitu deaurato; sed omnis gloria ejus, idest, filie regis est ab intus*, idest in conscientia. Non enim (b) *qui in manifesto Iudæus*

*est, neque quæ in manifesto in carne, est circumcisio: sed qui in abscondito Judæus est, & circumcisio cordis, in spiritu, non littera: cuius laus non ex hominibus, sed ex Deo est.* Ejus autem ornatus non tantum est intus in conscientia, sed etiam foris est in doctrina. Quoniam in *fimbrijs aureis*: idest in doctrinis præclaris, quæ sapientie luce refulgent, est *circumamicta*, idest undique decorata varietate linguarum, secundum illud: (i) *Loquebantur varijs linguis, prout Spiritus Sanctus dabat eloqui illis*; multum lenim per aurum sapientie, & per argentum eloquentie decorantur. Unde Sponsus ad Sponsam inquit in Cantico: (k) *Murenulas aureas faciemus tibi, vermiculatas argento.* Per aurum sapientia, per argentum eloquentia designatur. Nam de sapientia scriptum est: (l) *Facies mensam de lignis Serbim, . . . . & inaurabis eam auro mundissimo.* De eloquentia vero legitur: (m) *Eloquia Domini, eloquia casta; argentum igne examinatum.* Decenter ergo per *murenulas aureas* flores sapientie designantur, quibus collum, & pectus Ecclesie, idest prædicatores Ecclesie, & doctores ornantur. *Vermiculatas*, idest distinctas, & variatas argento, scilicet eloquentia, ut juxta varietatem materie, vel personæ, stylus sermonis, & qualitas varietur: ait enim Apostolus: (n) *Sapientiam loquimur inter perfectos.* Inter vos (o) *non judicavi me scire aliquid, nisi Jesum Christum, & hunc crucifixum.* Et iterum: (p) *Non posui loqui vobis quasi spiritualibus, sed quasi carnalibus.* Tamquam parvulis in Christo, lac vobis potum dedi, non escam. Si vero per vestem Ecclesie singuli quique fideles intelligantur, secundum illud, quod ei dicitur a Domino per Prophetam: (q) *His omnibus velut*

orna-

(a) Psalm. 65. 2.

(b) Marg. Laudat Sponsam a gloria.

(c) 2. Corinth. 1. 12.

(d) 1. Corinth. 7. 31.

(e) Matth. 23. 27.

(f) Exod. 28. 23.

(g) Isaia

11. 1.

(h) Rom. 2. 28, & seq.

(i) Act. 2. 4.

(k) Cap. 1. 10.

(l) Exod. 25. 23, & seq.

(m) Psalm. 11. 7.

(n) 1. Corinth. 1. 6.

(o) Ebd. cap. vers. 2.

(p) In ead. Epist. cap. 3. v. 1, & seqq. (b) Isaia 49. 18.

ornamento vestieris: per *fimbriam*, quæ est extrema pars vestis, ultimi fideles debent intelligi, qui erunt in fine seculi: ut talis sit sensus; Regina erit circumdata varietate virtutum, in *fimbrijs aureis*, idest in ultimis sanctis, qui erunt aurei, idest perfecti, sicut aurum (a) quod per ignem probatur.

(b) Adducentur regi virgines post eam: proxima ejus offerentur tibi. Offerentur in lætitia, & exultatione: adducentur in templum regis. Solet puella, cum de domo patris ad domum sponsi deducitur, contristari pro cognatis, & cognitis, quos dimittit: propter quod ei dicitur: Obliviscere populum tuum, & domum patris tui; quoniam concipit rex speciem tuam. Solent venientibus sponis omnes assurgere, ac humiliter inclinare: propter quod dicitur: Adorabunt eum filie Tyri in muneribus: vultum suum deprecabuntur omnes divites plebis. Solet sponsa preciosis vestibus, & varijs indumentis ornata procedere: propter quod dicitur: Omnis gloria ejus filie regis ab intus, in fimbrijs aureis, circumamicta varietate. Solet secum paranympum, non extraneos, sed propinquos adducere: propter quod dicitur: Adducentur regi virgines post eam, proxima ejus. Solent cum hymnis, & canticis festive deduci: propter quod dicitur: Offerentur tibi in lætitia, & exultatione. Solent pro consecrando conjugio in templum adduci: propter quod dicitur: Adducentur in templum regis. Licet autem una sit universalis Ecclesia, de qua dicitur: (c) Una est columna mea, perfecta mea, multæ sunt tamen diversitates fidelium, de quibus adjungitur: (d) Viderunt eam filie, & beatissimam prædicaverunt reginæ, & concubina laudaverunt eam. Post

eam igitur reginam, quæ mater est omnium, idest post primitivam Ecclesiam, virgines adducentur, & proxima offerentur; quia facilius merentur adytum regis virgines, quam viduæ; continentes, quam conjugatæ. Nam, ut inquit Apostolus: (e) Qui sine uxore est, cogitat quæ Domini sunt, & quomodo placeat Deo. Qui autem cum uxore est, sollicitus est, quæ sunt mundi. Virgines ergo, quæ tam corde, quam corpore sunt pudicæ, adducentur regi, videlicet Christo, in præsentem per fidem, in futuro per speciem. Et proxima ejus, idest conjugatæ, vel viduæ proximo loco post illas, offerentur tibi, Rex Christe, ut istis des auream, illis aureolam. Nam illarum est fructus (f) centesimus, istarum sexagesimus, vel tricesimus. Utræque tamen offerentur in lætitia cordis, & exultatione corporis, propter geminam gloriam. Quia vero (g) non omnes virgines sunt prudentes, sed quædam sunt fatuæ, solæ vero prudentes intraverunt ad nuptias, & clausa est janua: recte subjungitur: Adducentur in templum regis, idest in Jerusalem celestem, in Ecclesiam triumphantem, cum regnum advenerit, de quo dicit Psalmographus: (b) In templo ejus omnes dicent gloriam. In illud itaque templum solæ prudentes virgines adducentur; quia sicut pastor (i), separabit agnos ab hædis, agnos adducet in gloriam, hædos tradet ad penam. In templum autem militantis Ecclesiæ tam prudentes, quam fatuæ virgines adducentur; quia modo mixta sunt grana cum paleis, & lolium cum frumento.

(k) Pro patribus tuis nati sunt tibi filii: constitues eos principes super omnem terram. Sponsa laudatur a filiis: filios autem commendat a magnitudine; quia sunt nati pro patribus. A forti-

(a) 1. Petr. 1. 7.

(b) Marg. Sponsa laudatur ab adolescentulis.

(c) Cant. 6. 8.

(d) Ibidem.

(e) 1. ad Corinth. 7. 32, & seq.

(f) Matth. 13. 8.

(g) Matth. 25. vers. 3, & 10.

(h) Psalm. 28. 9.

(i) Matth. 25. 32, & seq.

(k) Marg. Sponsa laudatur a filiis.

titudine; quia nati sunt filij. (a) Ab altitudine; quia constituit eos principes. A latitudine; quia super omnem terram. A gratitudine; quia memores erunt nominis tui Domine. A longitudine; quia in omni generatione, & progenie. Patres vero non solum carne, sed etiam fide possunt intelligi; teste Veritate, quæ dicit: (b) Si filij Abraham effectis, opera Abraham faceretis. Patres enim Ecclesiæ secundum carnem fuerunt Idololatræ, pro quibus nati sunt Christiani. Patres secundum fidem fuerunt olim Prophetæ, pro quibus nati sunt tandem Apostoli. Pro Apostolis autem quotidie nascuntur Episcopi, quos Ecclesia principes super omnem terram constituit. Quamvis & aliter possit intelligi: Filij nati sunt pro patribus; quos generas filios, collocaſ tibi patres, cum discipulos facis magistros. Verum Apostolos non Sponsa, sed Sponsus constituit principes super terram, quibus post Resurrectionem insufflavit, & ait: (c) Accipite Spiritum Sanctum, quorum remiseritis peccata, remittuntur eis; & quorum retinueritis, retenta sunt. Euntes (d) in mundum universum prædicare Evangelium omni creaturæ. Qui crediderit, & baptizatus fuerit, salvus erit: qui vero non crediderit, condemnabitur. Sed ad utrumque potest referri, quod dicitur: Constitues eos principes super omnem terram: & ad Sponsam, de qua præmittitur: Pro patribus tuis nati sunt tibi filij: & ad Sponsum, de quo subiungitur: Memores erunt nominis tui, Domine. De principibus istis alibi legitur: (e) Principes populorum congregati sunt cum Deo Abraham. Nimis (f) honorati sunt amici tui, Deus: nimis confortatus est principatus eorum.

(g) Porro principatus iste non tradit dominium, sed tribuit ministerium; juxta quod Dominus inquit Apostolis: (h) Reges Gentium dominantur eorum, & qui potestatem habent super eos, benefici vocantur. Vos autem non sic: sed qui major est inter vos, erit sicut junior: & qui præcessor, erit sicut ministrator. Et Petrus Apostolorum magister: (i) Non quasi dominantes in clero, sed forma facti gregis ex animo. Meniores erunt nominis tui, Domine, in omni generatione, & progenie. Quasi dicat; accepti beneficij non erunt ingrati, quia memores erunt nominis tui, Domine: non tantum alicubi, sed ubique; quoniam in omni generatione, & progenie suscepti officij non erunt obliti; quia propterea populi confitebuntur tibi; non tantum semel, sed semper; quoniam in æternum, & in sæculum sæculi. Olim notus (k) in Judæa erat Deus, & in Israel magnum nomen ejus; sed Apostoli, & Apostolici viri memores erunt nominis tui, Domine, in omni generatione, & generationem Judæorum, & progenie Gentium; quoniam, in omnem (l) terram exiit sonus eorum, & in fines orbis terræ verba eorum. Vel in omni generatione, & progenie, idest per omnes successores, prædicando nomen tuum magnum, & gloriosum, quod invocatum est super illos. Nomen istud Petrus Apostolus exposuit principibus, & senioribus Judæorum: Notum, inquit, (m) sit omnibus vobis, quoniam in nomine Jesu Christi Nazareni ..... astat iste coram vobis sanus..... Nec enim nomen aliud datum est sub cælo hominibus, in quo nos oporteat salvos fieri. Propterea populi confitebuntur tibi in æternum, & in sæculum sæculi.

N n Quæ-

(a) Hæc videtur aliquid deesse; nisi sic interpreteris: Nati sunt filij similes patrum (fortium), Regnum. (b) Joan. 8. 39. (c) Joan. 20. 22, & seq.

(d) Marc. 16. 15, & seq.

(e) Psal. 45. 10.

(f) Psal. 138. 17.

(g) Mar. De spirituali principatu. (h) Luca 22. 25. & seq. (i) 1. Epist. 5. 3.

Respicit ad verba illa Luca 22. 32. Et tu aliquando conversus confirma fratres tuos.

Magistrum porro Apostolorum Petrum, hic apertissime tradit Innocentius.

(k) Psal. 75. 2.

(l) Psal. 18. 5.

(m) Act. Apost. 2. 10, & seq.

Quasi dicat: quia *principes memores erunt nominis tui, Domine, in omni generatione, & progenie, propterea populi Christiani, principes imitantes, confitebuntur tibi*, idest laudabunt te. Nam quod agitur a majoribus, facile trahitur a minoribus in exemplum, *In æternum, & in sæculum sæculi*, idest per omne tempus, & per ipsam

æternitatem. *Æternum* tamen propter dignitatem præmittit; & *sæculum* propter dignitatem supponit. (a) Vel alterum expositio est alterius; *In æternum, & in sæculum sæculi*, hoc est, in futurum, quod est consecutivum præsentis. *Beati ergo, (b) qui habitant in domo tua Domine; in sæculum sæculi laudabunt te.*

*Explicit Liber de Quadripartita specie Nuptiarum  
Domini Innocentij Papa Tertij.*

EPI.

(a) An errorem aliquem in hanc lectionem Amannensis oſſitantia induxit? Videris Lector.  
(b) Psalm. 83. 5.

## EPISTOLÆ INNOCENTII TERTII,

*Harum prima ex Archivio nostro (Capsula 10. num. 2.) desumpta est:  
In utraque porro ipsam aethiographorum orthographiam retinuimus.*

**I**nnocentius episcopus servus servorum dei. Venerabilibus fratribus. . . Bononien. & . . Mutinen. Episcopis: salutem & apostolicam benedictionem. Ad audientiam nostram dilectis filijs... . Priore & conuentu de Reno noueritis peruenisse. quod cum bone memorie. Hildebrandus sancte Romane ecclesie Cardinalis ad honorem Dei & beati Thome martiris nouum in ecclesia sancti Saluatoris erexisset altare: & illud obtinisset auctoritate sedis apostolice consecrari: Scholares ex parte illa eandem ecclesiam suis facientes elemosinis ampliari in loco magis idoneo altare in memoriam eiusdem martiris construxerunt. quod auctoritate sedis apostolice desiderant & postulant consecrari. Unde nos pium Scholarum propositum in dño commendantes: fraternitati uestre per apostolica scripta precipiendo mandauimus. ut ad eandem ecclesiam accedentes. reliquijs

a priore altari ad secundum cum deuotione translatis: & primo amoto: secundum sublati cuiuslibet contradictionis. dilationis. & appellationis obstaculo curaretis sollempniter consecrare. Sed uos nondum mandatum estis apostolicum executi: immo tu frater Bononien. ne id fiat diceris impedire. Ne igitur mandatum nostrum surdis uideamini auribus pretereire: fraternitati uestre per apostolica scripta mandamus. & districte precipimus. quatinus saltem hac uice quod super hoc neglexistis hactenus taliter implere curetis: quod negligentiam precedentem per subsequentem obedientiam redimatis. Quod si non ambo hijs exequendis uolueritis aut ualueritis interesse: tu frater Mutinen. ea sublato appellationis obstaculo nichilominus exequaris.

Dat. Lateran. ij. Nonas Junij. Pontificatus nostri Anno Quinto.

*Altera (ex num. 23. Capsula 21.) desumpta, subsequens est:*

**I**nnocentius episcopus servus servorum dei. Dilectis filiis. . . Priori & Bononicis sancte Marie de Reno Bononien. Salutem & apostolicam benedictionem. Cum dilecti filij frater Dominicus & lambertus presbiter canonici & procurator. ecclesie uestre. ad nostram presentiam accessissent dilectum filium nostrum .G. tit. sancti Vitalis presbiterum Card. ipsis concessimus auditorem. coram quo dictus .D. proponere procurauit. quod cum; quoddam hospitale iuxta Bononiam construxisset & ipsum possessionibus & alijs bonis pia sibi liberalitate collatis dotasset. uos ad illa uestros oculos extendentes excogitatis fraudibus eundem.

simplicem & illiteratum omnino. & blandis promissionibus circumuenire curastis. ipsum in Ecclesia uestra in fratrem & Canonicum admittentes. ut eo effecto canonico regulari. hospitale predictum in uestrum dominium transferretur. Cum igitur dictus Dominicus in Ecclesia uestra Canonici habitum assumpsisset. & de sua canonicatione fuisset conditum publicum instrumentum. in quo continebatur expresse quod idem se ac sua tam mobilia quam immobilia Ecclesie contulerat supradicte. Venerabilis frater noster. . Episcopus Bononien. tam ipsum quam Hospitale prefatum cuius possessionem fraudulenter intrastris. studuit reuocare.

N n 2

re. Vos autem contra eundem Episcopum ad dilectos filios. Prepositum Mutinen. & eius coniudices nostras litteras impetrastis. quibus asseruistis uos illius Hospitalis possessionem contra iustitiam spoliatos & illud in quodam loco siluestri & solitario construxisse. Cumque causam cum memorato Episcopo intrassetis. predictum. D. qui plenius merita cause cognouerat coram ipsis ludicibus non permisistis modo aliquo comparere. Verum idem Episcopus in preiudicium hospitalis prefati quedam minus provide confitens. & uobiscum compositionem quandam immo collusionem potius iniens octoginta libras bononien. monete a uobis accepit quare possessionem Hospitalis prefati uos intrare permisit. Bononien. Ciuius offensis non modicum & inuitis. Vos itaque recepta possessione Hospitalis prefati ea que fuerant pauperum usibus deputata in usus proprios conuercentes. & subvertentes statum Hospitalis omnino expulistis ex eo pauperes & infirmos & lectis pannis ac ceteris utensilibus domus tamquam in predam penitus asportastis. Capris & ouibus deputastis receptaculum infirmorum. Frater uero Dominicus hec attendens tactus dolore cordis intrinsecus fecit quod potuit. reclamans & contradicens ad sedem apostolicam appellando. Vos appellatione contempta ipsum & fratres eius qui cum eo in eodem manserant Hospitali cepistis. & per duos menses tenuistis quasi carceri mancipatos. Ceterum cum hec eodem. D. significante ad nostram audientiam peruenissent Venerabili fratri nostro. Ferrarien. Episcopo dedimus in mandatis ut inquisita super hijs plenius ueritate. auctoritate apostolica sublato appellationis obstaculo in irritum reuocaret quicquid de Hospitali predicto contra iustitiam cognosceret attemptatum. tam res quam personas eidem restitui faciens Hospitali. Verum cum Episcopus propter appellationem quam uos interponere procurastis. in predi-

cto negotio minime processisset. eidem per litteras nostras iterato mandauimus. ut iuxta formam priorum litterarum in eodem negotio ratione preuia procedere non tardaret. Episcopus uero receptis litteris nostris partes ad suam presentiam legitime ac preemptorie multotiens conuocauit. Sed uos eius contempnentes adire. presentiam. nec curantes ad eum mittere responsalem. ipso. D. presente ac restitutionem cum instantia postulante quia eidem Episcopo constitit tam per litteras supradicti Bononien. Episcopi quam per famam & multorum relationem. & euidenciam facti fuisse lesum enormiter Hospitale. ac personas que minoris etatis extiterant circumuentes eas iure minorum restituit. & Hospitale prefatum per sententiam pristinae reddidit libertati. & singula queque secundum quod iustum fuerat in debitum statum reducens sepedicto Episcopo & Potestati Bononien. scripsit ut eos in possessionem predictorum inducerent corporalem. & tuerentur indutos. quare idem. D. postulauit a nobis ut prefati Ferrarien. Episcopi sententiam confirmantes faceremus. eandem effectui mancipari. uobis super hijs silentium imponendo. Predictus uero Lambertus proposuit exaduerso quod cum dictus. D. construxisset Hospitale predictum. & se ipsum cum omnibus que tunc temporis possidebat. de consensu fratrum & sororum eiusdem domus ecclesie uestre contulisset. sicut apparet per publicum instrumentum. supradictus Bononien. Episcopus idem. Hospitale contra iustitiam occupauit. Quod cum ad nostram audientiam peruenisset supradictis. Mutinen. Preposito & coniudici suo causam ipsam duximus committendam. qui iuxta mandatum apostolicum procedentes cognita plenius ueritate pro uobis sententiam promulgarunt. quam postmodum obtinuistis. sicut idem asseruit Procurator a sede apostolica confirmari. At Sigizio se asserens illius Hospitalis conuer-



uersum & donationem prefati. D. penitus ignorasse. ad supradictum Ferrarien. nostras litteras impetrauit. coram quo cum in omnibus terminis uobis assignatis ab eo per responsalem idoneum curaueritis comparere, quia idem responsalis se ab eodem sentit contra iurisdictionem pregruari ad sedem duxit apostolicam appellandum. Episcopus uero appellatione contempra lite minime contestata nichilominus in causa processit. contra nos sententiam proferens minus iustam, a qua fuit ex parte uestra iterum appellatum. Cumque super hiis & aliis coram Cardinali predicto fuisset diutius disputatum & idem Cardinalis nobis plene ac fideliter que coram ipso proposita fuerunt rerulisset. nos habito fratrum nostrorum consilio sententiam prefati ferrariensis Episcopi. qui quamuis bono zelo. iuris tamen ordine minus bene seruato processit duximus irritandam. ex prouisione tamen apostolica in fauorem pauperum statuentes ut sepedictus D. in Hospitali remaneat sepedicto. & helemosinas que sibi pia fuerint liberalitate collate. omnesque possessionum prouentus in usus pauperum erogare procuret. & nec ea

que sunt ad opus infirmorum & pauperum deputata exigantur a uobis nec retineantur ablata cuius tamen obedientiam pro eo quod per confessionem ipsius in Ecclesia uestra professionem fecisse constat euidenter uobis non duximus subrahendam. Vestre igitur uisitati per apostolica scripta mandamus. quatinus eundem D. & alios conuersos & conuersas in sepelato Hospitali permittentes pacifice commorari. de bonis ipsius nihil penitus exigatis. Instrumenta omnia & cartas remissionum & alia que Hospitali subtraxistis & habuistis eidem sine difficultate redentes. Alioquin noueritis nos dilecto filio Magistro. R. Theologo Bononie commoranti dedisse in mandatis ut uos ad id per censuram Ecclesiasticam appellatione remora compellat. Consulimus autem & exhortamur in domino ut Hospitali predictum ab impetitione huiusmodi absoluat. Scituri tamen quod si de iure uolueritis experiri uobis iustitiam super ipso non negabimus exhibere.

Dat. Rome apud sanctum Petrum Idibus Decembris Pontificatus nostri Anno septimo.

## LECTORI BENEVOLO.

O Ptatissimum Bononiensium Episcoporum Catalogum tibi exhibeo, humanissime Lector, ex eo ipso desumptum præclaro codice, quem referente doctissimo Valerio Comite Zano inspexerat Gaspar Comes Bombaci, (a) quem Codicem nostra nunc possidet Bibliotheca. Bononienses Episcopos recenset, fateor, Sigonius: sed ipsemet candide nos docet, multorum Episcoporum, qui nostram rexere Ecclesiam, ne nomina quidem ei fuisse comperta. Recenset quoque Alidosius: (b) sed nec indicat baud multum diligens scriptor, unde ea quæ tradit, exceperit, & in eo procul dubio errat, quod Joachimum & Eldurensen [quæ quidem nomina Græcis, & Latinis ea ætate inusitata erant prorsus] Hadrianum, aliosque nonnullos reliquis scriptoribus ignotos commemoret. Tu laboribus nostris utere, humanissime Lector, & Vale.

NO.

(a) In libro inscripto *Marmora Felsinea habetur pag. 182. dissertatio ad hunc modum inscripta*: Rilezioni erudite del Sig. Conte Valerio Zani sopra un' iscrizione &c. in qua quidem dissertatione [pag. 199. hæc legimus]. Chi fosse il Vescovo Barbato, agli scrittori di questa Patria è rimasto totalmente ignoto. Il Conte Gasparo Bombaci di felice ricordanza affermò di averlo veduto in un libro delle *Costituzioni della Metropolitana di Bologna* mentovato da Uberto Caccia Piacentino Vicario Generale del Vescovo nel 1310.

(b) I sommi Pontefici,..... e Vescovi Bolognesi.

## NOMINA EPISCOPORUM ECCLESIE BONONIENSIS.

- D. Zama fuit primus Episcopus.  
 D. Faustianus.  
 D. Domitianus.  
 D. Jobianus.  
 D. Eusebius.  
 D. Eustaxius.  
 D. S. Felix.  
 D. S. Petronius.  
 D. Marcellus.  
 D. Parthenius.  
 D. Julianus.  
 D. Jeroncius.  
 D. Theodorus.  
 D. Luxerius.  
 D. Tertullianus.  
 D. Jocundus.  
 D. Theodorus.  
 D. Clemens.  
 D. Petrus.  
 D. Germanus.  
 D. Constantinus.  
 D. Julianus.  
 D. Deutdedit.  
 D. Justinianus.  
 D. Luminosus.  
 D. Domnus.  
 D. Victor.  
 D. Elyseus.  
 D. Gaudentius.  
 D. Claufinus.  
 D. Barbarus.  
 D. Romanus.  
 D. Petrus.  
 D. Victalis.  
 D. Martinus.  
 D. Theodorus.  
 D. Christofanus.  
 D. Martinus.  
 D. Petrus.  
 D. Ursius.  
 D. Johannes.  
 D. Severus, & Rambertus fuerunt  
 uno tempore.
- D. Petrus.  
 D. Johannes.  
 D. Albertus.  
 D. Johannes.  
 D. Frogerius.  
 D. Aliredus.  
 D. Lambertus.  
 D. Gerardus, & Ligifredus simul fue-  
 runt.  
 D. Bernardus, & Petrus uno tempore  
 fuerunt.  
 D. Victor.  
 D. Henricus.  
 D. Gerardus, & Samuel uno tempore  
 fuerunt.  
 D. Johannes.  
 D. Gerardus de Gisle.  
 D. Gerardus de Riofli.  
 D. Henricus de fracta.  
 D. Frater Jacobus.  
 D. Octavianus.  
 D. Eclata.  
 D. Ubertus.  
 D. Arnaldus.  
 D. Stephanus.  
 D. Bertrandus. *Haslenus Episcopi vetu-  
 sto caractere conscripti. Eos, qui  
 sequuntur, recensior exhibet, & va-  
 ria m. nus.*  
 D. Bertraminus Mediolanensis de En-  
 thombe.  
 D. Johannes Mediolanensis de Galera-  
 te.  
 D. Aymericus Catti, qui fuit etiam  
 generalis Thesaurarius Italie pro  
 Sancta Romana Ecclesia.  
 D. Bernardus de Bonavalle etiam The-  
 saurarius Ecclesie tempore, quo Do-  
 minium Ecclesie expulsum fuit.  
 D. Philippus de Caraffis de Neapoli  
 Cardinalis, tituli Sancti Martini  
 in montibus.  
 D. Bartholomæus.

## MONITUM AD LECTOREM.

*Postquam Opusculum De Cognitione veræ vitæ, de Deo, & vita æterna inscriptum edidimus, comperimus illud jam pridem fuisse vulgatum. Consulat, obsecro, Lector in editione Bernardi a Mabillonio elaborata paginam 316. Voluminis III. Venetiis anno 1727.*



